



6

6-D

23



7/6

6-D 23

7/6



Biographie de l'Académie





# Historical Record

Vol. 1, No. 1  
1880

Published by the  
Historical Society

Chicago, Ill.


Subscription Price

Per Annum



1880

1880



# ILLVSTRISS. FER RARIAE ET CARNVTI PRIN-

CIPID. RENATAE, LVD. XII.

*Libro i* Gall. regis F. Lilius Greg. Gy

*Coll. Rom.* raldus Ferrarieñ. felici

tatem & S.P.D.

*Seu.  
Sci. seu*



TILPONEM Megaricum philo-

sophum, acutū sanè hominem & probatum antiquis temporibus acce-

pimus, cū per quietem aliquando iratum Neptunum uidisset, quòd illi, ut patrius mos

erat, bouem non mactasset, nihil territum dixisse, Quid agis, ò Neptune? quid ut puer iratus, huc ad

me uenisti? an ea scilicet causa, quòd à foeneratorib. mutuò pecuniam non accepi, ut opimæ nidore ui-

ctimæ tota tibi ciuitas compleretur? cæterū ego ex ijs, quæ domi erāt, sacra pro facultate feci. Hic sub

risisse uisus est Neptunus, porrectaq; dextera polli ceri, se foecundum annū, uberemq; prouentū eius

gratia Megarensibus concessurum. Ita mihi DVX inclyta, ac Princeps illustriss. de meis his Dialogis

euenire optauerim, quos olim penè puer, ceu inge- nij crepundia composueram, nunc uerò demū sub

tuo nomine in lucem dare constitui, ut ex domi nata, parua licet, foetura, ex bona tamen nostra uolun- tate, non exigua literarū studiosis utilitas, fructusq;

proueniret. Sed qui nec formæ & uenustatis deæ pepercit Momus, me terret identidē, & ueluti Cala-

† 2



liphanis (ut est in Græcorū prouerbio) uanum &  
 inane meum hoc studium accusat: & licet ipse ea,  
 quæ in omnium ore uersatur, excusatione me tueri  
 nitar, me pro uiribus & facultate fecisse: ille nihilo  
 minus usq; terrere nō desinit, id fecisse nō satis es-  
 se dictitans, desistendum ab incepto potius, quàm  
 aliquid malè tentandū. Cōtrā ego his exemplis atq;  
 sententijs obniti sæpe sum solitus, ne ceu humilis ac  
 demissi animi homo terreri uidear: cuius id uitium  
 esse scribit Aristoteles, ignominiam ne quidem mini-  
 mam ferre posse, & quamlibet iacturam, summam  
 existimare calamitatē: illudq; in primis Hieronymi  
 Rhodij obijcio, dicentis, pigriores canes semper do-  
 mi torpescere, pellesq; & ossa rodere, in uenationē  
 nunquam descendere, nec ferarū ullum posse ferre  
 rugitum, nec morsus. Nec minus & illud Themisto-  
 clis, mox Africani uerbum, Me dormientē excitant  
 Miltiadis trophæa: hoc est, doctorū mihi hominū  
 uolumina, ignauie ac secordie somnum excutiunt.  
 Nouus enim indies liber aliquis datur in uulgus, præ-  
 signi aliquo & exquisito titulo inscriptus, ut iam pe-  
 nē nostris speciosæ Græcorū & affectatæ inscriptio-  
 nes celsisse uideantur. Sic & ego, ut Melicus Sino-  
 nides ait, equino pullo persimilis, qui, etsi timidus,  
 matris uestigia consequitur, eruditorū ponē uestigia  
 confector. Ad hæc, nō parum quoq; animi id mihi  
 præstare potest, quòd ex ijs unus ipse uideri pos-  
 sum,

sum, qui sine sui iactura peccare dicuntur. quod si ita est, ut certè est, si mihi fortè contigerit, ut nō omnino hæc mihi res pessimè cedat, satis amplum laborum & studij fructum, & mercedis non parum tulerim, cum nihil contrà mihi dispendij immineat. Si uerò malè cesserit, præter id quod minus peccatum erit, hi certè etiam mihi ueniam dabunt, qui sciunt quòd hominis est errare, atq; hi præcipuè, qui & ipsi his editionū fluctibus aliquando agitati fuerūt. Quòd si hac quoq; in parte Catonum aliquis in me censor insurgat, Satius esse, inquiens, culpa uacare, quàm deprecari: contrà, illud ego iure retorquere possum, ingenui esse animi probeq; instituti, uulneribus, atq; ipsa plerunq; morte uelle Reipub. prodesse. Sed nā illud etiam uerum est, dum hæc musitamus (licet ne unā quidem ex L. illis quæ sunt apud Platonem Prodicti Cei drachmis affecti) plurimis horis uiuimus. His igitur, Dux optima, ne pluribus utar, contra Momum & maledicos, ipse me quodammodo tutatus, collegi atq; muniui. Nunc quam rem tentarim accipe. Decem de Poëtica & Poëtarum historia dialogos, tanquam pro pueris Archyæ tabulam, ut antiquis mos fuit, ne uerius dixerim, ut græcum est adagium, ἀρχαῖα πλάττειν, ad nouitiorum & rudium literarum utilitatem composui. Nam studiosis, & ijs præsertim qui candidati sunt, quantū historias & uitas legere cōducatur, & ab alijs

sepe dictum, & uulgò est quoq; persuasum. In his  
certè scribendis unum illud in primis effeci, ut quo-  
niam elegantem & cõpositam historiam me mea fa-  
cultate scribere non posse uidebam, diuitem saltem  
& locupletem facere tentavi: imitatus illum Apela-  
lis discipulum, qui cùm Helenam planè ad amussim  
effingere nequiuisset, parergis, hoc est, ornamentis  
cæterisq; additamentis illam ornatam effecit. Et si-  
mul in his breuitati potius, quàm uerborum copie  
operam dedi, ne tibi fortè & lectori fastidio essem,  
res potius quàm uerba congerens. Demũ in his cõ-  
ficiendis Dialogis eam mihi legem proposui, quam  
in suis instituendis discipulis sapientiæ quidam an-  
tistites indicere solitos audiuius, ut ne quid meo  
ipsius instituto arbitratũue facerem, sed omnia ali-  
quo quasi duce præuio: quod enim summorum ui-  
rorum exemplo fit, id legibus etiam iure factum pu-  
tatur. Nam quod de poëtis scripsi, cùm alios, tum  
hos excellenti doctrina uiros habui, qui ante me de  
poëtis scripserunt, Aristotelem, Zenonẽ, Antiphon-  
tem Rhamnusum, Nicandrum Colophonium, Lo-  
bum Argium, Demetrium Magnesum, Dionya-  
sum Phaselitem, Damasten Sigæum, Phaniam Pe-  
ripateticum, & ex Latinis M. Varronem, Volcatiiũ  
Sedigitum, & alios, ne nostræ huius ætatis scripto-  
res cõmemorem. Quòd tabulas finxi, & nuncupa-  
ui, sunt imitatus Anaximandrum Milesium, Cebez-

tem Thebanum, Cl. Ptolemæum, L. Lucianũ, Apol  
lonium Tyrium, Hesychium Milesium, Diogenia  
num Heracliensem, Callistratum, & utriusq; Philo  
strati *inóvas*, nostriq; Varronis imagines. Quod in  
huiusmodi historia dialogo usus sum, ante me Hera  
clides Ponticus de poetis, & de claris oratorib. M.  
Tullius idem factitarunt, quos mihi autores suspi  
ciendos potius quàm imitandos proposui. Nec des  
um quisquam uelim hac mihi parte uitio uertat,  
quod hæ nostræ nusquam sint tabulæ: occulta enim  
significatione Picæ familiæ bibliothecam significa  
ui, ex qua ad sermones hos conficiendos plurima  
frequenti lectione collegi. Tibi uerò D. R. E  
N A T A Princeps optima eademq; illustris. hos  
nostros qualescunq; labores obtuli, cum ob meam  
erga te plurimam ac perpetuam illam quidem be  
neuolentiam atq; obseruantiam, meumq; tibi dedi  
tissimũ animũ, tum ob tuas maximè regias & prin  
cipe dignissimas heroicas uirtutes, in primisq; cle  
mentiam, benignitatem, atq; liberalitatem, quibus  
uirtutibus ita inter cæteras principes emines, ut ius  
re ac meritò omnis hæc ciuitas & tota ditio te ut nu  
men aliquod & suspiciat, & ueneretur. Quid uerò  
hic religionē, & in Deũ immortalem cultũ & pie  
tatē, quid cætera ornamēta cōmemorem? Tu Chri  
stianiss. ac potētiss. Gallorũ rege LVD. XII. paren  
te nata. Tu HERCVLI II. illustris. ac Ferras

EPIST. NVNCVP.

rie Duci maximo & inuictiss. nupta, cui non imme-  
 ritò illud Herculis nomen contigit, ut scilicet *μυσα-*  
*ρίης* & Alcides nūcupetur. Tu optimæ indolis &  
 regie, sexus utriusq; liberorum parens. Tu studio-  
 rum & studiosorum faulrix & protectrix. Tu me  
 cū longa & infirma ualeludine, tum fortuna ad-  
 uersa, quam uitare nemo potest, calamitosum & in-  
 felicem, subleuas ac foues. Accipe tu igitur hæc nō  
 stra qualiacūq; tuo nomini ac numini con-  
 secrata: tuo enim auspicio tuta spe-  
 ramus ab oblectatorum  
 calumnijs. Vale.



# AD ILLUSTRIS

D. RENATAM FERRARIAE

ACCARNVTI PRINCIPEM,

*in tabulas & dialogos de Poëtica*

*& Poëtis exordium.*



ON ingratum me  
studiosis facturum  
ratus sum, Illustris-  
sima Princeps, fili-  
terarū monumen-  
tis q̄ plurimorū Poë-  
tarum uitas cōmen-  
darem, quorū cum  
carminibus simul

iam penē nomina erant abolita. Hanc uerō  
mihi scribendi cupidinē auxit Politiani Nu-  
tricia, quā sic ipse Syluam nūcupauit. Nam  
quo tempore cum Pico & Pio Carpi literis  
operam dabam, & Ferrariæ mirandum in  
modum pestilentia debaccharet, ad nos uir  
literatus B. Piso confugit, ut patriæ pericu-  
lum euaderet: quē cum Picus, cum mea, tum  
eius causa libenter ac peramanter hospitio  
suscepisset, multaq; ultro citroq; de patria  
primo die inter nos contulissemus, seq; ille  
de itineris labore, ac pestilentiae metu colle-  
gisset, ex eo nos quotidie cū Pico puero po-  
meridianis horis, quibus à studijs & curis  
homines relaxare animum solent, in Gabar-

A

dam tunc oppido proximū uiridarium sece-  
debamus: quo in loco cum pleraq; ita ut fit,  
cum iocose, tum seriò à nobis dicerentur, ut  
animi à molesta rerum recordatione auerte-  
rentur, frequentius de nostris literarum stu-  
dijs agebamus: ad quam rem uel maximè in-  
citabamur cum aliorum summorū uirorū,  
tum præcipuè Platonis & Ciceronis exem-  
plo, quorum ille sub platano patulis diffusa  
ramis, aquæ murmurantis riuulo irrigata,  
Socratem cum Phædro de Pulchro dispu-  
tantem facit: hic, ut ipsemet scribit, Marianā  
quercū & Tusculanū secessum loca adeò di-  
sputationibus apra existimauit, ut in hoc de  
penitioribus Philosophiæ locis, deq; orato-  
ris facultate, sub illa de legibus disseruerit.  
In eam igitur Gabardam cum de more ue-  
nisset, & aliquibus confectis spatijs, de  
Poëtica nobis & Poëtis sermo incidisset, in-  
uicēq; multa dixisset, illuc Politiani Nu-  
triciā adferri iussimus. quam cum fortè per-  
legisset, me ad Poëticam ipsam describen-  
dam laudandamq; atq; à quorūdam calum-  
nijs uindicandam demum, & simul ad Poë-  
tarum nomina & uitas perquirendas impu-  
lit. quod ubi non eorum modò qui in ipsa  
Sylua, sed longè etiam plurium collegisset,  
ut de fæce quoque plurimos hausisse uideri  
possim, eos his dialogis digessi, quibus & tra-  
bulæ Poëticiæ nomen indidi, Ex quibus qui  
dem

dem dialogis nō, ut puto, nāuo aliquo, aut crepundijs, ut dicitur, sed toto opinor corpore Poëticam ipsam cognosces, quibus sit orta initijs, quantū ab origine apud gentes omnes in precio fuerit. Nihil traditū uidebis in religionibus & mysterijs, nihil in theologia & philosophia alijsq; bonis artibus à principio fuisse sine poëtica, ita ut hoc uerē me tibi dicturū existimem, ex omnibus disciplinis unam hanc diuinam extitisse, quasi totius uitæ magistram. In his uerò dialogis Pisonem ipsum, & Picum puerū mecum potius quàm alios loquentes feci, ut qui tum mecū essent, cum id laboris subirem. Sed ne te pluribus morer, sic iam Piso sermonem exorditur.

QVĪD hīc oscitantes nihil agimus? quid frustra nobis tempus elabi permittimus? nō tu sic Lili cessare soles: quin iandudum potius de cōmunibus studijs nobiscū aliquid edisseris? Nunc ego, inquam, mi Piso germanæ nostræ patriæ incōmoda mecum animo uolebam, atq; idcirco in hoc silentij, ut uides, inciderā. Quonam quæso animo me audire existimas, ciues nostros tam atroci pestilentia pessimē habere, & ab omnibus deniq; desertos mortem obire? Tristi scilicet ac permolesto, inquit Piso, nam & ego istuc ideo. Sed agē ista mitte Lili, quæ nec dicere, nec audire, nedum nobiscum cogitare, sine

molestia possimus, patrięq; malis ita potius afficiamur, ut bene speremus: uel ipsum terrarum orbem, patriā in qua nati sumus nobis esse existimemus, nam & tu multo tempore ab ea abes. Verum, inquam ego, ais Piso: sed enim homines sumus, humani nihil alienū putemus, si eius nos urbis miseret, in qua & parētes & maiores nostri nosq; ipsi, & nati & educati sumus. Cur nō, inquit Piso, & potius me & te unā, qua potes parte his curis leuas, & simul, ut Pico isti puero nōnihil profis, qui te loquentē tam libenter audire cōsueuit? Qua nunc pote, inquam, id ego ratione? Si tabulas, inquit Piso, illas nobis pictas, quod & mihi sēpe es pollicitus, recenseris, quas & te toties uidisse fatebare, ubi & Poēticae, & omnium ferē, qui uersus, & carmina scripserunt, imagines graphicē, ut dicitur, depictæ fuerant. His enim, ut puto, sermonib. minus molestijs afficiemur. Tunc ego inquam: Nihil minus quā istud cogitabam, sed ita ut fit, ubi quid in animo est molestiæ, aliam rem ex alia mecum uolebam, & præcipuē Homericū illud, quo Phœbum ait pestis nubes effugare. Si enim ea ratione, quam maximē probari uideo, à summo poēta dicitur, mirum est quod hoc æstatis calidissimo tēpore tandiu pestilentia debacchetur. Bono igitur, inquit Piso, simus animo, breui soluetur: quare iam ista quæso mitte,

mitte, nobisq; potius obsequere, hoc præcipuè tempore, quo nullū nobis posset opportunius præstari. Tum ego: Faciā ut Piso mones. sed nunquid adhuc memoria tenes, quæ superioribus annis de Poëtices tabulis tibi narraui? Et q̄maximè, respondit Piso. Cui ego: Dabo pro uirili operam, ut ea ipsa nunc repetam, ingenti sim licet, ut ait Plato, curarum & solitudinū euripo iactatus, adeo ut sim, quod dicitur, oblitus penè unguis et digitos. Agè, inquit Piso, incipe: solet ijs memoria res sufficere, qui sigillatim quodam quasi ordine serieq; digesta narrant: sit enim rerum cognitio, ut sæpius audiui, quodam quasi nexu, & societatis uinculo. Ita est, inquam, ut dicis Piso, in ijs, quibus animus est suæ spontis: in affectis autem & perturbatis plerunq; aliter, atq; ipse dicis, euenire solet. Vos interim tamē attendite: nitar enim pro uiribus, ut satis ex parte uobis faciam. Et simul ego ad puerū conuersus: In bibliotheca, inquā, uestræ Pice familiæ, quæ ex omni uoluminū & librorū genere ante cognatas discordias copiosissimè referta fuit, nec minus signis & bellicis coronis ornata quàm laureis, illas ipsas quas adeo nunc rogat Piso Poëtices tabulas positas me spectare solitum memini, quæ, ut eo mihi tempore uidebatur, elegantissimè cōfectæ erant: nam præter ea quæ ad cōmensum & symmetrian, &

quã uocant opticen pertinent, pictor quoq;  
 eas ad amussim graphide descripserat, & mi-  
 ra quadam signandi norma, & umbrarũ ue-  
 nustate. Hic Piso: Quis earũ, inquit, fuerat  
 pictor? Nomen, inquam, ego haud tibi faci-  
 le dixerim: memini tamen Manardum no-  
 strum sæpius Cosman quendam nostratem  
 dicere solitum, qui patrum nostrorũ memo-  
 ria nonnulla eius artis opera præclara reli-  
 quit. Ad hæc Piso: Istius equidem pictoris  
 & nomen audiui, & pictas ad aras tabulas  
 persæpe prospexi, in quibus antiquitatem  
 propius accessisse existimabat. Sed nihil hoc  
 ad tabulas, tametsi Aristodemũ hospitem à  
 Philostrato celebratum in suis imaginib. ui-  
 demus. His ergo missis, ipsius, inquit Piso,  
 primæ iam tabulæ formam, modulumq; no-  
 bis exponas. Sic agam, inquam: & licet ne-  
 quaquam, à me præsertim, possit planè de-  
 scribi, pro uirili tamen, si nõ penitus forma-  
 re, uobis saltem insinuare conabor. Erat, in-  
 quam, eius primæ tabulæ arca media qua-  
 drata ferè forma, cui colūna utrinq; Corin-  
 thia attollebatur, uirginali quadam propor-  
 tione confecta, capitulo uerò pro qualitate  
 desuper imposito: has super colūnas trans-  
 uersum incumbebat epistylum, quod utrin-  
 que mutulũ sustinebat: quos super mutulos  
 semicirculus iacebat, qui fascijs coronis, e-  
 iusq; cæteris partibus, ad huius exempli ima-  
 ginem

ginem, quā uobis hic in puluere describam, erat ornatus.

Erant in ea igitur tabula Poëtica, & Poëtarum imagunculæ, suis quæq; ordinibus distinctæ. Quid uerò in ea primū, ait, Piso offerebatur? Erat primū, inquā, in semicirculo, quem epistyllo & fornici superiore interiacere diximus, area, in qua uenerāda cuiusdam mulieris molli in pilento sedentis imago uisebatur, florenti quodam nitore perfulgida, cuius ipsius facies tenuissimo erat flāmeo uelata, mundo decenter compta muliebri, undiq; unionibus & crotalijs ex aurium labris dependentibus: sed quodam quasi furore mulier ipsa cōcita uidebatur, quod ex uelaminis tegmine subtilissimo uideri facile dabatur. Tabellā illa dextera porrigebat, uarijs numerorum distinctam figuris, inter quos ille præcipuus, qui sex dicitur, deinde qui quinq;, qui tamen inuicem interdū conueniunt: erat & numerus secundus, & tertius, ex quibus quartus & sextus resultabāt, uti ex quarto octauus, qui quadratus dicitur, ratione quadā æqualitatis, quā arithmetici Græci *ισότης* uocant. Erat insuper uidere & alias nōnullas numerorū leges, quæ & alios sibi impares numeros assui & annexi patiebantur: horū tamen portiuncula sublatione quadam, & depressione cōstabant, addeò ut sectionibus & casuris quibusdam

mirabilem habere uiderentur numerorum inæqualium cōnexionem & copulam. Sed inter has quinta præcipuè, & septima, & nona, mirabili quodam erant insertæ artificio. Hæc ipsa tamen erant uarijs depicta figuris, quas inter animalium aliarumq; rerum nō nullæ similes erant, quædam tortuosis (fas mihi sit uobiscum in præsentia Apuleij uerbis uti) in modum rotæ capreolatimq; condensis apicibus, sic ut tabellæ abacus diuersis depictus imaginibus mirandum in modum delectaret. Quæ cum ipse dixissem, Minus nos, inquit Piso, ista intelligimus: quare & Pico, & mihi gratissimū feceris, si ista planius edisserueris, atq; in primis, quænam sit ea matrona, cæteraq; quæ nobis parū nota sunt. Quibus ego: Imò sanè, inquā, libenter, ut simul & nobis gratificer, & memoriæ exerceam, tametsi in longiorem me sermonem uocatis. Erat igitur ea matrona, quæ primo in suggestu offerebatur, Poëtica, quæ petorito seu pilento illo uehebatur; idq; ea, ut puto ratione, uel quòd maiestatem illius ac excellentiam significaret, uel quòd plurima antiquorū poëmata in plaustris recitari solita fuerāt, id quod & à scriptoribus est diligenter obseruatum. Quin uirum eloquentissimū Polemona dicere solitū scribit Philostratus, quæ soluta oratione dicuntur, humeris efferri oportere: quæ uerò à Poëtis, curribus.

*Poëmata in  
plaustris re  
sitata.*



ribus. Est & illud quoq; Græcis frequēti sermone usurpatū uerbum, ἱξάμενος, quod à pri scæ comœdiæ Poëtis desumptum putatur, qui ex plaustris conuicia iactabant: unde & ἱξάμενος habere eiusmodi poëtica oratio dicitur. Astrabicon quoq; carmen bucolicū appellamus à uehiculi genere. Sed & illud sæpe Græci, Poëtarum orationem ἱποχον esse dicere solent, hoc est, quæ uehatur. Quin & M. Tulliū ad hoc allusisse sæpe credidi, cum ad Q. fratrem scriberet: Quoniam, inquit, scribis poëma ab eo nostrum probari, quadrigis poëticiis, modo mihi date Britanniam, quam pingā coloribus tuis penicillo meo. quibus uerbis se de Cæsaris Britannica expeditione scripturum ait Cicero, ut ab eo eam rem edoctus fuerit. Quòd uero ea matrona uelatam faciem habere uideatur, ipsius poëtices arcanos sensus, & abdita sic dixerim mysteria, significare existimo: in poëtica enim unum plerunq; dici uidetur, aliud uerò significatur, & sensus quodam, ut ita dicam, uelamine occultatur. Nam, ut Plato scribit, Poëtica omnis obscuris uerborum inuolucris & ænigmati inuoluitur. Hac certè ratione Homerus Vlysem inducit, comite Minerva, hoc est, prudentia ac sapientia monstra superasse, tyrannos uicisse, procos confecisse: non blanditijs & uoluptatibus allectum, esse à cursu nauigationis abductū. Et

*Astrabicon  
carmen.*

*Poëticam uela-  
tam esse.*

ut de nostris agam, non in Vergilio Aeneæ simplicem historiam admiramur, sed quandam quasi adumbratam tripartitæ humanæ uitæ imaginem, ut Aurelius Macrobius pluribus ostendit, qui & alibi subtili quadam diuisione fabularū species est executus. Hæc enim, ut inquit Cicero, conficta sunt à Poëtis, ut effictos nostros mores in alienis personis, expressamq; imaginem nostram uitæ quotidianæ uideamus. Quod ut planius intelligatis attendite. Non hic uobis quæ Metrodorus Lampfacenus, non quæ Ponticus Heraclides & Plutarchus, non quæ nostri Christiani, Iustinus, Eusebius, Basilii, Cyrillus, Augustinus, Fulgentius, aliq; prodere referam, qui uel ad naturæ & rerū proprietates, ac elementorum inter se diuersitates, uel ad mores, id est, ethicen, uel ad deorum cultum rationemq; hoc est, ad theologiam, & deorum controuersias & prælia, & ipsorum etiam nomina transtulerunt, & interpretati sunt: uirtutes insuper & uitia, ac affectiones humanas eos significare cōtendunt, quo modo etiam intelligi uolunt omnem Orphei & Musæi, aliorumq; antiquorum uatum theologiam. Verum his missis, quæ mea sunt ex me ipsi, si libet, audite.

Non, inquam, quod inter se pugnantes dei, & certantes à Poëtis inducuntur, & nōnunquam ab mortalibus uulnerari, ita accipi debe-

pi debere existimetis, quasi re ipsa id factum sit, & credi oporteat: per ea enim significari prouidentia diuinæ effectus, qui alia nulla ratione comprehendendi, aut explicari queunt, nisi mystico nobis inuolucro & uelamento significantur: facile etenim inde cognoscere poteritis, quare hæc Troianis, illa Græcis, uel hæc Romanis, illa Punicis numina fauerel uel obesse fingantur. Hinc connubia etiã & amores, hinc agitata cõuiuia. Nam ut omnium mittam allegorias, & physiologias quas uocant, quæ ab antiquis multis, tum etiã nostro tempore collectæ fuerunt, unus est certè deus omnipotens, cui sine nomine cum sit ipse, diuersi diuersa fecere nomina, omniũ qui pendet facta mortalium immortalis ipse & æternus & incommutabilis, etsi eius nobis in tanta luce caligantibus nec di spositissimã prouidentia eius intuentibus, uirtus interdũ sibi pugnare uidetur, & quasi, ut sic dicam, eandem & rem plerunq; uelle & nolle. Tunc Iuno contraria est & bellat Veneri, tunc Neptunus Apollini. Quid: nõne & apud Poetas id facile aduertitis, immortales à mortalibus impeti, & quasi pati uulnera, cum uel impij & scelesti in diuinam maiestatem, suis impijs & nefandis & tot tantisq; flagitijs feruntur? Tum Gigantes & terrogenæ Ioui bellum indicunt, tum Diomedes Venerem & Martem, tum Plutonium sa:

ciat Hercules & Iunonē: & hoc aliq̄ alio modo: humana enim uirtus tum carnis illecebras & mortis uiolentiam superat, & quasi uim, si fari licet, superis facit. Hinc etiam facilius cōnubia & amores interpretabimur, uel deorum erga homines, uel inter se, uel quoquo modo, si diuini amoris & humani rationē habere uolueritis: quotidie sic ē Iouis capite Minerua nascit̄, sic trinoctio Hercules concubitu concipit̄, & aliquis ex Thetide nascitur Achilles. Quid Genios, quos bonos & malos existimant̄: ut alia mittam, quæ plurima Platonici hac de re prodiderunt. Num & illud præclarē à Stoicis astrui uidemus, Deū ipsum, per ipsius effectus diuersis nominibus nuncupari: ut unus cum sit, plures esse uideantur, quod cum ab alijs Græcis & Latinis, tum maxime à M. Varro ne, M. Tullio, & Aurelio August. pluribus ostenditur. Hinc igitur uidete, sine poëticiis figuris sacra quoque uolumina exponi nō posse. Quo enim modo, factū esse prælium in cœlo, ab Ioanne dictum: quo modo Hebræi regis cantica interpretabimur: quo pacto totum Iezechielis uaticiniū: quo tot demum ipsius, cuiusuis Ioannis, si non, ut isti uolunt, Euangelistæ est Apocalypsis: ut alia pleraq; mittam, nisi mystico & poëtico sensu ea cōscripta esse fateamur. Quare iure magnus ille Arcopagita Dionysius, diuinā ait  
theolo-

theologiam poëticis plurimū figmentis uti  
solere. Sed haëtenus uobiscum egerim quo-  
modo uelata sit Poëtica. Ista tu quidem, ait  
Piso, altius repetisti, sed an nimis, ipse tu ui-  
deris: quare iam cætera quæ de imaginis pi-  
ctura restant, nobis exhibe. Sic faciã inquã.  
In ipsius Poëtrices imagine, cum reliquus,  
tum capitis ornatus, elocutionis est elegan-  
tia, aptaq; uerborum compositio, quæ mar-  
garitis & inauribus, id est, tropis & figuris,  
& id genus cæteris ornatur. Quòd autē fu-  
rere & afflari uidetur diuinus ille poëtarum  
spiritus, qui ἐνθουσιασμός à Græcis uocatur, quo  
uates & Poëtæ ipsi afflati cōcitantur, ut De-  
mocrates, & Plato, & post hos alij penè in-  
numerabiles scripserunt, quem quidem fu-  
rorem ijdem ipsi Græci, & M. quoq; Cicero  
ἐνθουσιασμός uocant, alij nōnulli thriasin: hinc  
idem quoq; Cicero musopatagon, uel ut alij  
legunt μουσopάτακτορ, hoc est, Musarum furo-  
re percussū poëtam appellat. Sunt etiam  
illa uocabula apud Pollucem, φοιβόληπιος & μου-  
σόληπιος, de ijs qui Phœbi & Musarum numi-  
ne afflantur. Tria uerò ex Platone huius fu-  
roris signa elicere possumus, quæ hic uobis  
paucis attingam. Primū autē illud est, quod  
qui sine eo sunt, singuli longo uix tempore  
singulas artes assequuntur: Poëtæ uerò suis  
carminibus, omniū artium certissima quæ-  
dam argumēta ostendūt. Deinde, quod poë

Poëticae or-  
natus.

Poëtarum  
furor.

Furoris poëti-  
ci tria signa.

tæ furore ipso agitati nōnulla plerunq; con-  
 cinunt, quæ sedato mox furore, uix inter-  
 dum ipsi intelligunt. Tum demum, quod nō  
 prudentissimi quiq; & eruditissimi, uerum  
 infani quidam potius & alienatæ mentis in  
 præstantissimos poëtas euadunt. atque hoc  
 ideo Plato à deis factum asserit, ut non ho-  
 minum inuentū, sed cœleste munus esse pul-  
 chrum carmen cōdere uideamus. Fuere aliq;  
 qui hæc in sydera conferre moliti sunt, & a-  
 stris accepta referre: quos ideo hoc uobis lo-  
 co nō refello, quoniam à tuis Pice parente,  
 & maiore patruo diuinè admodum & acu-  
 tè confutata sunt. Parua uerò, quam matro-  
 na manu præferre uidetur tabella, uersuum  
 & carminū & rhythmorū uaria est & diuer-  
 sa formula, in quibus hexametri primas ob-  
 tinēt, sicuti in numeris sextus, uti suis ratio-  
 nibus arithmetici & musici probant. Sena-  
 rij tamē uersus diuersi sunt species, sicuti &  
 quinarij. Sed hæc pridem bene in scholis ac-  
 cepistis. At nos, inquit Piso, illud quidē abs-  
 te expectamus: quid est quod ex numero,  
 qui duo sunt, quatuor, & ex eo qui tres dici-  
 tur, sex resultare uidentur? Quibus ego: Hęc  
 inquam, si me singulas per partes referre ue-  
 litis, nō dies tota, nedum pomeridiana hæc  
 hora sufficiat, sed summa tantum attingam.  
 Secundus igitur ex quo quartus, & tertius ex  
 quo senarius, dimetra & trimetra, & eiusmodi quæ

di quæ uocantur significare autumo, propter antiquam duorum pedum coniugationem, quam *συνυγία* Græci uocant, & *ταυτοποδία*, & dipodian: dimetrū enim carmen quatuor, & trimetrum sex, ut scitis, pedes habet. Iam, inquit Piso, ista percepimus, cætera similiter abs te auemus audire, atq; in primis huius Pici gratia: quare, quænam quæso leges illæ sunt, quæ leges alias pati dicuntur, & quorū portiunculae tum tolluntur tum deprimuntur, & cur literarū uariæ sunt atq; diuersæ figuræ? Ego hæc, inquā, uobis esse nota arbitrabar: nam quæ græcis uocabulis dicola distropha dicuntur, quæ item tricola tetrastropha, & huius generis si qua sunt similia notantur, quæ tamen apud antiquos Poëtas, & in primis Pindarū, longè aliter posita esse uidentur. A principio etenim ueteres Lyricorū monostropha tantū carmina componebant, quod alibi uobis, hoc est, ubi de Lyricis Poëtis agemus, planius ostendam. Particulas autē quæ eleuantur & deprimuntur, pedum modulos & mensuras significare crediderim, quæ arsi & thesi constant: item numeros & cæsuras, sine quibus rauca & parum sonora est carminū modulata compositio, id quod in Actio copiose Pōtanus diserit, ut nostis. Figurarū uerò diuersitas, literarū sunt uarię formę, quæ à græcis tum characteres dicuntur & *τοιχῆα*, tum *γράμματα*, &

nostris literæ & elemēta, & notę: nulla enim est tam barbara natio, nulla à cultu tam aliena gens, quę nō peculiares & priuatas quādam literas habeat. Ammonij philosophi est opinio, unamquāq; gentem quę propria usā sit uoce, proprias quoq; literas & caractēres habuisse, & (qđ ex ijs ego colligo) proprijs etiā & qualibuscunq; uel rhythmis uel uersibus oblectatā esse. Quare nō ab re fortasse fuerit, ut quę omnifariam de literarum inuentione traduntur, si pro te minus Piso, qui de ijs pridem libellū meditaris, in huius saltem pueri gratiā ab Atticis, ut Græci dicunt, usq; literis repetam. Et simul uterq; in me intuens, atq; annuenti similis sic Piso ait: Et in pueri, inquit, & mei gratiā (scio enim te dicturū quę mihi minus nota.) Sed agē, nunquid uetustiores cæteris Atticorū literæ? Minimē, inquam, puto: uetus tamen est Græcorum prouerbiū à paucis adhuc obseruatū, ut Atticis literis aliquid factū affirmant, qđ sit uetustissimē factum: qua loquendi figura in Neæra, si modò legitima ea fuit oratio, usus est Demosthenes. Scribit Val. Harpocration, id quod etiā aliqua ex parte Suidas, qđ scribendi ratio apud Græcos per **xxiiii.** literas serò est ab Ionibus reperta. Theopompus quoq; **xxv.** Philippicarum, fœdera ait aduersus barbarū non Atticis literis, sed Ionum sancita fuisse: quasi, ut puto, dicat, literis

*Atticæ literæ.*



ris recentioribus. Sunt tamē qui hoc in Cecropem Atheniensium & regem & legislatorem uetustissimū referunt, qui, ut statim subiungā, uel eas apud Athenienses primus inuenerit, uel, ut alij dicunt, obsoletas renouarit, cum fortē in omni Græcia literæ deperditæ fuissent, aquarū, ut credit, alluione, ut est apud Diodorum Siculum: quibus quidem literis diutius leges duraturas Cecrops ipse censuit. Hinc illud igitur prouerbium, Ab Atticis usq; literis, uel dictum uel factū est. Nec istuc, inquit Piso, fuit à re proposita alienum: quare iam nobis Lili cætera expone. Et ego: Qualiter autem inuētæ sint literæ, & quo pacto, quæ afferre solent uiri doctrina excellentes, uobis breuiter hoc loco afferam. Cum enim, aiunt, animal sit homo rationis capax, & naturali quodam uinculo societatis cum alio homine astringat, & utrinq; esset ratio cōmunis, nec homo homini nisi colloqueretur associari posset, nec posse se cogitationes cōmunicare uideret, necesse illi fuit rebus uocabula imponere, id est, significantes quosdam sonos, ut, quoniā sentire animos suos non poterat, ad eos sibi copulandos sensu quasi interprete uteretur: sed audiri absentium uerba nō poterant, ergo ratio humana peperit literas, notatis omnibus oris ac linguæ sonis atq; discretis. Ita igitur inuentæ literæ & uoces, tum demū

*Prouerb.*

*Literæ quo modo inuentæ.*

& ceteræ disciplinæ, de quibus plura me uobis in præsentia dicere nō attinet, ne à literis discedamus, de quibus duplicem esse quaestionē uidemus: nanq; eæ quidem aut à natura esse dicuntur, aut ab arte. Quas à natura esse dicimus, earū sunt nomina in sermone ipso eiusq; substantia, & ab ipso sunt sermonis exordio, ut modò dicebamus, formatæ. Quæ uerò sunt ab arte, longè pōst diuersis ab inuentoribus, diuersis & lineis & figuris conformatę fuere. illas quidem auribus, has oculis tantum cōprehendimus. Sed illis quæ à natura sunt missis, de inuentis & conformatis me dicentē attendite: dicam enim quàm id breuius potero, à quibus inuentæ, & quas in orbis regiones delatæ, & de ijs simul diuersas scriptorū opiniones. Primū ergo, ut hinc exordiar, Cornelius Tacitus per figuras, ait, animalium Aegyptij sensus mentis effingebant, & antiquissima monumenta memoriæ humanæ impressa saxis cernuntur, & literarū semet inuentores perhibent: ut hinc facilius uobis Lucani poëtæ uersus pateant, ita enim ille cecinit:

*Nondum flumineas Memphis contexere byblos*

*Nouerat, in saxis tantum uolucresq; feraq;*

*Sculptaq; seruabant magicas animalia linguas.*

Quibus Poëtæ carminibus illud simul cognoscere potestis, quod parum est ab interpretibus annotatū, duplicem fuisse Aegyptiorum

ptiorū scribendi morem, uulgarem scilicet & sacrum, id quod etiam Herodotus prodidit & Isidorus. Vulgaris quidem post sacrum inuentus est, in chartis ex byblo, hoc est, ex papyro confectis (unde etiam dictæ sunt byblinæ epistolæ ab Epiphanio & Hieronymo) in chartis, inquam, perscriptis figuris, non sacris literis, quas à dextra in sinistram ducebant Hebræorum more, quem & plerique alij seruant, cum nos Latini & Græci à sinistra in dextram scribere cōsueuerimus. Scribit Sextus Pompeius, ταποcon appellarunt Græci genus scribēdi sinistrorsum uersus, ut nunc dextrorsum uersus scribimus. Porro & aliud scribendi genus inuenimus, quod Græci *βαστροφιδόν* uocant, ut Pausanias ait: qđ quidem tale fuit, à fine uidelicet prioris uersus, secundum uersum conuertere, ut in diaulo cursu fit. Dictum uerò est ab arandi ratione, cum in extremo sulci in alterum sulcum boues cōuertuntur, ut grammatici obseruant Græci. De hac eadem re sic Isidorus lib. vi. Versus autem uulgò uocati, quia sic scribebant antiqui sicut aratur terra: à sinistra enim ad dextram primū deducebant stylum, deinde conuertebat ab inferiore rursus ad dextram uersus, quos & hodie rustici uersus uocant. Hæc Isidorus. Sed de hoc genere uersuū aliàs, nūc de scribendi ratione, ne quid, qđ succurrerit, uos lateat. De In-

*Aegyptiorū duplex scribendi mos.*

*Byblinæ epistolæ.*

dis agens Poggius, lib. 4. de fortunæ uarietate his uerbis alium ab his scribendi modum describit: Ceteri omnes, inquit, Indi in arborum folijs scribunt, ex quibus codices conficiunt admodum uenustos. Scribunt autem non, ut nos aut Hebræi, in latus, sed in locum à summo ad imum ducentes calamum. Hæc ille de Indis. Ad hæc subiungit Tacitus: Inde Phœnicas, quia mari præpollebant, literas intulisse Græciæ, gloriamque adeptos tanquam reppererint, quæ acceperant: quippe fama est Cadmum classe Phœnicum uectum, rudibus adhuc Græcorum populis artis eius autorem fuisse. Alij Danaum prodiderunt, quidam Cecropem Atheniensem, uel Linum Thebanum, & temporibus Troianis Palamedem Argiunum memorant sexdecim literarum formas, mox alios ac precipue Simonidem cæteras repperisse. Literas quidem nos in Musarum libello docuimus à Musis inuentas fuisse. Sed enim uero Aristophanes Aeschyli uersus quosdam commemorat, in quibus uidetur Prometheum asserere literarum compositionem adinuenisse. Plato insuper, & ab eo Cicero, item Diodorus & Lactantius à Mercurio Aegypcio, quem Thoyth uel Thoth, & Thautum alij uocauerunt, literas inuentas prodidere apud Aegyptios: alij ab Iside dea, nonnulli ab Anubi, sunt qui Rhadamantum asserant apud Assyrios. Phrygiarum uero literarum sunt qui Hercules

lem is qui Aegyptius fuit, inuentorē faciāt. Plinius tamen ait, arbitrari se literas semper fuisse Assyrias. Alij apud Syros repertas uolunt, quod & Eusebius ex antiquis astruit. Addit Plinius, utique in Græciam attulisse ē Phœnice Cadmum sexdecim numero, Α Β Γ Δ Ε Ι Κ Λ Μ Ν Ο Π Ρ Σ Τ Υ, quibus Troiano bello Palamedē adiecisse quatuor, hac figura, Θ Ζ Φ Χ, toridem pōst Simonidem Melicum, Υ Ζ Η Ω, quarum omnium uis in nostris recognoscitur. Aristoteles decem & octo priscas fuisse, Α Β Γ Δ Ε Κ Λ Μ Ν Ο Π Ρ Σ Τ Υ Χ, & duas ab Epicharmo additas, Θ & Υ, quā à Palamede mauult. Anticlides in Aegypto inuenisse literas quendā nomine Memnona tradit quindecim annis ante Phoroneum antiquissimū Græciæ regem, idq; monumentis approbare conatus est. E diuerso Epigenes apud Babylonios septingentorū uiginti annorum obseruationes syderū coctilibus laterculis inscriptas docet, grauis autor in primis: qui minimū, Berofus & Critodemus, quadringentorū & octoginta annorū. Ex quo apparet, ut idem ait Plinius, æternus literarū usus, uel, ut ego interpretor, uetustissimus. In Latium literas attulere Pelasgi: pleriq; Carmentam aiūt, quæ & Nicostrata dicta est, Euandri mater: atque ideo ab initio xvi. tantūmodo Latinorū literæ fuerunt, uti etiam Græcorū, ut ostendimus: & penē



easdem fuisse idem Plinius asserit, quod plinius paulò pòst ostendam. At uerò Tacitus scribit in Italia Hetruscos literas à Corinthio Demaratho, Aborigenes ab Arcade Euandro didicisse. Scribit græcus historicus Socrates, Vulphilan, quē Gulphilam etiam uocatum uideo, Gothorum præfulem, Gothicas literas excogitasse, diuinascq; scripturas in eam etiam linguam conuertisse. Verū ut ad nostras redeam, xvi. utiq; antiquæ illæ, teste Rhemio grammatico. hæ autē sunt literæ, A B C D E G I L M N O P R S T V. postea addita est F, ex duplici gamma, hoc est, Γ Γ, conflata, unde & illi nomen digammon. Item addita H spiritus nota, ex duobus, ut putatur, græcis accentibus ψυλ & Διότα ι ι, quæ tamen litera seu nota aspiratis dictionibus conueniret. tum etiam an tigma à Claudio )( pro græca ψ. Sed omnia hæc cum ex latinis tum græcis grammaticis planius haurietis, tantum nunc illa uestigemus, quæ ab illis uel parum obseruata, uel minus sunt prodita. Scribit Eustathius literas longas, id est, η & ω, itemq; duplices, primū Simonidem intulisse, cuiusmodi sunt ς ξ ψ. Philostratus in Heroicis literæ γ inuentionem Palamedi attribuit, quod & Martialis poëta subinnuit, cum ita cecinit:

*Turbabis uersus nec litera tota uolabit,*

*Vnam perdidderis si Palamedis auem.*

Atq;

Atq; idcirco fortasse rectius apud Plinium  
 γ quam ζ, quæ una est duplicium, in his quæ  
 suprâ cōmemorauimus reponendū. Ex græ-  
 cis tamen quidam xvi. illis antiquis Cad-  
 mum Milesium has tres addidisse prodide-  
 runt, θ ϑ χ, atq; hoc pacto per aliquot secu-  
 la decē & nouē literis græcos usos esse, id qđ  
 cum ex alijs, tum etiā ex hoc argumēto col-  
 ligūt: nam cum ψ litera carerent, nō ψαλλίδα,  
 sed πσαλλίδα ea ætate scribebāt. Post hæc Si-  
 monides Cæus duas uocales lōgas addidit  
 & ω. Syracusius uerò alter, ut quidā opinant̃  
 Simonides, ut aliq̃ Epicharmus, tres superad-  
 didit, ς ξ ψ, unde literę Syracusię in græco e-  
 pigrammate nuncupatæ sunt à Menandro:  
 atq; ita græcarū xxiiii. literarum nume-  
 rus perfectus est, quo numero etiam, ut sci-  
 tis, totidem Homeri rhapsodiæ, Iliados scili-  
 cet & Odysseæ, confectæ sunt. Sanè in Samo  
 quatuor & xx. literæ græcorū primū com-  
 pertæ produntur à Callistrato. Sic Andron  
 in tripode. Idem Ionū literas tradidit Athe-  
 nienſibus, qua re factum est ut literati Samij  
 dicti sint. Item illud, Samijs literatiorem esse  
 neminem, qua de re in prouerbijs multa. In-  
 constans tamen est sententia non apud Latī-  
 nos modò & græcos, sed aliarum quoq; gen-  
 tium scriptores, de ipsarū literarū numero.  
 Nam & Græcorū quidam xiii. tantum lite-  
 ras esse uoluerunt, quòd totidem sint uocis

elemēta, ut scribit Halicarnasseus Dionysius in rhetoricis. alij ferè innumerabiles, ut Sextus Pyrrhonius colligit, in qua re & apud Latinos uariatū, quod & ipsi ex autoribus ueliām collegistis, uel faciliē colligere potestis. Sed & hodie plerūq; in oriente & meridie nationes in literarum numero uariant. Aliæ enim x x v i. sibi literas asciuerē, alij sex etiam illis ultrā addidere, hoc est, usq; ad triginta duas : aliæ multò plures, ut Nubæ Aphricæ populi, qui septem & quadraginta literarum notis uti prodūtur, quod cum ab alijs, tum & à parente tuo Pice aliquando audiui. Chaldæi uerò & Syri, item Aramæi, quantum conijcere datur, stabiles magis fuisse uidentur, tametsi & hi nō nihīl aliquando immutasse ferūtur. At uerò Hebræi ipsi ut Aegyptij uarij fuere, si Irenæo ita lib. secundo aduersus hæreses scribenti stamus: antiquæ enim, ait, & primæ Hebræorū literæ & sacerdotales nuncupatę, decē quidem fuere numero : scribuntur autem quæq; per x v. nouissīma litera copulata primę, & ideo quædam secundum subsequentiām scribūt, sicuti & nos, quædam uerò retrorsum, à dextra parte in sinistram ipsas retorquentes literas, id quod & Aegyptios factitasse paulò antè cōmemorauī. Porro è nostris quidam dum Esdræ Hebræorū scribæ uitam literis produnt, tradunt eum à dextra in sinistram scriben-



scribendi modum excogitasse, cum antea ad arationis regulam perscriberent Hebræi, ut & Græci aliquando, ut paulò antè cum de Græcis ageremus dicebam: quare & exarare literis, pro scribere adhuc dicere cōsueuimus. Scribebant enim, aiunt, à sinistro cornu in dextrum, & à dextro in sinistrum redibant: quam rem tacere uobis nolui, ut parū notam, parumq; ab alijs proditam. Verū huiusce rei fides sit penes autores. Certum, inquam, est Esdran ipsum scribam legisq; doctorem post captam ab Assyrijs Hierosolymam, & instaurationē templi sub rege Zorobabele alias literas reperisse, quas nunc usus habet. Nam ad illud usq; tempus, Hebrææ literæ & Samaritanæ eadem fuere, ut scribit Hieronymus. Sanè ut Hebræorū literæ numero sunt  $\alpha \chi \iota$ , ita & Syrorū, & Chaldæorum: quin etiam ualde confines, & uno eodemq; sono, sed diuersis characteribus, ut etiam Samaritanorū. Sunt, inquam,  $\alpha \chi \iota$ . Hebræorū literæ, quæ & ad  $\alpha \chi \nu$  proferruntur, cum ijs uidelicet quæ duplices seu biformes uocantur, & finales, ut quæ nisi in fine dictionū scribantur, quin &  $\alpha \chi \iota$  illæ uetustiores habentur, ut ex Dauidis psalmis quibusdā, & threnis Hieremiæ Solomonisq; prouerbiorum sine. Nomen quoq; Dei quatuor literarū in græcis quibusdā uoluminibusq; ad Hieronymi tempora iisdem literis ex



pressum inueniebatur, id quod & ego in uetustissimo Diodori Siculi codice græco cōperi. Sanè & canon librorum apud Hebræos eodem numero est: has uerò, ut Eupolemus & Eusebius tradūt, Moses adinuenit, quod & alicubi scribit Iosephus. Philo tamen eas Abrahamo attribuit, & idem etiam alicubi Iosephus, & Romanus Clemens. Sed utiq; Moses ut Abrahamo posterior, Hebræas, Abrahamus ut antiquior Chaldaæas & Syrias monstrasse feruntur: quæ si uera sunt, Enochii librum, cuius etiam à maximis nostris scriptoribus facta est mentio, cōmentitium esse fatendum est: Enochum enim ante catclysmum & Nochi tempora fuisse palàm est. Sed non modò Enochii librum cōmentitium, uerum etiam Adami, de quo in Thalmud legitur, & apud Rabbi Abrahamum, quem illum de diuinitate conscripsisse Hebræi confingunt, ueluti etiam de Abelis libro. Quæ quidem librorum miracula, si nō portenta potius, imperitis, minusq; in literis sacris uersatis nostris Christianis quibusdam illudentes Hebræi, narrare consueuerunt: quæ si uera forent, & non fictitia, (ut certè sunt) æternum alioqui literarum usum, ut etiam Plinius putauit, fateri necesse esset, quādo & apud Platonem in Timæo, quod & Iustinus philosophus & martyr, ut alios mittam, recenset, multorū millium annorum,

norum apud Aegyptios literarū usum fuisse proditum est. Simplicius quoque diligentissimus philosophus in cōmentarijs quos in libros Aristotelis de Cœlo accuratissimè scripsit, ita scriptum reliquit: Audiui & ego, inquit, Aegyptios non pauciores LXXII. myriadibus annorum perscriptas habuisse syderū obseruationes. Babylonios uerò c. & XLIII. myriadibus. Hæc ille. Scire uerò uos puto, myriada decem millium numerū complecti. Alia aliorū eiusmodi incredibilia monstra potius quàm historias in præsentiā mittimus, illa copiosius tractaturi in libro de annis & mensibus. Illud quoq; ut mihi annotatione dignum uisum est, ita uobis significandum duco, quòd sicuti imagines suas Astrologi in cœlo describunt, sic Hebræorum magistri suum in stellis alphabetum, uel, ut Picus senior ait nouo à se conficito uocabulo, alphabetarium, hoc est, suæ linguæ notas & elementa inueniri contendunt: pro stellis enim ipsi literas notare consueuerunt. Miracula ista quidem sunt, inquit Piso, & paradoxa, quod aiunt, quæ attulisti. Sunt, inquam, ut ais, sed notiora quæ statim subiungam. Sunt inter autores, qui Phœniceas & Hebræas easdē penè fuisse tradant, atq; ab Hebræis Phœnicas accepisse, non ab Aegyptijs, ut Corn. Tacitus credidisse uidetur. Nam quum Græci à Phœnicibus lite-

ras accepisse prodantur, & ea etiam ratione Eusebius græcas cum hebræis conferat, atq; easdem penè esse demonstret (ut enim Aleph hebraica lingua disciplinam innuit, ita græcè alpha, quæ est inquisitio, exprimitur: & ita aperto ore pronunciatur, ut etiam apud Latinos. & cætera quæ idem Eusebius hac de re pluribus est executus) quis rogo non uideat Phœniceas & Hebræas easdē penè fuisse? Hic Piso: Rectè tu quidem, ut mihi uideatur, colligis. Cui ego: Sed nolo, inquam, nūc ista curiosius subtiliusq; rimari, cum à Philone & Iosepho Hebræorum uernaculis, & ab Eupolemo, & Eusebio, & Hieronymo prodantur, ut qui nostris diebus in Hebræis multa cum laude, & docendo & scribendo uersantur: uobis in præsentia mittam. Si nihil est quod nobis, inquit Piso, amplius de inuentoribus afferas, uersiculos ego quosdam non sanè inconditos legerem, nescio cuius memini, quibus septem linguarum, quæ magis celebres haberentur, literarum inuentio traderetur, quos, si libet, recitabo. Sunt autem hi:

*Moses hebræas primus exarauit literas,  
Mente Phœnicee sagaci condiderunt Atticas.  
Quas Latini scriptitamus ædedit Nicostрата,  
Abram Syras, & idem repperit Chaldaicas.  
Isis arte non minore protulit Aegyptias,  
Guphila prompsit Getarum quas uidemus ultimas.*

Quos

Quos uersus cum recitasset Piso, Istorū, in-  
quā, ego memini, & à quo didiceris. Sed uos  
de literis, si uultis, reliqua ex me attēdite. Cir-  
cunfertur Archilochi particula de tempori-  
bus, in qua legit̃ Homerū Mēoniū, de quo in  
Homeri imagine agemus, Olympiade xxiiij.  
floruisse, qui literas emendauit, & earū for-  
mas & nomina: tum etiam linguam grēcā,  
quæ etiam tum barbara erat & rudītatis ple-  
na, correxit, quam Cadmus Samothrax sub  
excidium Troianum in Græciam attulerat.  
Subdit idem paulò pōst: Sunt ergo nūc cha-  
ractēres ab Homero forma elegātiore: nam  
primi barbariem quandam uetustam & nō  
Phœniceam ferebant, quia nihil Phœnicum  
habēt, ut cernimus, sed Galatarū & Mæonū  
figuras retinēt. Xenophon quoq; in libello  
qui de æquiuocis dicitur, sex Cadmi nomine  
cōmemorat: de quinto sic ait: Quintus, in-  
quit, Cadmus ante ruinas Troiæ harmonia  
Samothracia inclytus, qui à Prisca uxore ob  
harmoniam certamē passus, rediens à Phœ-  
nicia detulit in Græciam primus xvi. nu-  
mero literas rudes, nō Phœniceas, sed Gala-  
tarum & Mæonum perfimiles characteri-  
bus: residuas retulerunt paulò pōst Palame-  
des & Simonides Melicus. Fuit & ultimus  
Cadmus, qui scribere docuit oratione solu-  
ta, cū ante literas aduectas atq; pōst, uerna-  
culo solum carmine uterentur. Hactenus

Xenophon. Sed & Suidas duos Cadmi nomine Milesios recenset, alterum Pandionis filium, qui solutę orationis primus fuisse fertur inuentor, paulò Orpheo iunior, & qui, ut idem scribit Suidas, in Græciam literas à Phœnicibus inuentas primus intulisse dictus est: alterum Archelai filium iuniorem. Plures certè rem hanc in Cadmum Agenoris Phœnicem retulere, ut paulò mox ostendam. Nunc reliquum eius afferamus quod scribit Archilochus. Idem, inquit, Homerus literarum formas & figuras reformauit, & grammaticę præcepta primus dedit, quum antea quisq; sermone scriberet simul & loqueretur uernaculo, quę profectò etiam Italia, quæ & magna Græcia dicta est, suscepit. Hactenus ille. Quæ uerba eò libentius uobis retuli, ut uideatis quāta sit huiusce rei uarietas. Sanè hoc loco missa facio quæ super hos autores Annius ille Vetulonijs cõmentus est multa & curiosa ad fastidiũ usq;. Gallorum enim & Hispanorũ literas græcis uetustiores asserere non dubitauit, quin & ab illis Gręcos accepisse: ut minus is insanire uideatur, qui se mōstrasse scriptis credidit, græcam linguã latinã nō esse antiquiorẽ. Sed ijs missis nostra prosequar. Herodotus Phœnicibus, ut paulò antè dicebã, literas attribueret, quẽ & Lucanus sequit dum canit:

*Phœnices primi (fama si credimus) ausi*

*Mansu-*

*Manfuram rudibus uocem signare figuris.*

Idem scribit Pomponius Mela his uerbis: Phœnicem illustrauere Phœnices solers hominum genus, & ad belli pacisque munia exitium, literas & literarum operas commentari. Phœnices, inquã, Cadmo duce in Græciã literas attulere, sed temporũ curriculo cum sono figuras quoque sensim amiserunt. Eis autem primi Iones usi sunt, quapropter ait Herodotus, Phœnicæ literæ appellatæ sunt à Phœnicibus. Timon quoque Sillographus, ut est apud Sextum Pyrrhoniũ, φοινικὰ σήματα καὶ ἄλλα ideo suo carmine nuncupauit. Zopyrion & Phornutus, item Suidas, Phœnicea grammata, hoc est, φοινίκεια. Meminit & Cicero in libris de nat. deorum. Alij Phœniceas literas sic appellatas autumant à Phœnice Agenoris filio, à quo nonnulli eas repertas primum uolunt, quod & Theophilus confirmat. Sunt qui, quod in palmarũ folijs, quæ græcè φοινίκες uocant, scribere antiqui consueuerint, Phœniceas dictas existimant. Scamon libro 2. de inuentis, eas sic uocatas prodir à Phœnice Actæonis filia. Actæon enim mare nullũ, fœminas quatuor filias habuit, Aglaurum, Hersen, Pandrosũ, & Phœnica, quæ quoniam uirgo diem obiit, pater Actæon in illius memoriã Phœnicas literas nominauit. Scribit certè Herodotus, se, quæ à Cadmo in Græciã delatæ sunt, literas uidisse Thebis in

templo Apollinis Ismenij, Ionicis literis ualde similes, atq; ea de re in testimoniū tria affert græca epigrāmata. Sed nec illud uos lateat uelim, plerosq; esse, qui literis apices & accētus addendos, cum in græcis & latinis, tum etiam in Hebræis existiment. In latinis quidem penè oblitteratū, cum nō nihil eis media ætas usa esset. Ab Hebræis uerò tum demum accentus additos sunt qui putāt, cum Esdras uir doctissimus post sacræ urbis halosin & excidium, literas & sacros libros reformauit. Sunt qui multò post id factū scribant, idq; his argumentis ostendere conantur, qd de ijs nulla fiat mentio in Thalmud, cum eius rei in eo ut fieret, sæpius occurrerit. Tum & illud afferunt, quod eorum nec Origenes, nec Eusebius, nec noster Hieronymus uspiam uerbum fecerint. Auen quoq; Esdras hac de re his propè uerbis: Vidi, inquit, in libro qui dicitur Zachoth, consuetudinem & morem fuisse sapientū Tiberiadis, qui radix sunt & præcipui Hebræorū, quòd ab eis extiterūt hi, qui punctuationes seu notationes Mesoreth repperunt, & nos accepimus ab eis omnem punctandi rationem. Haftenus ille. Sanè sapientes Tiberiadis, ne id uos lateat, apud Hebræos doctores præcipui posterioribus temporibus fuere, quorū & Hieronymus meminit, scq; ex eis præceptorem unū habuisse asserit. Sed de hac eadē  
re men-

*Sapientes  
Tiberiadis.*



re mentio est in libro qui Bilances inscribitur, id est, Mosnai, his uerbis: Post, inquit, auctores Thalmud extiterunt scriptores in legē, & hi qui Mesoreth condiderunt, & post eos grāmatici. Patēre igitur aiunt, eam punctandi rationem serò excogitatam fuisse, & Mesoreth nuncupatam. Sedenim & Græcos uetustissimos accentibus non usos esse manifestis rationib. compertū habemus. accentus, inquam, longo post tēpore à Græcis superadditi fuerūt. quin & hoc ipso tempore uetustissima marmora cum Romæ plurimarum aliubi gentiū etiam pleraq;, ipse ego sine accentibus, literis græcis inscripta & uidi & legi. Nōnullos insuper antiquissimos codices Dorica lingua perscriptos, inter quos est Archimedis codex peruetustus hic apud Albertū nostrū Carpeñ. principem. Sunt & ralia græca Sibyllina carmina de ludis secularibus, quæ in medium profert Zosimus græcus historicus. Est & Callimachi elegia, quā etiam Politianus agnouit. ut magis ridiculum id sit, quod quidam de serpentis Cadmi dentibus, & fabulosis spartis terrigenis cōminiscunt: idq; ideo, ut accentus ostendant antiquis in usu fuisse, at uos, ut ipse retuli, sic rem hanc habere. Nunc id quoq; attendite, ut quibus uocibus nuncupentur ab auctoribus accentus, scire queatis. Quòd igitur dictionibus accināt, à nostris accentus dicun-

*Accentus cur  
disti.*

tur. Eadē fermèratione à Græcis *προσῳδια* appellatur: & Gellio, & Martiano, & Diome de testibus, tum uocum moderamenta & fastigia, & uocis animæ ac seminaria, tum etiā uocationes, & accentuiculae, & tenores, & soni, interdum & cacumina dicuntur, quòd rationem pronūciandæ orationis ostendant: ut mirum id mecum uobis uideri possit, quod à uiro doctissimo, cū discipulis omnibus liberalibus, tum trium linguarum cognitione, hebræa, græca, & latina, proditū est, qui censebat dictiones pronūciandas esse ex syllabæ quantitate longa uel breui, nō ex accentus ratione, idq; pluribus argumentis astruere nixus, paucis persuasit. Verū nos reliquum prosequamur de literis, ut totū, qd pollicitus sum, uobis exoluā. Scribit Plinius, primus omniū gentiū cōsensu tacitus cōspirauit, ut Ionum literis uterentur. Sed & ueteres easdem penè literas fuisse quæ nunc latinæ, Priscianus grāmaticus, & Plinius quoq; prodidit, qui, Indicio est, inquit, Delphica tabula antiqui græcis, quæ est in palatio, dono principum Mineruæ dicata in bibliotheca, cum inscriptione tali: ΝΑΥΣΙΚΡΑΤΗΣ ΤΙΣΑΜΕΝΟΥ ΑΘΗΝΑΙΟΣ ΑΝΕΘΗΚΕΝ. cuius quidem tabulæ & Palæmon & Papyrianus grammatici meminērunt. ut hi eò magis ridendi sint, qui apud Plinium superadiectum id totum existimār, quod

quod est de Nausicratis inscriptione. Hac certè forma antiquiores Græcorum literas fuisse cum manifestè colligit utraque lingua eruditus Ioānes Lascaris, in ea epistola quā Petro Medici reipublicæ Florentinæ principi, in græcorū epigrammatū æditione dedit: tum etiā apud Athenæum uidemus ubi gryphorū mentio agitur, ut alios mittā. Iam uerò ad Latinos redeo, qui Hetruscorū literis primū uti solebāt: Hetruscorū inquā, quarū literarū adhuc extant charactères à Latinis diuersissimi, ut memini me uobis aliàs ostendere, & simul inscriptiones ex ijs uetustas collectas à Collenuccio et Annio, & post etiā ab alijs uulgaras. Eæ aut Hetruscorū literæ à Lydis Tyrrenis eò delatæ credunt. Postea quæ uerò Hetruscorū res debilitari cœpere, Latini sese Græcis penitus addixere, id quod palām cognoscimus ex ijs quæ in manib. habent originū Catonis Porti fragmētis. Sed Roma, inquit, tum rudis erat, cum relictis literis & disciplinis Hetruscis, mirabunda græcis fabulis rerū & disciplinarū errorib. ligaret, quas ipsi Hetrusci semper horruerunt, neque ob id unquam latinas literas uoluerūt suscipere usque ad Cæcinnā Volturrhenū magistrū quadrigarū & augurū principē, patrē Menippi, & auum Menedori, quas ante illū pater eius Volturrhenus, auusque Titus, & proauus Turrhenus semper Romanis principibus charissimus,

renuerunt, cum ad eas recipiendas urgerentur. Nam & ipse Turrhenus, patre Elbio Volturrheno, & rege Hetruscorū ultimo ad lacū Vadimonis cæso, & quidem ad reddendam urbem anno secundo Olympiadis cxxiii. allici potuit, sed ad recipiendas latinās literas nunq̃ persuaderi potuit. & hæc quidē Cato, ut circumfertur. Cæterū latinis literis sic ex multo tēpore cōstitutis & ordinatis, ab usq̃ Claudij Cæsaris temporibus eadem consistere, & id quod nec Longobardi, nec Gothi, nec Hunni, & Vuandali, cæteræq̃ barbaræ nationes, quæ in Italiā toties cum armis irruerunt, & ferro & igni toties uastarūt, facere potuerūt, unus nunc demū aut alter, uiri sanē docti in uernaculis exprimendis Hetruscorum, ut aiunt, uocibus, nouas literas nouasq̃ formas meditātur, idq̃ nō minore studio quā laborē, & scriptis etiam prodere satagunt: quod illis bene uertat. Nam quæ tam rudis & barbara natio, tam asperi & duri, ne anhelantis dicam, sermonis, quæ nō latinis literis utatur: suosq̃ per illas nō exprimat animi cōceptus, uel excribat uerba etiā plerunq̃ stridentia? Sed nunquid ideo minus compti & elegantes fuere Fran. Petrarcha, Io. Boccatus, Danthes, & alij, quia ignorauere istas tanta arte nuper excogitatas literas? Absit. quin hi ipsi nouarū literarū inuentores facilem satis scribendi uiam, difficillimam

cillimã, ijs qui eam pergere uolunt, efficere uident. Hic Piso, dum ego hæc dixissem: Poterant hi fanè, inquit, moneri, suum hoc inuentum nouarũ literarũ non diutius in hominum memoria duraturũ, quàm excogitata Claudij Cæsaris litera, quæ uix in usu tantu diu perfitere, quandiu ille uixit: horũ augur nec tantu superfuturas, ipsis enim adhuc uiuentibus & spirantib. interibũt. Quibus ego: Rectè inquam tu Piso: nam & legimus apud maiores Dionysiũ quendam Lincium syllabarũ omniũ singulas formas aptissimas fecisse, & ob id statua suo tempore honoratũ fuisse, nunc uerò non modò syllabarum ipsas formas extare, sed uix nomẽ audimus. Verũ de his præclaris nouarũ literarum inuentoribus hætenus. Si uerò literarũ uirtutes & potestates cupitis, si deniq; quo pacto pronuciari, quo sono, quo spiritu, & oris gestu, & forma, quãue eius parte, omnia hæc ab Halicarnasseo, Terentiano & Capella alijsq; quos iam tu fortè Piso legisti, & posthac cum Pico puero hoc nostro legere poteris. Nam de hebraicis ipsi statim in rudimentorũ exordio docent, quæ gutture, palato, lingua, quæ dentib. seu labijs enunciandæ sint. Quo fit, ut mecum iure ridere queatis, si uerum est quod dudum intelligo, Germanũ hominem ad tantam arrogantia, si nõ potius uecordiam, peruenisse, ut Græ-

cos & Italos, etiā Romanos ipsos se docturum putet, & palām in coronis iacet, quomodo rectè pronuntiandum sit atq; legendum, quin illum etiam hac de re libros meditari, quos ædat in uulgus. Hoc cum dixissem, subridens inquit Piso: O rem ridiculam quam narras, inquit, Lili, Germanū ne hominem nunc demū Romanā græcamq; linguam, Græcos & Romanos homines profiteri se uelle docere, easq; si dijs placet, pronuntiare: is saltē, si nō tot suis scriptis, Anacharfidis dicto moneri poterat. Sed ista, inquam, amici risu deuoranda, nosq; nostrū institutum potius terminemus, & de literis tandem concludamus, illud afferentes, tam Græcos quā Latinos, numeros apud antiquos per literas expressisse, id quod & hodie ex parte seruāt Græci & Hebræi. Sed subinde superiorib. ætatib. notæ atq; figurę mutę sunt. Sanè apud Græcos is character qui sex significat, hoc est ς, Epifemi character uocatur, ut est apud Theophylactum. Et ab his certè numerorum literis Pythagoras, & cum secuti Pythagoræi, si non potius ille ab Aegyptijs edoctus, secretā illam & arcanā, ne superstitiosam uerius dicam, numerorū rationem cōmenti sunt, qua quid euenturū esset ratūm ue foret pronuntiabant: qua de re alibi. Ab hac quoq; ut uidetur, superstitione Pythagorica Aegyptiacāue, Marcus &  
Colar-

Colarbasus suæ hæreseos originem traxere, de qua, quoniam res parum nota est, uobiscum ex Tertulliano agam. Ita enim ipse in libro de hæresibus: Non defuerunt, inquit, post hos Marcus quidam & Colarbasus, nouam hæresim ex Græcorum alphabeto componentes. Negant enim ueritatem sine istis posse literis inueniri, imò totam plenitudinem & perfectionem ueritatis in istis literis esse dispositam: propter enim hanc causam Christum dixisse, Ego sum  $\alpha$  &  $\omega$ .  $\Omega$  mega denique in Iesum Christum descendisse, id est, columbam in Iesum uenisse, quæ græco nomine cum  $\pi\epsilon\rho\iota\tau\epsilon\rho\alpha$  pronunciatur, habere secundum numerum DCCC I. Percurrunt isti  $\omega$   $\psi$   $\chi$   $\phi$   $\nu$ , totum usque ad Alphabetum, & computant ogdoadas & decadas. Hactenus obscure ille quidem: longe uerò plura de eiusmodi Colarbaso & Marci ineptiis ac deliramentis, Irenæus libro primo aduersus Valentini & similium hæreses tradidit. Sed de eisdem agit & Philastrius Brixinensis antistes, in eo libro qui de hæresibus inscribitur, quo tamen loco non ille Colarbasum, sed C. Bassum uocare uidetur. Sed rideatis licet horum ineptias antiquorum, & utinam nō & hodie essent huiusmodi leues ac superstitiosi homines, qui & amorum & negotiorum inde euentus colligere anxie studerēt. His sic à me dictis, Et ridere, inquit Piso,

*Hieroglyphi-  
ca & hierati-  
ca litera.*

nobis libet, & audiuisse iuuat, neq; enim ista  
aliàs audiuius. Sed iam, inquam ego, tem-  
pus est ut ad tabulam redeam. Animalium igitur  
(ut unde digressus fuerā in uiam redeā)  
cæterarumq; rerū figuræ, quæ in tabella de-  
picta fuerant, Aegyptiorum & Aethiopum  
sacræ sunt literæ, quas ideo Græci hierogly-  
phicas & hieraticas nuncupant, quibus li-  
teris sacros suos libros & indigumenta cō-  
scripta Aegyptios habuisse legimus. Cum e-  
nim inter cætera numina magnæ deæ Isidi  
sacra & uota nuncuparent, ueterem, ut scri-  
bit Lucius Apuleius, librum proferebant, in  
quo uersus depicti, eiusmodi literis erant.  
Tunc puer Picus: Extant ne, ait, aliqua ista-  
rum notæ literarū, seu istas ipsas qui doceat  
liber? Vtrunq; inquam, extat mi Pice. Nam  
cum in quamplurimis monumētis marmo-  
reisq; obeliscis atq; columnis, hodie quoq; li-  
teræ hæ spectentur passim, tum de nōnullis  
etiā Porphyrius, Diodorus, Plutarchus, He-  
rodotus, Eusebius, Tacitus, Ammian⁹, Ruf-  
finus, & alij pleriq; meminerūt. quin & Chæ-  
remon philosophus hieroglyphica scripsis-  
se dictus est: & Horus Apollo Aegyptius sua  
lingua idem factitauit, cuius pars nūc quoq;  
in græcū tralata sermonem, mendosa licet &  
manca, legi. Sed de his literis satis. Nam Pie-  
rius Valerianus uir tum probitate, tum lite-  
rarum studio mihi charissimus, de his iam  
pridem



pridem ingens uolumen parturit: quare de his satis. Poëticæ igit̃ imago picta in tabula, altera manu sphæram seu globum continebat, qui totius mundi formam habere uidebatur. subucula uerò & interiore tunica succincta, sed superiore ueste ampla ac laciniosa discincta, quæ polymitariorum & plumariorum opere cōfecta fuerat, dextrum nuda pedem, sinistrū ridenti Sicyonio induta. Eius ante pedes sparsæ iacebant coronæ ex lauro, hederâ, myrto, alijsq; frondibus, folijs decussatim intertextæ, quæ nisi emeritis, & multo quibusdam sudore profusis dabantur. Aderant tamen, ut uidebatur, nonnulli temerarij ac impudentes, ut est hodie et semper fuit hominum quorūdam genus, qui improbè eas rapiebant, clamq; sibi incōcinnas quasdam ac male compositas coronas cōsuebant. Integras uerò ac inuiolatas eas nulli assequi poterant, ni quæ eo loci tripudia choreasq; subsultim ducebant in numerū nouem puellæ cum intonso ac imberbi adolescētulo, exhibuissent. Propter has & Pitho dea sedebat, quæ haustum liquidissimū quendam liquorē ex Orchomenio Gratiarū fonte nonnullis canentibus propinabat. Tunc in me intuens Piso, mira mehercule ait pictura. sed quid ista præ se ferant, ex te audire non minus hic puer Picus, quàm ego, auemus. neq; nos sermonē interrumpere dixeris, nam cu-

*Redit ad poëticæ imaginem.*

pidi, si nō magis curiosi sumus, & qui si non  
 cūcta, certē plurima scire cōcupiscimus. At  
 ego illis subridēs inquā, curiosi quoq; uterq;  
 Lucius. Mirte quēso nūc Lili iocos, Piso ait,  
 & qđ auemus maximē, rē omnē nobis expla  
 na. Sit, inquā, hoc quidē ioco dictū, memine  
 ritis tamē sedulō illius Cleobuli sentētiæ seu  
 cuiusuis alterius, omnib. in rebus optimū es  
 se tēpus. nec hoc tantū uobis in præsētia di  
 ctum, sed semp dictū putate. quare iam atten  
 dite, cur sinistra sphærā pręferat Poëtica. Ra  
 tio hæc est, qđ nihil usquam gentiū est in to  
 to mundi ambitu, seu quæ supra lunā perpe  
 tua atq; æterna, seu quæ citima sunt mortalia  
 atq; caduca, quæ nō fuerint uersib. decātata,  
 id qđ planē me plurib. uobis ostensurū exi  
 stimo, ex imaginū poëtarū fermē omniū nar  
 ratiōe. Quod uerō interiores succinctas ge  
 stare uestes uideat, id in causa putauerim, qđ  
 qui seria & naturæ secreta scripserūt, succin  
 cto & expedito usi sunt sermone: at qui bel  
 la, amores, lusus, & id genus cætera, ornato  
 cōpto atq; diffuso, qui per superiorē amplā  
 et laciniosam uestē significat. Nec id pręterea  
 mirū uobis uideat, qđ altero sit pedenuda:  
 nā & in uersib. pangēdisq; carminib. quidā  
 quoq; nudi sunt pedes, & nullo fermē lepōre  
 cōditi, ut spōdei, iambi, & qui à græcis musi  
 cis ἀλοροι dicunt. quidā illecebris omnib. om  
 niq; uenere & gratia præditi, quales dactyli,  
 & ana-

& anapæsti, & trochæi. Nouē aut puellas cū iuvene saltātes, nouē cū Apolline Musas, uel Baccho esse crediderim, quos Poëtici furoris præfides antiqui putauere. Sed de Musis nihil, inquā, nūc uobis amplius, quādò sub examē nūc libellū habeo qui adolescēti mihi ē manib. exciderat, illū propediē à me reformatū legetis. Nunc illud, qua ratione in numerū choreas ducere Musæ ipsę uideant exponā. Memini me, inquā, apud autores legere, suas saltationū species poëmatis & carminib. ascriptas ueteres habuisse. nā Lyricę poëseos pyrrhicha, gymnopædice & hyporchematica esse dicit. Gymnopædice quidem nomen in memoriā mihi reuocauit illud, ut & uobis recenserē moris fuisse in Dionysijs, ut nudi choreas pueri agitarēt, cuius rei modū describit Athenęus in xiiij. dipnosoph. Quare ex re illud uobis magis liquere debet, qđ est apud M. Tulliū in oratione pro rege Deiotaro, cui obiectū à Philippo & Castore fuerat, quod nudus & senex saltasset: de cuius saltationis modo, ne quidē uerbū est factū ab interpretibus. Verū ad institutū redeo. Fuere item saltationū scenicarū species tres, tragica, comica, satyrica. à quibusdā et tyrbasia dithyramborū, cordax comędiarū, unde *νορδακίς* uerbū obscœnū apud Græcos, qđ est saltando lūbos agito. hinc & cordacismus saltationis species turpis & indecens, cuius in

Philippicis meminit Demosthenes, qđ uocabulum Vlpianus & Harpocracion interpretantur. Verumenimvero Arrianus Cordacem satyricum saltationis genus esse scripsit, in Indiaq; à Baccho ait institutū fuisse.

*Sicinnis.*

Sicinnis satyris conuenire existimatur: unde & Sicinnistæ Satyri dicuntur. Nonnulli barbarum quempiam Sicinnon, alij Cretensem & inuenisse & nomen dedisse prodidere. Sunt qui Therippum Sicinnin primū saltasse scribāt, & deduci à uerbo σάρομαι, hoc est, à quatiendo concutiendoue. Alij Sicinnin magis quidem comicam scribūt, eamq; Phrygas primos saltasse in Sabazij Dionysij celebritate. Sic uerò nuncupata ex Arriani sententia, ab una Cybelis nympha, cui id nomen erat.

*Emmeleia.*

Alij aliter. Fuit uerò Emmeleia Tragædiarū saltatio, in qua Bathyllum Alexandrinū excelluisse legimus. Fuerūt & qui Sicinnin Tragædiarum fuisse prodiderunt. Alij Emmeleiam militarem: de quibus omnibus Iulius Pollux, & Dionysius Halicarnass. & Ammonius, & Suidas, & omnibus his copiosius Athenæus, ut alios mittā. Sed & Pylades Cilix histrio præclarè hac de re apud Græcos scripsisse traditur. Saltandi uerò artem, & illius inuentionē Arcadibus acceptam scriptores referūt. Non sum ignarus aliquos esse, qui ab ipso mundi exordio saltandi rationem excogitatam prodidere,  
 exemplo

exemplo desumpto ab ipsa cœli & syderum  
 uertigine. Restat ille etiã nobis, ait Píso, scru-  
 pulus, quid coronæ, quid dea Pítho signifi-  
 cet. Hæc uos, inquam, minimè latère arbitra-  
 bar. quæ etenim ex lauru corona fit, uictori  
 bus & heroicis conuenit Poëtis, ut est apud  
 Horatiũ & Papinnium, cum prius tantum  
 ducibus Imperatoribusq; daretur, qđ scili-  
 cet fulmine nō icitur. Quæ ex hedera, quæ si  
 Dioscoridi credimus, ideo poëtica uocatur,  
 Lyricis Poëtis, ut aliquib. placet, dicata. Sa-  
 nē nō ex omni hedera poëticæ coronæ, sed  
 ex ea nigræ specie, cui flos sit croceus, folijs  
 non adeò tamen pullis, quam & Nyssiam &  
 Bacchicam & Dionysiam uocatā legimus,  
 ingentibus corymbis. Quæ ex myrto coro-  
 na fuit, dabatur Eroticis poëtis, hoc est, ama-  
 toria scribingentibus. Quæ uerò ex ijs omnib.  
 uel diuersis ex frondibus constat, quam ab  
 antiquis pancarpíam uocatā uideo, illis at-  
 tribui posse uidetur, qui in omni carminum  
 genere gloriose & cum laude scripsissent: ta-  
 met si hæc uariè confuseq; à poëtis & scripto-  
 ribus referuntur. Quòd clàm uerò ac impu-  
 denter à nōnullis diripiantur, nō nostra, ut  
 uidetis, hoc indiget interpretatione. Præter  
 enim ualde paucos, hac tempestate, meritas  
 capiti coronas & Musarum sarta imponere  
 sibi uidemus, quin (prò pudor) pro lauro &  
 hedera, urticis blitocq; ac brassicis nostri nō

poëtę, sed linguaces nebulones coronant, et uerbosa petunt principum priuilegia: qui tamē coronandi mos, si nō abusus, quo sibi magnā & dignitatis & honoris accessionē hi fieri arbitrant, qui uel à Ro. pontifice, uel à Cæsare cæterisq; principib. & regib. seu ab his legatis & facultatē habentib. insigniunt coronatūre, ipsorūq; honorant, uel certē onerant, diplomatib. scriptisq; tabellis, nō antiquus ille quidē fuit, nec multis antē seculis institutus, unde mirū est, cur tātopere à q̄ plurimis umbratilishęc dignitas ambiat, experaturq;, cum poētā fieri non principū priuilegijs, nō diplomatibus, nō etiā tabellionū publico testimonio, manifestē & apertē sciamus, sed eleganti potius eius facultatis cōpositione, quā tum diligenti & accurata lectione, & studio bonorū uatū, tum & natura ipsa, tūm maxime utroq; assequimur. Hic ad me conuersus Piso: Verū ne istud, inquit, qđ ais Lili, quod nō, ut nūc moris est, poëtæ apud ueteres per priuilegia & diplomata instituerent? Verissimum inquā, id qđ etiā patrū nostrorū ætate poēta quidam ridens tot suorū temporū laurigeros poētas nō insulse, ita canēs ostendit:

*Temporibus priscis cum secula docta fuere,*

*Qui gereret laurum uertice rarus erat.*

*Nunc indocta rudes homines cum secula gignant,*

*Laurigeros uates angulus omnis habet.*

*Nil igitur mirum tot cingi tempora lauro,*

*Quod*

Quod regū est munus, iudicis antè fuit. Videtis  
 nō apud antiq̃s multos fuisse laurigeros. Nā  
 et si aliquæ extāt inscriptiones in poëtarū cō  
 mendationē, ut Cl. Claudiani, et L. Pudentis  
 aliorūq̃, ut in imaginib. eorū uobis ostendā,  
 itēq̃ poëtę ipsi plerūq̃ sibi coronas inter ca  
 nendū petāt, ut cū Verg. ait, Atq̃ hāc sine tē  
 pora circū Inter uiētrices hederā tibi serpe  
 re lauros. & cū Melpomenē Horat. Flaccus  
 comā sibi Delphica lauru cingere flagitat,  
 nō hęc ipsa tamē coronādi antiquū arguunt  
 fuisse institutū. Nō enim multō ante Petrar  
 cham, qđ equidē cōpererim, ad cōtundendā  
 hominū arrogantia Poëtica facultate abu  
 tentiū, ut alia pleraq̃, Pontifices ac Cæsares  
 id sibi usurpauere, quō scilicet sibi homines  
 addictos magis facerēt. quē tamē coronādi  
 morē si ritē per censores & æquos & peritos  
 non ignaros iudices pręstare, haud equidē  
 damnarim. Vnde uerō, inquit Piso, mos iste  
 potuit sumpsisse principiū? uix em̃ temerē cę  
 pisse crediderim. Tunc ego: Ne quicq̃ uobis  
 qđ ex me queratis negem, qua hac in re cōie  
 ctura ducar, uobis exponā. Scribit in v. sym  
 posiacōn Plutarch. uetustissimū fuisse insti  
 tutū Poëtices certamē, repetitq̃ ab Homeri  
 Hesiodiq̃ usq̃ tēporibus, cū simul ambo hi  
 Poëtę certarūt in funere Oelyci Thessali: quā  
 historiā in Hesiodi imagine copiosius recita  
 bo. quare uos scire oportet, à gręcis, ut aliarū

*Coronādi poë  
 tas mos unde  
 cęperit.*

multarũ rerum, sic quoq; literarũ & carminum ludos ac certamina instituta fuisse, ut earum rerum studiosi exercerentur, & simul populi oblectarentur. audiuiſtis enim poëtarum sæpe certamina & uictorias, electosq; ad id iudices, quibus iudicãdi munus mandabatur, ut Ptolemæum apud antiquos feciſſe uidemus, qui iudices in ſuis ludis ſtauit, quod pluribus deſcribit Viétruius, ut etiam planius in multis recensendis poëtis uobis palàm faciã. Quin & ab iſſis Græcis, Neronem Cæſarem apud Latinos idem inſtituiſſe accepimus, & poſt eum Fl. Domitianus, aliq; deinceps nõnulli. Cum itaq; paulatim literarum ſtudia obſoleſcerent, iamq; ferè eſſent deſita, eius tum demum facultatis & diſciplinæ (ut facilè credi poteſt) cupido quædam ambitioſa, & deſiderium hominibus iniectum eſt, unde emanauit hæc coronandi conſuetudo, ſi non potius abuſio, ut etiam creandi artium & diſciplinarũ magiſtros & doctores. Tametſi uetuſtũ fuiſſe morem legimus capiendorum inſignium, quorum ita in Baſilij monodia in hũc propè modum Nazianzenus: Omnia, inquit, iam Baſilius aſſecutus, quæ & philoſopho, & oratori, & ſacerdoti opus erant: cum in his honoris ac profeſſionis de more inſignia poſſet accipere, facilè deſpexit, & ſuperuacua putauit, ut qui nõ phaleras, ſed ueram ex his doctrinæ



etrina utilitatē susciperet. Hæc ille. Sed unde coronarum usus, à quibúsue incœperit, quotq; earum genera, & nomina, quibúsue personarū generibus, rebusq; conuenirent, multa Septimius Tertullianus in libro de corona militis, & nonnulla Plinius in nat. hist. & Gellius. Theophrastus quoq; de coronis scripsit, item Callimachus & Mnestheus medici: tum multò plura Cl. Saturninus, qui de ijs librum scripsit, in quo ita earum disse-ruit & origines & causas, species insuper & solennitates, ut, Septimij uerbis utar, nulla floris gratia, nulla frondis lætitia, nullus cespes aut palmes inueniatur, qui non sit aliquius capiti consecratus. Scripsit & his diebus libellum uir doctus & eruditus de coronis, ex quo cū libuerit plura legetis. Nūc hac de re satis, ne quæ parum ad tabulam faciūt afferre uideamur, atq; idcirco ad deam ipsam Pitho, de qua ex me modò quærebat, me ipse conuertam. Ea quidem persuadendi quædam dea est, ut interpretatur Fabius: ab alijs modò lepos, modò suada, interdum suadela nuncupatur. quæ ideo gratiarum liquorem aliquorum labijs infundere dicitur, quoniam efficacius animis hominum inhærent quæ per carmina traduntur: eadem quoq; causâ facilius memoriæ mandantur, quod tamen in numeros refert Aristoteles, quòd ijs mensurētur. Sedenim cur

*Pitho dea.*

sensus magis carminib. afficiantur, eam causam Cleanthem dicere solitū accepimus, qđ sicut spiritus noster clariore sonum reddit cum illum tuba per longi canalis angustias tractum patenti ore nouissimè effundit, sic sensus nostros carminis arcta necessitas clariores efficit: negligentiusq; ut ille ait, nos percutiunt, quæ soluta oratione dicuntur, quàm quæ astrictis certis pedibus & numeris, quasi eubrato lacerto in nostorquētur. Atq; ideo Victruuius egregius architecturę scriptor ægrè fert, se haudquaquā posse carmine sua præcepta tradere: nam carminum, inquit, & pedum, & uerborum elegans dispositio, sensus prolectando legentium eos ad summa perducit. Nō sine igitur gratia poetæ uidentur posse placere, atq; ob id flexanima ipsa Pitho propinare fingit suauē quendam gratiarū liquorem: ea inquam Pitho, quam in Periclis labris insedissee ueteris Comædię Poëtę fabulati sunt. Ennius uerò M. Cethegum, ut scribit Cicero, eius medullam nuncupauit. Cuius deæ simulachrum Thebis in templo Veneris fuisse Pausanias perhibet, Praxitelis opus. At quoniā paulò antè dicebam, carmina magis afficere q̃ solutam orationem, nunc, si libet, expressius causas afferam, cur nō modò homines, sed omnes etiam ferę rationis expertes animantes, cantu & musica afficiantur. Et Piso, ut pro Pico etiam

etiam meo iure respōdeam, certè, inquit, nobis erit gratissimū. Tunc sic ego: Musica, inquam, siue in uoce tantūmodo est, ut Socrates credidit, siue, ut Aristoxenus, in uoce & corporis motu, siue in ijs & præterea in animi motu, ut putat Theophrastus, certè multum obtinet diuinitatis, & in animis permouendis plurimū ualet, nostręq; mentes ipsæ, quamuis Epicuro reclamante, diuinæ, suam naturam per cantus agnoscūt. Nam ut Platoniorum & Pythagoreorū est sententia, omnes animæ cœlestis illius Musicæ memoria, cuius pridem in cœlo cōsciæ fuerant, ea suauitate afficiuntur, adeo ut nec tam asperum ullum sit, atque immane pectus, quod non eius dulcedine mulceatur: seu id ea causa fiat, quod anima ipsa harmonia sit, ut putauit Herophilus, & eum secuti pleriq;. Alij diuinæ cuidam occultæ uirtuti, quæ in animis nostris inesse creditur, hoc attribuunt: Poëticam enim aiunt donum esse quoddam dei, & diuinum quendam cœlestemq; furorem: uerissimumq; præterea esse, in simile qd simile est facillimè agere uimq; habere. Hinc idcirco fieri, ut eam nobis partem mulceat, & trahat Poëtica: simulq; quod in nobis cœleste lumen inest, uis ea cœlestis excitat & cōmouet. Sed hæc nimis fortasse altè repetita, naturæ hoc potius argumentis, & exemplorum ui ostendamus licet, Nullus est profe-

*Cur feræ, æquæ  
atque homines,  
musica affician-  
tur.*

*Musicae mira-  
bis.*

cto mortalium, modò non cõmuni sensu et ratione sit priuatus, qui nõ uim maximam habere harmoniæ suauitatem fateatur, cantumq; ipsum adeò sensus mulcere, ut plerumque uel bonos mores ipse, uel malos nobis insinuet, & labantes etiam sæpe homines & perditos dirigat, in meliusq; reformet, ita & è contrario bonos probosq; emolliat atque corrumpat. Quo fit ut apud antiquos scriptores legamus, uaria fuisse cantuum & carminum genera, id quod planius alio uobis loco ostendam: alij enim casti sunt & temperati, alij amatorij, alij etiam bellici, alij pacifici, alij mœsti & lugubres, alij denique robur & audaciam, alij timorem & hebetudinẽ quamdam mentis audientibus afferunt: quin, ut tradit Censorinus, morbos animi quos appellant *πάθη*, musica lenire & sanare consueuit. Hinc Pythagoras, ut scribit Euthymius, adolescentis immodicè amantis, mutatis ribic modis, amorem simul immutasse fertur, & alium gladio insilientem pari modo conpescuisse. Hinc quoq; inter pocula in conuiuio Alexandrum Macedonem ad arma Timotheus conciuuit Orthio, uel Dorio, ut alij scribũt, carmine, eoq; mutato pacauit. Hinc & Asclepiades delirantes & mentes morbo turbatas sæpe per symphoniam suæ naturæ reddidit. Idem & surdos tuba curauit. Damon & Pythagoras ebrios resipere docue-  
re:

re, Ismenias Thebanus ischiadicos & febrientes pristinae restituit ualitudini. Nec minus Cretensis Thaletas citharæ suauitate morbos ac pestilentiam fugauit. Empedocles furentem gladio iuuenem carmine repressit, & lymphaticum Xenocrates modulis liberauit, & Hebræum regem Dauid rex futurus. Hinc Terpander atq; Arion Lesbios atque Iones è grauissimis morbis eripuerunt. Quid igitur mirum si sani adeò carminibus afficiamur, alius alio plus minus, pro naturæ habitu seu studio? Nōne uidemus & nos in bello musicis modulis inflammari, nunc quidem tubis, & tympanis, ac cymbalis, ut olim Cretenses lyra, Lacones tibijs, Amazones calamis, Sibaritæ tibicinibus, Lydi fistulis & tibijs? Sed & barbarorum pleriq; citharis ac tibijs legationes & præconia sua faciunt, ut Geræ. Num idem etiam in funeribus, & sepulturis? qua de re plura in nostro de sepulchralibus. Sed si huiusmodi cuncta complectar longior sim. Nōne, ut ad cœlestes transeam, & nouem ipsos angelorum choros, nos & credimus, & perinde colimus, qui assidue ad maiestatis eius solium concentus auribus mortalium inauditos edunt? Vt hic uobis mittam gentiliū philosophorū cœlestes quas uocāt musas, & agentes cœli sphaeras & globos, Sirenas, abiunctasq; quas uocant à materia substantias, cæteraq; id genus.

Nónne & cantu nos sæpe mortales, Dei immortalis iram auertimus? Hinc etiã tot hymni, tot cantica, tot supplicationes & preces, hinc Deliaca cithara apud Delphos, tibia in tot sacris: hinc siftra & tympana, crotala apud Maryandinos, & Aones calami inflantur in laudes cœlestium, pandura ab Aegyptijs habetur, à nostris uerò organa, & nolæ, & quæ campanæ dicunt, ac id genus cætera. Quid igitur mirum si humana natura in tantũ carmine & musica delectat? quod, ut clarius etiam liquidiusq; cognoscatis, id in primis ex paruis & uagientibus infantibus liquidò intelligere potestis, qui carminibus canticisq; consopiant, & quodãmodo sine lege regi & duci uidentur. Hinc tot nutricum, si nō & uatum tot excogitata & cantata ueniam, & inuenta crepundia, & tinnientes bullæ. Sed agè tu mi Pice, qui me hæc dicentem tam attentè audis, agè inquam, cum quippiã tibi est memoriæ mandandum, uel id ex antiquis, uel nostrorum temporũ scriptoribus, an soluta oratione cõpositum, an carmine conditum facilius memoria complecteris? Quis nescit, illicò puer respondit, longè facilius, ac etiam citius carmina memorię imprimi? Cui ego: Et quanam, inquã, id ratione fieri arbitraris? nullã ne, an aliqua? an uerò natura ipsa sic sensus disponente ac moderante? Num sentis id eo libentius etiam

etiam memoriam arripere, suauiusq; haurire, ac quasi thesauro quodā recondere, quæ carmine tibi proponūtur? Sic est Lili, Picus inquit, ut ais. Quid tu Piso, inquā, an & ipse hoc fateris? Et quī, inquit Piso, istuc negē? Sed cum ita sit, attendite inquam, alia naturæ uia incedam, eiusq; uobis exempla afferam. Num uos uidistis unquam uiatores de medio fatigatos die, itineris lassitudinē cantu & carmine solantes? Num quoq; audistis operarios, ac artifices in laboribus suis sæpe canentes? Num, ut poëta canit,

*Interea longum cantu solata laborem,*

*Arguto coniunx percurrit pectine telas?*

Sileo nunc uobis nautas, agricolas, messorum, quorum etiam propria sunt & pecuaria carmina, ut uobis aliàs exponam. Natura igitur ipsa sponte sua solatia laboribus. qualicunq; modulamine subministrat hominibus. Sed nunquid, rogo, rationis expertes animantes minus ideo musica & cantu afficiuntur? Minimè minus inquam: nam & uidetis equos ipsos tuba ad brauij cursum incitari, & ad prælia inflādari: oues fistulam & pastoritia carmina sequi, & eadem fistula ceruos capi, nonnullasq; feras cantu in laqueos plagasq; deduci. Ipse quidē Delphin musico cantu & delectatur & salit. Scribit Aelianus, luporum impetū repressum fuisse cum Pythocharis tibicen magna cōtentio-

ne ad tibiā incitatos numeros cecinisset. Nōne idem autor Libycas equas tradit tibiā cantu mulceri, adeo ut canentē sequantur? Nōne & apud Mysos cum equinū genus ineunt, pastores ueluti hymenæum canentes præcinunt, atq; ita demulsæ equæ cōcipiunt? quin & inde musicum nomen Hippothoron apud Græcos legimus. Nōne et Sybaritani equi ad tibiā sonitum saltare didicerunt? Elephantēs uerò Indici organica uoce detinentur. Pisces quoq; in stagno Alexandriæ, ut Martianus ait, musico crepitu sistuntur. Cygni Hyperborei citharæ modulatu adducuntur: ac monoceros, hoc est, unicornis ipse, ut ait Euthymius, pulchritudine & carmine superatur. His igitur omnibus facile cognoscitis carminum & harmoniæ quanta sit uis: nec adeo mirum si homines afficiat suapte proprietate, cum rationis expertia ita demulceat. Sed si attendatis, alio quoq; modo uidebitis, animum animiq; nostri partes, concentui & rationi musicæ congruere, eiq; preferri. Est enim symphonia, quā consonantiam nos uocamus, harmonia rerum quidem differentium per se, in unamq; conuenientium melodiam: idq; in primis uidere licet, cum symphoniā rationes interioribus animæ partibus congruunt, & aliud quidem in primo sit ordine, & tantūmodo imperet, nunquam seruiat, hæc uerò  
ratio-



rationalis animæ pars: aliud autem, hoc est, irascibilis pars, medium locum habeat, & regatur à primo, ipsum uerò posteriori imperet. at quod extremū teneat locū, pars sit concupiscibilis, quæ tantum pareat, nunquā imperet. Tunc siquidē animæ symphonia & consonantia inueniri poterit, rationalis dico partis ad irascibilem, ut eius chordæ quæ hypate dicitur ad mesen: hanc enim supremā & grauissimam uocem appellant, quæ seruat symphoniam, quæ diateffaron appellatur. similiter & irascibilis ad concupiscibilem, ut mesæ chordæ ad eam, quæ uocat Nete: hanc autem altissimam, & acutissimā uocem nominant, quæ est diapente. eodem modo & irascibilis ad concupiscibilem, ut chordæ illius quam hypaten diximus ad Neten: hanc siquidem uocem, quæ de grauissima acutissimaque conficitur, diapason appellant. quod si par est, nō loca aut nomina attendere, sed uim potius ipsam sequi, & rerum efficaciam ait Euthymius. Rationalis sanè pars potius Mese appellanda est, eò quod ad irascibilem quasi ad chordam Neten (hæc enim acutissima animæ pars) eam rationem consonantiæ habeat, quæ est diapente: & ad concupiscibilem, ut ad hypaten (hæc enim laxior est & mollior) rationem eam seruant, quæ est diateffaron, intentionemque illius & huius remissionem coaptat atque concinnat. qua

míxtione optimam harmoniã perficit. Atq; hæc quidem omnia uobis ex reconditis & exquisitis autoribus allata sint: quæ uerò breuiter subiungam, uos ipsi in uobis percipietis. Ex cordis & arteriarũ pulsibus, nũ quandam sentitis harmoniã? qui si dissulent, minusq; proportioni respondeãt, malarũ signa sunt affectionũ & morborũ. quos utiq; pulsus Herophilum musicis quibusdam rhythmis excogitasse est literis proditũ, & longè post eum se perfectè sensisse gloriãt Cl. Galenus. Nil igitur mirũ, ut aliquando finiam, si animi musicam sequuntur, & nos carminibus quàm prosa magis oratione afficiamur. Id quod cum fateri etiam cogerentur oratores, & qui soluta oratione usi sunt scriptores antiqui, ut facilius eorum oratio in audientium animos illaberetur, numerosam & ipsi orationẽ excogitauere, seu Chalcedonenſis ille Thrasymachus, seu Gorgias Leontinus fuerit, ut putat Cicero, quæ numeris cõclusa oratio proximè carminib. accederet. Quare cũ tantæ & uirtutis & gratiæ sit Poëtica, eò magis mirum mihi uidetur, quod ἄμωσι, atque αὐτομοι (ut sic dicam) Iurisperiti, ne Cæſares dicã, qui nullo immunitatis genere poëtas & musicos donauere, cum tamen & Homeri aliquando & aliorũ poëtarũ autoritate sententias suas comprobarint, imò & eorum nōnullos anxie Poëticã excoluisse uideamus.

mus. Sed hucusq; hac de re, plura fortassis al-  
 liàs. nunc utiq; puero consulendum fuit, cui  
 difficiliora hæc potius fastidium ac satieta-  
 tem, quàm uoluptatem afferre possent: qua  
 re, ut dixi, hucusq; satis. Et satis quoq; ait Pi-  
 so. At ego ad puerũ cõuersus: Pice, inquam,  
 si tibi hæc fortasse altius & longè repetita ui-  
 sa sunt, nũc molliori sermone pensabo: poë-  
 tarũ enim appellationes uarias, & nomina  
 referre proposui, quandò & hoc à re propo-  
 sita non alienum fuerit. Et istud ualde gratũ  
 nobis, uterq; ait. Tunc ego sic cœpi. Dicunt  
 in primis poëtæ græca uoce, nec minus no-  
 ta latinis, à fingendis & fabulis, & uersibus:  
 cuius nominis tam patēs & ampla est signifi-  
 catio, ut Deo etiam ipsi omniũ creatori attri-  
 buatur. A Latinis uerò, à ui mentis & furore  
 uates uocant, & quod ijs scribere liceret, Scri-  
 bæ interdũ nuncupati sunt: à pangendis car-  
 minibus Epopœi, quo uocabulo quidã uer-  
 sificatores, quidã Epici, hoc est, heroici car-  
 minis conditores potius intelligunt: epos  
 enim heroicũ carmen dicitur. Poëtæ quoq;  
 interdũ Sophistæ dicti sunt, ut Diogenes no-  
 tat & Pindari expositores: unde in Archilo-  
 chi fabula Cratinus Homerũ Hesiodũq; ad-  
 mirans sophistas appellat. Idem ex Aeschyli  
 autoritate confirmat Athenæus. Atqui, ait  
 tunc Piso, sophistas potius oratores dici pu-  
 tabam, qui ostentationis aut quæstus causa

philosophantur, quod scribit Cicero, & Alcinous, & ante hos Plato. Licet, inquam, antiqui scriptores non solum excellentes rhetoras & illustres sophistas dixerunt, sed etiā philosophorum interpretes cum quadam *ὑπόστασι*, ut ait Philostratus: nihilominus quoniam primi poëtæ philosophi & theologi fuerunt, sophistæ & ipsi dicti sunt, quin & dithyrambici, uel comici, uel etiam tragici uocati sunt Didascalii, quod uidelicet ferè totius uitæ magistri uideantur, ut Val. Harpocration & alij obseruant, idq; Antiphonis autoritate probat, qui Pentaclea Poëtam didascalum appellat, aitq; Aristotelem philosophum id in didascalij manifestè ostendere. Sed & huiusce rei crebra est priscae comædiæ scriptoribus mentio. Idem quoq; Aristoteles, & ab eo Sophronius philosophus, Philippum poëtam quempiā Comædiodidascalon uocāt: unde & cycliodidascalus, ut mox dicam, qui & Dithyrambopæus uocatur. Inuenimus & tragicos poëtas tragædiodidascalos nuncupatos. Vocantur & *δραματουργοί* scenicarum fabularū poëtæ. Ac dum quoq; Græci frequentissimè poëtam nuncupant, & Melopæon & Odopæon, à canticis scilicet & odis cōcinnandis appellant. Item & Stichædon, quo inter alios Michaëlius græcus poëta usus est, de cuius nominis origine ita legi: Menæchmus scriptum reliquit

*στῆχος* uirgas significare, unde *stichædi* & *stichodi*, qui & *rhapsodi* dicti sunt: unde nunc nos quoque uulgò *stichum* uirgulam festu-  
*câm* uocamus. alij tamē à uersu *παρὰ τὸ σί-  
 χος*, unde etiam *distichon* & *hexastichon*, &  
 alia quæ sunt in frequenti usu scribentiū epi-  
 grammata. *Rhapsodorum* uerò nomen ab  
*Homero* deductum quidam opinantur. Cum  
 enim illi antea *Homeridæ* uocarentur qui  
 ab *Homero* essent, fidelique quadā successio-  
 ne eius uersus custodirent, postea factū est,  
 ut & eodem nomine nuncuparentur qui non  
 eo essent genere procreati. Floruerūt autē hi  
 præcipuē L X. Olympiad. quo etiā tempore  
*Cenæthus Chius*, de quo alio loco uobis cō-  
 modius ex *Hippostrato* sum dicturus. *Dio-  
 nysius Argiuis Rhapsodos* & *Arnodos* eos-  
 dem existimat, ea causa, quod allatis in me-  
 dium particulis poëmatū, & proposito cer-  
 tamine uictori agnus daretur præmium. Sed  
 de *Rhapsodis*, qui & *Rhabdodi* dicuntur,  
 & *Arnodis*, quorum illi à uirga, hi ab agno,  
 quo donabantur præmio (ut diximus) cum  
 nos aliàs, tum *Pindari* quoque expositores  
 multa scripserunt. Sunt tamen qui *Rhapso-  
 dos* ideo uocatos autument, quod scilicet  
 cum hi canerent ex lauru uirgam tenerent,  
 quæ symbolum quoddam esse dicitur poë-  
 tarum sapientiæ & diuinitatis. Quæ alia hoc  
 loco dicuntur à nostris, ut leuia uobis missa

facio. Rhabduchum etiam appellauere quidam Comœdiæ poëtam, quanquā apud Græcos eo uocabulo multa significatur. Dicuntur & Musopœi poëtæ interdū: unde de Hipponacte poëta illud epigrammatarij Theocriti legitur: ὁ μουσοποιὸς ἐνθάδ' ἰππώναξ κείται, hoc est, hoc musopœus in loco Hipponax iacet. Item illud quod supra Pindari domum cum diriperentur Thebæ, ab Alexandro scriptū tradit, τὸν Ἀέρου τὸ μουσοποιὸν τίς γὰρ μὴ κείνται, Pindari poëtæ tectum ne urite. Vocantur et poëtæ Musopatagi, uel Musopatacti, ut paulò antè memorauimus. Sunt & apud Pollucem libro quarto aliqua poëtarū nomina, sicuti Cantor, Entheus, & inspiratus Musarū numine, metrorum quoque fictor ac compositor, aliaque multa, quæ consultò prætereo, ne uos fastiditis Græcorū tralatis uocibus diutius detineam. Verū post poëtarum uocabula rectè illud etiam uobis afferam, poëtas uidelicet cū suis nominib. apud antiquos sacra facerent, proprias & peculiare quasdam habuisse uictimas, id quod ex ipsis facillè colligitur. Nam Lyricos iuuenca immolasse perhibent, quod & Horatiū innuere uolunt, cum ita cecinit:

*Pascitur in uestrum reditum uotiuu iuuenca.*

Vitulam uerò bucolicos, idque illo Vergiliano astruunt:

*Pierides uitulam lectori pascite uestro. At de auro*  
ro

ro Epici, de hirco Tragici, de agno Arnodi, ut pleriq; tradunt, rem sacram faciebant: tametsi plures præmia hæc certantium poetarum & uictorum fuisse scribant. Quæ cum dixissem, Nunc tempus, ait Piso, in uiam redire: à proposito tabulæ ordine deerrasse uidemur: à diuerticulo, quod aiunt, repetatur fabula. Quinimò, ego inquā, ubi in hos sermones incidimus, & hora suppetit, antequā imagines recenseamus, nōnulla quæ ad huiusce diuinę facultatis defensionē pertinent, uobis hoc loco afferre constitui, quæ aduersus illius uituperatores, cum acciderit, contorquere possitis. Et istud quidē, inquit Piso, libenter audiemus. Quibusego: Sed ut omnis, inquā, Poëtices sylua illustretur, non nihil prius de eius uetustate primaq; illius origine repetere non ab re fuerit, etsi in uarijs poetarum imaginibus, hoc ipsum mihi perstringendum erit. Igitur de Poëtices, seu ut sic loquar, metricæ orationis antiquitate illiusq; primordio uariè à scriptoribus traditur. Nam ut hoc loco mittam quod Tatianus Syrus, uir quidem doctissimus, sed parū in dei pietate stabilis, scribit in eo, quo ostendit artes & disciplinas Græcos à barbaris inuentas accepisse, Poëticam quoq; barbarorum inuentum esse: illud certè ego uobis affirmare nō dubito, longè ante solutam orationem Poëticam extitisse, ex cultamq; fuisse.

*De Poëtices antiquitate & primordio.*

Eius rei euidentissimū illud est argumentū, quod qui primi solutam orationem inuenerunt, Cadmus scilicet Milesius, & Argiuius Acusilaus, non multò ante tempora floruerunt, quibus in Græciam Xerxes descendisse fertur, ut est apud Iosephum & Eusebiū. Idem in Homerū scribit Eustathius, qui Cadmū ait, Pherecyden, & Hecataum, solutę orationis inuectores: ante quos omnes longè Orpheus, Musæus, Homerus, alij claruerant. Idem affirmat in hunc propè modum Strabo contra Eratosthenem differens. Poëtica enim ait ante alia omnia in mediū protulisse, ante etiam ipsam artem oratoriam, quā & à Poëtica deriuatam ostendit, in qua primos insignes fuisse ait Cadmum, Pherecyden, & Hecataum, atq; ab his cæteros. quinimò & canere, id est, *ἀδελφ*, pro eloqui apud gręcos antiquos, hac ratione dictum asseuerat. Subiūgit & alia idem Strabo, ut rem magis cōprobet. Scribit & Isidorus, eius ut uerba recitem: Præterea, inquit, tam apud Gręcos, quàm apud Latinos longè antiquiorē curam fuisse carminum quam prosę: omnia enim prius uersibus cōdebantur. Prosę autem studium serò uiguit. Primus apud Gręcos Pherecydes Syrus soluta oratione scripsit. Apud Romanos Appius Cæcus aduersus Pyrrhum solutam orationē primus exercuit. Hęc ita Isidorus. Quę cum ita sint, uidetis



detis Poëticæ ipsius antiquitatem ante pro-  
 fam & solutam orationem : tametsi utriusq;  
 apud Hebræos eadem ferè exordia colliga-  
 mus. Apud gentes quoq;, ut Firmianus lib.  
 quinto docet, poëtæ multò antè priores fue-  
 re, quàm philosophiæ nomen : imò poëtas  
 ipsos ait pro sapientib. habitos. Sed quam  
 quæso alia facultate & Orpheus & Amphio-  
 on dicti sunt apud antiquos feras & saxa  
 mulsisse traxisseq;, nisi quod hi diuinis suis  
 carminibus rudes & agrestes homines à fe-  
 ra agrestiꝝ uita ad humanum ciuilemꝝ cul-  
 tum pellexere, moresq; ac leges cōstitutis ci-  
 uitatib. dedere: quare nihil utilius meliusq;  
 esse uidemus. Verū nunc quoq; quæ de Poë-  
 ticæ initio à Græcis prodant attendite. Sunt  
 qui, ut ab hoc exordiar, eius originem in A-  
 pollinem fabulosè referant, cum serpentē py-  
 thona sagittis confecisset, ut alibi uobis pla-  
 nius referam. quidam in oraculū eius ipsius  
 Delphicum, alij in Bacchum, qui ante Apol-  
 linem oracula reddiderit: nonnulli in Apol-  
 linis filiam Phemenoēn, quæ Delphis uatici-  
 nata sit : alij in Olena, qui hymnos & oracu-  
 la scripsit, de quibus plura aliàs. alij Thracas  
 Poëticæ inuentores fuisse uolunt, argumen-  
 to ducto à locis eius regionis Musis conse-  
 cratis, Pimpla, Olympo, Libethra, quodq; ex  
 his locis originem duxerunt Orpheus, Mu-  
 sæus, Thamyris, alijq; poëtarū primi: tum

quod instrumentorū musicorū pleraq; nomina barbara sunt, Sambyca, Nablia, Barbitos, Magadas, alia. Alij quidem ante tempora Troiana Poëticam inuentam uolunt, id quod clarissimè patebit ex ijs quæ in imaginibus dicemus. Aristoteles aliq; nonnulli Poëticam rudi atque imperito & spontaneo quodam principio (sic enim interpretari liceat, quod apud ipsum est Aristotelem *ἐκ τῶν αὐτοσχιδιασμάτων*) initium sumpsisse uolunt, quod ipsum & Fabius Quintilianus affirmat: Poëma, inquit, nemo dubitarit imperito quodam initio, fusum, & aurium mensura, & similiter decurrentium spaciorum observatione esse generatum, mox in eo repositos esse pedes. Quin & Eustathius, quos suprà commemorauī, Cadmum, Pherecyden, & Hecatæum, scribit primos carmina & metra soluisse in solutam & pedestrem orationem. Alij carminū exordium in Mosen Hebræorum ducem referunt, quod quibusdam uero propius uidetur. Sed quis non ipsam Poëticam potius dicat cum ipso mundi principio incepisse, uel id uelitis philosophorū placitis intelligere, uel eo quem asserit Christiana religio modo. Nam quo alio pacto cœlestes illæ immortalium animorū legiones & chori inter se modulatibus concinunt, semper nosq; cœli orbes temperant, quàm hac ipsa (ut ita dixerim) cœlesti poëtica & harmonia?

monia? Deus certè deus fuit, qui primū moralibus diuinā hanc facultatem ab ipso mundi primordio, cum cæteris tot tantisq; bonis elargitus est. Hanc ideo tanti ueteres & superiorū ætatum sapientes semper fecere, ut deorum laudes apud gentes & nationes omnes hoc potius sermonis genere, quàm alio componerent. Et ne ex Græcis, Orphei, Homeri, Hesiodi, Callimachi, reliquorū hymnos cōmemorem, quorum etiam nomina in tabula referemus, adeamus sacra Hebræorum uolumina, quæ longè ante hos ædita fuere, uidebimus Deo ipsi opt. max. nominatim ac peculiariter dicata, ut Mosis, Mariæ, Dauidis & aliorum, qui uates & græco uocabulo Prophetæ nūcupantur, numerosis uersibus modulata fuisse. Ex quo illud facile deduci potest, carmina ipsa primum in Deum, uel gentium deos, eorumq; laudes & ceremonias fuisse cōposita. Quin & ipsi Romani, apud quos tardius fertur Poëtica fuisse recepta, ut uobis cōmodiore loco referā, idem fecisse uidentur: uersus enim quosdam ante Ennium & Andronicū in deorum sacris habuisse inuenimus, in quorum genere Saliarij erāt, Saturnij, Mineruij, Iunonij, atq; huiuscemodi alij. quin & alio uix modo sine Poëtica, sacra rectè & diuina mysteria exprimi possunt: unde Magnus Dionysius diuinam ait theologiā poëticis plurimū figmen-

ris uti solitam, ad diuinos celestesq; spiritus describendos: nō enim nisi diuina sermonis facultate, diuina ipsa nomina & spiritus describi queūt. Ex his omnibus patet diuinam hanc potius esse facultatem quā humanā, atq; ideo à paucis potius quā à multis censi potest: longè enim à uulgari genere orationis atq; à cōsuetudine cōmunis sensus abhorret, quo circa minimè populari approbatione gaudet, nec mediocres esse poëtas dei, ut ait Horatius, cōcessere. Hic tum Piso uerba excepit: Quomodo istuc, inquit, ais ô Lili, Poëticam scilicet à paucis potius q̃ à multis censi? secus ego existimabam. nam ueluti orator multitudine probatur, & uulgi assensu, ita ego poëtam. Cui ipse: Non sic, inquam: an illud non meministi, quod in Musis nostris retulimus? quòd secessus & montes ideo Musis ascribuntur, quoniam à uulgo & multitudine maximè remoti sunt poëtae, nec uentosæ plebis, nisi urbici quidam et circumforanei nebulones, suffragia uenantur: boni enim bonorum & intelligentiū iudicio contenti sunt. Succurrat illud nobis, quod est in Bruto à M. Tullio scriptū. Nam cum Atticus existimaret oratorem doctorū & intelligentiū tantum iudicio probari, id contrariū pluribus ostendit: Poëma enim, inquit, reconditum paucorū approbatione, oratio popularis ad sensum uulgi debet moueri,

ueri: idq; exemplo Antimachi poëtae cōprobat, qui conuocatis auditoribus, cum legeret magnū illud suū uolumen, ut puto Thebaidos, & eum legentem omnes præter Platonem reliquissent, legam, inquit, nihilominus, Plato enim mihi unus est instar omniū. Et Antigenidas doctus tibicen discipulo sane frigenti ad populū, mihi, ait, cane & Musis: innuens multitudinis iudicium, & popularem assensionem bonos poëtas negligere, nimirū quia (ut diximus) res est diuina Poëtica, nec illotis (ut aiunt) manibus attrectari fas est, hoc est, à rudi populo & multitudine, quin, opinor, ideo antiquitus musica signa deorum statuis appendi solita, quasi qd dei ipsi Poëtica & Musicis carminibus placarentur. Quocirca id uobis minus mirū uideri debet, si uulgares quidam pessimè de se in primis, tum de omni humano genere meriti, diuinum hoc poëtarum genus odio habere dicunt, ut fuit ille, qui, ut à maioribus narratur, offensus Vergilij gloria, statuam eius quæ à Mantuanis in summo honore habebatur, deijs à militibus suis mādauit, atq; in flumen abijci. Audiui & nō multos ante hos annos à nescio quo ex incuruiceruicū genere concionatore, Sulmone apud Pelignos idem facere tentasse de P. Ouidij statua. Sed & hodie quidam (quorum nomini parco, quia mihi olim amicissimi fuere) hanc diui-

nam facultatē uatesq; ipsos impudenter incessunt, & uernaculo suo sapore, ne fœtore dicam, poëtas obruere tentant: parum illud considerantes, quod si propter unius Homeri calumniam, cuius statuat flagris uerbere tentauerat, ut est apud Cl. Galenū, Zoilus dignus est habitus ut à rege sapientissimo supplicio afficeret, quo tandem illi supplicio digni, qui poëtas omnes, & Poëticam ipsam maledictis & calumnijs lacerant? Certè, inquit Piso, quo cūq; atrocissimo. Sed perge ipse tu quæso, ab obtreſtatoribus & maledicis Poëticam uendica. Tūc ego: Postq̃ uos, inquam, uideo tam me libenter audientes, dicam quo scilicet modo refelli posse putem quæ diuinę huic facultati à profanis obiectari solēt. Certè si ullo modo est criminanda Poëtica, uel propter pedum & syllabarū modulos, uel propter subiectam rem & materiam est crimināda. Sed propter numeros & syllabarū moras nullatenus. Superest igitur, ut si damnāda sit, ob subiectam tantum materiā damnetur. Atqui impia atq; obscœna tam soluta oratione & scribunt & leguntur, quàm cārmine: reliquum ergo est fateri nō magis damnandam esse Poëticam, quàm profam orationē & solutam, quatenus tam in hac ipsa, quàm in illa, obscœna & impia & scribuntur & scripta sunt. quo fit ut rectè colligere possimus, damnandos tantummodo  
obscœ-

obscænos impiosq; & turpium rerum scriptores, cuiuscunque illi sint professionis ac facultatis, non ipsos autem poëtas solum. Porro nisi cognitum comprehensumq; iam pridem animo haberemus, Poëticam facultatem diuinum & naturæ opus esse, nō tam stabilis eius opinio permanisset, nec tanta esset temporis diuturnitate confirmata, nec unā cum tot hominū ætatibus temporumq; curriculis inueterare, ac perseuerare potuisset. Etenim uidemus cæteras ferè doctrinas, præter Poëticam & admodum paucas, diuturnitate extrabuisset, uel penitus esse immutatas: hanc uerò in linguas atq; hominū sermones cūctos transisse. Notissima enim atque uerissima est illa sententia, opinionū cōmenta diem delere, naturę iudicia confirmare. Itaq; nō antiquorū modò, & recenti uernaculoq; sermone gentium ferè omnium & nationum etiam barbararū, non pauci insignem gloriam sibi ex Poëtica facultate pepere, sed & nostris his diebus, qui id cū laude præstant multi reperiunt. Sed audite quæ so etiam quæ ex Strabone Amasæo philosopho contra Eratosthenem disputantem uobis breuiter afferam, quæq; ad huius facultatis cōmendationem ualde pertinent. Cum enim Eratosthenes fortè scripsisset, Poëtam nō docendi, sed delectandi gratia omnia cōiectari: contrarium, inquit Strabo, ostendūt

antiqui: nam primã quidem Poëticam quãdam esse philosophiam perhibent, quæ nos ab infantia ad uitam inducat, & mores doceat, uitæq; actiones & affectiones cum uoluptate quadam. Nostri uerò, ait, solum poëtam esse sapientũ dicunt, & propterea Græcorum ciuitates à pueritia statim in Poëtica pueros erudiunt, non tenuis delectationis, sed castæ moderationis gratia. Tum paulò pòst, Musicos ait morum magistros esse & correctores, idq; tum Pythagoricorũ, tum Aristoxeni sententia confirmat, & Homerũ ait uocasse Sophronistas, hoc est, moderatores. & cum hoc planius ostendisset, subintulit, poëtam ad eruditionem & doctrinã quãdam, quædam ad oblectationem proferre, ut idem fermè quod poëta noster Horatius dicere uideatur: *Et prodesse uolunt, aut delectare poëtæ, Aut simul & iucunda, & idonea dicere uitæ.* Mox cum ostendisset Strabo, poëtam rerum prudentiam & bonarum artium cognitionem habere, concludit, bonum nõ esse posse poëtam, quin prius uir bonus existat: cumq; hoc pluribus demonstrasset, tum illud etiam subintulit, ante alia omnia in mediũ processisse Poëticam, id quod & paulò antè uobis dicebam, ipsamq; Poëticam longè ante artẽ oratoriã extitisse, quinimò & ab ea deriuatã asseuerat. atq; hæc quidem ex Strabone, qui & eo loci plura subiungit,



git. Omittā uerò quę multa Plutarchus cum sparsim in suis opusculis, tum in libro de Musica, & in eo qui inscribitur, Quomodo à iunioribus audiendi sint poëtæ, ubi inter reliqua Poëticam ostendit omnis fuisse disciplinæ initiū. Omittā & quę ab Heraclide Pontico in eo afferuntur, quo Homerum à calumnijs asserere nititur. Mittam & quę cum ab alijs, tum præcipuè à clarissimis rhetoribus Hermogene & Aphthonio argumenta ducuntur in cōmendationem Poëtices, ne, qđ dici solet, factum faciam: alter enim Homerum & poësim ipsam supra id quod est, oratores omnes, & quos Græci uocāt logographos, celebrat, ubi de ciuili agit oratione: alter uerò prophanos, atq; impios illos etiam nominat, qui Poëticam poëtasq; audent incescere. Extrat Max. Tyrij philosophi Platonici oratio pulcherrima, qua Poëticæ maiestatem adeò celebrat, ut eam philosophiæ præstare uetustate, eandem re esse, nomine diuersam licet, asseueret: quam cum uacabit legitis. Nec illud hoc loco dixerim, scitu tamen dignissimū, Iulium Cæsarem fortè aliquando in poëtarū collegium ascitum, in illo ordine infra multos sedisse, cum extra eum locum super omnes longè primus esset, ostendens quanti facienda sit Poëtica. Mittam & Senatum P. Q. Romanū Vergilio in theatro assurrexisse, sicut Cæsari, Nōne & illud fuit

grande cōmendationis argumentum, cum Aug. Cæsar sapientiæ & doctrinæ singulare penè exemplum, frangi potius uoluerit legū potestatem uenerandam, quàm Vergilianū carmen aboleri? Eius quę extant legistis carmina, Ergo ne supremis &c. Nec uobis hi persuadeant, qui cōficta ea esse prodiderūt. Non in præsentia uobis referam Phalarin tyrannum immanissimū licet, templū tamē Stesichoro ædificandum curasse, diuinōsq; illi suasisse habendos esse honores, oblitum simultates & inimicitias cum eo uiuente habitas. Mitto & quos Macedo Alexander uel Pindaro, uel Homero mortuis honores habuerit. Nec illud uobis in præsentia adducā, quod & ab alijs est ante me allatum, nostrā qua uiuimus animam à summis celebratisq; philosophis concentum harmoniamq; existimatā, quòd omnia uidelicet musica quadam ratione constent: quod & corpori attribuit quodam loco Ambrosius: Et resoluta, inquit, compage & harmonia uiscerū, iam silentem & ueterem concentum spiritus uiuificans animauerit. Quin & cælum ipsum sempiterniq; stellarū orbes non alia ratione agitari prodūtur. Sed longè plura in huius facultatis cōmendationē Petrarcha & Boccacius, qui & fabularū species, & Poëticæ originem & uirtutes ac utilitatē executi sunt, quantum ea scilicet ætas licet inculta, nō rudis

dis tamen omnino tulit. Hoc uerò tempore  
 nonne Guil. Budæus ille Iureconsultorū pe-  
 ritissimus, Homerum & poëtas à calumnijs  
 probè uendicauit, in eos inuectus qui eos  
 uituperabant? Num alijs complures, & in pri-  
 mis Iouianus Pontanus, qui eandem suis li-  
 terarū monumentis uindicauit: ut iam nul-  
 lus reliquus esse uideat maledicis incessen-  
 di locus. Quis tantam ergo amplius faculta-  
 tem, talemq; uituperare audebit: quis in eius  
 contumeliam hiscere? Atqui, ait Piso, poëtas  
 esse aiunt malos q̄ plurimos detestandosq;  
 & pessimis moribus. Quid ni? inquam, sed  
 num ideo detestanda eijciendaue Poëtica?  
 Non enim inficias iuerim, & nunc permul-  
 tos esse, & anteaetis temporibus fuisse, qui  
 fœdissimis suis moribus diuinam hanc fa-  
 cultatem contaminauerint, fœdauerint, in-  
 quinarint, quos nedum Platonis urbe, quæ  
 nusquam est gentiū, sed toto etiam orbe pel-  
 lendos censeo. Sed num, quia hi mali sunt  
 uel fuerūt, ideo Poëtica & poëtæ omnes cri-  
 minandi atq; expellendi? Minimè, ut puto.  
 Nunquid sacerdotiū & sacerdotes ipsi exe-  
 crādi, quod inter eos aliqui mali sunt? Nam  
 nec ideo picturā & pictores execramur &  
 detestamur, quod pictorum nonnulli pictu-  
 ra abusi sunt, atq; fœdarūt, quod Dei immor-  
 talis & diuorum diuarumq; effigies ex dile-  
 ctorum puerorū puellarumq; aspectibus ef-

finxerūt. Nec ea ratione quoq; studia sapien-  
 tiæ contemnenda sunt, quod inter philoso-  
 phos Aristippus, Protagoras, Epicurus, a-  
 lijꝫ non pauci philosophia abusi sunt. At si  
 qui præterea sunt, qui Poëticam uituperent,  
 hi se barbaris immaniores atq; ab humani-  
 tate prorsus alienos ostendunt, quippe cum  
 neq; Germani ipsi, ut Tacitus scribit, carmi-  
 nibus abstinerint, neq; Britanni, ut eorū  
 historiæ facile declarant: quin & hac tempe-  
 state non pauci apud utrosq; in omni bona-  
 rum literarum genere bene audiunt. Neque  
 Persæ Poëticā spreuere, apud quos Magi pa-  
 tria carmina (ut ait Curtius) canunt, & Stra-  
 bo oden eorum cōmemorat, in qua c c c. &  
 l x. palmæ utilitates cōnumerantur. Neq;  
 Iudæi, apud quos omne genus carminis in-  
 uenitur, neq; Hyperborei, neq; Scythæ, neq;  
 Medi, neq; Indi, neq; Phryges, neque Aegy-  
 ptij, neq; mulieres Amazones: sed neq; Galli,  
 apud quos maximè laudati, & summo in pre-  
 cio habiti hi, qui Bardi dicebantur, qui, ut  
 Diodorus & Strabo testantur, tum Gallorū  
 laudes, tum uituperationes musicis quibus-  
 dam instrumentis & uersibus canebant, a-  
 deoꝫ existimati, ut non modò Galli ipsi, sed  
 & hostes eorum præsentia & cantu arma de-  
 ponerent: atq; idcirco Bardum, ut Pōpeius  
 tradit, Gallorū lingua cantorem significat,  
 quod uirorum fortium laudes Bardi cane-  
 rent,

rent. quare ineptè puto Græci quidam *βαρδοὶ* scribūt, αἱ ὁδοὶ παρὰ τοῖς γαλάταις, cum οἱ ὁδοὶ uel αἰδοὶ legendum sit, hoc est, cantores. Scribit tamen Berosus, apud Celtas antiquiss. regem fuisse, qui inuentione carminis & musicæ apud illos fuerit inclytus. Sedenim Bardorū meminit & Ammianus Marcellinus, cuius ex libro hist. xv. libentius uobis uerba recito, qđ in peruulgatis exemplarib. mendosissimè leguntur. Post hoc, inquit, de Galis loquens, hominib. paulatim excultis ingruere studia laudabilium doctrinarum, inchoata per Bardos, Batties & Druidas : & Bardi quidem fortia illustrium uirorum facta heroicis compositis uersibus cum dulcibus lyræ modulis cantitarunt: Batties uerò scrutantes secreta & sublimia naturæ pandere conabant. Inter hos Druidæ ingenijs celsiores. & quidem ille hætenus. Eadem ferme & Strabo. Sed & Bardos Lucanus Anneus in catalogo his uersibus cōmemorat:

*Vos quoq; qui fortes animas belloq; preemptas*

*Laudibus in longum uates demittitis æuum,*

*Plurima securi fudistis carmina Bardi.* De iisdē

meminit & Athenæus, & Possidonius Apageus. Quisnam igitur demum amplius Poëticam incuset? quis tam efferus damnet? quis tam excors & à ratione auis explodat? cū hæc Dei sit inuentū, cū hac eius iras auertimus, nobisq; propitiū reddimus: cum hæc

religionem pietatemq; nos prima docuerit, feros hominum mores animosq; ad ciuilem cultum pellexerit, cum urbium seditio- nes pacetur, cum in bellis uictoriam sapius ipsa pepererit, cum ad immortalitatē & sem- piternam gloriam uirtutes extollar, uitia de- primat, cum hac feras ad nostra obsequia & salutem traducimus, cum uentos & turbi- nes sistimus, cum morbos & fata remora- mur, & uincamus. Audite nunc quæso, quæ Actiū olim memini, cum Neapoli essem, de Poëtica cum Pontano & alijs perorare. Qui bus, inquit, uerbis aut quonā ore gestuq; as- surgemus Poëticae? quæ princeps & de Deo differuit, & eius laudes cecinit, instituitq; sa- cra, unde primi poëtæ & theologi & sacerdo- tes uocati, uerbisq; conceptis suis eum pla- cauit & cantibus, docuitq; habere rerū hu- manarū curam, benigneq; cum probis age- re, excandescerent cum improbis. Hæc pri- ma excitauit ad uirtutē homines, dum ani- mæ immortalitatem profitetur. Hæc è terris piorum animos in cælum deuexit, impiorū detrufit in tartara: hæc bonis tandem præ- mia retribuit, malos pœnis, postremisq; in- se- cuta cruciatibus. Salue igitur doctrinarū o- mniū mater fecundissima, salue iterum. Tu enim mortalitati occurras inuentorū ac scri- ptorū tuorū perpetuitate. Tu è syluis homi- nes eruisti, atq; è speluncis, Per te noscimus,  
per

per te præterita ante oculos cernimus, per te Deum sapimus, religionemq; retinemus ac pietatem, deoq; ipsi accepti supernam etiã in sedem ab eo euocamur, arasq; cum ipso me remur & templa. atq; hætenus quidem ille. Hæc cum dixissem, paululum ipse conticui. Tum nõ multò pòst sic ad me cõuersus Piso ait : Omnia quidẽ quæ abs te nobis dicta in Poëtica facultatis cõmendationem, mirũ dictu est quàm nos delectarunt. Vnum ramen illud abs te nobis in præsentia cupimus absolui, ad quod istiusce rei accusatores tanq; ad arcem quandam & præsidium munitissimum, cum urgentur confugere solent: Platonẽ scilicet uideri à sua illa republica suisq; legibus poëtas eiecisse atque eliminasse, hiq; eius philosophi, qui diuinum nomen meruit, autoritate in Poëticam & poëtas insurgunt. Cui ego aliquantulum cõmotus ita respondi: Vsq; adeo Piso apud me semper Platonis ualuit autoritas, ut ab eius sententia in ijs quæ ad doctrinam sunt recedere nefas & piaculũ duxerim. Verũ eius scripta à nõnullis interdum in mediũ afferri uideo, qui uel ea parum perceperunt, uel in eorũ non sunt diutius lectione uersati, eaq; minus diligenter & curiose perpenderunt, uel ab alijs plerunq; accepta retulerũt. Nã si modò quæ alibi de poëtis ipse scripserat, legisset, uel memoriẽ mandassent, seu qualẽ ille tum rēpub.

cōstitueret scire uoluissent, aut si maiore uel studio uel diligenti examine prius omnia eius scripta expendissent, non modò pro se Platonem, sed contra se acerrimè stare liquidò cognouissent: præter id quod sua ipsius studia nullus unquam uituperare consueuit, sibiq; cōtradicere (fuit enim & Plato ipse poëta, poëmataq; omne genus & carmina scripsit, ut alio uobis loco clarius ostendā.) Verum ne quis id (ut mihi aliquando) uobis fortè obijciat, Platonē admodum iuuenem ea carmina scripsisse, quæ matura mox ætate igne aboleuerit, dicens, Hic ô Vulcane tua ope Plato indiget: illud cōtrà uos afferre, eam ipsum facultatem tanti omni suæ uitæ tempore fecisse, ut moriens sub puluino poëtæ Sophronis poëmata continuerit: qđ certè non fecisset, nisi ualde Poëticā probasset. Priuatim quoq; ac peculiariter facultatem ipsam celebrat cum in Phædro & Lyside alijsq; sparsim dialogis, tum in Ione præcipuè, in quo Poëticam deorum immortalium munere datam hominibus contendit: alibi quoq; parentē & ducem totius philosophiæ esse ait. Verum etiā & in illa sua repub. quam suo sibi arbitrato ipse, & legentibus non imperantib. scripsisse uideri potest, libro secundo, poëtas uocat deorum filios: & alibi in deos quoq; suos laudes & hymnos carmine cōscriptos, & item in optimos uiros laudes

cani



cani decernit. Vnde quamuis mendacia, & de deis mentientes, ab ea tanquã profanos expellit, bonos tamen & pios in eam libenter & admittit & suscipit, nedum eiicit. Septimo etiam de legibus uolumine, non modò nō expellit poëtas, sed eis etiam lege promulgata præcipit, deis ipsiſ precationes laudesq; componere, quæ censorum iudicio recitentur. quod & ipsum ex eodẽ scribit Eusebius. Alio tamẽ modo Max. Týrius, quare Homerum eiiciat Plato interpretatus est: suam enim, ait ille, rempub. & ciuitatẽ constituisse, quæ ratione potius uideri possit. absoluta, quàm ut alicui usui mortalib. futura sit. Homerũ uerò ita egisse, ut simul prodesse & delectare posset. Longa est hac de re Maximĩ narratio. Iustinus quoque philosophus & martyr alio modo defendit: Ignarus, inquit, Plato, in quibus Homero succenset ipsemet redarguendus offendit. & cætera multa quæ hac de re profert uir & sanctissimus, & doctissimus. Franc. tamen Petrarcha in libris inuectiuarũ, putauit à Platone scenicos tantum poëtas eiici, non reliquos: quàm rectè, ille uiderit, eius enim tempestate parũ Platonis opera in luce fuisse facilè crediderim. Sed uos audiat is rogo, quæ super hoc ipsi Platonis interpretes dicant: Non omnes, aiunt, Plato poëtas è repub. exterminat, sed illos qui uel turpia de deis confingũt, uel pertur-

batos animos acrius imitantur & referunt. neq; poëtas, aiunt, undequa; expellit, sed ex urbe, id est, ex turba, & iuuenum & ignorantium multitudine, qui in perturbationes admodum sunt procliues, nec in arcanos poëtarum sensus penetrant: id etenim propriū esse poëtarum munus affirmant, ut affectus moueant & impellant. Possem & uobis alia referre, quæ sunt ab alijs obseruata, sed pro tempore hæc satis sunt. Nō eorum, inquit Piso, ut uideo, tutum est confugium, qui ut Poëticam incusent, ad Platonis sententiā se recipere solent. Vides tu inquam, quantū illis præsidij Academia afferat: nam & qui in ea Platonem secuti sunt, Poëticā summis laudibus celebrarunt. Sed & illud nihil calumniatoribus suffragat, quod cum adhuc, aiunt, rudis & agrestis esset Romanus populus, aliquando poëtas grassatoris nomine appellarit, atq; eo nomine Poëticam uituperant. Cur hi nō potius illud obseruarūt, Numam Pompiliū illum religiosissimū Romanorū regem, uersibus à se de deis deorūq; cultu cōpositis, ijsq; in sacris publicis ac ludis ritè decantatis, ferocissimam gentem, cum id assiduus egisset, ad mores humaniores deorūq; cultum transtulisse? Cur non tot alia Romanorum carmina: de quibus agemus cum ad Latinorum poëtarū imagines sermo noster peruenerit. Tardius quidem scenica & thea-

tralis musa urbem est ingressa. Secundo enim bello Punico, pennato, ut ille cecinit, gressu accedentem, in gentem suam bellicosam Roma admisit. Nec id quicquam apud uos momenti habeat, quod à rabulis quibusdā potius quàm Iureconsultis astrui solet, nullam de poëtis usquam in legibus mentionem haberi, nec ipso etiam capite de professoribus. Nam cū ubiq; cōmendatione dignissimos poëtas leges ostendant, in primisq; Homerum, à quo & persæpe auctoritatem petunt, non opus fuit de re cuius nulla esset controuersia mentionem facere, cum ea ipsa facultas supra cæteras sit disciplinas, ipsamq; supra philosophiā, ut quæ munere potius dei humano generi tributa sit, quàm quod doctrina aliqua discatur: neq; enim in scholis, ut cæteri professores, poëtę fiunt, sed nascuntur. Et si qui perseuerent maledicendo legulei, non ijs alios opponam quàm Iureconf. Modestinum, qui apud antiquos uersus scripsit: & hoc tempore Budæum, Alciatumq;, acres bonarum omniū causarū, cultarumq; legum illustratores, antiquorum uerò Iuriconsultorum imitatores & æmuli, quibus cum rem agent nebulones isti. Quare iam quæso facestant huiusce facultatis uituperatores, nec ea ratione quod ab aliquibus aliquādo poëtæ damnati sunt, uel quod inter illos scelerosi quidam & impudentes inuen

ti sunt, cum longè plures in reliquo hominū genere flagitiosi ac facinorosi, nefarii etiam, siue mihi philosophos, siue iurisperitos, siue sacrorum & templorum editimos afferatis, reperti sunt. Multa tu quidem, ait Piso, breuiter & tuo more succinctè retulisti, nūquid quod nobis amplius dicas restat? Nonnulla inquam, & illud in primis quod adhuc est à poëtis etiam obseruatum, Non omnes scilicet qui uersus pangūt poëtas esse: neq; enim, ait Horatius, concludere uersum dixeris esse satis, nec rursus omnes qui uersus nō scripsere uel scribere uoluere, indignos esse poëtæ nomine, quandoquidē Aristotelis est sententia, poëtam ex fabulis potius esse, quàm ex carminibus. Tum uetus illa quoq; Platonis sententia est, eos etiam poëtico agi furore, qui poëtarū carmina interpretantur, atq; ideo quoq; uates dici queunt: nam & Panætius philosophus Aristarchū ea ratione *μαῦρις*, hoc est, uatem appellabat: quod etiā scribit Athenæus. Sed & poëmata soluta oratione & scripta esse, & nūc ab aliquibus scribi audiuius, nec alius mihi uidetur aureus uterq; asinus, quàm poësis quædam oratione soluta. Nec etiam desunt inter eruditos, qui alterū quendam Aristophanem esse Lucianum existimēt, sed soluta oratione, Illud quoq; quod Græci scriptores tradunt, Sositheum poëtam, & Terpandrum Rhodium soluta

soluta oratione poëmata scripsisse (sic enim *καταλογάδην* interpretamur) hoc manifestè ostendit. Aesopum quoq; fabularum scriptorem, apud Philostratum Apollonius & Menippus poëtam fuisse censent. Sed & M. Tullius & Ruffinus cum de oratorum pedibus & numeris differūt, in hunc propè modum loquūtur: Rhythmus numerus uocatur inter Græcos & Latinos, itaq; uideo uisum esse nonnullis, Platonis & Democriti locutionem etsi absit à uersu: tamen quòd incitatus feratur, & clarissimis uerborum luminibus utatur, potius poëma putandum, quàm comicorum poëtarum, apud quos, nisi quòd uersiculi sunt, nihil est aliud quotidiani dissimile sermonis. Sed & Vergilium Maronē soluta oratione suam Aeneida scripsisse sunt qui tradūt. Hęc ego cum dixissem, statim excepit Piso: Postquā, inquit, intelleximus, nō omnibus qui uersus faciunt poëtæ nomen conuenire, rem nobis profectò gratam periuicundamq; feceris, si quos tu poëtæ nomine dignos censeas, quod eorum officiū, quē licentiæ modum, nos docueris. Ad arduas, inquam, & res perdifficiles dicendas me uocatis: sed cum tot ante me, & in primis Strabo, Lactantius & Horatius hoc idem dixerint, si paucis illorum sententiam inter tot, qui se poëtas hoc ipso tempore arbitrantur, dixero, nullis puto iniuria fiet. Illum uos igi

*Poëta quis.*

tur poëtam & poëtæ nomine dignum existimatote, cui egregium insit ingeniū, & mens diuina, atq; ore magna sonet. Hinc rectè quidam, ut modò dicebam, dubitauere, an Comœdia poëma esset, qđ nihil dissimile à quotidiano sermone habeat: nam nec satis est, ut ait Horatius, puris uersus perscribere uerbis. Quamobrem nō malè fortassè is dixerit, qui poëtam ita definierit, hominem esse, qui spiritu afflatus magna egregiè appositeq; cū admiratione loquatur. à qua sententia nec Pontanum abhorreere ab Actio audiui. cui definitioni si par carmen addat, omnia planè cōprehensā uidebuntur. Placet uerò tanquam auctarium addere, quod Lactantius Firmianus de poëtæ officio scribit: Poëtę, inquit ille, officium in eo est, ut ea quidem quę uerè gesta fuere, in alias species obliquisfigurationibus cum decoro alio conuersa traducat, & obliquo uelaminis figmēto obscurer, sic ut ueritas inuoluta obtegi uideatur: totum enim quod referat fingere ineptū est, & mendacis potius & nebulonis, quàm poëtæ. Sed uide Piso, quàm nos huiusce facultatis suauitas atque dulcedo longius à tabulis traxerit, dum aliam rem ex alia conserimus. Nos uerò te libenter, inquit Piso, ad istarum rerum digressionē conuersum audiuiamus: & nisi molestum sit petimus, ut anteq̃ poëtarum imagines nobis recenseas, eam rem nobis

bis edisseras, quæ nec à proposito aliena fuerit, ut scilicet poetarū poematūq; species nobis enumeres. Quî possum, inquam, uobis tam pudēter ac modestè, magna licet ac perdifficilia petentibus, non gratificari? præcipuè cum nec à tabularū materia res seiuncta esse uideatur. Et simul ita sum exorsus: Qui Diomedem secuti sunt, quòd is sex carminū qualitates esse statuit, sex poetarū species esse uoluerunt, heroicos, tragicos, cōmicos, melicos, satyricos, & choriambicos. At qui Cæsium Bassum, in octo species distinxerūt: in epicos siue dactylicos primò, dein in epigrammatarios, tertio in iambicos, quarto in Lyricos, quinto in tragicos, sexto in satyricos, septimo in comicos, octauo demum in mimos. Sed mea quidem sententia longè melius Isaacius Zeses Lycophronis interpres, qui undecim poetarum species esse uoluit: & primo quidem loco heroicos, inter quos primores ille quinque Græcos posuit, Homerum, Hesiodum, Panyasin, Antimachum, & Pisandrum: cuius nos quoque exemplo Latinos quinque numerabimus, Vergilium, Statium, Lucanum, Syllium, & Val. Flaccū. Secundo deinde loco lyricos ponit, in quibus decem, Stesichorum, Bacchyliden, Ibycum, Anacreonta, Pindarū, Simonidem, Alcmanam, Alcæum, Sappho, & Ecyrrinā, nisi fortè græco codice perperam pro Corinna Ecyrr

*Poëtarum & poematū quot species.*

rina legatur. quibus quos Latinos cōferam non habeo, præter Horatiū Flaccum, & fortasse Bassium, & paucos alios: & nostro tempore fortasse Io. Aureliū Arimineñ. & Phil. Beroaldum iuniorē Bononieñ. Tertio loco dithyrambicos statuit, qui sacra Baccho carmina canebant, à quo poëtæ ipsi nomen habere creduntur: quippe Bacchus Dithyrambus ideo dictus, qđ bis sit natus, & duabus, ut aiunt, ianuis egressus: uel quod in antro sit nutritus *Διθύρβη*, hoc est, quod duo haberet ostia. Sunt qui tradāt, quod ebrii ac uinolenti minimè secreta cōseruent, atq; ex pectoris penetralibus credita sibi arcana proferre soliti sint. Vinum enim, ut ait Pharnutius, *Διθύρβον τὸ γόμα* facit: atq; ideo qđ huiusce modi poëtæ Baccho afflati furerent, in prouerbium uersiculus ille celsit, *Διθύραμβοποιῶν νοῦν ἔχεις ἰλάττονα*, hoc est, mētis minus Dithyrambopœis possides, ut apud Aristophanē notant grammatici. Alij dithyrambum dictum quasi lithyrambon existimant, quod cum Iupiter Bacchum femori suo affluisset, ille exiturus clamaret, *λύθι ῥάμμα, λύθι ῥάμμα*, hoc est, solue futuram, solue futuram. Sunt præterea dithyrābici uocati Amphianactes, quod hi poëtæ dithyrambos ita exordirentur, *ἀμφίμοι αὐαξ*. In hoc genere Philoxenum Cytherium insignem cōmemorat Isaacius. Tripus uerò præmium dari ijs poëtis solitus fuit



fuit qui concinnè dithyrambicū cecinissent. Primus uerò Pericletus Lesbius dictionem dithyrambicam cōcinuisse proditur. Sed & Melanippides Melesius plures dithyramborum libros scriptos reliquit, ut alios mittā, de quibus agemus sequentiū dierū sermonibus. Legimus & dithyrambicos etiā interdū uocatos Cycliodidascalos, ut paulò mox ostendam. Vsi quidē hi poētæ fuerūt tumidis uerbis & cōpositis multiplicibus, si modò rectè hac uoce effingimus, qđ Gręci dicūt πολυπλόκοις, quocirca dithyrambicā dictionē ijde pro obscura ac tumida minusq; intellecta dicere consueuere. Vnde poēta noster Horat.

*Seu per audaces noua dithyrambos*

*Verba deuoluit.* quod non rantū de Pindaro est intelligendum, quā de dithyramborū natura. *διθυραμβώδης* quoq; Philostratus, pro eo quod est granditer dicere, & tumidè ac uehementer, nec semel in Sophistis posuit. Porro Isaacius in quarto loco Iambo-graphos reponit, quos in tragicos, satyricos, comicosq; distinguit. In quinto Elegos cōmemorat, & hos præcipuè, Callimachū, Mnimermū, & Philetan: nos Tibullum, Propertium, Ouidium. Sexto ordine epigrāmatographos nominat, & in his Sīmonidē antiquum, Palladan, & Agarthian: nos Catullum & Martialem, & nostro tempore Marulum, & qui nisi ex scriptis cognosci uult C.

Septimo uerò loco collocat anathematicos qui in templis & deorum delubris anathemata, hoc est, donaria munerūq; inscriptiones, & huiusmodi cætera apponebant, affigebantq; in quibus Homerum collocat, qui eius generis uersus in phialam, quæ à filiis Medi Delphis in tēplo Apollinis dicata fuit, condidisse fertur. Sunt inter græca epigrammata huius generis plura, & apud Athenæū & Pausaniam. Octauum locum hymnographis attribuit, qui in deos hymnos cecinerunt. In horum uerò numero antiquiorem illum Orpheum, Homerum, Hesiodum, & Asclepiadem reponit, nos autem Liuiū Andronicū, & qui nostra ætate Deo opt. max. diuisq; multis, inter quos Io. Fr. Picus, tuus Pice pater, item Bembus & Vida, alij. Nonus poëtarum locus datur Asmatographis, qui laudes & carmina, tuba, cithara, barbitoue, seu musico alio instrumēto cantare soliti essent: atq; inter hos præcipuos Automeden, Demodocum, & Laren Corcyreos, & Phemium Ithacensem, idem Zezes reponit. Decimo loco epithalamiographos memorat, qui nuptialia carmina & cōnubiorum celebri-  
tates descripserunt, qualis fuit Agamestorus Pharsalius, quē alij Agametora nuncupant: itē Hesiodus, qui Pelei et Thetidis nuptias celebrauit, cuius poëmatis tale fuit principiiū:

○ quater Acacide felix, ô terq; beate

In Me-

*In Megaris sacrum licuit cui scandere lectum.*

Scripsit item apud Græcos Stesichorus Helenæ primus epithalamiū, ut Theocriti scribunt interpretes, quē Stesichorū secutus & imitatus est Theocritus. Apud nos uerò in hoc genere carminis laudat in primis Catullus, Stattius & Claudianus, & nostro tēpore Altilius & Cælius noster. Ea uerò est epithalamiorū lex, ut eorū quædā uesperī canant, cum sponsi cubitū eunt, unde & græcè κατὰ κοιμητικὰ uocantur, eaq; ad mediam ferè noctem cōcīni cōsueuere: quædam uerò in diluculo, cum ferè tempus est surgendi, unde et ὄρθια dicta, uel διρρηγνικά. Canebant quidem apud antiquos epithalamia à uirginibus et pueris pro thalami foribus, ne uidelicet uox & clamor uiolata à uiro uirginis exaudiretur. Ultimo loco monodos poëtas Zezes statuit, qui uniformi & simplici materia uersus edidit, uel qui sub una tantum personam suā explicat, ut, inquit, in Alexandria fecit Lycophron. Monodia tamē pro lugubri & flebili cantu interdum sumitur, uel cum unus è scena tantū canticū profert, nō chorus omnis. Atq; hæc quidem hætenus Isaacii distributio: quanquam in ea recensenda nōnulla de industria uel addidi uel prætermisi. Tua ista ex Isaacio distributio, seu poëtarum diuisio certè nobis, inquit Piso, ualde placuit. Num uerò illa tibi placet, quæ est ab

*Epithalamiorum lex.*

Alexandro cum patre facta apud Dionem, ubi de regno disputatur? Nō omnis, inquit, pater regi conuenit poësis, sicuti nec omnis amiētus: nam poëmata alia, inquit, ad amores pertinent, alia ad conuiuia, & comestationes, alia ad pugilum uel equorum laudes & uictorias, alia ad nœnias & defunctorum lachrymas. Nōnulla sunt risus & ioci gratia celebrata, alia his etiā sunt magis cōmunia, ut quæ cuiusq; ordinis homines admoneāt, sicuti ea sunt quæ à Phocylide & Theognide descripta sunt. At uerò HomERICA sola generosa est & magnifica, atq; ob id maximè regibus conuenit. Pulchra ista, inquam, ô PISO, & Alexandro digna sententia, uerum est ad uersuum potius materiam, & rem subiectam, quàm ut ad poëtas ipsas, & poëmatū nomina congruat. Sic est, inquit PISO, ut ais: & ad me conuersus, non ab re certè feceris, idq; nobis gratissimū, si (quandò diei hora suppetit) poëmatum quoq; nomenclaturas, & si nō omnes, eorum saltem quæ tibi genera succurrerint adieceris. Sic faciam, inquā, ut potero, uobisq; libenter morem geram, eorum præcipuè quæ in mentem uenerint, (sunt enim ferè innumerabilia.) Est igitur in primis Epos, quod & heroicū carmen dicimus, & Deliacū, quod eo in Delo, ut putatur, oracula darentur. quanq̃ & genus hymni hoc nomine apud Pindarum inuenimus.

Est

Poëmatum nomenclaturæ.

Est elegum, cuius et si incerta uidetur esse origo, teste Flacco, qui tamen eius inuentores tradant, in Callini imagine referemus: quidam enim Callinū ipsum, alij Theoclen, alij Midam prodidere. Carmen est certè miserabile, unde & illi nomen: *ἑλίων* quippe est misereri. alij ab hac particula, *αἰαί*. Didymus uero *ἀπὸ τοῦ ἑ*, quod qui ad tibias concinunt lugere uideantur, uel quod ad ipsa defunctorum nenia concinantur. Eadem & Suidas. Alij ab *ἑλὶ γάρειν*, quod insanire significat, qđ cōmotæ mentis Theocles esset, cum primū hoc carmen edidit: unde & ex hoc *ἑρως ἑλὶ γάρειν* à Græcis celebratū. Sunt & iambi, & iambe siue iambica: quæ ita differre existimantur, quod illa ex iambis continuis, & maledictis armantur: iambea uerò siue iambica metro magis, quàm ratione sunt iambo similia, licet plerunq; confundantur. Porro iambicorum carminū multæ sunt species, monometrum, quod duobus simplicib. pedibus constat, dimetrū quod quatuor, trimetrū quod sex, qui & uersus senarius dicitur & senarius: tetrametrum quod octo pedibus, qui & quadratus & octonarius appellatur. Sed & inter iambica trimetra frequentius, quod & ipsum duplex est, rectū perfectū uel dictū, nempe *τιλῆ*, quum eius scilicet penultima breuis est, hoc est, iambus uel pyrrhichius: & claudus, qui *σκάζων*, uel *χωλός*, uel *χωλίστατος*

cum penultima longa est, hoc est, extremus pes spondeus uel trochæus est. Vtrunq; lepidè poëta Naso describit:

*Liber in aduersos hostes stringatur iambus,*

*Seu celer extremum, seu trahat ille pedem.* Iam-

bicis item uersibus à Pindari expositoribus addunt Iambelega, hoc est, ex iambico & elego cōposita: tamen in ijs perperam *ιαβιλλῆα* interdum legitur. Sunt etiā qui iamibū inter uersus primū extitisse putent, ut Aristot. quade re alibi. Vocatur uerò iambus uel *παρὰ τὸ ἰάτῳ*, uel *παρὰ τὸ ἰαμβίζω*, quæ uerba maledicere & calumniari significant, & ut ait Hephæstion, plena amaritudinis uerba dicere. Hinc *ἰάμβηλον* hominem conuiciatorē ac maledicū à Græcis uocari, testes sunt Hesychius & Suidas. Iambum alij ab Iambe uetula, de qua in Hipponactis uita agemus. Nōnulli ab Iambe Meganiræ & Celei ancilla, uel ut est apud Nicandrum, Hippothoontis, quæ Cererem de raptu filię sollicitā malè tractauit, quidam à Thriambo, hoc est, Bāccho triumphatore. Sunt qui à Marte, quod scilicet in prælijs tela iaciātur, *παρὰ τὸ ἰονβαλλῆν*. Hephæstion quidem addit, & puellam quampiam Iamben uocitatam, quæ turpi admodum calumnia affecta suspendio uitam finierit, ut etiam Lycambides ex Archilochi carminibus: atque ideo aiunt iambum compositum ex breui longa, propterea qđ ex breui causa calūnia

oria-

Iambus unde dictus.

oriatur, tum in magnū malum definit, ut sapientiss. testis est Homerus. Sed hæc locupletius à grāmaticis. Qui aut̃ primi iambos scripserint uariè quoq; traditur: quidā Simmiā Rhodium, alij Ariūm uel Anamiam, aliqui Simonidem, nonnulli Archilochū, alij alios tradidere, de quibus in imaginib. agemus. Inter poëmata sunt & pæanes, quorū duas species facit Suidas, alteram deo Marti ante præliū, alterā Apollini post præliū. Sanè Homerus post sacrificij missionē pæona cani inquit, cum cecinit, καλὸν αἰέθονος παῖνονα. Alij in pestilentia missionē pæana cōcini solitū uoluere, ὅτι παύει τὸν λοιμὸν, qđ scilicet sedet pestilentia. alij à feriendo, hoc est, πύειν, ut alio loco sum dicturus, dictū tradiderūt. Porro, ut uideris, Homerus pæona uocat, quē alij pæona, alij pæana: unde est uidere apud auctores his tribus modis hoc nomē enūciari. Nec minus est hoc uobis loco illud significandū, apud antiquos species quinq; fuisse odarū cātilenarū uel heroicarū: quarū prima sophronistice dicta est, quæ in moderatione quadam & modestia cōsistebat, qualis Clytemnestræ cōcinuit cantor. Altera encomiastice, qua uirorū illustriū præconia canebant, unde & illi nomen est factū. Tertia threnetice est, quā lugubrē nos dicere possumus. tū quarta est orchematice, hoc est, saltatoria. quinta est pæanice, qualis usus est Homerus,

*Heroicarū odarum quinq; species.*

ut à grāmaticis est obseruatū in primo Iliad. Fuit ad hæc Nomus seu melos harmonium quod à discumbentibus concini solitū accepimus, in Harmodij & Aristogitonis laudē. Fuerunt & oschophorica, id est, ramifera, quæ dicta putantur, quod in oschophorijs celebritate canerentur, ut Pollux innuit; uel ut asserit Theophilus, παρὰ τὸ ὄσχη, quæ uitem pampinūmue significat. Sunt Parœnia debacchantiū ac potantium cantica. Sunt qui triumphantibus ascribunt triambi: licet & Festus dicat triambos cum terni in prosce-  
nio loquunt. Sunt & quæ in pestilentia mis-  
sione concinunt Epilœmia, quæ Deus faxit nos propediem pro patria cōcinamus. Sunt & quæ ad torcularia & in uindemijs Epile-  
nia, quæ in uictorijs epinicia, quæ in nuptijs Epithalamia & Hymenæi. Sunt quæ rusticis & pastorib. canunt Bucolica, & Bucolismi, à Diomo Siculo inuenta. Item carmen No-  
mion ab Eriphanide decantatum dum ue-  
nantem Menalcam per syluas sectaretur, cu-  
ius historiam Clearnchus pluribus explicuit. Sunt & carmina quæ à pedibus quibus con-  
stant, denominata sunt, ut dactylica, spon-  
daica, chorica, anapæstica, & cætera quæ no-  
ta uobis, ut etiam sunt scolio, & ipsa à pede  
nūcupata scolio, hoc est, amphibrachy, qui  
pes à scolio & cithara dictus est, unde & pro-  
uerbium, Scolia Meliti. Sunt & qui à tibia-  
rum



rum specie, uel ab obliquo in conuiujs canendi ordine dicta scolia putent, quę conuiuorum sunt cātica. Alij scolia appellata putant κατ' ἀντίφρασιν, quod minus obliqua essent, id quod hi reprehendunt, qui in Aristophanem scholia collegerunt. Legimus quoque Tyrannionem celebrem tunc grammaticum, Caij Cæsaris rogatu de scolio metro cōmentarium scripsisse. Scribit Dicæarchus in libro de musicis certaminibus, tres fuisse apud antiquos canticorū species, quas inter secundam ait à peritissimis quibusq; cani solitam, nō alternis & seruato ordine, sed præterito semper altero, atq; ab obliquo eo ordine scolion nuncupatā. Eadem ferè Aristoxenus & Phyllis prodidere, sed in nuptijs cani solere à discumbentibus, myrteum uel laureum ramū manu tenentibus, cuiusmodi Timocreon Rhodius, cuius inter scenicos imaginem referemus, scripsit. Legitur et unius adhuc principium Admeti celebratū Athenis, quod Alcæo aliqui ascribunt, alij Sappho: sunt qui Praxillæ Sicyonię illud fuisse affirmēt. Tale uerò est, ut meis uerbis uobis exponam: Admeti orationem ô amice discens, probos ama, à timidis abstine; sciens quod timidorū parua est gratia. Est & rhythmus, quo antiquiores usi, alio longè modo quàm quo nunc uulgò uti cōsueuimus, qua de re multa scriptores: latinè numerus

appellatur & modus, teste Censorino, quo  
 autore à Rhythmonio rhythmus denomi-  
 nat, qui Orphei filius fuit, & Idmoniae nym-  
 phæ Maricæ, ut Niceratus scribit in libro  
 quem cōposuit de Musico fratre Rhythmo-  
 nij: siquidē ait Peridemen, ex eo & Chloride  
 filia Tiresiæ natū, qui primus cecinit res ge-  
 stas parentū musicis cantib. Sed de rhythmo  
 plura Dionysius in libro similitudinū de Py-  
 thagoricorū sententia, ut nunc mittam quæ  
 nostri musici scribunt. Sunt & carmina quæ  
 à pedum numero denominant, ut dimetra,  
 trimetra, tetrametra, ut iam diximus. Item  
 sunt pentametra, hexametra, & eiusmodi re-  
 liqua. Sunt & quæ à uersuū numero dicunt,  
 ut disticha, tetrasticha, hexasticha, hecatōsti-  
 cha, alia. Sunt & quæ à literis, quæ in princi-  
 pio uel fine uersuū ad aliquid significandū  
 ponunt, appellantur, ut acrosticha, acrosti-  
 chides, teliofstichides, parastichides, de qui-  
 bus planius in Sibyllarum imaginibus age-  
 mus. Sunt & quæ ab inuentoribus, ut Linus  
 carminis genus, qui & Clinus, & Oetolinus  
 dictus est. Nelinus etiā cantionis genus, si-  
 cuti & Elinos: quidam eiulatum & Lessum  
 interpretantur, ut Hermolaus existimauit.  
 Herodotus Linū carmen ab Aegyptijs Ma-  
 neron uocari prodidit. Sed de Manero & Li-  
 no plura Athenæus, & nos aliàs. Reponitur  
 & Hialemus ab Apollodoro & Theocriti cō-  
 men-

mentarijs inter eos uersus qui flebiles sunt & miserabiles, qui threni à Græcis uocant̃. Fuit uerò hic Calliopes, ut quidam tradunt filius, ut alij Cliſs, ut nos in Musis nostris docuimus. ab hoc prouerbium est, Hiale mo frigidior: & *ιαλιμίσσω* uerbum eiulo & fleo, & *ιαλιμώδης*. Sunt itidem ab inuentorib. & frequentius uſis nuncupata, Polymneſtia, ter-  
pandria, ſapphica, aſclepiadea, alcmanica, euripidia, pherecratia, et huiusmodi penè in finita. Sunt & qui nomi, hoc eſt, leges & modi & moduli appellantur, quoniã quaſi lege præſcriptũ ſit, ne fidiũ uocumq; intentiones mutarentur. Ariſtoteles tamen dubitare uidetur an ideo nomi uocentur, quod ante literarum uſum leges paſſim canerent̃, ea ſcilicet ratione, ut tenacius memoriæ manderent̃, & inde legum nomẽ canticis manſiſſe. Nomos uerò excogitatos à Terpandro legimus, ut in eius imagine referemus. malũt alij à Philãmone. Nomorũ autẽ ſeu modorũ rationem circunſcribunt Lucianus & Apuleius. hic ita in Floridis: Tibicen, inquit, quidam fuit Antigenidas, omnis uoculæ mel-  
leus modulator, & idem omnis modi peritus modificator, ſeu tu uelles Aeolion ſimplex, ſeu Iaſium uarium, ſeu Lydium querulum, ſeu Phrygium religioſum, ſeu Dorium bellicoſum. Ille uerò, id eſt Lucianus, in Harmonide, uniuſcuiuſq; ait, harmoniæ eſt ſuũ

proprium, hoc est, Phrygiæ Entheum, Ly-  
 diæ Bacchicum, Doriæ castum, Ionici iu-  
 cundum. Hæc illi. Nomorū porro apud Plu-  
 tarchum in musica species multæ, Apothe-  
 tus, elegus, comarchios, schœnion, cepion,  
 dios, trimeles, tum post hos Bæotius, Ae-  
 lius, Oxys, Terradius, Orthius Palladis no-  
 mus argumentum bellicum habens, ut Ti-  
 motheus Alexandro ostendit. Sunt & qui  
 Dianæ attribuant, deamq; ipsam Orthiam,  
 alij Orthriā, & nomon ipsum Orthriū, & pe-  
 dem quoq; nuncupent. Sed reuera nō nihil  
 differunt: hic enim, id est, Orthrius, matuti-  
 nus est, ut & dictio, & uox manifestat. Sunt  
 & nomi alij plures, de quibus alibi. Sunt &  
 carmina quæ in deos canunt, hymni, & ho-  
 rum species uarię, Bacchi, Dithyrambi, Par-  
 thenia. Iuli matri deūm cantica, licet Simus  
 Delius Cereri attribuat, ea ratione, qđ ulos  
 & iulos manipuli multi hordei colligati sic  
 uocentur: unde & Dimitruli & Calliuli hy-  
 mni: etsi, ut ait Athenæus, lanificij esse canti-  
 ca ulon & iulon existimāt aliqui: alij & Pro-  
 serpine hymnos asserunt. Sed quod iulos sit  
 uermis multorū pedum, & prima lamugo,  
 notius per grammaticos est, quā ut hoc  
 uobis loco opus sit referre. Sunt & uspingi,  
 qui & hypingi, qui, ut ego quidem opinor,  
 non fortassis malē upingi dicentur: sunt e-  
 nim cantica, quæ Dianæ dicata fuerant: sic  
 uerō

uerò dicti upingi, si coniectura duci fas sit, ab Vpi ipsius Dianæ patre, cuius de deorū natura meminit Cicero: unde & Diana ipsa & Vpis & Opis interdū dicit, prima syllaba producta. hæc tamē nomina cum apud Pol lucem & Athenæum, tum in Apollonij Rhodij commentarijs inuersa leguntur. Præter hæc hymnorū genera sunt & alia, quæ Menander rhetor exequitur, quæ sanè hoc loco vobis afferam. Is igitur Menander cum ageret de hymnis qui ad deos canuntur, ita græcè scribit: Hymnorū, inquit, aliqui κλητικοί, alij αποπειμτικοί, alij φυσικοί, alij μυθικοί, alij γυναιλογικοί, alij πεπλασμένοι, & alij στυγτικοί, & alij απουητικοί. demum alij mixti, uel ex his duorum generum, uel trium, uel omniū simul. Clerici quidem, hoc est, inuocatiui, ut sic dicam, cuiusmodi pleriq; Sapphūs & Anacreontis, & aliorum poetarum multorū, deorū inuocationē continent. Apopemptici, quasi eos dicere possitis remissiui, & comitatiui, ut migrationis alicuius, atq; abitionis comitatu habentes, cuiusmodi quidam Bacchyli dis fuisse traduntur. quidam tamē hos apodempticos uocare potius uidentur. Physici uerò, hoc est, naturales, ut quidam fuerunt apud Empedoclem, in quibus quæ sit Apollinis, uel Iouis, uel alterius dei natura, exponitur: cuiusmodi Orphei multi legunt. Mythici sunt qui mythos, hoc est, fabulas conti-

nent cum quadam allegoria procedētes, ut  
muros construētem uel Admeto seruientē  
Apollinē, uel si quid tale inducamus. At ue-  
rò genealogici hymni eorum sunt, qui poē-  
tarum theogonias sectantes, Apollinem La-  
tonæ, Musas Mnemosynes filias uocant. At  
peplasmēni, hoc est, ficti, hi dicuntur, quo-  
ries deis corpora assignimus, uel deorū aut  
dæmonum progenies narramus, quemad-  
modum Simonides αἰρίον dæmonem uoca-  
uit, & alij ἔκνον, alijq; aliud quippiam. Demū  
Euctici, hoc est, precatorij, seu uotiui sunt,  
qui tenuem quandam orationem seu depre-  
cationem continent absq; alijs partibus ora-  
tionis: sicuti Epeuctici dicuntur cum con-  
traria precamur. Et hactenus ferè Menan-  
der meis incōptiorib. quidem uerbis. Sunt  
& qui addant ἀπορητικῆς, siue Διαπορητικῆς, hoc  
est, dubitatiois, ut si dubitemus, sit ne amor  
Chaūs & Veneris filius. Sunt præterea pro-  
seuctici, qui & Euctici, ut diximus, quales  
adhuc leguntur apud nostrum Horatiū. Sed  
ad alia iam transeamus. Fuit & Castorion  
carminis genus hyporchematicō, rhythmo  
Æolico conditum, cuius & Pindarus me-  
minit. Inuentū traditur à Castoribus, hoc  
est, Castore & Polluce, qui & ipsi Orchesti-  
cæ operam dederunt. Epicharmus quidem  
Mineruam scribit armatam hoc genus car-  
minis præcinuisse, atq; ex illo Lacones in bel-  
lo ri-

lo tibijs usos esse, Castoriumq; concinuisse. Verum de Enoplia musica & saltatione, & Græci plura, & ex ijs alibi nos. Ad hæc sunt & poëmatum & carminū species threni, & nœniæ lugubres, quib; Olophyrmus dicit, & quæ in funeribus & sepulchris canūtur, epicedia & epitaphia, elegia. Sūt & Silli, qui poëmatis species sunt, cōuicij & maledicentia pleni, quibus supra licentiam poëtæ cauillantur: quippe τὴς σίλλης dicacitates, & sales mordaces Græci uocant, qualia Timon poëmata scripsit & Xenophanes, qui ea de causa fillographi dicti sunt. Ammianus quoque Marcellinus, Didymum ait imitatū fillographos, libros sex in Ciceronem scripsisse. Iulius Pollux σιλλάνειν ait significare, cum irrisione quadam cōmouere τὴς ἰλλης, id est, oculos, & ab eo poëma irrisorium Sillos dictum esse. Idem & Suidas. Alij quidā Græcorum grammatici παρὰ τὸ τίλλω, quod est cauillor & irrideo, ut est apud Anacreontem, cognatæ literæ mutatione τ in σ, Aelius Dionysius σιλλᾶν uerbum esse ait, quod in cōtemnendo & cauillando oculos in aliam partē flectere significet. Sunt qui hoc poëmatis genus originē traxisse uelint ex HomERICA poësi, ea parte qua Therfites in Græci exercitus principes conuicia iactabat. Quæ hoc loco uobis libentius retuli, ne uos quoq; cū ijs errore ducere mini, qui uel à Psyllis populis,

uel à *σείρω* hoc genus carminis deductū male existimarunt. Sunt & quæ pægnia dicuntur, poëmatis ludicri genus, quale scripsisse Homerum, in eius imagine recensenda referemus. Mnaseas quoque Locrus, seu Colophonius, ut est apud Athenæum, qui à familiaribus dictus est Salpe, à quodā piscis genere uario (nam & huiusmodi poëmata uarium habent argumentum) hoc genus carminis scripsit. Nymphodorus uerò Syracusanus Salpen Lesbiam facit pægniorum autorem. Alcimus Bothryn Salpen cognominatam pægniorum inuentricem tradit. Salpen citat Plinius in xxviij. libri indice. Hermolaus hac in re scribenda parum fidelis uidetur. Legimus præterea Gnesippū pægniographum, & Aratū, ut alios mittamus. Hinc sunt dicta Erotopægnia poëmata amoris ludicra, quæ perperam quidam Crotopægnia nuncupant apud Gellium & Aufoniū. Huiusmodi poëmata Lelium antiquissimū poëtam, & Calphurnium Pisonem scripsisse accepimus, ut alibi ostendemus. Est & Technopægnion apud Aufonium Gallum ludicrum quidem poëma, uerū multa arte compositum: etsi Technopechion à nōnullis parū scitè legitur. Est & quod Cyclon uocant, cuius et Themistius meminit. Multi uerò talia carmina cecinerūt, inter quos & Homerus. Cyclica quoq; carmina uocari scribit



bit Isidorus, quæ cuiusque materiæ simplici forma facta sunt, quæ & à Græcis cyclia dicuntur, quorum cum apud alios frequens mentio, tum in primis apud Aristophanem & Suidam. Hanc carminis speciem intellexisse Horatius uideri potest, cum ita ait:

*Nec circa uilem patulūq; moraberis orbem.* quod & ex dimidiatis in eum cōmentarijs Acronem cognouisse crediderim. Proclus Platonius librum scripsit de cyclo epico, in quo de propria poëtarū uirtute loquitur, & Homeri præcipuè: cuius cum meminerit Aristoteles, & eum secutus Themistius, mirum est quod adeò ab ipsius Aristotelis interpretibus exponatur. Multa quidem Philoponus, ut est copiosus scriptor & eruditus, sed huius certè cycli ratam parum uidetur habuisse notitiam. Sunt etiam qui encyclium poëmatis genus nuncupent: & encyclopædiam uocari tradit idem Proclus poësin ipsam heroicam. Sed de encyclo & encyclopædia aliàs plura: scientiarū enim & disciplinarū orbem, quo eæ simul connectuntur & copulantur, significare plures existimauere. Sane cycliodidascaleon Græci uocant, pro eo qui & dithyrambopæus dicitur ab Aristophane & alijs. Porro & cyclia uidetur grāmatica dici à Nazianzeno Gregorio: nam de Basilio agēs ait: Sed in primis, inquit, grāmaticam edoctus, quæ cyclia dicitur scien

tia, quod circa eadem uoluitur, ac uertitur.  
 Est quoq; cento poëmaticis genus, cuius hæc  
 esse legem, ita ad Paulinū scribit Ausonius:  
 Cento, inquit, quid sit absoluā: uarijs de lo-  
 cis, sensibusq; diuersis quædā carminis stru-  
 ctura solidatur in unum uersum ut coëant,  
 aut cæsi duo, aut unus, & sequens cum me-  
 dio: nam duos iunctim locare ineptum est,  
 & tres una serie meræ nugæ. Diffunditur au-  
 tem per cæsuras omnes, quas recipit uersus  
 heroicus, conuenire ut possit aut pentime-  
 meris cum reliquò anapæsto, aut trochaicæ  
 cum superiore segmento, aut septem semipe-  
 des cum anapæsto chorico, aut post dacty-  
 lum atq; semipedē quicquid restat hexame-  
 tro, simile ut dicas ludicro, quod Græci osto-  
 machion uocauere. Hactenus ille. Cōposue-  
 re uerò hoc genere carminis Eudocia, Pro-  
 ba, & Pomponius, qui ex carmine Vergilia-  
 no, inter cætera sui ingenij monumenta Ti-  
 tyrum in Christi laudem cōposuit. Extant  
 in hoc genere centonis apud Irenæū de Her-  
 cule eiusmodi uersus: legitur & Ausonij epi-  
 thalamiū. Valentinianus quoq; Imperator  
 huiuscemodi uersibus aliquando lusisse scri-  
 bitur. Sunt qui à Christianis genus hoc con-  
 ficiendi centonis inuentū uelint: ego quid  
 hac de re statuā certi nihil habeo. Deductū  
 quidem uideri potest id nomen à uili & rusti-  
 cana ueste, uarijs & uersicoloribus segmen-  
 tis

tis filisue confuta, cuius in primis ab autoribus rei rusticę & rei militaris fit mentio, ut scriptores alios præteream. Tertullianus certè uir eruditissimus idem innuit in libro de præscriptionib. aduersus hæret. Homeri, inquit, centonas etiam uocare solent, qui de carminib. Homeri propria opera more centonario, ex multis hinc inde cõpositis in unum sarciant corpus. at uerò alij quidã παρὰ τὸ κεντρίσειν, quod est inferere, deriuari uolunt. alij quidam παρὰ τὸ κεντάω. quippe ferūt centones ita cõpositos, ut liber ex quo cento conficiendus est & coagmentandus, totus prius perlegat, punctoq; si qua pro materia proposita reperiūtur, annotentur, quæ mox collecta in poëmatis corpus redigantur coagmententurue: atq; ab ea, ut sic dixerim, punctuatione ex nostris quidam nominari centonem uoluere: nam pridem est explosa eorum opinio, qui à numero centenario centonem dici credidere. Nō desunt qui centronas putent legendum esse, quando & Suidas inter cætera κεντρῶνος significata, eas ait orationes significare, quę in diuersum et uarium sensum simul cõmutari & conuerti possunt, ad unumq; finem, & ut Gręci dicūt, scopon: talia sunt, inquit, homerocentra. Apud Latinos tamen iam usu receptum est à primis usq; temporibus, ut centonē tam pro ueste & stragula, quàm pro poëmate dica-

mus. Viuit & amicus meus hodie unus & alter qui centonas cōficit. Sed de centone puto iam satis, nōnihil enim & in imaginibus Probæ & Eudociæ meminerimus. Cōfines sunt centonibus parodiæ, de quibus in Hegemonis imagine nonnihil agemus. Item quæ per adiectionē uersus uersui conficiuntur, quo pacto ex Homero fecit Pigres Carius, de quo in eius imagine: uel qui ex alienis uersibus aliam materiam componunt, qua de re Tertullianus Septimius in libro paulò antè citato. Cum enim de Marcione & Valentino hæreticis, qui diuerso modo sacras literas interpolarunt, ageret, sic subinfert: Et ideo, inquit, habent uim & excogitandis instruendisq; erroribus facilitatē, nō adeò mirandam quasi difficilem & inexplicabilem, cum de secularibus quoq; scripturis exemplum præstò sit eiusmodi facilitatis, quo ius hodie ex Vergilio fabulam, totū aliam cōponi, materia secundum uersus, uersibus secundū materiā concinnatis. Deniq; inquit, Ouidius citra Medeam, tragædiam ex Vergilio plenissimè expresseit. Meus quidam propinquus ex eodem poëta, inter cætera styli sui ocia pinacē Ceberis explicuit. Et hæc quidē totidem uerbis Tertullianus. Fuerunt præterea apud antiquos carmina quæ axamenta dicebantur, quæ & saliaria à Salis sacerdotib. in uniuersos, ut Festus ait,

homines

homines componebātur: dicta, ut puto, qđ axare antiquis nominare significabat. Versus uerò qui in deos singulos canebātur, ab eorum nominibus appellabantur, ut Iunonij, Mineruij, Ianuarij, & eiusmodi. Sunt & Fescennini uersus apud Latinos, qui in nuptijs cani solebant, ab urbe eius nominis dicti, ut Pompeius & Seruius notant: siue qđ fascinū arcere credebantur. Huiusmodi uersus Fescenninos Aug. Cæsarem scripsisse testis est Macrobius. Talem describit T. Liuius Fescenninū, qualis est Glyconius Catulli: ut faciliè ego in eam sententiam uadam, Glyconium ipsum Catullianū in hoc genere fescenninorū reponendum esse, Catullo ipso etiam id significante eodem carmine:

*Nec diu taceat procax fescennina locutio.* Est uerò apud scriptores frequens huius uersus mentio, impropriè licet interdum usurpent, ut apud Hieronymum. Sunt & carmina seu poemata quæ pammetra dicuntur, à uaria & multiplici uersuum materia, uel differentia, qualia se scripsisse Diogenes Laërtius testatur. Sunt & quæ rhapsodiæ uocant, quæ uel à censoria uirga, uel quod consuta cōnexaq; sint ita appellant, quales libri Homeri sunt, aliorumq; multorū. Nicocles quidem Hesiodum primū fecisse rhapsodias scriptum reliquit, à quo & Hesiodi ipsius uersus hac de re afferunt, quibus ostendit se & Homerū eius-

modi uersus in Delo primū concinuisse:

*Ἐν δὲ τότε πρῶτον, ἐγὼ καὶ ἑμμεν αἰδοί*

*Μίλομεν, ἐν νηαροῖς ὕμνοις ῥάψαντες αἰοιδίῳ.*

Hoc est:

*In Delo tum primum ego, Mæonidesq; poëtae*

*Lusimus, inq; nouis carmen cantauimus hymnis.*

Athi qui à uirga nomē deducūt Callimacho poëta nitunt, qui dixerit, *ἐπὶ ῥάβδῳ μύθον ὑφαίνοντες*, id est, fabulā in uirga cōtextā. Laurinā uerò uirgam eam Græci scribunt, unde sunt quos rhapsodos & rhabdodos uocatos diximus. Sanè Pindari expositores Iliada Homeri magis rhapsodiā esse uolunt, quàm Odysseam, qđ scilicet hęc unius laudatio, illa uerò multorū sit. Est & qđ tum procomion, tum epicomion uocitat à Pindaro, qđ quidē carminis genus Pindari interpretes in comestrationib. petulantibusq; tripudijs cani solitū tradidere. Est & qđ uocāt apostolicon, cum de alio ad alium scribimus, qualis est secundus, ni fallor, Isthmionicorū hymnus. Est et bucolicon carmē, qđ à genere ueliculi astrabicon nominatur, ut ait Probus, et nos antè meminimus. Est & Lityerses genus hymni messorij, sic cognominati, ut quidā scribūt, à Lityersa Midæ filio, qui apud Celænas ad ueniētes in conuiuiū uocās cōpellebat mox secū metere, quibus cum capita præsecuisset reliquū corpus abscodebat. Sunt qui scribāt loris eos cedere solitū quos uicisset dum meteret,

teret, uerū cum nactus esset se ualentiorē, ab eo malè mulctatū. Sunt qui ab Hercule uictū tradant, & in Mæandrū fluuium deiectum, quod in Theocritū scribunt interpretes: hic immanis adeò thericum hymnū, id est, messorium instituit, qui à suo nomine Lityerses dictus est. Meminit Theocritus edyllio x. et Apollodorus in hunc fermè modū scribens: Quemadmodū, inquit, in threnishialemus, & inter hymnos iulos, à quibus odæ dictæ sunt, sic & messorum cantus Lityersas. Hæc ille. Ab hoc uerò prouerbium factum est in eos qui in uiti & non ex animo canunt, Can tum lityersen canis. Historiæ meminit & Pol lux aliqꝫ grammatici. Sunt & Ithyphallica, quæ, ut cum honoris præfatione loquar, fascino, id est, priapo erecto caneantur, quæ de re in Mæcenatis imagine agemus. Sunt & daphnephorica, & tripodephorica, quæ à lauro & tripode in Apollinis sacris delatis nuncupata caneantur, qualia oschophorica diximus. Reponuntur & hæc à Pol luce & Athenæo, embateria, parodos, emmeleia, proauliæ, pronomia, himerus & himadus: tametsi ab alijs hæc, Imæus, epimyrus, uel epimylius, imalisqꝫ uocentur. Sunt & quæ parœmiaca uocantur carmina, quæ à prouerbijs quibus præcipuè scribuntur, ut ait Hephæstion, appellata sunt, cuius & normam præscribit. Hoc uerò genere in primis

uſi ſunt Cratinus & Archilochus. Sunt &  
 alia genera, quę quanq̃ gręca, noſtris tamen  
 notiſſima, eclogę, ſoterię, edyllia, protrepi-  
 ca, propemptica, parænetica, erotica, pra-  
 gmatica, hypothetica, proſphonetica, eucti-  
 ca, apenctica, proſeuctica, ſchedia, atque hu-  
 ius generis ſimilia. Sed iam abundẽ me uo-  
 bis hac in parte ſatiſfeciffe exiſtimo. Et qui-  
 dem ut dixiſti, ait Piſo, abundẽ: nō enim mul-  
 ta ſuperſeſſe in iſto poëmaturum genere credi-  
 derim, niſi uulgatiora & protrita grammati-  
 cis ſectari uelimus, qđ nos per nos facilẽ fa-  
 cere poſſumus. Sed tamẽ aliud ego, &, ut pu-  
 to, Picus abs te uel expectamus, ſi nō feſſus,  
 uel expetimus, ſi non grauaris. Et quid tan-  
 dem, inquam, eſt quod à me hodie amplius  
 expectetis, præſertim cum iam diei ſerum ſit,  
 niſi fortẽ ueterum poëtarum imagines, qui  
 ante Homerũ cecinere? Sedenim hoc in ſe-  
 quentis diei ſermonẽ differemus. Nō iſtuc,  
 inquit Piſo, ſed uerſuũ affectiones quas uo-  
 cant, & proprietates, quę cum parum dili-  
 genter & concife traduntur ab alijs, tum ab  
 alijs adeo corrupte, ut mirum ſit quàm id li-  
 benter abs te audire cupiamus. Sic faciam,  
 inquam, & clarius breuiusq̃ quàm potero.  
 Illud uerò uos in primis monitos uelim, me  
 affectiones uerſuum nō modò eas intellige-  
 re, quę tu fortẽ, & quę proprie Gręci πάθη  
 τῶν σίχων, & τρόπος, ſeu γὰρ ἐπιχολὰ uocant, ſed et  
 diffe



differentias, ac, ut dixisti, proprietates. Nam ueluti in hominibus affectiones non solum bonas, sed & malas, hoc est, uirtutes & uitia, unde & tales affectos homines tali uel uirtute uel uitio dicimus, sic & nunc ego in carminibus statuo. Sunt autem hæ carminū affectiones re quidem sexdecim, nomine uerò plures. Sex quidem propriè *πάθη*, quas tamē quinque tantum cōmemorat Diomedes, decem uerò ceteræ sunt, id est, proprietates. Sex igitur quas priores diximus, tres sunt quæ uersui aliquid addunt, tres demunt Addunt procephalus, procælius, & dolichuros. Demunt acephalus, lagarus, & miurus: & earū duæ quidem in principio uersus, procephalus & acephalus: duæ in medio, procælius & lagarus: duæ in fine, dolichuros, qui & *μαροσκελής* dicitur, & miurus. Procephalus uersus uocat, cum in principio tempus uel syllaba abundat. Latini huic nomen nō dedere, quod adhuc legerim, quādo neque hunc Diomedes ascripserit, nisi fortè nos præcipitem uocemus. Tale est Homericum illud:

*ἢ ἐπ' ἐμῶναι Διὶ μῶσαι δ' ἀνσῆο θέοιο.* Potest & illud tale esse nostrum:

*O gratum, quippe meis succedes sedibus hospes.*

Procælius uersus dicitur, cum in medio uel syllaba, uel tempus superat, quem nos uentriosum, uel uentre prominulū dicere possumus, eadem causa *ἐγκύου* quidam uocarunt.

H

eiufmodi est Homeri illud:

*ὄρα καὶ ῥήσεις δυνίω ἀμφὶ θύβασιν.*

*enim*

in medio superest. Item Vergilij illud:

*Aut ouīū fortus, aut urētes culta capellæ.* uel illud:

*Neste Amarylli nodos, Veneris dic uincula nesto.*

Quamuis anapæstico resolui potest, qui Cupidini consecratus esse dicitur. Dolichurus uersus uocat qui longiorē habet caudam, hoc est, finē: qui & longioris cruris, hoc est, μακροσκέλης appellatur, & hypermeter, & hypercatalecticus, quoties in fine syllaba superabundat, quale est Græcum Homeri:

*λεπτόν κ' ἐὶ χόριον περὶ σῶν λω βάλλει' ἔχει.* ubi *i* su-

perat. Nostri poetæ uerò:

*Quin protinus Omnia perlegerent.* Et illud:

*Et spumas miscent argenti uiuæq; sulphura.*

Acephalū carmen uocant Græci, Latini mutilum uel truncū, quod principio careat, uel literam uel syllabam, ut ait Diomedes, amittat, uel cū à breui syllaba incipiat. Homerus:

*Ἐπειδὴ νῆας τε καὶ ἑλλήσποντον ἴκοντο.* deest e-

nim in primo pede tempus. Vergilius: Flumini-  
um rex Eridanus. Item, Arietat in por-  
tas. Et, Parietibus textū cecis iter. Alij pro-  
celeusmaticum uocant. Sunt & aliorū uer-  
sum acephali quidam, quorū Maurus Te-  
rentianus exēpla cōmemorat. Lagarus, qui  
à nostris exilis & hiulus uocatur, λάγαρος  
quippe uacū & inane significat. Idem σφη-  
κώδης, uel σφηκωειδής, uel σφήκας, à uespis quæ  
sunt

sunt ex genere insectorū, appellatur, uersus est qui in medio exilis est, & tempore uel syllaba deficit. Homerus:

Αἶψα δ' ἄρ' αἰνάαρ ὑὸν φίλον ἀγχίσαο. Item:

βῆδεις αἰόλου κατὰ δώματα. In utroq; enim

tempus deest in medio, sicuti in Vergiliano:

Cōcilii ipse pater, et magna incēpta Latinus. Itē:

Omnia uincit amor, & nos cedamus amorī.

Est & miurus uersus, qui non à muris cauda, ut hactenus pleriq; credidere, dictus est, quasi μῦος ἔρα, sed παρὰ τὸ μειῦμαι, quod scilicet in fine minuatur, id quod & Galenus medicus in primo de pulsuum differentia docet.

Nempe & miurus pulsus species est, à uersus similitudine, in fine propè deficiens, quod etiam post Galenū Paulus Aegineta prodit. Sunt ex grāmaticis qui latinē scripserūt, qui

παρὰ τὸ μέωσιν καὶ ἔραμ dici autumāt: de his Diomedes ita: Ast qui in ultima cōclusionē porriuncula uel syllaba fraudātur, uel tempore deficiunt, græcè miuri & scizontes uocant, quale illud est Homeri:

Τρώες δ' ἐρρίγησαν ἔπος ἰδοὺ αἰόλον ἔφιν.

Quod Terentianus ita transtulit:

Attoniti Troës uiso serpente pauitant. Miuri

sic etiam meminit in centimetro Seruius ad Albinum: Miurum, inquit, carmen constat ita ut heroicum, sed pyrrhichio claudit, ut:

Mortem contemnunt laudato uulnere Getæ. Sunt & huius generis Coluri appellati, sicut iam-

bicus ille, qui colurus à Diomede dictus,

*Trabuntq; siccas machinæ carinas.* ubi syllaba deest, quæ catalecta uocat, de qua paulo mox. His expositis proprietates etiam commemorabo, quas enumerat hoc modo Diomedes, licet ea parte eius codex sit mendosissimus: ἀπλήγεις, ἀσύγγοι, ἰσοσχεμοί, πρῆταμοί, ἰσομεῖς uel ἰσόμετροι, σιρυγγώδεις, ἰσοτίλεις uel ἰσοκλήτοι, κυκλοτελεῖς, ὕχειτικοί, & φωνατικοί. Latine idem sic nūcupat, Illibatos, iniuges, æquiformes, quinquipartes, paripedes, fistulares, æquidici, teretes, sonori, uocales. Igitur illibati, seu inculpati sunt, qui non aucta uel imminuta aut amputata syllaba uitiantur, sed integra & plenissima dictione formantur, ut illud:

*Depresso incipiat iam tum mihi taurus aratro.*

Iniuges sunt qui à nulla coniunctionis syllaba copulantur, quos etiam Græci ἀσωθεῖτες nuncupant, sicut est:

*Tectum augustum, ingens, centum sublime columnis.*

Æquiformes sunt, qui non cōposita uel simplici figura ostentantur, ut:

*Vrbe fuit media Laurentis regia Pici.*

Nusquā enim hic duæ partes orationis nectuntur. Quinquipartes sunt, qui quinque partes signant, ut illud:

*Miscet flumina candida sanguine sparso.*

Paripedes, qui græcè ἰσόμετροι dicuntur, ἰσόχρονοι ab Hephæstione, uersus sunt qui eandem syllabarum quantitatem, eosdemq; pedes habent

bent à primo ad ultimum, ut græcum illud:

*ἐν μίασιν ἑνὶ ξυμβλήτῃ μὲν ἀλλήλοισιν.*

Et Ennianus ille:

Olli respondit rex Albai longai. hos spondai zontas Attilius Donatianus appellat. Tales etiam ex dactylis fiunt, ut Vergilianus ille notissimus: \*

*Panditur interea domus omnipotentis Olympi.*

Fistulares sunt qui paulatim accrescēte partis orationis numero, ab unica syllaba plures adusq; dicuntur: hos euripalicos uocat Seruius, ut ille est:

*Rem tibi confeci doctissime dulcisonoram. Vel:*

*Te semper precibus uenerabor cunctipotentem.*

Aequidici sunt qui singulis præpositionibus antithetas apparant dictiones, ut:

*Alba ligustra cadunt, uaccinia nigra leguntur.*

Albis enim nigra posuit, ligustris autē uaccinia tribuit, & cadentibus legenda assignauit. Teretes uersus sunt qui uolubilem & coherentem continuant dictionem, ut Neronianum illud seu Persianum:

*Torua Mimalloneis inflatur tibia bombis.*

Sonori sunt qui crepitant & pronunciationem faciunt fragorā, & exultantem informant dictionem, ut:

*At tuba terribili sonitu procul ære canoro.*

Et Ennianum illud:

*At tuba terribili sonitu taratantara dixit. Et illud:*

*Quadrupedante putrē sonitu quatit ungula campū.*

Est & illud nostrum:

*Cava tum tinnitus turribus altis æra cient.*

Vocales sunt qui per alta producta locutione sonantibus literis uniuersam dictionem illustrent, ut est illud Pacuuij:

*Fulua Parætonio uaga Cynthia proruit astro.*

Nunc etiã uobis species sex uersuum, quas in Enchiridio Hephæstion constituit, cōnumerabo. Et primo quidē *ισόχρονος* est, de quo iam egimus: & apertissimos, qui integram sententiã habet in se. Hic idem est qui à Dio mede ἀπκλιγῆς nuncupatus est, hoc est, illibatus et inculpatus, ut paulò antè diximus. nescio an et hic sit qui καθαρός alibi ab Hephæstione uocat. Tum βαχὺς, quē Diomedes interpretatus est fragosus, qui illeuigato & áspero sono inconditoq; uariatur, ut illud:

*βριχάτε καὶ τετραχθα διατρίφει ἐκπισι χειρός.*

Malacoides uersus appellatur, qui audientium auribus molliter incidit, ac quodãmodo labi & currere uidetur. Huic nō dissimilis qui teres dicit, hoc est, κυκλωτικὸς, de quo iam locuti sumus, ut illud est:

*αἶματι δρόντο κόμαι χαρίτιασιρ ὁμοῖαι.*

Cacophonus uersus est, cui multæ uocales insunt, ut græcum hoc:

*φῆι ἀδπρῆ λογῶν ἔχειρ ἀνὰ φαιδίμω ὄμω.* Postremo λογισδὺν cōmemorat, qui est, cū pedestri & soluta oratiōe currere uersus uidet, ut est:

*ἱππὸς ἔξ ανθὰς ἱκατόν καὶ πενήκοντα.*

His

His adiūgit Hephæstion septē differētiās heroici carminis. catenoplæon, cū duos habet dactylos sequēte spōdeo, ut nostrū ex græco:

*Sic ait illachrymans, cui retulit optima mater.*

Periodicon est cum spondeus dactylum sequitur, ut Homericum illud:

*ἄλομένην ἢ μὲν ἄχαιῶν ἀλγέϊ ἴθικεν.*

Bucolicon, cum post tres pedes partem explet orationis: aliq̄ uerò in quarto pede id fieri aiūt, unde & tetrapodia bucolica dicitur, ut res est notissima, alijs græcis & nostris scriptoribus, qua in re in primis, cōmendat Theocritus: noster nō sic Vergilius, ut Terentianus aliq̄ notant. Sapphicon ait Hephæstion heroicum esse, cum à spondeo incipit, & in spondeum definit, ut græcum hoc:

*ἄλλοι μὲν γὰρ τοιοῦτε καὶ ἀνέρις ἱπποκοριστά.*

Hyporrhythmon est quod singulis pedibus singulas orationis partes habet, ut illud:

*ὕβρις εἴνεκα τῆς Δι, σὺ δ' ἰσχυρὸν ἦθ' οὐδ' ἡμῖν.*

Τέλειον, ut etiam nomē sonat, est quod habet omnes partes orationis, ut est hoc:

*πρὸς ἐμὲ τὸν Διὸς υἱὸν ἐτί φρονέοντ' ἐλπίαι.*

Politicon ultimo connumerat: est autē carmen quod sine affectione ulla est, uel figura, quod etiam logoides dicitur, ut illud est:

*ἵππες τι ξανθὰς ἐκατόν καὶ πεντήκοντα.* ut mo

dò dixi, nam pedestri fermè ratione currere uidentur, ut & illud est Ennianum:

*Vnus qui nobis cunctando restituit rem.*

Hephæstion uerò λογαιοδικὰ nuncupari ait dactylica quædam, quæ in regionibus quidem alijs dactylos habeant, postremâ autē syzygiam trochaicam, quorum & ueterum poetarū exempla ascribit. Dionysius tamen Halicarnassæus in rhetoricis, λογοειδέαρι uirtium in poematibus dicere uidetur, non simile modò solutæ orationi, uerū & nugax & nullius propè momenti. Colobi uersus hi uidentur esse, qui fluxi à Diomedediciuntur, quos & ait solito modo & uulgari metro quati. Fuit cum putarē eosdem, qui mutili & acephali dicuntur. Sunt etiā quas Græci uersuum ἀποδείσεις uocant. Latine Artilius Donatianus dispositiones, quæ, Diomedete teste, quatuor sunt, acatalecta, catalecta, hypercatalecta, & brachycatalecta. Acatalecta est integer uersus singulorum metrorum. Catalecta est uersus minus habens metricæ constitutionis. Hypercatalecta est super principiū uersus syllabam plus habens. Brachycatalecta pedem plus habet quā poscit pedum dispositio. Verū Marius Seruius in centimetro ita has describit: Catalecticū, inquit, uersum dicimus, cui una syllaba deest. Brachycatalecticū, cui duæ. Hypercatalecticum, cui una syllaba superest. Acatalecticū ubi nihil plus minúsue est in uersu, qui legitimo fine claud. & Hephæstion quoq; in Enchiridio, Acatalecta, inquit, metra dicunt, quæcunq;



quæcunq; ultimū pedem integrum habent,  
ut est in hoc uersu dactylico:

*Musa agè filia Calliope Iouis.*

*μῦσ' ἀγὲ καλλιόπεια θυγάτηρ Διός.* Catalecti-  
ca uerò, quæ diminutum habent ultimū pe-  
dem, ut est hoc iambicum:

*χαίροις α νύμφα χαίρειν δ' ὁ γαμβρός.*

*Quo*  
loco βρος syllaba pro toto pede ponitur. Hu-  
iusmodi est illud Horatianum:

*Mea renidet in domo lacunar.*

*βραχυκατάλη-  
κτα* uocantur, quæ in fine per dipodiam inte-  
gro pede deficiūt minuūturq;, quale est hoc  
iambicum:

*ἀγ' αὐτ' ἐς οἶκον τὸν κλεισίππῳ.*

*Quo qui-*  
dem loco, *σιππῳ* pro integra iambica dipo-  
dia ponitur, id est, pro duobus iambis pedi-  
bus. Hypercatalectici uerò nūcupantur hi,  
qui supra modum pedis partem suscipiunt,  
ut hoc est iambicum dimetrum:

*ἔμ' ὥς τ' ἀπὸ πασσάλῳ λυεῖσα.* Et nostrū tale:

*Adducis umbram ad apparatus.*

*Et hæ qui-*  
dem sunt quæ à Græcis uocantur *ἀποθεσεις*.  
Sanè & hoc, postquam ad dicendum mere-  
uocatis, nō prætermittam: uersus ideo à no-  
stris uocari, quod uerso quodam ordine cō-  
ponunt, quo pacto & à Græcis *μέτρα*, à qua-  
dam dimensione: quippe ut Hephæstion ait,  
tempus syllabā facit, syllaba pedem, pes ue-  
rò coniugationē (sic enim interpretor quod  
ille *συζυγία* dicit) cōiugatio uerò uersum, uer

sus uerò poëma perficit: itaque, ait, decenter  
 metrum uocatur. Sedenim Probus grāmāti-  
 cus hunc ipsum ordinem ita cōstituit: Ex li-  
 tera, inquit, syllaba nascitur, ex syllaba pes,  
 ex pede comma, ex cōmate uersus, ex uersu  
 colon, ex colo periodus. Hæc ille. Sed de co-  
 lo & cōmate plura dicere nō uacat, id enim  
 cum alibi nos, tum planè ex ipso Probo &  
 Diomede discere potestis. Sed ne hoc uos  
 fugiat postremū, prototypa carmina & ar-  
 chegona à Græcis dici, quæ originalia &  
 principalia ab Attilio uocantur. Diomedes  
 catastica, & diffinita uel principalia inter-  
 pretatur. Paragoga uerò quæ ab originali-  
 bus deducta sunt, quæ Diomedi deriuatiua  
 appellare placuit. Idem & addit his syntheti-  
 ca, quæ composita: & asyntheta, quæ incom-  
 posita: tum etiā synchymena, quæ cōfusa: uel  
 zeugmena, quæ cōiuncta, interpretatus est.  
 Sunt demum & uersus qui tibicines uocan-  
 tur, & in primis à Seruio, in quibus dictio a-  
 liqua est superuacua ad carminis fulcimen-  
 tum, cuiusmodi ille Vergilianos nonnullos  
 adducit. dictos hos grāmātici arbitrantur à  
 tibicine, id est, columella, quo tecta fulciun-  
 tur. Sunt & qui Vergilium tradant sua sic uo-  
 casse hemistichia. Porro & spurios uersus  
 uocamus, qui non sunt alicuius poëtæ legi-  
 timi, sed adulterini, quales nonnullos censo-  
 ria uirga in Homerica poësi notauere criti-  
 ci, hoc

ri, hoc genus appellant *volovomévous*, sicuti legitimos *γυναικας*. Quibus omnibus sic à me rap-  
 prim expositis, Vos, inquã, me hætenus hæc  
 congerere uoluistis: si fastidiose & anxie re-  
 tuli, uobis quàm mihi potius imputeris: si  
 placuere, amplum laboris fructum accepi:  
 & hoc simul dicto, in oppidũ perreximus.

## AD ILLVSTREM

D. ANNAM PARTHENIAM  
 PONTIS DOMINAM APVD SAN-  
 tones, LILII Gregorij Gyraldi in secundum  
*de Poëtarum historia dialogum*  
*proœmium.*



Entem nullam esse uideo, il-  
 lustriss. Anna Parthenia Pon-  
 tia, neq; tam feris moribus,  
 neque ab humanitate tam  
 prorsus alienam, quæ Poëti-  
 cæ facultatem, & Musarum  
 studia aliquo saltem modo, pro suæ naturæ  
 & regionis instituto, nō adamarit. Atque ut  
 ab ultimis auctoritatem reperam, Britanni,  
 tametsi penitus, ut ait poëta, nostro orbe di-  
 uisi, poëtas semper amauerūt, atq; inter eos  
 Plemmydius, Oronius, & Gildas celebrati  
 fuerunt. Eandem Poëticam ferocissimam  
 olim gentem Germanos non penitus fugis-

seu idemus: quippe si Tacito Cornelio credimus, carminibus gesta patria celebrabant, atq; in annaliũ loco & memoriæ seruabant, iturq; in prælium ijs carminibus pugnantium animos accendebāt, id qđ & Thracas factitasse idem autor est Cornelius. Fuerunt & apud præcos uestros, Gallos dico, in summo precio Bardi, de quib. multa priore dialogo diximus. Fuerūt & apud Persas sapientes qui Magi uocabantur. Medi quoq; oraculis ab Hystaspe uersibus usi sunt, & unā Zoroastrem uatem & magum coluere: ut Iudæos, Indos, Phrygas, Scythas, Hyperboreos, alias barbaras nationes hoc loco mitram, quę carminibus delectatæ sunt, quo fit, ut illud minus mirum uideri debeat, si apud eas gentes usque adeo poëtæ florere, quæ cæteris in omni humanitate & cultu excellerunt, Græcos dico & Latinos: qua in re utri utris præstiterint, non facilè dijudices. Varijs enim multiplicibusq; utrinq; rationibus disceptatũ est, atq; ita res in ancipiti uersata est, ut à quibus stet uictoria nondum sit planè discussum. Quare cum primũ de hac facultate sermonẽ, in quo quantũ pro tempore nobis cõuenire uisum fuit, de eius origine disseruimus, deq; eius excellentia, cæterisq; uirtutibus, Illustriss. Reginæ & Principi nostræ D. RENATÆ dicauerim, iure meritoq; secundus hic tibi debetur, in quo  
 primos

primos uates ad Homerū usq; collegimus,  
 quibus & Sibyllas ex uaria lectione pro ui-  
 rili nostra descriptas addidimus, quas hone-  
 stius nulli decentiusq; quā tibi dicare po-  
 tuimus, quæ Sibyllas tua prudentia æquas.  
 Debetur tibi, inquam, Parthenia hic secun-  
 dus dialogus, quod apud inclytam diamq;  
 RENATAM primū meritò locum obtines.  
 Nam præter generis nobilitatem, morumq;  
 & uitæ sanctitatem, quibus rebus omnium  
 cōmendaris testimonio, quis te in studijs di-  
 sciplinarum eminentissimā, in hac ætate nō  
 admiretur? quæ non modò in latinis literis,  
 quibus ab ipsis incunabulis nauiter operā  
 dedisti, sed in græcis quoq; ita profecisti, ut  
 græcos autores intrepidè euoluas, usquea-  
 deo, ut de te ea prædicari intelligam, quæ stu-  
 pore hominibus afferant, & miraculū esse  
 uideantur, quod scilicet supra sexus condi-  
 tionē ardua & difficilia moliaris. Nam quid  
 nunc memorē qualis sis in dignoscendis &  
 modulandiscarminibus? quali uenustate ca-  
 nas & gratia? quantum deniq; in omni Mu-  
 sica profeceris, id eius disciplinæ periti p: æ-  
 dicāt. Sed hæc tibi leuiora sunt, & animi tan-  
 tum gratia, quæ tamen uel in principe digna  
 ab antiquis existimabant, qui Musices igna-  
 rum etiam uituperabant, ut Themistocli cō-  
 tigit. Quid uerò hoc loco cōmemorem q̄ sis  
 in sacrarum literarum lectione & uersata &

erudita, cum in uera illa & germana theologia, theologos ipsos & sacros concionatores quotidiano propè sermone prouoces? Quid porro dicā, qua charitate & amore, ac potius pietate prosequaris illustrē uirum tuū, iure tuū, ut qui eisdem quibustū studijs & uirtutib. post militares artes sit ornatissimus? Nec dubium quin liberos tuos etiam sic educatura sis quamprimū disciplinæ capaces erunt, ut tali te matre & illo patre dignissimi futuri sint. Maesta igitur tantis uirtutibus & animi & fortunæ bonis Pontia, de cuius laudibus cum superioribus mensibus doctissimorum quorundam uiro-  
rum carminibus, aures mihi passim personarēt, ipse quoq; æger, ut sum animo & corpore, utcunq; hoc epigrammate lusi:

*Quod ueteres æquas uirtutibus heroinas  
Pontia, & exiguo corpore tanta nites,  
Hoc deses non uita facit, madidiq; trientes,  
Nec quas delicias plurima turba colit,  
Sed quod Palladijs teneros das artibus annos,  
Thespiadumq; sacris fontibus ora lauis,  
Et quod Socraticas audes euoluere chartas,  
Mirāq; diuini pendere sensa uiri.  
Et maiora facis: ueteris mysteria legis,  
Atq; arcana nouæ, pectore & ore tenes.  
Hæ tibi sunt artes, quibus unā heroidas æquas,  
Et super alta tibi sydera sternis iter.  
Accipe nunc igitur nostrum hunc secundū  
de*

depoëtarum historia dialogum, in quo de primis omniū poëtis agimus. Et quanquā uetera illa quidem & à recenti semota memoria (quæ Aristoteli parum iucunda uident) nō nihil tamē delectationis & uoluptatis, saltem ex uarietate afferre poterunt, præsertim cum tot ante Homerū poëtas floruisse uidebis, quem poëtarum primū & antiquissimū, omnium scriptorum penē consensus hætenus existimauit. Sed eo etiā longē antiquiores Hebræorum uates, & ex Sibyllis nōnullas facillimè cognosces. Leges ergo Parthenia nostra hæc, si quando ab alijs grauiorū autorū lectionibus, uel à regijs negocijs declinare contigerit. Spero nostra hæc qualiacunq; non ingrata tibi fore, ea in primis causa, quod uaria est, ut dixi, historia, & ab eo est composita, qui te tuasq; uirtutes plurimi facit & ueneratur.

Sed iam ad dialogū ipsum me conuerto. Nam cum priore die cū Pisone & Pico puero multa, quæ ad Poëticam eiusq; cōmendationem pertinebant, dixissemus, eiusq; uitu peratores, quantū in me fuisset refellissem, et poëtarū poëmatumq; species & affectiones, id est, *πάθη* addidissem, postero die cum conuenissemus in eisdem Carpeñ. Principis hortis, non multis post confectis spatijs confedimus, & prior inquit Piso.

Tanta fuit hesterni sermonis, si non uber-

ras, at certè rerum copia, ut quàm maximè cupiamus abs te reliqua audire: atque eò in primis, quod ad primos iam poëtas noster erat sermo deductus. Sic est, inquã ego, & simul cœpi. Erant igitur duæ in prima eius tabulæ regione ante alias imagines, quarum quidem alterius ob radiantis uultus splendore cornutum caput habere uidebatur, barba & capillo promisso. Altera uerò uirgo erat, quæ admodum læta canere, & puellarum chorum, in numerum agere uidebatur. Quorum nam istæ imagines, ait Piso: Cui ego: Ex sacris Hebræorum historijs horum effigies ductas arbitror, apud quos legimus, Mosē (quæ græcorum quidam Musæum appellauere, ut ex Artabano obseruauit Eusebius, ut uerò Manethon, prius Orfasiphas uocatus est, mox mutato nomine ab aqua se Mosē appellauit) hunc, inquam, Mosē & ipsius Mosi sororem Mariam primos hexametrum carmen, quod nos heroicū dicimus, modulatos esse. Tum ad me cōuersus Piso: Quis istuc, inquit, fieri potest: cum ex ijs doctissimis, qui nunc inter nos uiuunt, Hebræis audiuerim, nullos se habere uersus, præter incōditos quosdam numeros, nulla syllabarum pedumque lege compositos, quos ab Arabibus se mutatos esse fatentur. Non istuc, inquam, mirum uobis esse Piso uideatur: nam cum toties Iudæi propter impia scelera, diuino destituti præsidio,



præsidio, regnum amiserint, propriæ quoq;  
linguæ & sermonis elegantiam magna ex par  
te amittere, nedum carmen cōdere, & carmi  
num leges obseruare: atq; idcirco opinor fa  
ctum, ut apud eos uersuum formulæ deprauatæ, ac penè sint deperditæ, id quod fermè  
Latinis & Græcis contigerat, ex quo uarijs  
barbararū nationū bellis penè desolati fue  
rant. Nunc demum tamē, Dei opt. max. clem  
entia & benignitate, altius non nihil literę  
caput exerere cōperunt, adeò, ut non latina  
modò & græca, sed & Aramæa, & Chaldæa,  
& cū his Hebræa lingua floreat, nōnullosq;  
in his ita profecisse etiam in Hebræis uideo,  
ut Hebraicorū carminū leges ac regulas re  
formarint, & manifestis rationibus cōpro  
barint. Sed hæc aliàs: nunc ad Mosis & Ma  
riæ ᾠματα reuertamur, quæ nos cantica ap  
pellamus, quæ tum hexametro, tum sunt ele  
go carmine condita. Autores nobis, ait Pi  
so, afferri cupimus, istarū quas dicis rerum  
testes, idq; cum nostra causā, tum præcipuè,  
si quando nos isthæc alijs ipsi referemus, ne  
falsā & commentitia dixisse uideamur. Ad  
quos ego conuersus: Sit licet, inquam, hic ci  
randi mos autores parum eruditis obserua  
tus, nisi cū uel ardua res, uel nodus aliquis  
insolubilis incidit: tamen quòd iuuenū stu  
dium eos ipsos qui citantur autores legen  
di accēdit, uobis morem geram. Hoc igitur

in primis, quod de Mose & Maria ipsi diximus, ab Hebræis proditum est, Iosepho & Philone, à Græcis Origene & Eusebio, à Latinis Hieronymo, Isidoro, Beda, & alijs. Tum Piso : Ergo, inquit, hexametri uersus origo ab Hebræis, & non à Græcis defluxit, quod tamen aliàs ipse legi, & abs te didici. Quod cum Piso dixisset, memetipsum me, ne mendax, uanusq; uiderer, collegi : & simul, Locus, inquā, exposcere uidetur, ut hac de re, q̄ possim uobis paucioribus multorū sententias exponam. Sūt enim, ut modò dicebam, qui Mosi ipsi hanc inuentionē carminis attribuāt, ea uidelicet ratione, quod is græcos omnes scriptores longè uetustate superauit: quod ut planius uobis cōstet, audite obsecro quæ scribit Tatianus Assyrius, & Tatiano posterior Eusebius, diligentissimi ambo scriptores, quæ meis uerbis recitabo. Non Homero modò, inquiunt, Moses est antiquior, uerum etiam omnibus qui ante eum apud Græcos aliquid literarum monumentis mandauere, Lino scilicet, Philammone, Thamyride, Amphione, Orpheo, Musæo, Demodoco, Phemio, Sibylla, Epimenide Cretensi qui Spartam adiuuit, Aristæo Præconesio qui Arimaspiā scripsit, Asbolo Centauro, & Isatide, & Drymone, & Eueclo Cyprio, & Horo Samio, & Prosmantida, uel ut est apud Eusebium, Protænida Atheniensis.

atq;

atq; hæcenus illi. Moses ergo primus huius carminis autor. Apud Græcos uerò & nostros, quidam Phemenoën, de qua mox agemus, aliq; Thalem Milefium, aliq; Pherecyden Syrum dixerunt, aliq; columbas Dodonæas, seu aues illas, ut pleriq; seu magis, qd reor ipse, mulieres & Sibyllas, ante Phemenoën oracula carmine heroico cecinisse prodiderunt. Ipsarum hoc Græci carmen tradunt:

*Ἰὺς ἦμ, Ἰὺς ὄζιμ, Ἰὺς ἱσται, ὦ μέγαλι Ἰὺ,  
οὐ κάρπας αὐτίαι, διὸ κλήσῃς μετ' ἱρα γαῖαν.* Hoc est:

*Iuppiter est, erit, atq; fuit, tu Iuppiter ingens,*

*Qui bene fers fructus, ideo matrem dicite terram.*

Sed pleriq; aliam fabulam sequuntur. Cum enim, ut inquit Terentianus, adhuc infans esset Apollo, & Pythona serpentem sagittis premeret, Delphici accolæ perterriti bellantis animū dei suis acuebant uocibus, unde est ex sex spondeis factum carmen hexametrum: identidem enim puero acclamabant, *ἰν παιὰμ, ἰν παιὰμ, ἰν παιὰμ*, hoc est, Cæde pæan. Cum uerò iam Apollo serpentem confodisset, præletitia idem canere cœperūt, *ἰὼ παιὰμ, ἰὼ παιὰμ, ἰὼ παιὰμ*. At uerò Solensis Clearchus nulli inter Aristotelis discipulos secundus, ut Athenæus scribit, nō Delphicos accolas puerum animasse, sed Latonam ait, quæ ira filiū prouocabat ad serpentis cædem, *ἰν παῖ, ἰν παῖ, ἰν παῖ*, hoc est, cæde fili, cum ipsa supra saxum confugisset, qd ad suam usq; ætatem Latonæ

statuæ suppositū, idem ex Clearcho prodit Athenæus. Sedenim Ponticus Heraclides id in libationibus seruatum ait, atq; ex hoc trimetrum iambicū factum esse, quod postea Hipponaction uocatum est. Aurelius uerò Macrobius scribit, Vestales uirgines ita Apollini indigitare solitas, *in παῖν, in παῖν, in παῖν*. Sed qui in Pindarum cōmentaria scripsere, ante serpentis necem iambum decantatum fuisse uolunt, denominatūq; esse à serpentis calumnia: ut hinc quoq; facile credere possimus, quod est ab Aristotele proditū, iambum inter uersus primum fuisse. quin & Strabo, & quos modò citaui Pindari expositores, in ritu Pythico iambū ante dactylū locatum tradunt: tametsi non dactylum Iulius Pollux, sed spondeum connumerat. Dactylus autem à Dionysio inuentus creditur, qui ante Apollinem apud Delphos responsa dedisse fertur. Sunt & qui Themis, & qui Tellurem tradant. Sed de his iam satis. Ad tabulæ nostræ ordinē redeo. Erat autem in ea regis imago qui deuictō gigante nablia pulsare, & lyricos uersus canere uidebatur. Audiendi cupidus, quisnam, inquit Picus, rex iste? Cui ego: Nō est, inquam, cur quid dubitetis: rex erat hic Dauid, qui formosissimus adolescens Goliath gigantem Palæstinū funda confecit, & antè puer ursos atq; leones, ut meritò alter Hercules uideri possit. quin, ut

puto,

puto, ab ea leonū ui, Leouius rex ab Iosepho est cognominatus. Fuit uerò hic cantor & uerè poëta diuinus & eñtheus, sacro afflatus numine. Nam Deo immortalī laudes & carmina cecinit, qui *ψαλμοί* græca uoce ab omnibus uocant. At qui psalmos, inquit, istos Pīso, ego uersus esse nunquā existimaui, etsi quidem poëticam in ijs locutionem agnoscam. Cui ego: Næ inquam Pīso, tota, quod dicit, uia aberras: siquidē græca hi & latina reliquisq; linguis uersus non sunt: sua certè, hoc est, Hebræa, unde tralati, diuersis cōpositi sunt generib. uersuū. Etsi nescio qui ex ijs, qui theologi nūc uocari uolūt (bone Deus, quantū sibi quidam hoc nomīne arrogant) negant à diuinis uatibus carmina hæc fuisse composita, ut scilicet faciliorem ansam habeant poëtis & Poëticæ detrahendi: contra quos stat manifesta ipsa ueritas, & bonorū omniū & eruditorū consensus. nam tamer si interpretum quidam psalmos omnes nō ab uno Dauide compositos tradunt, quos noster sequi uidetur Hieronymus ad Sophronium, & idem psalmodiū tituli ac inscriptiones significare uidētur: & Euthymus apud græcos interpres, unum Daudem pluribus ostendit psalmodiū omnium autorem, quam sententiā inter nostros Augustinus, & ab eo Cassiodorus, aliq; pleriq; uel antiquorum uel recentiorū libentius amplectun-

tur, nullus tamen antehac eos negauit esse uersus. Nolim ista, ait Piso, subtilius nūc tractemus, sed suis scriptorib. ea relinquamus. Num tu quoq; uis Piso, inquam, inter eos numerari, qui supina hæc, ut dicitur, & auersa aure audire solent? fabulisq; potius & inanibus gentium nugis student, omneq; tempus impendunt, cum hæc ipsa Christianum hominē nescire, dedecori potius, quàm laudi, illa scire, sit ascribendum. Tibi uerò Pice ad hæc pernoscenda & inuestiganda domestica suppetunt exempla parentis tui, & magni patruī. Atq; his dictis ita sum prosequutus. Patrem sequebatur in tabula filius Solomon, qui & regū sapientissimus habitus est, non eo tantum modo, quo uulgus, sed ut eruditi quoque solent appellare. Is in hortis Engaddæ amœnissimis canticū in morem dramatis cecinit, quo nihil esse suauius in Hebræorum lingua iam omnibus ferè persuasum uideo, in quo & græcè & latinè translato, etsi numeri & carminis ratio nō est seruata, nescio quid tamē eius suauitatis & dulcedinis sublucet. Idem & pargemias cōcludit alphabeto, qd tetrametro iambico cōstat, ab eo loco ubi ait: Mulierem fortem quis inueniet? ut admiranda hoc loco fileam quæ de Solomone scribit Iosephus & historia sacra. Erat uerò post hunc in tabula, senex lugentia ac lachrymanti similis, hic quidem Hieremias.

mias, qui ante Simonidem Threnos & Næ-  
 nias conscripsit, quas Christiani tanti faci-  
 mus, ut quotannis eas, dum piam & saluta-  
 rem memoriam cædis CHRISTI colimus,  
 publicè in templis flebili ac querulo concen-  
 tu canamus. Sanè hoc Hieremiæ carmen  
 quatuor integros continet literarū ordines,  
 è quibus duo, primus & secundus, quasi sap-  
 phico metro scripti sunt, quia tres uersicu-  
 los qui sibi cōnexi sunt, & ab una tantū lite-  
 ra incipiunt, heroici cōma cōcludit. Tertius  
 uerò ordo trimetro scriptus est, & alternis li-  
 teris, sed eisdem trini uersus incipiūt. Quar-  
 tus ordo primo similis est & secundo. Post  
 hunc & alius senex uidebat, qui Oden nume-  
 roso carmine cōcinnatā manu tenebat, pro-  
 pter quē & alij eodem fermè habitu amicti  
 cernebant. Istorū, inquit Piso, uatū quo pa-  
 cto nomina cognoscere poteras? Cui ego,  
 Facillimè, inquā: nam milto & puluere sino-  
 pico titulos subscriptos cuiusq; imago cōti-  
 nebat. Erat itaque inter hos primus Esaias,  
 qui, ut in Hebræa legitur historia, sacros uer-  
 sus condidit, quibus nihil iucundius esse lo-  
 cupletissimus testis est Hieronymus. Esaiam  
 uerò ipsum serra dissectum ab iniquo rege  
 accepimus, quod audentius illi ueritatem  
 prædicaret, ut in eius uita ostendit Epipha-  
 nius. Post erat Iexecias, & tres pueri, qui  
 apud regem Babylonium captiui, ne pa-

trias leges præuaricarentur in succensam  
fornacem coniecti, prò Dei omnipoten-  
tis fidem, illæsi canticū modulatissimū con-  
cinentes & perstiterunt & exiuerunt. Nec  
ab his tribus pueris longè Iobus in tabula  
aberat, qui ætate tamen longè antiquior : in  
cuius quidem frontis æquore ira erat scri-  
ptum, **VITAE EXEMPLAR**. Vir autē hic  
fuit, ut Chrysofomi uerbis utar, ex Vfitide  
terra, quam Vs sacra nuncupat historia. Li-  
brum hic de utraq; sua fortuna elegantissi-  
mum perscripsit, in quo ubi ex persona sua  
sermonē exorsus est, adusq; libri calcem car-  
mine hexametro dactylico cuncta comple-  
xus est. Mirum est quàm sit in sententijs gra-  
uis, & creber in uarijs mouendis affectibus,  
qui tametsi à plerisq; ficta persona existima-  
tus est (nam & quidam eius libri autorē Mo-  
sem tradidere, alij alios) doctorum tamen et  
bonorum cōsensu, uera & certa persona, &  
certus autor habet. Quæ cum dixissem, pau-  
lulum moratus suscepit Piso: Si nihil est am-  
plius, inquit, quod de poëtis Hebræis nobis  
sis dicturus, iam quæso ad eam quam dixisti  
innumerabilem Græcorū poëtarum turbam  
te conferas. Cui ego: Credibile est, inquam,  
Piso, & plures, & alios penè innumerabiles  
fuisse apud Hebræos poëtas, sed ex sacra &  
probata historia hi tantūmodo fuere in ta-  
bula: ex alijs uerò historijs, & Tamul distis &  
Caba-



Cabalisticis, nihil hic ego, ipsi licet per successiones & progenies alios multos cōmemorēt, ut sunt uel diligentissimi uel superstiosissimi. Sed his misissis, iam ad quos uos, & tabulæ me uocant descendo. Attendite, multa enim quæ penè ex hominum memoria exciderant, ex huius tabulæ pictura cognoscetis. Istud est, inquit Piso, quod uehementer scire desideramus, ut sepius etiā pro Pico respondeam. Et rectè iurēq; facis, ait Picus, nam idem ego eram rogaturus. Quibus ego: Erat, inquam, inter hos prima fatidica quædam fœmina Phemenoe nuncupata, cuius & paulò antè meminimus, Apollinis, ut ait Plinius, filia, quæ apud Græcos prima hexametrum carmen cōmenta dicitur. Hanc scribit Eusebius, annis quinq; & xx, ante Linum & Orpheum, Acrisio oracula cecinisse. de eadē meminit Tatianus & Strabo, nec semel Pausanias et Synesius, apud nostros Lucanus & Statius. Sed & Vergilij interpretes Seruius, qui ita scribit: Phemenoe uirgo dicta est, nam Sibylla appellatiuū nomen est, adeò ut Varro quot Sibyllæ fuerint scripserit. & reliqua. Isidorus Samiam Sibyllam hoc nomine fuisse existimauit. Phemenoes & in Poëtica Horatij meminit Porphyrio super illud, *Et dictæ per carmina sortes.* Quare quod Plin. scribit nos carmen heroicū oraculo Delphico debere, sunt qui de Pheme

noë dictum interpretentur, quæ, ut modò dicebam, Acrisio hoc carmine prima dedit oraculum. Eiusdem præterea meminit Donatianus in Poëtica: Hexametrum, inquit, carmen, quod Ennius longū uocat, Græci deliacon, quia hoc genere Phemenoë Apollinis uates uaticinata est. Sunt qui eidem & illam sententiã ascribant, qua nosmetipsos cognoscere iubemur, hoc est, γνῶθι σε αὐτόν. Quam tamen alij alijs, ut aliàs diximus, attribuunt. Post uerò hanc fatidicam Phemenoën uatum agmen erat iam penè desitū, & cascum, ut ait Ennius, qui omnes ante Homerū carmina scripsere. Primusq; inter hos Linus Chalcidensis erat, uel ut plures uolūt Thebanus, Apollinis & Terpsichoræ filius: alij Amphimari & Vranies, quod scribit Pausanias: nonnulli Mercurij, quod Laërtius existimat: hic primus ex Phœnicia ad Græcos literas attulisse fertur, qđ Suidas ait. Primus quoq; lyricos modos concinuit & Doricos. Licha non etiam mediã citharæ chordam nuncupauit, quam citharæ additam à Musis fecerunt. Censorinus tamen ab Apolline patre intentionem Linum accepisse ait, quam ille animaduertisset cum resonãtia suauitatis ex arcu sororis, Dianæ scilicet, & Linum nymphæ Paramesæ Christhenidi reliquisse, & reliqua quæ ille exequitur. Huius Lini tres præcipuè discipulos Diodorus enumerat, Thamyram,

ram, Orpheum, & Herculem: qui utiq; Hercules cum in ediscendo tardior esset, & propterea uapularet, iratus Linū magistrū lyra peremisse fert, id qđ & in Herculis uita scriptum est. Linū uerò pelasgis literis usum fuisse accepimus iisdem quibus Orpheus & Protopides. Alino etiā hymni species quędam nuncupat Linus, tametsi inconstans hac de re apud autores opinio: perperam enim quidam credidere ideo sic uocari, quod ē lino chordę fierent. Pausanias uerò ita scriptū reliquit: Morienti, inquit, Lino ipsius nomen adusq; exteris & barbaris nationes peruenit: nam canticum quod Aegyptij Maneros uocant sua uoce, Linus est à Græcis dictus: quod & fateretur Herodotus. Vnde Homerus in Achillis scuto Vulcanū multa effinxisse, & puerum citharædum canentē Linum inducit his uersibus:

*His autem in medijs puer est qui pestine dulci  
Personat, atq; Linon demulcens cantat honestū. Sed  
uideo ūos expectare uersus græcos, hi sunt:*

*τοῖσι δὲ ἐν μέσσοισι παῖς φόρμιγγι λυγρῇ  
ἑμὲρόν κινάειρε Λίνον δ' ὑπὸ καλὸν ᾄδων.*

Pampho quoq; qui hymnos antiquissimos Atheniensib. cōposuit, hūc Oetolinon uocauit: quē secuta Sappho, simul Oetolinon & Adonin cecinit. Inter ea uerò quę scripsit Linus, est mundi generatio, hoc est, Cosmogonia, ut Diogenes ait, Solis itē ac lunę cursus.

Fructuū præterea atq; animalium natura. Aristobolus & Eusebius hos Lini uersus probant, quibus de septenario agentis, eius diuinum ingenium possitis agnoscere, ita enim ait:

ἰδδομάτη δὲ ὧν τιτιλισμένα πάντα τίτνται.

ἰδδομένη ἐν ἀγαθοῖς, καὶ ἰδδομένη ὅττι γένεθλη.

ἰδδομένη ἐν πρωτοῖσι, καὶ ἰδδομένη ὅττι τιλεῖν.

ἐπὶ δὲ πάντα τίτνται ἐν ἑρηνῷ ἀστροφῶντι,

ἐν κύκλοισι φάνεντ' ἐπιτιλλομένοις ἐν αὐτοῖς.

Hoc est:

Septima tunc fuit omnia cum perfecta creata.

Inq; bonis est septima, & ipsa est septima origo.

In primis est septima, septima & ipsa suprema.

Omnia sunt septem stellanti condita caelo,

In cyclis manifesta suis nascentibus annis.

Leguntur & alia ipsius carmina apud graecos scriptores, quæ breuitatis & fastidij causa missa facio. Perijt uero Linus uel ab Hercule percussus, ut modò dicebamus, uel ut alij tradunt, in Eubœa, ab Apolline sagitta confossus, quòd se, ut inquit Pausanias, illi exæquare studebat. In eius tumulto hoc inscriptum fuisse eulogium proditum est:

ἦ δὲ Λίνον θεῶν ἰδὲ ξῆρος γαῖα θάροντα

μέσσης ἑρηνῆς ὑἱὸν ἱὺσι φάνος.

Vel, si & hoc

mauultis à me latinum factum:

Thebanum ista Linum suscepit terra cadentem

Vranicæ natum, quæ bene ferta gerit.

Thebani tamen Linum apud se tumulatum fatentur, ut scribit Pausanias, & Philippum Amyntæ,

Amyntæ, re malè gesta à Græcis in Chero-  
 nea, in somnis monitum Lini ossa in Mace-  
 doniam exportasse: uerùm cum rursus fuis-  
 set per alia somnia monitus, eadem Lini os-  
 sa Thebas misisse. Idem Thebani & alterum  
 Linum posteriorẽ fuisse perhibent, qui Isme-  
 ni uocatus sit: atq; huuc ipsum esse quẽ ad-  
 huc puer Hercules interemit. Carmina quo-  
 que quæ Lini leguntur, nec huius, nec alte-  
 rius esse, atq; hæc quidem de Lino illi. Tertiũ  
 etiam Linum fuisse legimus Crotopi ex Psa-  
 mathe nepotem, cuius alibi idem Pausanias  
 & grāmaticus Lactantius seu Lutatius me-  
 minere: sed iste nihil ad tabulam nostrã. Se-  
 quebatur uerò Linũ Pierus, quem Charax  
 græcæ historiæ scriptor, Lini filium prodi-  
 dit. Fuit autem nec ignobilis nec obscurus  
 poëta, qui primus de Musis poëmata scri-  
 psit, à quo & Pierias & Pieridas quidã Mu-  
 sas cognominatas uolunt, ut in nostris Mu-  
 sis retulimus. Hunc Pierũ quidam Macedo-  
 nem fuisse uolunt, qui cum Thespias profe-  
 ctus esset, nouem ibi Musas cōstituerit, mon-  
 temq; Pierium uocauerit, qui Helicon antè  
 diceretur. Id alijs interpretatur, quòd sapien-  
 tius senserit: alijs quòd oraculo monitus fue-  
 rit, aliquòue Thrace. Sunt qui Musas eius  
 fuisse filias scribant. Ouidius certè fabulam  
 in 5. metamorph. enarrans, Pieri filias cum  
 ueris Musis ausas certare cecinit, & uictas in

picas esse cōuerſas, notiffima est fabula. Cōmendatur & Pierius inter Christianos scriptores ab Hieron. & Sophronio, uerū hic minimè inter poētas. Erat uerò post Pierum Palæphatus Atheniensis, qui Aētæi & Biūs filius fuisse dicitur, ab alijs Ioclei & Metaniræ, ab alijs Hermi. Tantę autem antiquitatis fuisse legimus, ut multò ante Phemenoēn ab aliquibus cōmemoretur, alijs tamē post eam. Scripsit uerò creationem mundi, hoc est, *κοσμοποιία*, carminib. quinquies mille. Apollinis & Dianæ natiuitatē tribus millibus uersuum. Mineruę & Neptuni contentionē mille. Scripsisse etiā dicit Latonæ crines. atq; de hoc Palæphato propter uetustatē pauca admodum alijs tradunt. Fuere & alijs hoc nomine, & in primis Parius Palæphatus, uel ut quidam malūt Prieneus, qui Artaxerxis tēporibus *ἀπίστωρ*, hoc est, incredibiliū historiā contexuit, quam dimidiatā laceramq; habemus etiam à Vergilio quodam de Cyri poēmatio citatā. Fuit & alius Abydenus & ipse historicus, Alexandro & Aristoteli charus. Sed hi nihil ad nostras tabulas. Erat quidā in hac parte Asbolus ex Centaurorū genere poēta, qui & ipse ante Homerū uersus fecisse proditur, ut Tatianus & Eusebius scribūt, de quo & apud Philostratū in imagine Neoptolemi traditur, qđ eius corpus ab Hercule est crucifixum, apposito hoc epigrammate:

*Asbolus haud uocem metuens hominumq; delumq;  
 Frondosa piceæ suspensus in arbore pinguis,  
 Magna fero pendens longæuis pabula coruis.*

Eupolemi uerò sententia Asbolus is est, quæ Chum Phœnices uocāt, ut est in nono apud Eusebium. Fuit & Eueclus Cyprius hac parte, qui & ipse multò ante Homerum uersus cecinisse fertur, quod idem Tatianus in eo libro ostendit, quo omnia Græcos à barbaris didicisse argumētis clarissimis palàm facit. Euecli & Eusebius in decimo προπαρσκειν meminit, tametsi in latinis factis codicibus pro Eueclo sit Euculus perperam repositum: est & perperam in græco Tatiani, nam pro δὲ κλον, δὲ μί κλον & legitur & scribitur. Euecli uerò eiusdem meminit & Pausanias in Phocaicis: Eucleon tamen passim scriptū est, Et ab hoc Cypria quæ dicta sunt carmina condita fuisse existimo, quæ ab aliquibus Homero attributa sunt, id quod apertè negat Herodotus. Extrat & apud Græcos Euecli oraculum, quo nasciturum magnum poëtam ex Themisto Cypria uaticinatur. Hoc ipsum est, ut nos exposuimus:

*In Cypro tam magnus erit per littora uates,  
 Quem pariet campos inter generosa Themisto,  
 Insignem laude absq; opibus diti Salaminæ.  
 Deferet hic Cyprum, medijsq; ex fluctibus ætus,  
 Primus damna canens unus tua Græcia pandet.  
 Immortalis erit, senij nec tempora norit.*

Haftenus Eueclus: quod ſi græcè legere ma-  
 lueritis, legitote Pauſaniã in ultimo. Iidem  
 quoq; Tatianus & Euſebius in eis quos an-  
 tè citauimus libris, commemorant qui ante  
 Homerum carmina ſcripſerūt, Iſatida, Dry-  
 mona, Horum Samiũ, & Athenienſem Pro-  
 tēnidē, uel ut legit Tatianus, Proſmantiden,  
 in G. uerò Trapezōtī Euſebio, Pronetiden.  
 Fuit & cūm hiſ Philammonis imago, quem  
 patrem fuiſſe comperi Thamyridis Thraciī  
 ex Brinchis Edonum ciuitate, ex Philonide  
 Deionis filia & Apolline natus, ut in Home-  
 ri Odysſea ſcribit Euſtathius. Primus Phi-  
 lammon uirginum choros inſtituit, & Apol-  
 linis & Dianæ generationē uerſu edidit, ut  
 in muſica tradit Plutarchus. Pherecydes ue-  
 rò Philammonē ait cum Argonautis ad au-  
 reum uellus accipiendum proſectum eſſe.  
 Sunt qui eundem primū inſtituiſſe uelint le-  
 ges lyricas, quas Græci *ὕμναι* uocant, aliī Ter-  
 pandrum, qua de re alibi. Ex Philammone,  
 ut modò dicebam, natus eſt Thamyras, qui  
 & Thamyris dictus eſt, ex Arſione, quā Pau-  
 ſanias in Meſſenicis Argiopen uocat. Poëta  
 uerò Thamyris fuit, ex Edonum urbe Brin-  
 chis, ut dixi, ante Homerum octauus, uel, ut  
 ab alijs traditur, quintus. Sunt & qui dicunt  
 ab Odryſſe. Sedenim ipſe Odryſſius dictus  
 eſt, quòd cum illius mater Arſione uel Argio-  
 pe adhuc prægnaſ eſſet, ad Odryſſios con-  
 fugit,



fugit, quoniam illam in domum non admittebat Philammon. Quo in loco cum filium peperisset, cognomentū est illi inditū Odrysij, ut ait Pausanias. βαλύρας item dictus, seu ut nostri quidā, Baluras, quod in huius nominis flumine lyram proiecerit, παρὰ τὸ ἐβαλε τὴν λύραν. Huius Thamyræ theologiā extitisse ait Suidas, tribus millibus uersuum conscriptā. Sed de Thamyra, inquit Piso, nō multo antē in 2. Homeri rhapsodia satis multa legimus, quo uidelicet pacto à Musis sit oculis priuatus. Rectē tu quidem, inquam, atq; ideo ad alia transeamus. Scribit Pausanias. Thamyryn ex morbo, nō à Musis excæcatū, id quod & postea Homero quoq; contigit. Prodicus uerò Phocæus (si quidem eius sunt uersus) in Minyada, Thamyryn ait ob superbiam eas pēnas apud inferos tulisse. Primus autem Thamyras masculam Venerem induxisse dictus est: nam cum Hymenæū Calliope & Magnetis filiū deperiret, id flagitiū primus inuexit. Honestos tamen puerorū amores, quibus ad uirtutes capeffendas prouocantur, ab excellentissimis Græcorū philosophis non inconcessos fuisse uidemus, ut Socrati in primis et Platoni placuisse uidemus. Et in alijs rebus seuerus & penē tetricus, in hoc indulgentior mihi uisus est Plutarchus, ut nunc mittā Cretenses & Lacedæmonios, quibus id per leges licebat. Verū ista fortē

Græcis licuerint, nobis qui semper feuerioribus sanctioribusq; legibus paruimus, nefas & flagitiosum fuit à primis usq; temporibus. Sed & Plato ipse in legibus hanc Venerem naturali quadam seminum ratione detestatur. Quin & Laiam legem nō abrogasse, pluribus contra Trapezontium Bessarion ostendit. Fuit uerò apud Græcos lex Laia, ut apud Romanos Scatinia, cōtra mariū cōcubitores. Nostri quoq; Christiani scriptores Græci *παιδισπαγὰς* agrestes uocāt, unde & eorum quidam Pana ideo his amoribus obnoxium tradiderunt, eaq; ratione illum pudendis arrectis effingunt, & *ἄγριον θῆον*, id est agrestem deum cognominant. Legitur in eo, qui *ἱπποτίς* inscribitur, dialogo, apud Lucianum Chariclis oratio, quam cōtra Callicratidan incōcessis his amoribus insanientē, habuit: ipso licet pronunciante Luciano, uiro philosopho id licere, nimirum se prodente. Rectè, inquit Piso, & uerè quod ais. Sed tamen istos quos ais arsenocœtas, Ouidius & Hyginus non istius flagitij inuentores tradidere, nam in Orpheum Thracium retulerunt. Cui ego: Id scilicet quod dixisti, uterq; prodidit. Sed postquā in eiusmodi sermonem incidimus, & noster hic puer Picus paululū secessit ad legendos flores, quæ hac de re legisse recorder, obiter hoc tibi loco, nec sine rubore recēsebo, & capite, ut olim Socrates, obtecto.

obteſto. Dicam uerò pauciſſimis. Hic Piſo:  
Imò ego libenter audiam. Tunc ipſe ſic cepi.  
Euripidis græcus interpres, quem quidam  
Moſchopulum putât, ut ab hoc incipiam, in  
Laium, quem & Lainū quidam uocant, hoc  
ſcelus refert, qui Chryſippū Pelopis filium  
perditè amauit. Idem ſcribit Athenæus dip-  
noſophiſtôn lib. xiiij. Idem & Suidas. A quo  
Laio, ut puto, dicta lex Laia. Ibycus uerò  
Rhegynus poëta lyricus Talum Cretenſem,  
quē, ut reor, perperam Græci quidam grāma-  
tici Talona nuncupant, iſtius Veneris auto-  
rem facit, quod ab eo ſit ardentiffimè Rha-  
damanthus amatus. Diotimus autem Her-  
culem ait Euryſtheum amauiffe, atq; ideo ei  
tot certamina ſudaſſe. Alij utique Iouem rei  
iſtius autorem prodiderunt, quod eſt uerò  
ſimilius, qui Ganymedē & amauit & rapuit:  
unde de Aquila conſicta notiſſima fabula.  
Echemenes tamen non ab Ioue raptum Ga-  
nymedem ſcribit, ſed à Minoë, quem etiā tra-  
dit Theſeū amauiffe, eiꝯq; gratia ex nece An-  
drogei filij inimicitias cum Athenienſibus  
depoſuiſſe. Sedenim Praxilla poëtria Sicyo-  
nia, Chryſippum, non Ganymedem ab Io-  
ue raptum ait. Non deſunt etiam qui Iouem  
primū inter deos, Laium uero inter homi-  
nes dicāt id ſcleris excogitaſſe, ut ſcribit Ma-  
giſter in Euripiden. Herodorus Perſas à Gre-  
cis hos puerorum amores edidiciſſe prodi-  
t.

Sunt qui ab Agamemnone Argynnum puerum adamatum ferant, qui cum eum natantem & fato functum apud Cephisum sepulchro cōdidisset, Veneri Argynnidōs templū cōstituit. Alcymnius uerò Chius dithyramborum poëta, in suis poëmatibus Hymenæum adamatum ab Argynno scriptum reliquit. Fuit & Græci scriptores, inter quos Athenæus & Suidas, quibus ego hac in re parum crediderim, qui id flagitij in Italos referrent, quibus, quod belli tempore per leges in castris fœminas habere prohiberentur, pueris abuti eo uidelicet tēpore liceret. Id quod & Gallos factitasse, testis est Aristoteles, & Athenæus, qui miratur, cur Galli libentius pueris utantur, cum passim apud eos sint formosæ mulieres. Clemēs quoq; Romanus Anagnoseon viij. Apud Gallos, inquit, lex prisca constituit nuptū tradi publicē pueros, nec probum ex hoc aliquod duci &c. Verum enim uerò mirum dictū est, istiusmodi hominum genus qui diutius in castris militiæ uersantur, quàm in utranq; Venerem præcipites ferantur, ut certè ad hoc respexisse uideri possit, quisquis ille fuit, qui primus Martē cum Venere coniunxit. Sed de his iam plus satis. Tum Piso, Tempestiuè, inquit: iam enim & Picus redit à legēdis floribus. Rectè, inquā, ad Thamyrā, postquā Pice ades, unde recessit nostra redibit oratio, Thamyras ergo poëta

poëta cū esset Theologus, inter primos habitus est, à quo scriptores Theologiā tribus uersuum millibus scriptam prodidere. Item Titanum aduersus deos pugnam. Thamyrae quoq; hymnos Plato cū Orphicis celebrat. Sed & ab eo, qđ Musas prouocauerit ad certamen, ut puto, prouerbiū factum est, *θαμυρὶς μάνειται*, hoc est, insanit Thamyris, de ijs qui cum intellectu & prudentia aliquid præter rationē facere uidentur. Non tamen uos eundem cum Thymito Thamyra, ut alij plerique, existimate: fuit enim Thymitus Laomedontis filius, qui unā cum Orpheo clauit, estq; apud diuersas orbis regiones peregrè profectus: demum cum Nysam, ubi Bacchus enutritus fuerat peruenisset, ibi est tandiu moratus ut ab incolis Dionysij sacra planē didicerit, poëmaq; quod Phrygium à patria regione nūcupauit, lingua & literis antiquis conscripsit. Haëtenus de Thamyra & Thymito: cum quibus fuit Argiui Melampodis imago uatis, qui Amythaonis & Aglaiaë, uel ut alij, Idotheæ Abantis filiaë filius fuit. Eum uerò uaticinādi artem affecutum Græci scribunt, cum fortè ministrum sacrificantem à dracone percussū sepulturaë tradidisset, & eius percussi filij Melampodis aures circunlinxissent, uaticinium illi inspirarunt, unde & Iphicli ruituras ædes prædixit. Longa est fabula, quam Diodorus, & in pri

mo Argonauticorū Apolloniū interpretes, & ab ijs Fauorinus explicat, ex ijs carminibus, quæ græcè *μεγάλαι ἡσίοι* dicuntur, quas Hesiodo adscriptas ab Eunapio græcæ historiæ scriptore, & Pausania inuenimus, qui nonnunq̃ eas citat, ut in Bæoticis, ubi & ex ijs uersus affert: item in Argolicis, & in Atticis, quo loco Domitius eas magnos codices latinè uertit, quod an rectè fecerit uiderint alij. Scholia quoque in Isthmijs Pindari eas aduocant, quo loco Herculem scribunt à Telamone hospitio susceptū fuisse. Vnde patet eos decipi, qui magnorum Eyiorum historiā uocant. Porro *ἡσίοι* quidem apud Homerum, ut Grāmatici obseruant, primæ diei horæ dicuntur, & matutinū tempus ad nonam uel decimam usq̃ horam: ut ijs significare possimus, si modò sit coniecturæ locus, lucubrationes quæ matutino tempore fiunt, ut illi uesperæ, & alteri noctes Atticæ, quales propemodū fuisse Aristotelicas deambulationes dum discipulos doceret, legimus: hanc enim, hoc est, matutinā, *ἑωτινὸν περίπατον*, illam scilicet quæ uesperæ fieret *δύλεινον περίπατον* uocabat, ut scribit Gellius. Sed hæc uobiscū, quæ locupletius in annotationibus attigi. De Melampode nūc sequimur, qui ut Derachides ait, sic uocatus fuit, quod nigris fuerit pedibus: cum enim eum mater peperisset, in loco arboribus denso exposuit,  
in quo

in quo cum minus pedes obtegerentur, sole sunt nigri facti, unde illi nomē. Idem et Theocriti interpretes in tertio Edyllio tradūt. Sed fabulosa hæc mitto. Fuit reuera Melampus inter uates & poētas ante Homerū uerustissimos connumeratus, nam multis uersuum millibus de Saturno, de raptu Proserpinæ, de Cereris luctu eiusq; mysterijs perscripsisse traditur, & cum his etiam de Titanum pugna aduersus Iouem, & de Aegyptiorum sacris: quinetiā, ut quidam existimant, ab ipsis Aegyptijs Dionysij sacra ad Græcos aduexit: quædam quoq; de obseruatione dierum ab ipso Melampode tradita in cōmentarijs Theonis in Hesiodū legimus. Artemidorus Melampodis quoq; libros cōmemorat in 4. Onirocriticōn, *περὶ τῶν τεράτων καὶ σημάτων, καὶ περὶ μυνῶν*, hoc est, de monstris & signis & de muribus. Cæterum & ipsum in re medica exceluisse etiam poëta Vergilius in georgicis innuit, cum de pestilentia agit. puto uos carmen tenere, *Cessere*, inquit, *magistri*

*Phillyrides Chiron, Amythaoniusq; Melampus.*

Prætidæ enim à furore sanauit, unde & *καλαρτὴς* à Græcis ideo dictus est. Sorores hæc quatuor fuisse dicuntur Præti filiæ, Mœra, Euryale, Lysippe, & Iphianassa. alij tres tantum dicunt, ut Lutatius & Apollodorus, qui & eas sic nominat, Iphinoën, Lysippen, & Iphianassam. Pherecydes duas tantum

prodidit, Lysippen scilicet & Iphianassan. Alij, ut Aelianus, nomina mutāt, Elegen scilicet & Celænen, easq; caprino lacte sanatas. Hæ igitur cum fortè Iunonis templum ingressæ essent, temerè sese Iunoni sunt ausæ cōferre, seu, ut Acusilaus ait, deæ simulachrū contempserunt, qua re in eam insaniam ab Iunone actæ sunt, ut se uaccas esse arbitrarentur, ijsq; rebus pauere cœperunt quibus ea solent animalia. Sunt qui non ab Iunone, sed à Venere in furorē actas scribant, ut noster Ouidius. quidam à Baccho, ut Hesiodus & Diodorus. Eam uerò mentis ægritudinem tandiu passæ sunt, quousq; ab earum patre Præto præmiū est propositū, qui illas sanaret, earum se unam illi uxorē cum regni parte daturū: quod ubi Melampus intellexit, ut erat herbarum peritissimus, & idcirco ab eo herba melampodion nuncupata, elleboro eas purgasse dicitur, id qd etiam scribit Cl. Galenus, & sic propositū est præmium assecutus. Non constat inter scriptores, eas fuisse herba liberatas: nam Pherecydes iam decennium furorē passas, precibus et sacrificijs sanatas ait, placata deæ ira à Melampode. Apollodorus entheis choreis & clamoribus quibusdam Melampoda ait secū accitis ualidissimis iuuenibus, eas Sicyonem usq; compulisse, Iphinoēq; interea natu maximam extinctam, Alij Clitorij fontis aqua



aqua, quæ bibentes abstemios reddat, id factum esse contendunt, inter quos Ouidius lib. Metam. xv. & Victruuius Pollio, qui & in rei testimoniū græcum adducit & adscribit epigramma. Victruuij hæc sunt uerba: In Arcadia, inquit, ciuitas est nō ignota Clitorij, in cuius agris est spelunca profluēsaqua, quam qui biberint, fiunt abstemij. Ad eum autem fontem epigramma est in lapide inscriptum huius sententiæ uersib. græcis, eam non esse idoneam ad lauandum, sed etiā inimicam uitibus, quod apud eum fontē Melampus sacrificijs purgauisset rabiem Præti filiarum, restituissetq; earum uirginū mentes in pristinam sanitatem. Hucusq; ille. Pausanias uerò in Arcadicis: Super, inquit, Nonacrin montes sunt nuncupati Aroanij, & specus in ipsis est ubi Prætides furentes cōfugerunt, quas sacris quibusdam arcanis & purgaminibus Melampus deduxit in regionem quæ Lusī dicitur, ubi Clitorius est. & cætera. Idem ferè scribit Stephanus in dictione *λαροί*, & in Azania etiam: ex quo uidetur legendum apud Pausaniam Azanij montes potius, quàm, ut passim legitur, Aroanij: est enim Azania pars Arcadiæ, & Lusī ciuitas, eodem Stephano autore. Sedenim has non Præti filias, sed Anaxagoræ Megapentis Argiuorum regis scribit Diodorus Siculus, à quo duabus regni partibus donatus sit. Eu

stathius eum cum fratre Biante donatū imperij parte scribit. Apollodorus duabus partibus ait, & superstites duas filias Melampodi & Bianti nupsisse, Prætumq; post hoc filium Megapenthem genuisse. At uerò Herodotus historiam ipse in hūc propè modum recenset: Cum, inquit, Melampus ab Argiuis è Pylo mercede conducere, ut Argiuarū mulierū furorem compesceret, regni dimidium pro mercede poposcit. negātibus se id facturos Argiuis, pluresq; interea eorū mulieres insanirent, quotidie ad Melampoden redeuntes, se id quod poscebat daturōs sponderunt. tum ille eo etiam plura optauit, nec se quicquā eorū quę uellent facturū ait, nisi fratri Bianti tertiam regni partem darent. Tum Argiui necessitate adacti, quicquid Melampus petebat concessere. atque hæc quidem ferè Herodotus. Cæterum Sextus Pyrrhonius qui & Empericus uocatus est, & Polyanthus Cyrenæus, Prætidæ ab Aesculapio liberatæ tradunt, non à Melampode. Sed ne quid uobis omittam quod succurrat, ex Melampode & Iphianassa Præti filia nati sunt filij Antiphates & Manto, quę an ea sit quæ Mantuanæ urbi nomen dederit, illud subuereri facit, quod ea Tirefiæ, nō Melampodis filia, à scriptoribus dicitur. Fratrem, ut iam diximus, Melampus Biantem habuit, cuius & Apollonius Rhodius me-

meminit in primo, & quem Theocritus & Diodorus scribūt à fratre tanta charitate dilectum, ut cum is Però Nelei filiam deperiret, Melampus ut fratri rem gratam faceret, Iphicli boues abegit, ea uidelicet ratione, quod Neleus ei filiam daturum promiserat, qui boues ipsas abstulisset: quam rem tamē frustra tentauit, ut suprā meminimus. Hinc Melampus ab Iphiclo captus, & in uincula coniectus est. Sed ubi imminentem ruinam tecti Iphiclo prænunciasset, ab eo non modò est liberatus, sed & cum bobus ipse abire permissus. Addunt Theocriti interpretes, Iphiclum à Melampode edoctum, quonam modo esset filios suscepturus, cum à Phylaco patre ea ui priuatus fuisset. Igitur Melampus cum ad Neleum boues adduxisset, facile Però uxorem fratri impetrauit. Et hæc quidem ex uarijs Græcorū cōmentarijs. Illud uerò mirandum maximè qđ de eo est proditū, Melampodem uidelicet ipsum, auium linguas & uoces calluisse, easq; interpretari solitū: quā rem nō poëtæ tantū tradidere, sed nec defuere philosophi, qui multo id studio atq; diligentia, quanā id ratione fieri possit, perscrutati sint. Verū & hoc ipsum alijs multis cōtigisse scriptores tradūt, ut Apollonio Tyaneo, Vergiliano Anio, alijs. Est et apud Suidā symbolū, seu uos prouerbiū dicere mauultis, Melāpode aut Pollete opus, *Prouerb.*

de ijs rebus quæ obscuræ dubiæue fuerint. Polles enim & ipse uates fuit, cuius & Græci grāmatici meminere. Alius quoq; Polles fuit Aegeus philosophus, cuius & Suidas idem uitam prodidit. Sed iam de Melampode satis. Alium Plinius & Dioscorides pastorem Melampoda nominant, ubi ellebori naturam explicant. Eadem fermè ætate clauit Amphion Thebanus, tamen si apud Pausaniam in secūdo Eliacorum, Aegyptius quidam Amphionē Aegyptiū & magicū fuisse narret unā cum Orpheo. Sed nos in præsentia Græcorum de Amphione sententiam sequimur, qui eum & Zetum Iouis & Antiope filios prodiderunt: licet aliq non Iouis, sed Mercurij filium scripserint, à quo & lyra primus acceperit. Myron Byzantius poëta qui Ἰαλυσία & carmina scripsit, Amphionem prodidit aram primū statuisse Mercurio, atque ea causā ab eo lyra donatum. Antimenidas uerò nō à Mercurio, sed à Musis lyram accepisse scriptum reliquit, cui & Pherecydes nō repugnat. Dioscorides tamen ab Apolline Amphioni dono datam putat. Hic mitto quæ de lyra in secundo multa scribit Hyginus, & latinus enarrator Arati: id tantum uobis quæ in imaginibus in hunc prope modum Philostratus prodit afferam. Lyra, inquit, primū à Mercurio ex duobus cornibus capræ, quæ Izali fuerat, & iugo ari-

daq;

daꝝ testudine compacta fuit, qui eam post Apollinē & Musas Amphioni Thebano dedit, qua mox ille Thebas Bœotias condidit. Hæc quidem ab illo sic scripta. Pausanias uerò lyram à Mercurio, citharā uerò ab Apolline inuentam prodidit. Theon tamen apud Aratum, nō Amphioni datam lyram ait, sed Orpheo. Idem scribit Eratosthenes. Eam uerò Orpheus noui chordem primus instituit, cū antea septichordis fuisset à Mercurio constituta. Post mortem Musæo Orpheus tradidit: sed cum indignus is esset, ab Ioue inter sydera est tralata. Hic uerò Piso: De lyra factis est, inquit. Nunquid tu Amphionē existimas sic ut poëtæ canunt, saxa & lapides lyre cantu traxisse? Audite, inquā ego, quid hac de re sentiat in primis Victruuius. Neq; eñ, ait, par est id ita gestum uideri, sed quod affatus suauitate homines rupiū incolas, & incultis moribus rudes, ad obsequij ciuilis pellexerit disciplinam. Idem ferè scribit Palæphatus, & Macrobius, idem & poëta Horatius, ut alios mittam. Plinius uerò Amphionem inuentorem Musices facit, & modorū Lydiorum, cum quo tamen ex Clemētis auctoritate nō conuenit Eusebius, qui id Olympo Mysio ascribit. Parabates, ut puto, Iulianus in epistola, ut est apud Suidam, antiquæ musicæ inuentorem Amphionem prodidit. Primus utiq; Amphion dicitur cum cantu

cithara cecinisse : nam sine uoce Thamyras prior cecinit. Sedenim Amphionis nomine nō unū reperio, sed plures. Is enim qui cum Argonautis nauigauit, ut planè ex Orphei & Apolloniꝝ catalogis colligimus, fratrem habuit Asteriū, quem Deucaliona uocat Flaccus. Hic filius fuit Hyperasij & Hypso. Alius quoq; Iasij filius fuit, qui & Argus ab aliquibus cognominatus est. Cætera quæ multa de Amphione scribuntur, quia fabulosa sunt, relinquimus. Ouidius quidem post filiorū necē sibi manus intulisse cecinit : ait enim,

*Nam pater Amphion, ferro per pectus adacto,*

*Finierat moriens pariter cum luce dolorem.*

Verū ad ipsum Orpheum me conuerto, qui in tabula non eo depictus erat habitu, quo illum Philostratus & Callistratus effingunt: hi enim illum in opaco Heliconis nemore propter Olmei fluenta cōstituere : sed humero tenus extabat, ut reliquorum imagines poetarū. Eius autem caput, erat tiara aureis intexta notis ornatū. Non putamus, inquit Piso, hoc te loco multa de Orpheo dicturum, qđ scilicet is est ab omnibus cantatus. Ego uerò, inquā, Piso, quæ ad tabulā ipsam cum pertinere, tum uobis placitura arbitror, non relinquam. Fuere etenim in ea quinque hoc nomine poetæ, alij licet septem faciant, & duos tantum Herodorus, alterum poetam, & alterū ex Argonautis unū : quem

quem Herodorū ideo Pherecydes incusat, non enim Orpheum, sed Philammona in Cholchos ad uellus aureum nauigasse prodidit. At uerò Aristoteles, & eum sequutus M. Cicero, nullum fuisse Orpheum putauerunt. Aelianus quoq; falsa omnia & fabulosa esse quæ de Orpheo traduntur censuit: Bisaltas enim Thraciæ gentes literas ignorasse, eiusq; nationis id esse proprium asserit. Sed his omisis, poëtas ipsos hoc nomine celebratos cōmemoremus. Igitur primus Orpheus ex Libethris Thraciæ poëta fuit, ciuitate sita sub Pieria. Plin. tamē & Martianus Sithonē Orphei patriam fuisse contendunt, & ipsa in Thracia. Fuit uerò Orpheus Apollinis & Calliopes filius, id quod Asclepiades comprobat: alij uerò Polyhymniæ dixerunt. Orpheus quidē Crotoniata, cuius Argonautica extant, primi Orphei in suo poëmate personam induisse uidetur: is se Oeagri fluminis & Calliopes filium cecinit: quem, ut opinor, alij plerique poëtæ secuti sunt. Hunc ipsum Lini discipulū multi prodidere, qua tempestate apud Hebræos Iudices rerum summā gerebant, & ut scribit Suidas, cum Atheniensium regnum dissolutū est. Sunt qui ante Troianorū tempora eum clariuisse uelint undecima generatione, ipsumq; xi, uel ut alij malunt, i x. generationes uixisse, Generationem uerò hoc loco inter-

pretari placuit, quam Græci γενεάν uocant, Latini tum ætatem, tum seculum uerterunt.

*Genea quid.* Septem autem annorū spacium geneam significare autores tradūt: unde & medici ante duas geneas incidi non oportere puerorum uenas præcipiunt. atq; fortassis de Orpheo ita intelligendū: nam si aliter uelimus intelligere, hoc est, spacium uitæ humanæ, quā fieri poterit ut Orpheus tandiu uiixerit: tam etsi frequenter, quum apud alios, tum præcipuè in Hebræorū historijs usurpetur. Plutarchus & Heraclitus, & cum his Suidas & grammatici quidam, spacium xxx. annorum geneā existimauere, quo pacto Homerus, & ab eo nostri Latini, Nestorē tradunt tres geneas, & tria secula, & tres ætates uixisse. Censorinus quidē, qui annos, ait, xxx. seculum putauerunt, multum uidentur errasse, hoc enim tempus geneam uocari quidam sunt autores, quia orbis ætatis in eo sit spacio. Orbem autem uocāt ætatis, dum natura humana ad sementem reuertitur. Hoc quidem geneas tempus alij aliter definire. Heraclitus annos v. & xx. scribit dici genean, Zenon xxx. Quibus Censorini uerbis uidetur error inesse: nam Plutarchus in eo dialogo, quo cur oracula defecerint causas inquit, super Hesiodi uersibus qui de ætatibus apud eum leguntur, & quorū Plinius in vii. meminit, geneā ex Heracliti sententia



tentia xxx esse annorum ait, ubi & alia ple-  
raque recitat, inter quæ & illud, aliquos cen-  
tum & octo annorum geneam constituisse,  
uitæq; humanę dimidium quatuor & quin-  
quaginta annos esse. reliqua subtilius dispu-  
tata à Cleōbroto & Demetrio Tarsense mit-  
to: & item mitto quę multa Artemidorus in  
secundo Onirocriticōn scribit, quo loco de  
uitæ temporibus agit & numeris. Aurel. Au-  
gustinus in cuiusdā psalmi cōmentario, ge-  
neam existimauit quintumdecimū annum  
nō excedere. Alia præterea multā genea si-  
gnificat, quę Theophilus, & alij Græcorum  
Grāmatici enumerāt. Ad Orpheum iam re-  
deo, qui nouem geneas, illas dico septēnes,  
uixit, qui numerus scalarem, hoc est, clima-  
cticum conficit, hoc est L XIII. omnib. fa-  
talem, ut putant Mathematici, & præcipuē  
uiris præstantibus, ut Aristoteli contigit &  
M. Tullio. Poëtæ quidem Orpheum à Cico-  
num mulieribus discerptū laniatumq; fuisse  
fabulantur: quo fit, ut (inquit Plutarchus)  
nunc usque Thraces suas pulsant uxores, ut  
Orpheum ulciscantur. Causa necis uaria à  
scriptoribus traditur, alij quidem ferunt, qđ  
pueriles amores amissa Eurydice uxore ex-  
cogitauerit. Alij, quod cum uiros à mulieri-  
bus abduceret, ab ijs uino correptis lania-  
tus fuerit. Alij, ut Pausanias tradit, qđ mor-  
tua Eurydice, in Thesprotidis locū Aoron

cum uenisset, ubi necyomātion fuerat, hoc est, ad euocandas mortuorū umbras locus, umbramq; ibi Eurydices euocasset, & euanescente illa potiri nō ualuisset, sibi ipse manum intulit: ad cuius sepulchrū lusciniæ nidos & pullos habere traduntur, & nusquā suauius canere dicuntur: & hoc quidem, ait Pausanias, Thraces affirmant. Alij sunt qui scribant ideo discerptum, quod cum Deos omnes laudauisset, Dionysium ab eo prætermisum, qui in eum Bacchas immisit: quod parum mihi constat, nam & pleriq; Orphei in Bacchū hymni adhuc leguntur. Alij, quod ipsius dei arcana publicasset, mysteriaq; uulgasset. Alij à Venere ipsas tradunt fuisse immisas mulieres, quod ipsius Orphei mater Calliope, inter Venerem & Proserpinam parum iustè de Adoni puero iudicauisset. Plures Orpheum fulmine ictum fuisse prodiderunt, quod scribit Pausanias, & Diogenes, qui id etiam carmine cōprobat, quod in ipsius funere à Musis positum asserit:

Θρήϊκα χρυσοθύρη τῇ δ' Ὀρφια μέσαι ἑταῖρα,

ὅρ κτάνειν ὑψιμέδωκ ζῶντος ψολόεντος βίβλα. hoc est,

Orpheus hic positus cithara spectabilis aurea

A Musis, trisido qua Iouis igne perit.

Extat & alterū, quo illum & Herculis magistrum, literarumq; & sapientiæ inuentorem fuisse docemur, quod nostro nunc uobis potius quàm græco sermone recitabo:

Orphea

Orphea Musarum famulum hîc Thraces posuere,  
 Qui cecidit rapido fulminis igne Iouis.

Filius Oeagri, Alcidæq; magister, & idem  
 Scribendiq; notas repperit, & sophiam.

Antipater uerò Sidonius, & uersum heroi-  
 co pedi iunxisse scribit: ita enim carmen ex  
 ipsius elegia expressi:

Quiq; sacros ritus, atq; Orgia mystica Bacchi  
 Repperit, heroo & carmina iuncta pedi.

Sedenim & ab eo Threscia mysteria sacra di-  
 cta sunt, quod uidelicet Thracius ipse tele-  
 tas & religiones in Græciā induxerit, quod  
 cum alibi, tum nuper in eo libello legi, qui  
 τῶν φῶτων ιστορίαι inscribitur: unde & Orpheo-  
 telestæ nuncupati sunt, qui in eiusmodi sa-  
 cris initiandi auctores erant, & felicitatē cer-  
 tissimam post obitum promittebant, quorū  
 Græcis, Plutarcho præcipuè, mentio, qui &  
 dicteriū Leontychidæ affert. Orpheū præte-  
 rea in Græciam astrologiam & magicas ar-  
 tes adduxisse scribit Lucianus in eo libello,  
 quo astrologiam laudat, ubi & eius lyrā ce-  
 lebrat. Quod autem cantu in syluis arbores  
 & feras traxerit, præter ea quæ paulò antè in  
 Amphione retulimus, attendite quæ de eo  
 Palæphatus scribat: Cū aliquandiu, inquit,  
 Bacchæ in montibus secessissent cum peco-  
 ribus cæterisq; quæ ad uictum sunt necessa-  
 ria, tum ciues Orpheum misisse ferunt, qui  
 suadendo eas inde abduceret: at illæ ferulas

manibus tenentes Orpheum lyra canentem  
 secutę sunt, atq; inde fabulę locus datus est.  
 Varia uerò Thraces de Orpheo, & Macedo-  
 nes itemq; Larissęi tradunt, quę Pausanias  
 commemorat in Bęoticis. Tanti uerò Or-  
 pheum omnis Gręcia fecit, ut diuinitatē il-  
 li attribueret: sed & caput eius in Lesbo ora-  
 cula dedisse testatū reliquit uterq; Philostr-  
 tus, unde est illud de Cyro, τὰ ἰμὶ ὧν κύριος, illi  
 enim eandem, quę sibi fuit, sortem uaticina-  
 tur. Nam quum is Cyrus ad Istrum contra  
 Massagetas & Essedonas profectus esset, à  
 fœmina quę illis populis imperabat occisus  
 est, & caput ei est à ceruice reuulsum. Lucia-  
 nus in oratione quę est ad indoctū, qui mul-  
 tos empritabat libros, de lyra Orphei & ca-  
 pite fabulam recitat, quę quoniā mihi sem-  
 per placuit, eam nunc uobis quantum fide-  
 lius potero meis uerbis exponam. Non in-  
 tempestiuū, inquit, fuerit, si antiquam Les-  
 biam tibi fabulā narrauero. Quādo Thres-  
 sæ mulieres Orphea discerpserunt, ferunt ca-  
 put auulsum simul cum lyra ab Hebro exce-  
 ptum in mare delatum unā natasse, & ceci-  
 nisse, hoc quidem lamentationem, tanq̃ ipsi  
 Orpheo funebrem orationē, lyram uerò re-  
 sponsasse uētis chordas impellentibus, atq;  
 ita cum cantu ad Lesbum aduectum, quod  
 susceptum Lesbij sepeliuere, ita ut nunc est  
 Bacchion apud ipsos, hoc est, Bacchi oracu-  
 lum.

lum. Lyrā autē in Apollinis templo suspen-  
derūt, quo modo multo tēpore est custodi-  
ta. Postea uerò cū Neanthus Pittaci tyranni  
filius lyrā ipsam cōperisset arbores & feras  
traxisse, in eius uenit habendæ desiderium,  
dumq; sacerdotem multis clām oblati pe-  
cunijs corrupisset, eius lyræ similem alterā  
in templo affixit. Verū cum interdiu se in  
ciuitate parum tutò esse Neanthus existima-  
rēt, sinu lyrā recōdens noctu in suburbiū  
proficiscebatur, illamq; manu sumens pulsa-  
bat, sed ut erat rudis ac ineruditus adolescēs  
chordas confundebat, confuseq; ac incon-  
ditē tractabat, quum bellus ipse sibi placens  
diuina quædam cantica ipsa lyra se cantatu-  
rum putaret, quibus omnes mulcerent, seq;  
inde beatum fore Orphæ scilicet hærēdem  
musicæ. Quæ dum agit, uicini canes eo soni-  
tu excitī, coeūntes Neanthum infelicem ci-  
tharædum discerpserunt. Hæc ferè quidem  
ille. Sed ego hac fabella illos illudere soleo,  
qui cum è Vergilio, alióue poëta carmen su-  
stulere, tum demū læti & gloriosi se poëtas  
esse arbitrantur, atq; ut Neanthus, omne se  
punctum tulisse, omnemq; poëticā adeptos  
putāt, ac ueluti Aesopianus graculus, & Ho-  
ratiī cornicula, alienis induti plumis, bellas  
se aues arbitrantur, ita se poëtas illi. Istuc tu  
quidem, ait Piso, pulchrè dixisti, sed qd pace  
tua dixerim, ipsum te quoque eludis. At ego

nunquam,inquam Pīso, ipsum me poētā credidi,nec tantum nomen ambiui,nedum illud mihi arrogauī, ut qui probē teneā, me primoribus,quod aiunt,labris poētīcæ fontes gustasse:nam qualis ea & quanta sit facultas,fatis(ut puto)hesterno sermone mōstrauimus.Si quos tamen, ut sit, interdum ego quoq; uersiculos feci, ingenuē uobiscum fatebor, nō ut poēta, sed ut poētæ alituius simiolus feci,& perinde eos supprimo. Verū de Orpheo reliqua,quā ista,rectius dicemus.Vt placet,inquit Pīso: (de me enim loquēs iandudū stomachabar.) Et simul ego: Nunquid,inquam,audistis,quæ de maritimis Lyrnessi saxis uocalibus à Græcis scriptoribustradunt? Sunt uerò talia facta cum illuc Orphei lyra delata fuisset,quod scriptū reliquit Philostratus. Vel nos fugit quæ de Orphei columna produnt Macedones? ea quidem ex Dio uenientibus offerebatur, super qua hydria,id est, uas lapideum, in quo Orphei reliquiæ asseruabant. Quo loco fluere dicitur fluuius Helicon,qui per xx. stadia occultatur,ea uidelicet causa,quod cum mulieres Orpheū interemissent,& se abluerē uellent,fluuius se abdidit, ne impias mulieres elueret:qđ pluribus est executus Pausanias, qui & à Larissæis alium se audiuisse sermonem scribit,quod Libethra urbs sit in Olympe Macedonia monte sita, à qua non longē

longè Orphei monumentū sit positum, datumq; à Dionysio Libethris oraculum, tum demum funditus à Sire Libethras interituras (nomen id torrentis) cū Orphei ossa sol uideret. Cui cum minus Libethrii fidem haberent, contigit tamen longo pōst tempore, cum uidelicet pastor meridiano tempore se Orphei sepulchro acclinasset & obdormisset, insomnis Orphei uersus suauī cantu referret. Cæteri non longè pastores positi accurrentes, seq; inuicē impellentes, ac rixantes, ut quisq; canēti propius esset, ipsum monumentū conditoriumq; subuerterūt, adeò ut euolutis reliquijs Orphei eas sol uideret. Tum insequenti nocte imber adeò ingens factus est, ut Sus fluuius alueū excedens totam regionem influeret, & Libethræ mœnia dirueret, ædesq; euerteret. Verūm & apud eosdem Libethrios Orphei simulacrū ex cupressō cōfectum fuit, teste Plutarcho, quod Alexandri Macedonis tempore sudasse perhibetur: interpretatū id scribit Arrianus ab Aristandro Telmisseo, bene ac faustè Alexandro portendere, fore ut poëtæ sudarent in præclaris ipsius Alexandri gestis describendis. Fuere & alia eiusmodi Orphei oracula, & falsa (ut uerius dicam) miracula, quæ temporis causa mittemus. Quin illud potius, quod uos libenter audituros arbitror, nūc afferam, quodq; ab Iustino philosopho &

martyre proditū est: ait enim Orpheū cum in Aegyptum diuertisset religionis & sapientiae adipiscendae causa; unius ueri Dei pietatem ac cultum ab Hebraeis, ut putatur, didicisse, & perinde recantasse de ijs quae ad deorum multorum superstitionem, hoc est, ut ille graece uno uerbo ait, πολυθεότητα, antea cecinisset, eiusque ea dere plerosque uersus in medium adducit ad Musaeum scriptos, quos quidem & Aristobolus Iudaeus philosophus peripateticus in eo quem ad Ptolemaeum regem scripsit, & Cyrillus Alexandrinus in primo contra Iulianum Caesarem nostram pietate calumniantem, commemorat. Hos uero tu Pice uersus apud Iustinum legito, quem ex graeco Io. Fr. pater tuus non multo ante hos annos in latinum conuertit. Sed & quod apud Suidam legi, hoc loco par est ut uobis afferam. Is igitur scribit Orpheum uirum optimū fuisse & sapientem, quo tempore apud Iudaeos Iudices erant, ipsumque mysteria & sacra multa edoctum, librosque illius extare de Dei cognitione, ex quibus haec esse ait: In principio aethera primum apparuisse à Deo creatum, & hinc illinc eius chaos fuisse & noctem, terribilia omnia & horrenda continentem, omniaque celantem, quae sub ipso aethere fuerant: id uidelicet significantem, noctem ipsam priorem fuisse: dixisse quoque incōprehensibilem quendam & omnium supremum ac natu maiorem



rem omniūq; opificem hunc supremū æthera, & terram inuisibilem uocasse, lucemq; æthera rupisse, & terrā illuminasse omnemq; creaturam, & etiam dixisse ipsam lucem supremam omniū, inaccessibilem, omnia continentem, & eam uocasse *βελὺ, φῶς, ζῶν*, id est consilium, lucem, uitam, & insuper tria hæc nomina uirtutē unam esse & potestatē unā dei ipsius omniū opificis, qui omnia ex eo quod non est, producit in id quod est, uisibilia & inuisibilia, ut nobis ab eo quoquo modo quædam *ἀγία πᾶς* exprimi uideat. Subdit idem scriptor, ipsum eundem Orpheum de hominū genere ita statuisse, illud uidelicet ab eodem opifice creatū, si minus græcè placet plasmatū, rationalemq; animā accepisse: Mosen secutum, miserū dicentem genus humanū, multisq; subiectum animæ & corporis affectionibus, bonorumq; & malorū operum capax, necnō in his quæ ad uitā pertinent miserè dispositum. Et hæc quidem ferè ex Suida. Iam uerò ad Orphei carmina, quæ ferè dubia sunt omnia & incerta, deueniam, atq; à triasimis exordiar, seu triagmis, ut quidam malunt, de quibus alibi, hoc est, in Ionis imagine, & quid sint planè agemus. Cōpositi hi quidē ut à plerisq; est proditū ab Orpheo, ab alijs tamē ab Ione tragico poëta creditū. Sunt & Orphei sacri sermones in xxiii. rhapsodias distincti, in Theo-

gnetum Theſſalum poëtā relati, ſiue in Cer-  
 copem Pythagoricum, cum quo controuer-  
 ſiam Heſiodus exercuiſſe traditur. Oracula  
 & teletæ Onomacrito aſcribuntur, qui te-  
 ſte Pauſania, Herculem unum ex Idæis Da-  
 ctylis ſuo carmine fuiſſe tradidit. In his quo-  
 que de lapidum ſculptura agitur, quæ Octo-  
 ginta lapides inſcribitur, hoc eſt, *ὀγδοήκοντά-  
 λιθ.* Extat quidē & in manus habetur opu-  
 ſculum Orphei nomine inſcriptum de lapi-  
 dibus, quod an legitimū, multa ſubuereri fa-  
 ciunt, quæ mihi nunc prætereunda. Orphei  
 inſuper Soteria & Crateres poëmata eſſe fe-  
 runtur, ſed illa Timocleo Syracuſio, uel Per-  
 gino Mileſio, hi Zopyro aſcribuntur. Thro-  
 niſmi uerò, metroi & Bacchica, Niciæ Elea-  
 tæ: deſcēſus ad inferos, Herodico Perinthio:  
 Peplon & rete, quæ Zopyro Heracleotæ, ſi-  
 ue Brōtino: atq; hæc quidem uerſibus c c.  
 & mille, quæ onomaſtica carmina uocant.  
 Aſtronomia, Amacopia, Thyepolicon, & ex  
 ouo auſpicia ſac iſiciaq; hoc eſt, *ὠοθυτικά* &  
*ὠοσκοπικά*, cataxoſticon, hymni, corybanti-  
 con, & phyſica, quæ Brontino attribuuntur.  
 Scripſit præterea Orpheus, ut Plinius pro-  
 dit, de herbis: Primus omniū, inquit, quos  
 memoria nouit, Orpheus de ijs herbis cu-  
 rioſius aliqua prodidit. Sed & Galenus de  
 antidotis lib. 2. eundem de eorum cōpoſitio-  
 nibus ſcripſiſſe tradit, cuius ideo uerba affe-  
 ram

ram, qđ & Poëticæ materiæ nostræ nō nihil conueniunt. De compositis, inquit, dicetur antidotis, uerū horum apparatus expone re perdifficile mihi uidetur, cum pleriq; horum cōscriptiones aggressi sint, inter quos est Orpheus, is qui cognominatus est Theologus, & Horus Mendesius iunior, & Heliodorus Atheniensis tragædiarū poëta, & Aratus, & alij quidā, qui eiuscemodi scripserūt. Atq; hæc quidem Galenus. Pausanias etiam eius morborū remedia cōmemorat, & purgationes impiorū operum, & diuinæ iræ a- uersiones, hoc est, *καθαρμὸς ἔργων ἀνοσίωπ, καὶ ἴσος πὰς μωιμάτων θεῶν*. Sed cum Orphei opera pa- rum antea digesta essent, Pherecyden ferunt Atheniensem, Pherecyde Syro antiquiorē, ea collegisse. Et hucusq; de antiquiore Or- pheo dixisse sufficiat. Nunc de reliquis eius nominis agendum. Secundus Orpheus Ar- cadius fuisse perhibetur, uel, ut alij tradunt, Ciconeus ex Bisaltia Thraciæ, & ante Ho- merum altera generatione, & rebus Troia- nis antiquior creditus est: hic fabularum fi- gmenta, quam *μυθοποιία* uocāt, composuit, & epigrāmata: hymnos quoq; qui nunc, ut opinor, uulgò legūtur, licet prioris Orphei nōnulli existimēt. Inter hos tamen hymnos qui nouissimi sunt, non Orphei, sed Prócli Lycij philosophi esse constans est opinio, ut alio loco dicemus, Tertius Orpheus Odry-

fius fuit, in quem poëmata quędam referuntur: tametsi unq̃ fuisse negat Dionysius, ut est apud Suidam. Quartus Orpheus Crotoniata fuit, qui Pisistrati temporibus claruit, ut Asclepiades in sexto grammaticorũ libro scriptum reliquit. Scripsit uerò Decennalia, hoc est, *δινὰ καὶ τὰς δέκα*, & argonautica, quę leguntur, & alia quę Orphica dicuntur, quę tamen, ut ait M. Cicero in 1. de natura deorũ, Cercopi Pythagoreo, cuius suprà meminimus, nonnulli ascribunt, non Cerconi, neq̃ Cerdoni, ut est in peruulgatis codicibus. Ultimus uerò inter istos Orpheus fuit Camarinæus uersificator egregius, cuius esse à plebisq̃ proditur, descensus ad inferos. Quę cū dixissem ad me cōuersus Piso, & cui nam Orpheo ait, poëma quod est de terræmotibus inscriptum, attribuis? nam Orpei quidem titulo & legi & circumferri uideo, & eius phrasıs uetusta admodum uidetur, nec tu tamen cōmemorasti. Nimis, inquā, urges me Piso: quid me ista censere iubes? nunquid ego Crates, aut Aristarchus, uel Aristarchi ipsius magister Aristophanes? gręcos ista roga. Sunt tamen qui illud ipsum de terræmotibus poëma, nō Orpheo, sed Hermeti Trismegisto potius ascribant, quos inter Zenobius noster Acciaiulus, qui & illud, ut ipse mihi dixit, latinè uertit, & ego utrunque aliquando legi. Ergo, inquit Piso, & poëtam

Trisme-

Trismegistum habemus. Habemus, inquam ego, uel saltem à poëtica nihil abhorrêtem, si quæ Zenobius asserit, recipimus, & si Græcis quibusdā stamus, quos inter Suidas, qui Trismegisti uersus quosdā adducit, de uoce & uerbo Dei, ijs ualde similes qui à Iustino philosopho & martyre, & à Clemente de eodem Dei uerbo Orpheo ascribuntur: quos Trismegisti uersus ea causa uobis nō recito, quòd parū castigati apud Suidam legūtur. Scripsit uerò in primis dialogos quos habemus. At quæ parū nota, inter alia ea sunt quæ Salmechiniaca uocātur, quibus breuissimè Hermica cōprehendunt. Quæ autē in adytis sunt inuenta, Hieroglyphicis perscripta literis ad Soin uel Sain deam Aegyptiorum, ea Bitys propheta regi Ammoni interpretatus est, ut in eo libro reperi, qui Abamonnis magistri Aegyptij nomine apud Græcos circumfertur, quem librum Proclus Iamblichi esse credidit, ut in cōmentarijs in Plotinum scribit. Verùm de Hermete satis in præsentia, scitis enim qualia & quanta de illo à scriptoribus traduntur. Illud unum duntaxat uos nō latere uelim, eum ideo *ῥισμύστης*, hoc est, ter maximū nuncupatum, quod maximus philosophus, maximus sacerdos, & maximus rex extiterit. Nam, ut Plato scribit, mos erat Aegyptijs, ex philosophis sacerdotes, & ex sacerdotibus reges eligere. Alij

*Hermes aut  
Trismegistus  
dictus.*

ea ratione sic uocatū putant, qđ de sanctissi-  
ma trinitate protulerit, primusq; in ea unā  
esse diuinitatē, hoc est, *ἐν τριάδι μίαν ἡνὶ θεότητα*.  
Quæ ubi dixissem, inquit Piso, si non poëta  
est Trismegistus, non saltem poëtarū hostis.  
Sed iam tabulæ nobis ordinē cōtinua. Post  
hos, inquam, erat Musæi effigies, qui nescio  
quæ fuit pictoris elegātia, ita pictus fuerat,  
ut Orpheum quasi uenerari uideret, nam e-  
ius discipulum fuisse Diodorus & Eusebius  
tradunt. quin & super illud Vergilianum,

*Musæū ante alios*, ita Ser. Honoratus: Theo-  
logus, inquit, fuit Musæus post Orpheū, de  
quo uariæ sunt opiniones. Nam eum alij Li-  
ni filium, alij Orphei uolunt, cuius constat  
fuisse discipulum, ad ipsum enim primū car-  
men scripsit, qđ Cratera appellauit. Iustinus  
tamen Christianus scriptor, philosophus et  
martyr, in paranæsi contra gentes, Orphei  
filium prodidit: cui pariter & idem Orpheus  
iusiurandū inscripsit, sic em̄ poëma inscribi-  
tur, id qđ modò mihi excidit, cū cætera Or-  
phei carmina enumerarem. Ex eo poëmate  
hi sunt uersus, quos ego sic latinè uerti:

*Te cælum sapientis opus magniq; tonantis,*

*Vocem & iuro patris, quam primum protulit ipse.*

Scribit Maternus Firmicus, qđ Orpheus cū  
ignotis hominib. sacrorū ceremonias aperi-  
ret, nihil aliud ab ijs quos initiabat in pri-  
mo uestibulo, nisi iusiurandi necessitatē, &  
cum

cum terribili quadā autoritate religionis exegit, ne profanis auribus inuentæ ac cōpositæ religionis secreta proderent. Huius quidem iusiurandi meminit Theon Smyrnæus philosophus Platonius, cum de octonario numero agit, quosdam etiā uersus ex eo afferens. Meminit & Cyrillus Alexandrinus, & Eusebius Pāphili. Ad hæc & Orphicorū hymnorū principiū Musæo dicatū uidemus, item Argonautica. At uerò Diogenes Laërtius, nō Lini neq; Orphei filiū Muscū, sed Eumolpi, his uerbis ait: Musæo, inquit, illustres Athenæ. quin & Atheniēses ipsum Eumolpi filiū putauere. Hic Theogoniā primus scripsisse tradit, & Sphærā inuenisse. Eundem ait Diogenes opinatū esse, omnia ex uno cōstare, atq; in idem omnia etiā resolui, quē est ex parte Parmenides secutus. Perijt uerò apud Phaleros, ibidemq; cōditus hoc epigrāmata:

*Eumolpi charum tenet ora Phalerica natum*

*Muscæum, functum corpore in hoc tumulo.* Hoc est, si illud græcè mauultis, *Ὀμόλπος φίλον υἱὸν ἔχει τὸ φαληρικὸν ἔδαρ Μυσῶν, φθίμενον σῶμ' ὑπὸ τῷ δὲ τάφῳ.* Ab huius quidē Musæi patre Eumolpi darū, apud Atheniēses diutius cognomentū & genus durauit. Scribit apud Aratū interpres, Orphei lyrā Muscō cōtigisse post illius mortē. Celebrat Herodot. Musci sortes, hoc est, ex Musæi carminib. ductas, ut puto, quas ab Onomacrito per Lasum Hermioncū ui-

riatas ait, ut in eius imagine dicemus. Fuere tamē & hoc nomine alij, quorū unus Eleusinius fuisse perhibet Antiphemi & Hellenes filius, qui genus in Cercyonē à Theseo deuietū hoc modo referebat: Antiphemi enim pater Euphemus, Euphemi Ecphāthus, Ecphanthi Cercyon, hic Orphei discipulus & ipse tradit. quidam eundem cum priore faciunt, quidam aliquāto seniorem. Scripsit Eumolpo filio hypothecas quatuor millibus uersuum, alia item plura, inter quæ à Pausania proditam poësin, quæ apud Græcos Eumolpia nuncupatur, ut mox referemus. Illud uerò de Musæo traditur, quod Boreæ beneficio aliquando uolauit, ut de Abari etiā dicemus, quæ fabulosa uidentur. Sequebatur hūc Thebanus Musæus Thamyre filius, qui inter Melicos est poëta connumeratus. floruit multò ante Troianorū tempora. cantica & mela scripsit. Horū ultimus fuit Musæus Ephesius epici carminis scriptor, qui decem uoluminibus Perseida opus conscripsit: item ad Eumenē & Attalum reges. Fuit hic inter Pergamenos cyclos, sic ait Suidas, cōnumeratus. Huius quidem Isthmia citantur ab ijs grammaticis, qui in Apollonium Rhodium cōmentaria scripsere. Quosdam Musæi uersus ex oraculis aduocat iunior Philostratus, nisi ea fortè oracula sint Musci Atheniēsis. Et cum his fuit Eumolpus Eleusinius,



finius, siue Athenienſis, qui Muſci, ut ait Suidas, filius fuit: alij tamen patrē, ut uobis paulò antè retuli, ſcripſerunt. Pauſanias Neptuni & Chiones filiū exiſtimauit, quod & poëta Ouidius ſenſiſſe uidetur. Operā quidem ille Orpheo dedit, atq; ab eo inſtitutus: unde eſt illud ab ipſo Ouidio in Ponto,

*At non Chionides Eumolpus in Orphea talis.*

Claruit uerò Eumolpus in Poëtica inter illos qui ante Homerū poëmata ſcripſerūt, & uictor in Pythicis certaminib. fuit: ea enim erat antiquis cōſuetudo, ut ad lyram poëtæ certarēt, cuius & alibi meminimus. Scripſit autem Cereris myſteria & ſacra, & filiabus ſuis factam initiationem cōſecrationēque, & hæc tribus uerſuum millib. Scripſit & quæ per manus ſit ſpeculatio, hoc eſt, quæ græcè dicuntur χειροσκοπικά, item quæ Bacchica uocantur; qđ opus & Diodorus, & Euſebius Pamphili aduocāt. Eumolpia præterea poëſis ab Eumolpo dicta eſt, à Muſæo tamen Antiphemi, ut diximus, condita, cuius mentio facta eſt ab antiquis ſcriptoribus. In hac utiq; traditur, oraculum Delphicū Telluris primū fuiſſe, cuius promantis, hoc eſt, uates Daphnis indigena nympha fuerit: mox cōmune fuiſſe Telluris & Neptuni, Perconēq; Neptuni miniſtrū ad uaticinia edenda: poſt hæc à Tellure Themidem diuinationē accepiſſe, tum demum à Themide Phœbum. Ex

*Eumolpus.*

*Eumolpia  
poëſis.*

*Zoroastres.*

hac quidem Eumolpia in primis Pausanias carmina citat. Nec defuere qui ab hoc Eumolpo, Eumolpidas cognominatos existimarint, quorū ex Laërtio antè meminimus: tamen si aliq̃ à Thracedictos uelint, qui *μύσιμ*, hoc est, initiationem, quam uocant Græci, adinuenit. Sed de ijs iam satis, ad aliorū imagines transcamus. In hac parte fuit Zoroastres imago, qui peregrino ac uario quodā habitu indutus erat, hoc est, persomede: nā & ipse Persomedes cognominatus est. Fuit hic quidem sapiētissimus habitus inter Persas & Medos, cuius & adhuc quædam leguntur tum carmine tum soluta oratione, ea certè extant, quæ à Psello exposita & interpretata sunt. Atqui, inquit Piso, te de Zoroastre loquentem libenter audiemus, quandò inter doctos non conuenire sentimus. Cui ego: Attēdite, inquam, en opinor uobis me narraturū, quæ doctos plerosq̃ alioqui, nedum semitarios & triuiales literatores præteriere. Tres primū ego reperio Zoroastres fuisse, quorum primus Persa, uel ut putauit Theophilus, Argyrus fuit: secūdus Bactrianorum rex, tertius Procōnesius. Ex qua re factum est, ut quæ trium gesta fuerāt, ea sub unius persona celebrata, atq̃ eorum sint inuenta confusa. Is igitur de quo nunc loquimur Zoroastres, ut in libris *αὐαγνωσίωμ*, id est, recognitionum Clemētis Romani legitur, Mesrai-

Mefraimi Chami filius fuit, qui magicæ artis tradidit disciplinam: hunc gentes Zoroaſtre appellauerunt, admiratę eius artis autorem, cuius etiam nomine libri habētur. Hic ergo aſtris multū ac frequenter intentus, cupiens apud homines deus haberi, uelut ſcintillas quasdam ex ſtellis producere, & hominibus oſtentare cœpit, quò rudes in miraculi ſtuporem traherentur: deſideransq; augere hanc de ſe opinionem, ſæpius iſta moliebatur, uſq; eò, donec ab ipſo dæmone, quem importunius frequentabat, ſuccenſus igni cremaretur. Sed homines ſtulti, qui quā de eo conceperant, abijcere debuiffent opinionem, quippe quæ mortis pœna cōſutata eſſet, in maius extulerūt: extructo enim ſepulchro ad honorem eius, tanquam amicū Dei ac fulminis ad cœlum uehiculo ſubleuatum adorare cœperūt, & quaſi aſtrum uiuens colere, hoc eſt, *ζῶον ἀſτρον*. atque ob eam rem demum qui fulmine interiſſent, ſepulchris honorāt, quaſi amicos Dei. Et quidem hæc ex Clemente, à cuius interpretatione nominis Dinon in quinto hiftoriarū diſſentit, quippe qui Zoroaſtrem dictū affirmet quaſi *ἀſτρον*, hoc eſt, aſtrorū ſacerdotē: cum quo cōuenit Hermodorus. In eis uerò quæ Beroſo Chaldæo fragmenta aſcribuntur, ira de Zoroaſtre legit: Noa, inquit, filiū habuit Chem, qui magicę profeſſioni & ueneficijs ſemper

studuit, unde & Zoroastres nomē assēcutus est. Cum autem à parente parum amaretur, eum fortē aliquādo uino madentem elusit, clamq; illi magico carmine ita imposturam fecit, ut ad Venerem sit impotens factus, unde, inquit Berosus, deinceps Noa puellam non cognouit: quod nescio quo pacto congruat sacræ historiæ. Græci uerò historici illum quidem deos precatum ferunt, ut cœlesti igne occumberet, Assyrijsq; imperasse ut suos conditos asseruarent cineres, futurum enim, si ita facerent, ut eorum nunq̃ regnū deficeret: atq; ita factum esse. Idem scribit & Theophilus, repetit & Suidas. Sedenim Agathias, quem Agathiū Græci quidam uocāt, historicus & poëta, ut alibi dicemus, in secundo historiæ suarum de Zoroastre in hunc propè modum inquit: Sed huius tempestatis Persæ uetustos mores mutauere, alienisq; legibus utuntur ex Zoroastris Ormasdei disciplinis. Hic, inquam, Zoroastres siue Zarades, duplici enim uocitatus est cognomine, quo tēpore princeps fuerit, legēs ue tulerit, non satis est compertū. Nam Persæ ipsi nostri temporis, Hystaspis temporibus eum floruisse tradunt: quam ob causam res planè ambigua est, nec facilè dignosci potest, an Darij pater, an alius quispiā hic fuerit Hystaspes. utcunq; hic Persarū magister & magicæ inuentor. Hæc fermè Agathias.

Quæ

Quæ uerò à Zoroastre composita sint uolumina, ista feruntur: Libri de natura quatuor. de lapidibus preciosis unus. apotelesmata. asterscopia libri quinque. Exstant quidē oracula seu symbola Chaldaica, quæ Platonici interpretes admirantur, & M. Psellus, ut antè dixi, exposuit. Eusebius inter eius scripta librū qui Sacer inscribitur celebrat, in quo res Persicas collegit. Longè plura enumerauit Hermippus. Plin. eius etiam sententiam affert de sementis tempore. Constantinus quoque in libris de re rustica, pleraque ex Zoroastre affert, ut quæ ex tonitru significant, de signifero & domibus, itemque de prænoscendis seminibus fertilibus &c. Magorū uerò nomen à populis illis usque adeo celebratū est à Zoroastre inductum, ut diutius uiguerit. testis est Plato, & Laërtius. Hermodorus Platonicus in libro de disciplinis, & Suidas, à Zoroastre usque ad excidium Troiæ annos quinque millia computat. Plutarchus quoque in lib. de Iside & Osiri, quo etiam loco non parum multa de Zoroastris & magorū theologia pertractat, Xanthus Lydius à Zoroastre usque ad Xerxis descensum sexcentos tantum annos enumerat. tam uaria est de Zoroastris tempore scriptorū opinio. Sed cur non uobis Pliniū hoc loco cōmemoro, qui hac ipsa de re lib. xxx. nat. hist. in hunc propemodū loquitur: Sine dubio, inquit, de re magica

differens, illuc orta in Perside à Zoroastre, ut  
 inter autores cōuenit. Sed utrum unus hic  
 tantū fuerit, an postea & alius, nō satis con-  
 stat. Eudoxus, qui inter sapientiæ sectas cla-  
 rissimā utilissimamq; eam intelligi uoluit,  
 Zoroastrem hunc sex millibus annorū ante  
 Platonis mortē fuisse prodidit. Sic & Aristō-  
 teles. Hermippus, qui de tota ea arte diligen-  
 tissimē scribit, & uicies centum millia uer-  
 suum à Zoroastre condita, indicibus quoq;  
 uoluminū eius positis explanauit. Eriā prae-  
 ceptorem à quo institutum diceret, tradidit  
 Agonacem. Ipsum uerò quinq; millibus an-  
 norum ante Troianū bellum fuisse. Atq; ha-  
 ctenus Plinius. Cæterū & Apuleius nonni-  
 hil de Zoroastre, & Laërtius in primo, ubi  
 instituta magorū exequitur: quibus quanq;  
 olera, & panis cibarius, ac caseus cibus esset,  
 nihilominus Zoroastrem scribit Plinius in  
 desertis uixisse annis xx. cum nihil nisi ca-  
 seo uesceretur, ita ut nec uetustatem sentiret.  
 Eidem quoq; puero cerebrum ita palpitasse  
 proditum est, ut impositam manum repelle-  
 ret, futuræ præfagio scientiæ. Et ipsum eadē  
 hora risisse qua natus est, sunt Plinius & So-  
 linus autores: tametsi præcox huiusmodi ri-  
 sus haberi prodigio soleat, nec ante xL. diē  
 dari. Alter ab hoc Zoroastre fuisse putatur  
 is qui Bactrianorū rex fuit, qui & à Babylo-  
 nio rege Nino Semiramidis marito prælio  
 uictus

uictus est, uitaq; priuatus, de quo ex Trogo Iustinus: Primus, inquit, Zoroastres dicitur artes magicas inuenisse, & mundi principia, syderumq; motus diligentissime spectasse. Eadem ferè Augustinus, & Orosius. Hi uerò mihi decepti esse uidentur nominis similitudine. Siquidem Diodorus & Eusebius, qui huius uictoriæ meminere, nullam omnino de magicæ artis inuentione mentionē fecere. Tertius uerò, cuius mentionē habui, Zoroastres Procōnesius fuit, quē in arte magica & ipsum claruisse monumentis literarum proditū est, circa Xerxis tempora, paulò antè quàm Osthānes, non ignobilis eiusdem artis autor, floreret, id quod diligentissime Plinius obseruat. Apuleius quidē Floridorū lib. 2. Pythagoram scribit inter Cambyſæ captiuos in Aegyptum ductum doctores habuisse Persarū magos, ac præcipuè Zoroastrem, omnis, ut ait, diuini arcani antistitem. Sedenim & Clemens in stromatis, & Cyrillus in libris aduersus Iulianū, scribunt Pythagoram philosophum Zoroastrem imitatum sectam suam instituisse. At uerò iam de Zoroastre satis: ad poëtas tranſeamus, quorū imagines hac parte in tabula fuerāt. Inter hos uerò primi Demodocus & Phe-

*Demodocus* ☾  
*Phemius.*

Cui ego: Rectè tu quidem, inquam, Piso loqueris: nam in Ithaca alterum, apud Phæacas alterū canentes Homerus inducit. tametsi quidam se Homerū putāt significare uoluisse, cuius sententiæ est Max. Tyrius, id qđ & ipsius poëtæ uersib. astruit, ut cū cecinit:

*Carminē nam dulcem dedit esse, at lumine cassum.*

Item cum ait sub ipsius Demodoci persona:

*Ipse mihi doctor, tribuerunt numina uocem.*

Alij uero propius esse autumant, ut ambo poëtæ fuerint, qui ante Homerum carmina scripserint, cuius opinionis est M. Cicero. sed & Plutarchus, & Tatianus, & Eusebius, uiri in perscrutādis historijs diligentissimi, idem prodiderūt. Fuit uerò ex Corcyra Demodocus, nō ignobilis apud antiquos musicus & poëta, qui, ut Heraclides Ponticus scribit, de Ilij excidio, deq; Veneris & Martis concubitu poëmata cecinit, qua parte illum est imitatus Homerus. Alterū etiā fuisse Demodocū, facilè ex Aristot. cognoscimus, qui in Milesios ita lufit: Non sunt, inquit, insipientes Milesij, ea nihilominus quæ insipientes, agunt. Extant & eius quædam carmina. At uerò Phemium, quem modò Ithacensem, modò Smyrnæū fuisse legimus, Homerus in Procorum conuitio canentem inducit, cum potius, ut est à scriptorib. & Plutarcho in primis in Musica proditū, eos ipse uersibus complexus sit, qui cum Agamem-  
none



none imperatore post direptam Troiam reuerſi ſunt in Græciam. Cicero in epiſtoliſ ad Atticum nec ſemel meminit, ut cum ait, *κίρας* Phemio demandatum, Item, Phemio quæritur *κίρας*. Eſt autem *κίρας*, hoc eſt, cornu, muſicum, ut puto, inſtrumentum: unde & corniculū, & cornicines. De Phemio & poëta Naſo:

*Quid iuuet ad ſurdas ſi cantet Phemius aures?*

Herodotus Phemiū ſcribit magiſtrū quempiam fuiſſe, qui pueros Smyrnæ publicè literas doceret, ad quem mater Homerum filium inſtituendum adduxerit. Ephorus tamen Cumæus, Phemio ipſi Homeri matrē nupſiſſe prodidit: matri nomē Critheis. Huius utruiuſq; meminit poſt alios & Eusebius in euang. præpar. Poſt hos erat & Pamphus Athenienſis poëta antiquiſſimus, qui et ipſe ante Homerum carmina condidit. celebrat Pauſanias huius poëma, in quo Cererem deam in anilem mutatam formam, cecidiſſe in puteum cecinit, cui puteo poſtea Floridi nomen factū eſt: idq; deæ contigiſſe cū Proſerpinam filiam ablatam quæreret, Eundem & de Gratijs ante Homerū ſcripſiſſe ferunt, ut alibi ipſi meminimus. Eius etiam poëtæ hymnum in Iouem Philoſtratus in Proteſilao cōmemorat: quædā adhuc huius carmina ipſe legi. Variè apud Græcos huius nomen enuntiatur. ab aliquibus enim Pam-

*Pamphus.*

*Epimenides.* phus, ab alijs Pampho. Sequebatur hūc Epimenides, cuius erat imago dormienti similis. Fuit quidem Epimenides Gnosius, uel ut Strabo & Plutarchus aiūt, Phæstius: Phæstos enim Cretæ urbs notissima. Parētes habuit, ut quidam tradunt, Agiasarchum, uel ut alij, Dosiaden, ut alij, Phæstum, quod scribit Suidas & Laërtius: matrem uerò, si Suidæ ipsi stamus, Blastam: si Plutarcho, Baltham nympham, uel Baptam, ut alij legunt. Nouus per sua tēpora Curetas appellatus est, quo certè argumento eiusdem nominis duos existimatos tradit uir multę eruditio- nis Hermolaus. quin & Laërtius tres huius nominis colligit. Ea autem causa dormienti similis fuit, quòd cum missus esset à patre ut ouem rure deducere, æstū meridiano diuertit in specum, ubi captus somno LXXVII. annos, uel ut Pausanias XL. uel ut Eudemus XL. & VII, uel ut alij, sex, dormiuisse dictus est: experrectus uerò, ratus se parū dormisse ouem quærebat, qua non inuenta reuersus, & omnia immutata conspiciatus, attonitus ac stupido similis domū paternam est ingressus. Interrogatus quis esset, uix tandem agnitus est ab iuniore fratre, qui iam senior factus erat, & ab illo rem omnem didicit: quæ res cum per omnem Græciam uulgata esset, ut deorū amicus & charus in precio esse cœpit. Verum enim uero quod modo  
de

de longo hoc Epimenidis somno diximus, id in memoriam reuocat, quod nostri de septem Ephesijs martyribus, quos à re Dormientes uocamus, tradunt: hienim necem fugientes, quam Decius Cæsar Christianis intentabat, diutius, hoc est, prope ducentos annos dormiuisse dicti sunt. Historia quidē, imò mirāculum, ex nostris annalibus nota est. Quin simul animum subit quod ab Aristotele in 4. Physicæ auscult. proditum est, & à Themistio repetitum, de ijs qui in insula Sardinia apud heroas diutius dormiuisse traditum est: quam rem Latini quidem interpretes ineptē attingūt, sed non explanāt: at Simplicius græcus philosophi expositor, pluribus ille quidem & diligēter, ut cætera: nos paucis ex eo. Nouem, inquit, Herculis filij ex filiabus Thestij, Thespj filij dicuntur, qui cum in Sardinia interiissent, adusq; Aristotelis tempora, & fortē Alexandri quoq; ipsius philosophi expositoris, dormire dicebantur, cum eorum corpora incorrupta & integra permanerent: et hi quidem in Sardo heroēs. & cætera quæ subiungit idem Simplicius. Addit, ut hoc astruat ex Eudemi sententia, de quibusdam qui in Apaturiorum celebritate ebrij cum facti essent, per omnes eius celebritatis dies, qui quatuor diuersis nominibus erant, dormiuisse dicuntur. Ridelū in hoc Aristotelis loco scribit Auer-

roës ex Alcorano, Mahometen fortasse de his intellexisse, qui ab Aristotele annis plus mille abfuit. Est & in historia (ut uocamus) Longobardorum, quæ Pauli Diaconi esse existimatur, in eius statim initio, quinque, ut ait putari Romanorum miraculum, qui in extrema Germaniæ parte, in oceani littore, in antro sub eminenti rupe excauato, longo sopiti somno dormire dicuntur, illæsi non corporibus solû, sed etiam uestimentis: quibus cum audax quidã exuere tentasset, mox ei, ut dicitur, brachia aruerunt. Idem & Methodius. M. quoque Damascenus scribit, suo tempore in Germania defessum rusticû sub fœni tumulo per totum autumnum sequentemque hyemem continuè dormiuisse, donec fœno depasto experrectus est tanquam semi mortuus, totusque extra se positus inuentus est. Putat idem Damascenus, idque etiam multis rationibus cõprobare nititur, quòd cum pluribus animãtibus datum sit à natura, ut pluribus mensibus sine cibo & potu, & alijs naturæ necessarijs dormiãt, idem etiam contingere posse homini. quæ Germanus Cor. Agrippa sequitur. Huius rei fides sit penes autores. Sed iam præstat nostrã nos in uiam redire. Ego hæc cum dixissem, dixit Piso: Me mini me apud Hieronymum legere, diuum Paulum apostolû in epistolis, ab huius Epimenidis poetæ uersiculis non abhorruisse.

Sic

Sic est, inquam: nam & Græci ea de re copiosius, Chrysostomus, Theophylactus, alij. At ista notiora: quin potius nos disquiramus quæ Epimenides scripserit. Inprimis enim fertur, quæ ad expiationes, religionesq; sacras pertinent, multa perscripisse. Item Argonautica sex millibus & quingentis uersibus. De deorum & Corybantum generatione ad ferme quinque millia uersuum. Telchinniacam quoque historiam ab aliquibus Epimenidi attributam scribit Athenæus, ab aliquibus uero Telechidi, quem Comicus poetam fuisse suo loco referemus. At uero multi hunc ipsum Epimenidem inter septem sapientes Græciæ numerant Periandri loco, ut scribit Plutarchus. Fuit & inter longæuos connumeratus, nam c. & LVI. annos uixisse dictus est: alij plus minus. Cretenses c. & xcix. uixisse prodiderunt. Xenophantus Colophonius centum & LIII. scribit. Proditum est à Pausania in Corinthiacis, Lacedæmonios cum Gnosijs belligerantes Epimenidem cepisse, quibus cum non secunda uaticinatus esset, ab ijs interemptum esse. quibus uerbis existimo Plutarchum intelligendum in principio libri, Cur defecerint oracula. Cum enim Epimenides de Pythio, orbis umbilico, ab aquilis seu cygnis emenso, ut est in fabulis, oraculum elusisset, deum Pythium eum ultum esse: innuens, ut puto, hunc ipsum à Pau-

sania traditum Epimenidis interitum. Fuit  
 uero & poëta & uates Epimenides, tamen si  
 eum uatem de præteritis occultis tantū Ari-  
 stoteles faciat. Veruntamen Plato, cuius ap-  
 pud me maior est autoritas, primo de legi-  
 bus lib. futurorum quoq; ei uaticinium his  
 Clinia uerbis ascribit: Epimenidem, inquit,  
 diuinum quidem hominē forte fortuna au-  
 diuisti, qui meus fuit popularis, quiq; à deis  
 monitus decenniū ante bellum Persicum ad  
 uos uenit, deōrumq; immortalium oraculo  
 Athenis sacra quædā instituit, quo tempore  
 uiri Athenienses mirum in modū Persarum  
 classem formidabatis, prædixitq; non ante  
 decenniū ad uos Persas classe peruenturos.  
 atq; hæc quidem Plato. At uerò quòd expia-  
 ret, audite Max. Tyrium philosophum, qui  
 hac dere ita sermone 22. scribit: Cretensis,  
 inquit, Athenas cōmeauit Epimenides: hic  
 cum præceptores nullos posset ostendere, di-  
 uinæ rei aptissimus in primis fuit, qui Athe-  
 niensium ciuitatem tunc temporis peste se-  
 ditionibusq; perculsam, haud alia potius  
 re, quàm sacrificiorum expiationibus libe-  
 raret. Idem repetit & alio sermone, hoc est  
 28. ubi & de eius somno rationem expo-  
 nit. Sed de hac Athenarum liberatione plu-  
 ra audite ex Diogene. Cum peste, inquit, ali-  
 quando Athenienses laborarent, à Pythia re-  
 sponsum acceperunt, urbē expiari oportere,  
 Niciamq;

Niciamq; Nicerati ea causa in Cretam misere, ut Epimenidem accerseret, idq; factum Olympiade 27. uel rectius 44. ut scribit Suidas: qui ubi uenisset, urbem lustrauit, atque hoc modo pestilentiam repressit: oues sumi præcepit nigro & candido uellere, quas in Ariopagum egit, & inde quô uellent abire permisit, ipsq; qui eas sequerentur mandauit, ut ubicunq; accubuissent, Deo propitio mactarēt, quo facto, illicò pestilentia sedata est: quare per longum tempus in pagis Athenarum aræ sine nomine, ait Diogenes, inueniebantur. Alij pestis causam Cylonium scelus fuisse perhibent, quo Cratinus & Lysinius adolescentes perierant. Sed de hoc Cylonis facinore seu piaculo Plutarchū in Solone legite, rem etenim hic strictim attigimus ex Laërtio & Suida. Athenienses post liberationem munera Epimenidi & nauem dedere, in Cretāq; remisere. Illud quoq; miraculosum de Epimenidis anima à scriptoribus proditur, eā aliquoties ex eius corpore euolare, rursusq; remigrare consueuisse, ut de Aristæ animæ statim etiam narrabimus. Sed & Epimenidis pellē ex longo tempore quo diem obierat repertam fuisse legi, notis ac literis quibusdam inscriptā: à qua re prouerbiū potius factū esse reor, de sepositis & miraculi loco abditis rebus, Epimenidia pellis, hoc est, *ἐπιμενιδίου δερμα*, quàm *Prouerbium.*

*Aristeas.* quòd scribit de somno Prouerbiorum au-  
tor: quid enim cum somno pelli? Sed de Epi-  
menide iam plus satis, nam & eius uitam co-  
piose Laërtius est executus: quare ad Ari-  
steam sermonem uertamus, qui ut Suidas  
scribit, Democharidis seu Caustrobij, uel  
Charistobij filius fuit, ut testatur Herodo-  
tus: cuius, ut Epimenidis, animam pleriq; er-  
rare solitam tradidere, et rursus cum libéret,  
in corpus redire, ut de Hermotimo quoque  
relatum est. Strabo Aristeam faciúdia & blan-  
ditijs uehementem fuisse prodidit. Compo-  
suit uerò Aristeas opus tribus libris distin-  
ctum, quod Arimaſpia nuncupauit, ex qui-  
bus cum alijs, tum Plinius pleraq; excerptit.  
Scripsit item de deorú generatione, ad mille  
uersus, & alia soluto sermone. Temporibus  
autem Cræſi & Cyri floruit 1. Olympiade,  
ut Græci scriptores tradunt. quo fit ut mirū  
id mihi uideatur, quòd Aristeam aliqui Ho-  
meri magistrum prodiderunt. Par est ut hoc  
loco cōmemorem, quod pluribus ab Hero-  
doto & Origene scribitur de Aristeā. Cum  
enim, aiūt, is esset in patria Proconneso, ful-  
loniamq; tabernam esset ingressus, decessisse  
uiſus est: quod fullo uidens, taberna occlu-  
sa, id Aristeæ propinquis nunciauit: qui  
dum simul, ut fit, ea de re loquerētur, è Cyzi-  
co aduenit hospes, qui se Cyzici paulò antè  
Aristeam uidisse affirmabat. Interea nihilo-  
minus



minus illi quæ funeri essent necessaria apparant, nec hospitis uerbis fidē habent, rectaq; ad fulloniam tendūt, ut Aristeam efferrent: at cum fulloniam essent ingressi, minimē cadauer reperere. tum post septimum annum iterum in eodem loco est uisus Aristēas, & tum primū opus id, quod uobis dixi, Arimaspia cōdidisse fertur, ac rursus euanuisse. tum multō pōst apud Metapontum Italiæ iterum comparuisse dicitur, et eius urbis hominibus imperauit, ut Apollinis, Aristēæ Proconnesij statuam aramq; simul erigerēt: tum demum cum se coruum esse dixisset, ab eorum aspectu ablatus est. hanc ob rem Metapontini Delphos scitatum oraculū mittunt, quidnam hac de re facturi essent: Pythia melius illis futurum retulit, si dicto parerent: unde inquit Herodotus, sua ætate in foro eam statuam stetisse lauris undiq; circumuiuentibus. Ad hæc subridens Piso, ista, inquit, mihi fabulosa potius & ridicula uidentur, quàm ut historiæ fide digna uideantur. Tūc ego: Herodotum, inquam, huiusce rei habemus autorē, quem Plutarchus hac parte secutus est, & Celsus philosophus, quē cum Herodoto ac Pindaro hac parte ridet Origenes. Maximus uerō Tyrius hanc fabulam sic narrat & interpretatur 22. sermone. Proconnesus, inquit, philosophum habuit Aristeam nomine: hic cum ab initio nullam

apud Proconnesios sapientiæ opinionem haberet, idcirco quòd in ea cõparanda nullis magistris usus uideretur, ad incredulitatem illorum summouendam huiusmodi sermonem inuenit: animũ uidelicet suum aiebat relicto corpore sublatum confestim in aëra, uniuerſam tam grãcam quàm barbaram terram peragraſſe, inſulas præterea cunctas, amnes, montes, neq; alicubi peregrinationem antè cohibitiã, quàm Hyperboreos fines adiſſet. Interea ubiq; gentium leges, & politicos mores inſpexiſſe, naturas itidem cunctas regionũ, mutationes aëris, a' luuiones maris, fluminum emiſſiones, quinetiam & cœlum ſuſpexiſſe, cuius ſpectaculum propter ſublimitatẽ uolatus clariùs lōgẽ, quàm qui ſpectant è terra, conſequi poſſet. atque hæc quidem Maximus. Sed iam de Epimenide & Ariſtea ſatis, quorum utriuſq; imagines alia parte tabulæ fuerãt depiẽtæ, ſed hoc mihi loco cõmodius ſunt recitatæ. Nam inter eos qui ante Homerũ floruerunt, fuit

*Olympus.*

Olympus Myſius, diſcipulus et amatus Marſyæ Hyagnidis filij, ut Apuleius & Suidas referunt: idem & Philippus græcorum Epigrammatum poëta. Sed de Marſya & in collectaneis noſtris, & inter Lyricos poëtas agemus. Ouidius poëta utrunq; illo uerſiculo coniunxit:

*In Phryga nec ſatyrum talis Olympus erat.*

Compo

Cōposuisse uerò Olympus dicitur elegias,  
 & cantica, in eaq; Musicæ parte quæ cruma-  
 tice, seu potius chromatice nūcupatur, prin-  
 ceps fuisse traditur. Idem & inuenisse fertur  
*αὐλητικὸν νόμον, ἔθνητικόν*, hoc est, tibi-  
 nes leges et lugubres. Tibia uero usum Hy-  
 agnin primū uolunt, aut, ut prodit Apuleius,  
 primus in canendo manus, ut eius utar uo-  
 cabulo, discapedinauit, primusq; duas tibi-  
 as uno spiritu animauit, & primus dextris  
 & leuis foraminibus acuto tinnitu & graui  
 bombo cōcentum musicum miscuit. Sunt  
 et qui Olympum Mysiæ montem ab hoc O-  
 lympo dictū uelint. Aristoteles de Olympo  
 meminit, itē & Aristophanes in equitibus,  
 et Plato in Minoë. Sed & eius imaginem Phī-  
 lostratus in imaginibus effinxit. Nec illud  
 uobis reticebo quod scripsit in primo, Ari-  
 stoxenus, Olympum ipsum in Pythonis fu-  
 nere tibias inflasse, & funebre carmen, mo-  
 dosq; Lydios concinuisse. Idem scribit Plu-  
 tarchus in Musica, quo libro & alia pleraq;  
 de Olympo leguntur. Huius quoq; discipu-  
 lum ac familiarem fuisse Hieracē ait in Ono-  
 mastico Pollux, atq; ab eo Hieracium modu-  
 lum & inuentum & nuncupatum. meminit  
 & Plutarchus in Musica. Præter hunc Olym-  
 pum & alij fuere eius nominis, unus quidē  
 nomorum ac lyricarum legum scriptor si-  
 mul & doctor: alter eo iunior Phrygius ti-

bicen, qui Midæ Gordij filij temporibus floruit. Fuit & alius ex Cilicia, qui Alexandria profectus est, proceritate & forma insignis, & sacris illis addictus, qui à Græcis celebratur. sed hic nihil ad tabulam. Erat uerò cum poëtis his Anthes Anthedonius, qui apud Græcos primus lamentabile carmē, hoc est, *θπλωὸς* cōdidisse dicitur, id quod Plutarchus in Musica prodidit. Scriptores tamen Hebræi, ut antè diximus, hoc Hieremiæ inuentum attribuūt. Post Anthen Thaletæ imago suberat, qui, ut traditur, Cretensis fuit, alij licet Illyricum faciāt. hic ante Homerum Lyricos uersus scripsit. Fuit & alter Thaletas Gnosius, ut creditur, rhapsodus, qui poëmata multa perscripsit. Polymnestus tamē Colophonius & Pausanias Gortinium fuisse uolunt. Illud certè est à Plutarcho traditum, quòd cum in Cretam Lycurgus legislator nauigasset, admiratus Thaletæ ingenium, eum Spartam misisse, ut ad leges suscipiēdas Lacedæmoniorum animos accenderet, idq; ab eo factū. In dubio uersari ait Plutarchus an præanibus Thaletas usus sit. Boëtius Seuerinus à Spartanis accitum scribit, ut puerorum animos Musicæ disciplina imbueret. Glaucus scriptor Thaletam hunc ipsum post Archilochum floruisse prodidit, quin & illum imitatum esse ait. Ad hæc Thaletas numeros primus inuexit, quos mamarona  
&

Anthes.

Thaletas.

& creticum Musici nuncupant, quibus nec Orpheus, nec Terpander, nec Archilochus usi sunt. Illud præterea est maximè de Thaletà mirandum, quod est à Martiano literarum monumentis mandatū, eam fuisse cantus & citharæ suauitatem ipsius Thaletæ, ut morbos & pestilentias sanaret, fugaretq̃. Idem ferè scribit Pausanias, tametsi perperam Thales in Attica scribatur. Plutarchus quoq̃ ex Pratinæ autoritate idē prodidit, & quodam Pythiæ oraculo accitum ait. Propter hos quos memorauimus poëtas, fuit & Syagrius, qui antequā Homerus scriberet, Iliada composuit, ipsiq̃ Homero ualdè fuit infensus. Erat & cum Syagrio Corinnus, qui & Corinæus dictus est, Iliensis, qui adhuc feruente Troiano bello scripsisse dicitur & ipse Iliada. Fuit uerò, ut existimatur, Palamedis discipulus, qui Palamedes & ipse poëta & philosophus fuit illustris, unde & à Græcis *παιδοσοφος* est cognominatus, id quod in quibusdam carminibus legimus, qui ipsi Palamedi inscribuntur. Sed & Suidas Palameden ait Nauplii & Climenēs Agamemnonis sororis filium, Argiūm poëtam, & poëmata multa scripsisse, quæ siue posteriorum Agamemnonis inuidia, siue ut uerius quidam arbitrantur, ipsius Homeri, perierunt. adeò ferè semper inter præclara ingenia fuit inuidia. Et poëtam Palameden ostendit Eu

Syagrius

Corinnus

Palamedes.

ripides, ut qui de illo quodam cantico cecinerit: Interfecistis, inquit, ô Danai, interfecistis sapientem Musarum philomelam, nihil triste afferentē. & reliqua deinceps. tametsi de Socrate ea uerba alij dicta uelint, ut alio loco ostendemus. Literas quidem Palamedes, ut alibi diximus, quatuor in primis inuenisse dicitur, ζ, alij tamē z, θ + x. his additur & γ, quam à gruū uolatu perdidicisse, cum alij, tum Philostratus scribit. Sunt & qui ab ipso Palamede excogitados tradāt calculos siue latrunculos, item talos & tesseras, cubos insuper & mensuras, & pondera, hoc est, stathmos. Idem inuenisse dicitur, Plinio teste, in bello Troiano ordinem exercitus, signi dationem, tesseras, & uigilias. Quæ uerò à poëtis fabulose, atq; in primis ab Homero finguntur, atq; à grammaticis traduntur de Palamede, uobis referre super uacanei operis esse uidetur: nam et de morte ipsius longè alia referuntur à Philostrato & à Dicty uetustissimo Cretensium historico, quàm ab Homero ferantur. Rectè, tum inquit Piso, facis ô Lili, qui in præsentia hæc notiora mittis, quæ nos facillimè legere possumus, & iam etiā nonnulla legimus: quare nobis cætera, quæ restant, potius ediffere. Quibus ego: Audite inquam, quæ apud Philostratum uinitor enarrat. Ante Palamedē, inquit, nec horæ, nec mensiū orbis, nec an-

nus tempori nomen erat, nec signata adhuc pecunia, nec pondera, nec mensuræ, nec numeri. Sed neq; sapientiæ studium, quòd scilicet nondū literæ. & cætera quæ longo progressu ille exequitur, nec non eius & Vlyssis quæ fuerint dissidiij causæ. Oeacem quidem fratrem habuit, cum quo ad Troiam nauigauit, nullo usus seruo, nulla ancilla: unde illi aliquādo Achilles dixisse traditur (eorum enim mutua fuit beneuolentia) Rudior plerisq; ô Palamedes uideris, quòd qui tibi minisset neminē in bello adduxeris. Tum ille ambas protendens manus, quid ergo hæc ô Achilles? Tanta uerò fuit cōtinentia, ut cum ei Græci ex uectigali pecuniā offerrent, uolentes eum diuitem effici, Non capiam, inquit, nam & ego uos pauperes fieri iubeo, nec tamē obsequimini. Tanta quoq; sapientia, ut ei parem fuisse neminem, proditū sit. Mortuus etiam est pro deo cultus, facellūq; illi cum simulachro apud Lapetymnū montem supra Lesbum, positum fuit, quē Græci nonnulli Lepotymnōn uocant: sed uidete an λαμπίτειον legendum sit ex Stephano, qui sepulchrum id esse in Lesbo scribit. Sed iam ad Corinæum, quem modò dicebamus, redeo, qui doricis literis à Palamede magistro inuentis, Dardani bellum contra Paphlagonas post Iliada scripsit, à quo pleriq; uolunt Homerum argumenta cepisse, & libris

*Pittheus.* suis inseruisse. Per hæc quoque tempora Pittheus, qui Thesei maternus auus fuit, uersibus sententias aliâq; huiusmodi nonnulla composuit, atq; ob id ab antiquis inter sapientes est connumeratus. Plutarchus quidem in hûc propè modum scribit: Pittheus, inquit, Aethræ pater urbẽ non satis amplam Træzeniorum incoluit. Fuit uerò per ea tempora sapientia & eloquentia plurimum cognitus, eius quandò sapientiæ talis quædam uis & forma fuit, qualem consecutus uidetur Hesiodus, cum sua scripta sententijs quamplurimis referisset. Habitus quidem est sapiens Pittheus, ex eiusq; sententijs hæc esse perhibetur:

*Esto satis comiti merces promissa laboris.*

cuius rei Aristoteles philosophus est autor. Euripides quoq; cum Hippolytum castum ait Pitthei disciplina, hanc de Pittheo opinionem comprobât, atq; hæc quidem de Pittheo. Quæ cum dixissem, Piso ait: Postquam tot connumerasti, qui ante Homerum scripsere uersus, cognosco planè ad hanc diem usq; me deceptum, qui existimarim nullum ante Homerum poëtam fuisse, id quod & Iosephus, & Iustinus martyr, & Eusebius tradidisse uidetur. Cui ego: Deceptus, inquam, planè Piso fuisti: nam & M. Cicero id ipsum quodammodo, quod autor tabulæ, astruit, cum ait: Nec dubitari, inquit, debet, quin fuerint



fuerint ante Homerum poëta, quod ex eis carminibus intelligi potest, quæ apud illum & in Phæacum, & in Procorū epulis canuntur. hæc ille. Clarum est igitur ante Homerum alios poëtas fuisse. Verū & præter eos, quos antè diximus, duos adhuc ante Homerum in tabula me uidisse recordor, Pronopidem scilicet & Creophilū, qui & Homeri magistri dicti sunt. Pronopides quidem excellenti fuit ingenio, atq; mundi principium uersibus complexus est, quod *πρωτοκόσμος* inscripsit, celebratum & citatū ab autoribus. Pelasgorū uerò literis usus est, ut Orpheus quoq; traditur. Creophilus autem Astyclei filius fuit, & quidem, ut ait Strabo, Samius, uel ut alij, Chius. Sunt qui generum, nō magistrum, Homeri fuisse uelint: amicum alij tantummodo. Apuleius certè hospitem, canendiq; æmulatorem. Pleriq; carmen illud quod Oechaliæ, si licet dicere, captiuitas inscribitur, ab Homero Creophilo donatum putāt. at Callimachus & Strabo ipsius Creophili legitimū, non Homeri, esse autumant: id quidem Callimachus hoc epigrammate testatur:

*Creophili labor, accepit qui dion Homerum*

*Hospitio, scæuis ignibus uro duos,*

*Euryton atq; Iolen, nunc scriptum dicor Homeri,*

*Sed tamen antè fuit Creophili istud opus.*

*Quod epigramma si fortè græcè legere ma-*

*Pronopides.  
Creophilus.*

qui poëmata facere uolunt: unde, inquit, sermo inualuit, quòd & Homerus poëta cæcus fuerit. Val. Harpocratio Homeros uocari scribit, qui in uia comites dantur, *ὁμηρεὺς*; significare seruire, unde Homeri uocabulū sit deductū. Sunt qui Homeros obsides nuncupent. Nam cum inter Smyrnæos & Colophonios bellum esset, Melesigenes obses datus est, unde mox illi Homeri nomen inditum est. Num tu, inquit Piso, uis totam hoc nobis loco Homeri uitam recēserē? Minimē inquam, quæpiam tantum quæ sparsa apud autores leguntur colligam. Sic agas, inquit Piso, atq; in primis quibusnam parentibus natus, qua tu illum patria, qua ætate uixisse putes, quòtue eius nomine fuisse censeas. Tunc ego: Istorum nihil, inquam, modò sim memoriæ compos, præteribo, sint licet uariæ scriptorū opiniones. Principio quidem uariè de parentibus traditur. Nam Meletis Smyrnæi fluminis & Critheidos pleriq; filium scripsere, alij Caliopes Musæ & Apollinis: Charax uerò historicus Lampſacenus, Maronis seu Mitij & Eumetidis: quidā Telemachi Vlyſſis filij, & Polycastæ Nestoris filia. Iatæ Clymenen matrē eius affirmant, eiusq; & filij apud se monumenta ostendūt, ut est apud Pausaniam. Aristoteles in poëtica Dæmonem Homeri patrem prodidit, alij Mæona & Ornithio, quidam Cypriam mu-

lierem Themisto: alij, ut apud Lucianum Therfagoras poëta, Homeri patrem dicunt Mæonem Lydum, uel fluuium, matrem Menalopen, seu nympham quampiã. Adeo incerta & uaria feruntur, ut Antipater egregius poëta eleganti à se condito epigrammate, & eo quidem notissimo, Cælum ei patrem ascribat, matrem uero Calliopen. Sed & quo tempore claruerit, non minus quoque uariè traditur. Siquidem Herodotus post Troianum excidiũ centum & LXXVIII. annis ipsum floruisse scribit. Crates Mallotes ante descensum Heraclidarum, quem tamẽ quo certo tẽpore fuerit, apud autores non inuenio. Eratosthenes cẽtum à Troiana captiuitate annis. Salsius in primo annalium c. & XL. Cyrillus Alexandrinus c LX. & quinto, regnante scilicet apud Lacedæmonios Laboto, apud Assyrios Laothene, apud Latinos Albæ Siluio, apud Corinthios Agelao: quo eodem, si Iuliano Cæs. credimus, tempore Solomon apud Iudæos regnabat. Aristarchus uerò post Ionicam migrationem. Philochorus eo tempore quo facta est ipsa migratio, idque sub Archippo Atheniensium principe, & post excidium centum & LXXX. annis. Apollodorus Atheniensis grammaticus, & Euphorbus historicus, post CC. & LX. annos. Archilochus quingentesimo post Troianam ipsam euer-  
sionem

tionem, hoc est, **XXIII.** Olympiade. Cornelius Nepos diligens apud nostros temporū scriptor, ante primam constitutā Olympiadem annis cētum. Plutarch. & Suidas idem ferē. Verum Philostratus iunior in Euphorbo, hęc fermē totidem uerbis: Homerum, inquit, nonnulli tradunt fuisse post Troicā quatuor & **xx.** annis, quidam septem & **xx.** supra centum scripsisse, quo tempore in Ioniam Athenienses coloniam deduxere: alij centum & **xl.** annis post Troiam, quo tempore Homerus & Hesiodus poemata scripsere, hic quidem ad Persen fratrem de rusticā, ille de Attidis (tametsi in exemplaribus Aiacibus legatur) deq; eorum phalangibus. Eusebius quoq; nonnullos ait existimasse eo tempore Homerum uixisse, quo in templo Apollinis ab Oreste Pyrrhus est interfectus. Eutropius & Solinus, Agrippæ Silij Tiberini filij ætate, hoc est, **ccLxxi** post captum Ilium, id quod & in Chronico Eusebius. Atque hęc quidem de ætate, quæ quàm uariē tradita sint uideris. Tum Piso: Nec minus, inquit, rogamus quæ de eius poetæ patria obseruasti, nobis recēseas. Prolixum, inquam, istuc fuerit, si Græcos & Latinos audire uolueritis: tot etenim ferē sententiæ, quot scriptores: eamq; ipse operam dedisse uisus est, ut minus patria & parentes suorum carminum lectione noti essent, Tu

quidam in Pindarum grammatici hoc nomen ab Homero deductū opinantur, quod uobis hesterno sermone retuli, cū enim prius Homeridē uocarentur, quòd essent ex genere Homeri, eiusq; uersus fideli quadā successione præceptos conseruarent, & canere soliti essent, mox sunt Rhapsodi uocati, non in Homerum genus referentes, quales legimus tempore Cinæthi fuisse, de quo alio loco agemus. Crates tamē à Seleuco reprehenditur, quòd Homeridas putauit à poëta nominari, cum sint ab obsidibus dicti, quos paulò antè *ὁμηροὺς* nūcupari diximus. Nam cum aliquando Chiæ mulieres in bacchanalibus insaniissent, ita ut cum uiris manum consererent, tum pacati inuicem, reconciliatis animis homeros, hoc est, obsides inuicem dantes sponso sponasq; pacati sunt: unde ex his postea nati, qui Homeridæ dicti sunt. Sed & rhapsodiæ cantores Homeridæ dicti sunt, à Pindaro in hymnis hemioniciis, si expositoribus stamus, & Straboni. Aristocles uerò Rhapsodos Homeristas uocatos ait. Idem scribit Athenæus, qui & Deme trium Phalereum ait primum eos in theatra induxisse. Sedenim Chamæleon in eo quem de Stefichoro librum composuit, Homeristas ait non Homeri solum, sed & Archilochi uersus & Mimnermi & Phocylidis concinere solitos. At super his iam satis uagati,

ad Homeri patriam redeamus. Antimachus & Nicander Colophonium Homerum putauerunt, quod quodam epigrāmate à nonnullis asruitur, quod eius sepulchro inscriptum fuisse aiunt. Bacchylides & Aristoteles Iaten, hoc est, ex insula Io: id quod Stephanus negat, qui ipsius matrē ex Io fuisse autumat, quod hoc etiā oraculo confirmat:

*Felix infelix, nam sorte es natus utraq.*

*Tun patriam quæris? sed matris non patris extat.*

*Insula matris Ios patria est, quæ te morientem*

*Excipiet, sed tu πάλωv ænigma caueto.*

Quinetiam in hac ipsa insula Homeri sepulchrum et Clymenes, quā eius fuisse matrem Iates prodidit, ut paulò antè ex Pausania recitauimus. Cyprii quoq; Homerum sibi uendicant, eiusq; matrem fuisse asseuerant Themisto mulierem indigenam. Ionium uerò Philostratus in Meletis imagine facit. Ephorus aliq; nonnulli Cumæum. Aristarchus & Dionysius Thrax Atheniensem, qui bus & noster grammaticus Diomedes astipulatur. Meleager Gadaræus, Syrum fuisse prodidit. Sunt qui Troianū, qui Cenchræum, qui Lydium, qui Ithacensem, qui Salaminium, qui Gnosium, qui Mycenæum, qui Thessalum, qui Rhodium, qui Argiuū, qui Aegyptium putauerunt ex Thebis. Sed & Itali tanto ciue gloriari possunt: quippe si Suidam audiamus, & illū pleriq; Lucanum, uel

uel Romanum prodiderunt. Videris ergo, quanta sit inter scriptores de Homeri patria controuersia, non modò de septem illis, quæ uulgatissimo Græcorum disticho certare dicuntur. Ridet certè Homerus ipse eos apud Lucianum, qui de sua patria certāt, sc̃q; ipse Babylonium esse ait. Ridet & apud eundem in encomio Demosthenis Thersagoras poëta, difficillimumq; ait esse ideo laudare Homerum, quòd nihil de patria, nihil de educatione, de moribus, eiusq; cæteris rebus certi habeamus. Quis igitur in tāta scriptorum uarietate, certi quicquam constitutiuè afferre aufit? Fuit tamen cum existimarem ego, septem ea ratione urbes de Homeri patria certasse, quòd nō septem modò, sed octo quoq; Homeros fuisse legeram. Nam Archilochus, qui eadem Homeri ætate claruit, si quidem uel libellus ille legitimus est, uel Archilocho de se loquenti standū est, in eo quidem qui de temporibus inscribitur, in hunc propè modum scribit: Octo, inquit, Homeri nomine fuerunt, quorum primus Smyrnegus, à Nino xxvii. paulò ante descensum Heraclidarum in Peloponnesum, anno scilicet xx. Demophoontis Athenarum regis. Secundus Chius, qui in medicina anno undeuigesimo Melanthis regis Athenarum floruit. Tertius Cumæus fuit, qui in magicis artibus plurimū celebratus est, quarto & xx.

anno Codri. Quartus ex Salamina Cypria  
 ditissimus arte institoria, anno octauo Aga  
 sti. Biennio post Colophonius Homerus pi  
 ctura simul & cælatura excelluit. Sextus A  
 theniensis, qui Archippi temporibus leges  
 abolitas & antiquatas reuocauit. Septimus  
 Argius geometra & musicus, multum per  
 ea tempora in precio habitus quibus Athe  
 nis regnabat Diogenetus. Octauum Home  
 rum, inquit Archilochus, ætas hæc nostra  
 cernit Mæonium, qui Olymp. xxiii. & à  
 Troiano excidio quingentesimo anno, ui  
 ctor in poetarum certamine omnium exi  
 mius iudicatus est, & idcirco ei ius datū est  
 emendandi characteres, & dicendi regulas:  
 aliaq; plurima instituit, quæ sunt ab eodem  
 Archilochos perscripta, atq; hætenus qui  
 dem ex illo. Sed nunquid, Piso ait, præterea  
 de Homero plura es dicturus? Multò inqua  
 citius mihi uerba defuerint quàm res: quæ  
 cumq; enim uobis dixero, tanquam (quod di  
 citur) teruncius erit ad Cræsi diuitias. Cre  
 do equidem, ait Piso: itaq; telibenter audi  
 mus: quare iam reliqua non iam planè pro  
 trita subde. Porphyrius, ego inquam, Ho  
 merum ait in Chio Aresiphonem Gnotoris  
 uxorē duxisse, ex qua filios tres sustulit, Eu  
 rypionta, & Theolaum mares: aliam fœmi  
 nam, quæ Stafino Cyprio nupsit. Herodo  
 tus tamen duas tantum Homeri filias com  
 memo



memorat. Scribit ad Albinam Seneca, quòd  
Homerus solo contentus fuit seruo. Varia  
quoq; de ipsius morte feruntur. Illud plerisq;  
persuasum est, cum tum demum diem obiisset,  
cum piscatoribus sibi propositam quaestio-  
nem haud dissoluisset. Antiquis enim id mo-  
ris fuit, ut ambiguae quaestiones propone-  
rentur, qua de re in ijs quae tibi Pice collegi  
enigmatis abunde disserui. Alij sunt qui eius  
mortem aliter narrēt. Cum ex Samo, aiunt,  
ad Ion fortè nauigaret, morbum ex nausea  
& fastidio contraxit: quem cum ex imbecil-  
litate haud facile ferre posset, nautas roga-  
uit ut se è naui in regionem mari proximam  
deponerent: quod cum nautae fecissent, gra-  
uiore correptus morbo diem obiit: quo fe-  
rè modo & Vergilium extinctum esse uos  
planè nosse haud ambigo. Sotades quidem  
suo carmine fame consumptum canit Ho-  
merum: inquit enim,

*τὸν θεῖον ὀμκρον λιμὸς κατεδαπαίησιν.*

Cuius autem tum esset ætatis Homerus, tra-  
dit Polycrates, qui eum centum & octo an-  
nos uixisse monumentis literarum manda-  
uit. In Io uerò insula, ut Herodotus et Plu-  
tarchus scribunt, hoc epitaphio tumula-  
tus est:

*ἰνθάδ' ἐπὶ τῷ ἱερῷ κεφαλῇ κατὰ γαῖα καλῆται,  
αὐθιρῶν ἡρώων νοσητόρα θεῖον ὀμκρον.*

Quod nos sic utrunq; uertimus:

*Sacrum hūc terra caput diuinum claudit Homerum.*

*Heroum atq; uirūm cecinit qui fortia facta,*

Quòd autem ibi esset sepeliendus, prædictum illi ab oraculo fuerat, ex quo hic est uersiculus:

*Insula Ios patria est matris, quæ te morientem*

*Suscipiet.* Inconstans hac in re, Plinius:

nam alicubi quidem in Io, alicubi in Scyro tumultatum prodit. Solinus in Chio, Martianus Capella in Naxo. Hæc cum dicerem, & me admodum attentè Picus puer audire uideretur, delectatus eius attentione, Liber, inquā, uobis renarrare, quæ à me sunt aliàs in huius cœlestis poëtæ commendationem dicta, idq; in primis quod est à Philostrato traditum in Achillis imagine, cum illum nō modò in reliquis uirtutibus, sed & in Musica excelluisse dixisset, quòd puerorū Hyacinthi, Narcissi, Hylæ, & Abderi fletus concinuisset & funera. Achillem quoq; ait sacra Calliopæ Musæ fecisse, quæ poëtices & Musices præses dea esset: unde, inquit, Musa illi in somnis apparuit, quæ futuris temporibus futurum poëtam pollicita est, quem, illa ait, Achille faciam gesta tua et laudes canat. Sed his longè plura idem Philostratus in Protefilao de Homero scribit, eum enim cæteris poëtis præfert, nec modò Hesiodo, uerùm et Orpheo, quem ait in multis ad theologiā spectantibus uictum fuisse: & Musæo in oraculo-

culorum carminibus, & Pampho quoque in hymnis. Sed & Isocrates Homericò poemati tantam uenustatis accessionem factam ait, quia illi in somnis Helena apparuerit. At fabulosa multa huiusmodi missa facio. Illud certè memoria dignissimum, quod de Pisistrati diligentia proditum est, qui Homeri uersus non legitimos modò, sed oblatos quoscunque auro rependit, prouinciâque eos in ordinem redigendi grammaticis tum celeberrimis accitis mādauit, à quibus in eas quas nunc legimus rhapsodias distincti sunt. Sunt qui Pisistratum ad hoc faciendum à Solone animatum prodant: quin & Homerici partem catalogi ab illo adiectam. Quidam Aristarchum grammaticum id præstitisse falsò prodiderunt, qui Pisistrato longè posterior fuit, ut suo loco uobis ostendam. Lycurgum quoque Lacedæmoniū legimus, cum ex Creta in Ioniam descendisset, ad mores & nouas leges perdiscendas, incidisse in Homeri carmina, quæ eo adhuc tempore dissipata & parum composita, apud Creophili filios latebāt, ea excripisse, quòd in ijs eruditionem, & ciuilia instituta reperisset. atque idcirco à Dione dictum puto, non parum multa Lycurgum in suas leges ex Homero deriuasse. Quanti uerò Homeri carmina fecerit Alexander Macedo, ij quidem declarant, qui Alexandri uitam perscripserunt. nam & Darij

scrinium illud preciosissimum, ad preciosissimum Iliados Homericæ carmen custodiendum esse uoluit, quam quidem Iliada ille Aristotele exponente edidicerat, & quocūq; gentiū proficisceretur, suum eam uiaticum appellans, deferebat. quinetiam, ut est ab Onesicrito traditum, illam eandem cum pugione sub puluino dormiens semper habebat. Alcibiades quoq; Atheniensis tanti ingenij uir, cum in ludo quodam fortè literario esset ingressus, Homeri librū sibi afferri iussit: cum nihil ibi Homeri esse, responsum fuisset, condylo magistrū percussit, & abiit, indignum ratus esse, magistrum Homericocarere uersu. Num & illud parum uobis uidetur quod de Zoilo legitur, qui ab Homericacalumniacognomen adoptrauit, ut Homeromastix uocitaretur? Is, inquā, Zoilus cum Alexādriam ad Ptolemæum Philadelphum accessisset, suaq; cōtra Iliadem & Odysseam conscripta regi recitaret, addit & Galenus, cum & Homeri statuam uerberasset, Ptolemæus animaduertens poëtarum parentem, omnisq; philologiæ ducem tot iam seculis mortuū uexari, cuius scripta â cunctis gentibus suscepta, ab eo uno uituperari, indignatus Zoilo nullum dedit responsum. Verū cum diutius in regno fuisset Zoilus inopia pressus, summisit ad regem, postulans ut aliquid sibi tribueretur: cui rex respondisse dicitur,

*Zoilus Homeromastix.*

citur, Homerum, qui ante annos mille de-  
cessisset, æuo perpetuo multa millia homi-  
num pascere: itidem debere qui meliori in-  
genio se profiteretur, non modò unum, sed  
etiam plures alere posse. Et ad summā, mors  
eius, ut paricidij damnati, uariè memora-  
tur. Alij eum scripserūt à Philadelpho etiam  
in crucem fixum esse, nonnulli in eum lapi-  
des esse coniectos, alij Smyrnæ uiuum in py-  
ram esse coniectum, alij in Olympia ad Sci-  
ronias petras impulsus, quorū quoduis ei  
acciderit, merenti digna, ut ait Pollio Vitru-  
uius, cōstitit pœna. Num hic uobis Zoili in-  
teritus, maxima Homeri cōmendatio uide-  
tur? Magna, inquit Piso. Sed quoniam, in-  
quam, in Zoili sermonē incidimus, reliquā  
eius historiam persequamur. Fuit ergo Zoi-  
lus Amphipolites. est autē Amphipolis Ma-  
cedonię ciuitas, quæ prius Nouem uiæ, hoc  
est, *ἑννέα ὁδοί* dicebatur, multisq; alijs nomi-  
nibus, quæ Stephanus colligit, appellata. E-  
rat uerò Zoilus rhetor & philosophus, et ad-  
uersus Homeri poësin grammatica quędam  
scripsit, lib. i x. Historiā à theogonia, id est,  
à deorum generatione adusq; Philippi in-  
teritum, lib. i i i. De Amphipoli patria, ad-  
uersus Isocratem oratorem: & alia plura, in-  
ter quę & Homeri conuicia & uituperatio-  
nem. Hunc etiam Polycratis auditorē qui-  
dam scribunt, & contra Socratē quoq; ora-

tionem perſcripſiſſe, unde ex maledicentia cognomen eſt ſortitus κύνων ῥητορικὸς. Habitu à cæteris diſſimili utebatur. Cum enim eius gentis cõſuetudo foret prolixiore uti ueste, ipſe uestimentis nec quidem genua attingentibus utebatur. Promiſſiore quoque barba uſus, caput ad cutem tondebat. Oratione tamen accurata & compra ipſum uſum eſſe legimus. Odij uerò ac inimicitiarum auidiſſimus fuit, lingua petulantiffima & maledicentiſſima. Cum aliquando eſſet à quopiam interrogatus, cur adeò in alienum nomen ac famam eſſet procliuis, reſpondiſſe fertur, ὅτι ποιῆσαι κακῶς βουλευόμενος, οὐ δύναμαι. Sed iam de Zoilo ſatis, quoniam indignus eſt ut cum poëtris celebretur, nedũ cum Homero, quare ad reliqua de Homero me refero: in cuius nunc commendationem mitto, quæ uinitor apud Philoſtratum, imò quæ Philoſtratus ipſe commemorat: mitto & quæ Hermogenes rhetor egregius, quæ Halicarnafſi. Dionyſius, & alij Græcorum: mitto item quæ Latini noſtri M. Cicero, & F. Quintilianus, de Homero, eiusq; magnificentiâ tum uerborum tum ſententiarũ diuinitus ſcripſere. Eum certè et Naſo fontem appellauit, à quo uatum Pierijs ora rigantur aquis. Palaton quoq; pictor eum ita in tabula pinxit, ut uocere uideretur, atq; earũ ſordium reliquias tantum cæteros poëtas colligere. Appion uerò

*Palaton pictor.*

uerò ille grāmaticus, mundi cymbalum appellatus, qui sub Caio Cæsare omnem ferè Græciam lustrans, in nomen Homeri ab omnibus ciuitatibus adoptatus fuit, Homerū dicere solebat utraque materia consumpta, Iliade scilicet & Odyssæa, unū principiū operi adiecisse, quo est Troianū bellum complexus: eiuscere rei argumentum esse, quòd duas literas in primo uersu posuisset ex industria, quæ librorum suorum numerum contingerent, hoc est Μ Ψ Η, quæ numerū XLVIII. conficiunt. Illud uerò uos non sine stomacho uel cachinno excepturos puto, quòd Homerum aliquando Athenienses L. drachmis mulctarunt, quòd illum insanire, insanientes ipsi, putarēt. Id autem ea ratione factum scribit Corn. Nepos, quòd deos cum hominibus belligerātes in suis carminibus induxisset. Illud quoq; uos latere nolo, Homerum fortè aliquando cum uersum quendam pronunciaffet perperam, non ob id teritum fuisse, quin reliqua intrepidè prosequeretur: tanta illi de se fuit fiducia. Versum eum fuisse ait Didymus:

*Μῆνιν ἄειδε θεὰ Πηλεΐδω Ἀχιλλῆος.*

In quo tres hos errores annotabat: primum heptimemerim breuē, contra naturā productam. secundum, quòd in quinto pede non seruata est ratio synalæphæ. tertiū, in Achille, syllabam secundam una litera fraudatam,

ut dactylo locus esset. quam rem & Iustinus philosophus obseruauit, cum Homerum ait carmen illud ab Orpheo sumpsisse, maluisseq; à metri ratione decidere, quàm eum non imitari de Cerere scribentem. Sed non mirum antiquos aliquos Homerum notasse; cum & (si dijs placet) aliquos & hodie esse uideamus, qui audent (quod dicitur) os in cœlum ponere, ipsumq; poëtarum deum in ordinem nunc demum redigere, quorum alter quidem carmine scripsit, alter priorem secutus in opere, & quidem ingenti, quo omnia perstringit, soluta oratione. Sed hæc præteruolemus licet. Cum uerò hic Piso & Picus aliquantum subrifissent, subdit Piso: Hic te iandudum expectamus, ut quæ sint ab Homero carmina descripta, nobis enarres. Cui ego: Nec hoc, inquam, præterire uolebam, sed longius imprudēs aberraueram. Audite igitur quæ ipse ex multis collegi. Scripsit Homerus in primis hymnos, Amazonia, paruâ Iliada. Sunt et inter eius poëmata *ὁῖοι*, Epicichlides: cui poëmati id nomen ea contigit ratione, quòd cum aliquândo Homerus eos uersus caneret, ferunt eum munus accepisse à pueris cichlas. auis id genus, quæ modò turdus à Latinis, modò sturnus dicitur. Eius etiam poëma fertur *ὀβίπαικτος*, siue iambi. Ranarū muriūq; pugna, hoc est, *βατραχομυομαχία*. Gruū itē pugna, id est, *γραννομαχία*. De  
ara-



aranearum certamine, hoc est, ἀραχνομαχία. Ceramis, Amphiarai descensus, Pagnia, Sicilia captiuitas ( si sic per criticos liceat dicere ) Epithalamium, Cypria, quod tamen Homeri opus esse negat Herodotus, ut supra in Eueclo diximus. Itē Epigonus. Margites præterea, Homeri carmen creditur, quod in poëtica Aristoteles instar Comœdiæ fuisse scribit: citatur uerò cum ab alijs, tū etiā à diuo Platone. Magnus Basilius ait Homerum dicere, Margitem neq; aratorem, neq; fossorem fuisse, alteriusue rei cuiusq; effectorē. Scribit uerò Dion Chrysostomus, Zenonem magnum philosophū librum condidisse in Margitem, nec primi Homeri illud opus, sed secundi. Sunt etiā qui neutrius affirmant, sed Pigretis, de quo nō nihil aliās agemus. Val. tamen Harpocraton legitimū ait Homeri illud esse opus, idq; propterea ualdè admirari solitum Callimachū: & Margitem fatuum ait significare hominē & stolidum, qua ( inquit ) ratione Demosthenes Alexandrum Margitem appellare cōsueuit. Meminit & Margitis Plutarchus alijsq;. Cætera Homeri carmina collegit Herodotus et Suidas. Sed inter omnes præcipuè celebrata Ilias & Odyssea, in quibus totius philosophiæ, & artis oratoriæ, necnon poëtices lumina conspiciuntur, quæ Plutarchus inter alios patefecit. Fuere uerò præter hunc Ho-

merum, et septem alijs eodem nomine, ut iam  
 suprà ostendimus. Sed & alios duos Suidas  
 alijsq; nōnulli afferunt, quorum is prior qui  
 Myrūs Byzantię & Andromachi filius fuit,  
 in eo poëtarum ordine, quem Græci Pleia-  
 da uocant, connumeratus: de qua Pleiade  
 alio loco abundè uobis loquar. Claruisse ue-  
 rò hunc Homerum III. & XX. Olympiade,  
 sunt qui tradāt, quod parum mihi credibile  
 uidetur, ut planè liquebit cum de ea Pleiade  
 agemus. Septem autem & L. fabulas, uel ut  
 alijs putant XLV. scripsisse hunc Homerum,  
 proditum est in ijs, quæ in Theocritum scri-  
 pta sunt commentaria. At uerò alius Home-  
 rus Sellius est cognominatus, qui & gram-  
 maticus fuit, scripsit tamen pægnia & hym-  
 nos, atq; item de personis comicis, & Me-  
 nandri fabularum argumenta. Hic hīc te uo-  
 lebamus, inquit Piso. Nam cum uir fanè do-  
 ctus Homerum istum eorū qui extant hym-  
 norum autorem putarit, abs te ego scire ue-  
 lim, quid tu hac de re sentias. Tūc ego: Non  
 equidē uideo, cur Homero antiquiori, hoc  
 est, Iliados & Odysseę conditori, hymni qui  
 leguntur ascribi non possint, tum dicendi  
 filo, tum carminis maiestate, etsi nonnullis  
 in locis mendose parumq; castigatè legan-  
 tur. Sed uide Piso quam in censuram me tra-  
 xeris, qua tamen nulli postulo præiudicatū,  
 quò minus quid uelit sentiat: uideo enim  
 quàm

quàm temerè protulerim: quare de Homero iam satis. A quo non longè absuit senex rusticana agrestiq; facie. Iandudū, inquit Piso, Hesiodum nobis affers. Ipsum inquam profectò Hesiodum, quem & aliquo tempore cum Homero floruisse accurati quidā prodidere scriptores, alicubi licet Cicero noster Homerum longè faciat antiquiorem. Vetus certè disceptatio inter grammaticos, Gellio & Seneca & Pausania testibus, uter ætate præcesserit: qua de re & dialogos duos Ponticus Heraclides scripsit. & Cyrillus lib. primo contra Iulianum Cæsarem, Centesimo, inquit, l. x. & quinto anno post captam Troiam Homerum & Hesiodum fuisse dicūt. & reliqua. Tum paulò post subdit idem Cyrillus: Tradunt autem quidam, quòd Homerus non fuerit coætaneus Hesiodi, sed in illis fuerit temporibus, regnantibus apud Hebræos Azaria & Ozia, apud Medos Arbace, apud Latinos autē Proca Siluio, ante scilicet constitutionem Olympiadum. Quæ cum dixissem, Nos, inquit Piso, summopere auemus de te audire, quæ tu assidua lectione super hac re annotaueris. Quibus ego: Libenter sic agam, inquam, remq; ideo altius aliquanto reperam. Porphyrius enim & pleriq; alij, Hesiodum Homero iuniorem annis centum faciunt, atq; ante primam Olympiadem: quam opinionem sequi uidetur Soli-

Hesiodus.

nus, qui ita scribit: Inter Homerum & Hesiodum poetam, qui in auspicijs Olympiadis primæ obiit, centrum xxx anni interfuerunt. Alij eadem Homeri ætate floruisse scriptum reliquere, quam opinionem & Philostratus habuisse uidetur, & Velleius nō dammandus historicus ( tamen si quidam insulse nullum fuisse Velleium suspicantur ) & M. Varro in primo de imaginibus, ut est apud Gellium: Non est, inquit, dubium, quin aliquo tempore eodem uixerint Homerus & Hesiodus, idq; ex epigrammate comprobat, quod in tripode inscriptū fuerat, qui in Helicone Musis positus erat. Epigrāma quod apud Dionem legi, & inter græca epigrammata, tale est:

*Hesiodus posuit Musis Heliconibus istum,  
Cum cantu uicit diuinum in Chalcide Homerum.  
Græcum uerò si mauultis, hoc est:*

*Ἡσίοδος μούσας ἑλικώνισι τόνδ' ἀνέθηκε,  
ὕμνον νικήσας ἐν χαλκίδι θεῶν δμῳον.*

Verum ubi in hunc sermonem incidimus, hanc uobis, ut cunq; meis uerbis potero, historiam ex Plutarcho recitabo, qui eam tum in quinto Symposiacōn attigit, tum in eo, quod septem Sapientum conuiuium inscribitur, copiose explicauit. Homerus, inquit, & Hesiodus in Oelyci Thessali exequijs & Amphidamantis Chalcidensis, carminibus certarunt, qua in re dubia atq; anceps iudicium

cum fuit sententia: conuersi, inquit, sunt ad huiusmodi interrogationes, & proposuerunt inanes, ut aiunt, quasdam nugas (si modo rectè interpretamur, *ὡς φασι λίσχας*, non *ὡς φασι Λίσχης*, ut passim legitur: non tamen decerno, cōscius et Lesches nomen esse proprium poëtae Lesbij) Homerus quidem sic:

*Musa mihi referas, quæ non unquam antè fuere,  
Néue futura retro.*

Tum uero ex tempore respondit Hesiodus:

*Verùm cornipedes quando Iouis ante sepulchrum  
Festinantes propter palmam plaustra terebant?*

Ob hoc ferunt Hesiodum maximè omnibus fuisse admirationi, atque tripodis præmium assecutum. Sed græca, inquit Piso, ipsa carmina audire cupio, durè enim admodum & inconditè ea uertisse uideris. Audite ergo ea græcè, inquam: nō enim eo inficias quod ais. Homerus quidem ita:

*μῦσά μοι ἐννιπ' ἐκείνα τὰ μὴτ' ἔγνοντο πάροιθι,  
μὴτ' ἔσται μιντόπιδι. Sic uero Hesiodus:  
ἀλλ' ὅταν ἀμφὶ Διὸς τῷ μύθῳ κυναρχήποδ' ἵπποι  
ἄρματα σωβρίψωσι, πειγόμενοι περὶ νίκης.*

Porro ne & hoc uos lateat, iudicē inter Homerum & Hesiodum Paniden Chalcidis regem fuisse, res usq; in prouerbium deducta ostendit, *πανίδου ψῆφος*, Panidæ suffragium: *Prouerb.* qd in eos ferri solet, qui ineruditè minusq; sapienter iudicant. Pulchrè, inquit Piso, & sanè simul monstrasti, eadem Homerum &

Hesiodum ætate fuisse: sed nihil uerat quò minus eadem diligentia reliquã eius poëtæ uitam, ab Atticis usq; literis (quod aiunt) nobis repetas. Faciam id libenter, inquã, quando parum hoc à nostris hætenus hominibus est, quod sciam, factum. Hesiodi igitur nomen, ut ab hoc incipiam, à castè et pudicè loquẽdo deductum uidetur, παρὰ τὸ ἡσιὺν ἄδω. Patria uerò illi Cuma, quæ urbs inter Æolicas numeratur ante Lesbum sita. Num tu, inquit Piso, Hesiodum Ascræum fuisse negas: eo enim nomine à Græcis & Latinis uocatur. Rectè tu quidem, inquam: sed si me uos audire uolueritis, qua id ratione factũ intelligetis. Hesiodi quidem patria Cumæ fuit Æolica, ut ab Herodoto, Strabone & Stephano traditum est. Val. quoq; Probus, non alium quàm Hesiodum intelligere Vergilium autumat illo carmine:

*Ultima Cumæi uenit iam carminis ætas.*

quòd scilicet Hesiodus Cumæus primus ætates ex metallis commentus est, ut liquidò uidetur in eo quod ἑρπυῖα inscribitur poemate. Natus ergo Hesiodus Cumæ, patre Dio Ampelidis filio, qui ex Menalopo Ithage-næo Critonis filio natus erat, matre uerò Py-cimede: qui utique parentes ære alieno oppressi, cum unde dissoluerent nomina non haberent, in Ascræam Bœotiæ uicum demi-grarũt, ubi est puer Hesiodus educatus, atq; inde

inde Ascreus cognominatus. Plutarchus ex Ephori Cumæi sentētia refert, Attellen, Mæona & Dion Cumæos, fratres fuisse, quorū Dius, quem nauticam exercuisse comperi, ob eam quam attulimus causam in Ascrā migravit, ubi (ait) Pycimedē uxorem duxit, ex qua natum ferūt Hesiodum: qui dum paterna armenta puer custodiret, à Musis amatus fuisse perhibetur, quæ illi gustandum laurum dedere: eam enim lauri naturam esse scribit ipsius poëtę interpreter Proclus, et Isacius Zeses, ut qui eam mandūt, uates fiant: unde & Lycophron poëta ea causa *Δαφνική* uatem nominat. Idē & in Cassandra Sophocles, et noster Tibullus agens de Sibylla:

*Lauri natura.*

*Vera cano, sic usq; sacras innoxia laurus*

*Vescar, & æternū sit mihi uirginitas.*

Aphthonius quoq; rhetor, laurum uaticiniij symbolum esse prodidit: quare & laurum ipsam ueteres *μαντικὸν φυτόν* appellauere, hoc est, uaticinam plantam. Et Claudianus ait,

*Venturi præscia laurus.*

Eadem ratione Apollini sacra dicitur, qui uaticiniij deus à gentibus est creditus. Quin & ex huius arboris foliorum crepitu, dum cremantur, antiqui futura (utinam non & hoc nostro tempore) prædicebant: quod & philosophus Porphyrius credidit. Si enim magno strepitu in igne crepuissent, felicitatem significabant: si siluissent, unde & tacita

laurus est dicta, infelicitatem. Et perinde de illa idem Tibullus:

*Laurus ubi bona signa dedit gaudete coloni.*

Et Propertius:

*Et tacet extincto laurus adusta foco,*

Lauri insuper folia si noctu puluino subiecta fuerint, somniorum ueritatem conciliare produntur. Dictam autem Daphnen prodit Eustathius, à δα particula intentiua, & φωνή uerbo, quod uoco & cano significat, quod laurus in igne posita crepet & sonet: unde fortasse & ipsi nos Latini Laurum deduximus, à λα, ut δα particula intentiua, & uro, ut si non uoce, at significatu conueniat. Si plura uerò de lauro discere cupitis, præter ea quæ à nostris traduntur, legite Parthenij librum ἐρωτικόν, & Constantini librum χι. de reru rustica, quo loco plura leguntur parum Latinis nota. Sed iam à Lauro ad Hesiodum reuertar, qui lauro gustata, haustaq; Hippocrenes unda, repentè poëta prodiiuit: id cum alijs, tū ipse de se in Theogonia cecinit. Quā rem ita Maximus Tyrius interpretatur, ut Hesiodum putet uoluisse, quæ sui ingenij & artis esset fortuna in deas referre, ut se Musis gratum testaretur: ut si quis grariam calleat, Vulcano tamen sua assignet opera. Sed hac de re plura apud ipsum Maximum legetis. Delectatum quidem peregrinationibus Hesiodum legimus, sicuti & Homerum: quam  
rem



rem tamē in somnium quidam retulere. alij, quòd qui peregrè proficiscūtur facilius prudentiam cæterasq; uirtutes comparare existimantur, quòd mores scilicet hominum multorum uideant. Vxorem quoq; duxisse proditum est Ctemenen Physigei filiam, & ex ea Stefichorum poëtam natum. Alij non uxorem fuisse, & ob hanc ipsum Hesiodum occisum: nam cum de se scitatum oraculum Delphos iuisset, eiq; responsum foret, ut Nemeæi Iouis templū uitarer, quòd ibi esset uitæ finē habiturus, cumq; ea causa Nemeam Peloponnesi fugeret, fortè in Oeneonem Locridis peruenit, ubi Nemegi Iouis templum fuerat, ut scribit Thucydides, quo in loco incautus ab Amphiphane & Ganetore Physigei liberis interemptus est, quòd ab eo uitiata sororem Ctemenen crederent. Cadauer ab ijs in pelagus proiectum est, id quod cum occultè fecissent, ab Hesiodi cane facinus est proditum, ut scribit Plutarchus. Aliubi tamen non Physigei filij, sed Ganyctoris Naucleij dicti sunt, ut in illo est cui titulus, Quænam animalia prudentiora, terrestriane an aquatilia. Pausanias quoq; in Bœoticis Hesiodi interitum ita recitat: Filij, inquit, Ganyctoris Ctimenus & Antiphus in Molycrian ex Naupacto fugerunt ob Hesiodi necem, ubi in Neptunum impij existimati sunt, de illisq; est facta quæstio. & cæ-

tera quæ ille prosequitur . Mortis Hesiodi causam Plutarchus sic in Dioclis conuiuio explicat. Cū Milesio, inquit, comite et Troilo puero Hesiodus apud quendam hospitatus est: noctu Milesius hospitis filiam uitiauit: rei conscium Hesiodum rati puellæ fratres, illum inter pascua cum puero occiderunt, & cadauer in mare proiecerunt, pueri uerò corpus in littore reliquerunt, à quo & loco nomen inditum. Ferunt, inquit, Deorum uoluntate à Delphinis cadauer ad litus delatum, ubi tum fortè Neptunalia celebrabantur. Id scelus ubi incolæ intellexerūt, interfectorū domos diruerunt, uiuos ipsos, qui facinus admiserant, aquis suffocarunt. Alij post diem tertium à Delphine in litus cadauer deuectum tradunt. Re cognita, occisores nauigatione sibi consulere uolentes, ui coortæ tempestatis ad unum omnes prehensi, naufragio perijsse dicuntur . Post hæc Hesiodi corpus in Nemea Locridis sepultū perhibetur, qua de re extat Alcæi poetæ carmen. Dein uerò oraculo monēte eius ossa exportata ab Orchomenijs, & in medio foro, hoc addito elogio, tumultata:

*ἄσκη μὲρ παρὶς πολυλῆϊος, ἀλλὰ θανόντος*

*ὄψ' ἰα πλησίππων γῆ μινυῶν κατέχει*

*ἡσιόδου, τοῦ πλεῖστον ἰν ἀνθρώποις κλέος ὄψιν*

*ἀνδρῶν κρινομένων ἰν βασιάνῃ σαρφίῃς.*

Tum Picus puer: Cur non & hos latiné, ut alios

alios uersus nobis exprimis? Vt, inquam, no-  
ster Piso hos ipse cōuertat, & ego interea ad  
memoriam cētera reuocem. Et Piso: Faciam  
equidem, inquit, ut cunq; poterō: & non diu  
cunctatus, sic cōpit:

*Fertilis Ascrea quidem patria est, sed morientis*

*Pugnaces Minyæ condita membra tenent*

*Hesiōdi, cuius supra omnes plurima laus est,*

*Spectatosq; uiros iudicio sophiæ.*

Quos cum Piso recitasset, mirum est quāto  
sit rubore suffusus. quod animaduertēs ego,  
causamq; intelligens, statim subdidi: Legi-  
mus & græcum alterum Pindari, quod ita  
noster Cælius latinè uertit:

*Salue cui pubes, tumulusq; bis obtigit unus.*

*Tu sapias Hesiodè, quantum homini sapere est.*

Sed & Aldus ita prius:

*Hesiodè ante alios sophia præstantior omnes,*

*Salue bis quondam qui puer atq; senex.*

Græcum Pindari si uultis, sic habet:

*χαῖρε δὲς ὑβήσας, καὶ δὲς τὰ φρον ἀντιβολήσας .*

*ἡσιόδῳ, ἀνθρώποις μέτρον ἔχων σοφίης.*

Verū iam tempus est, inquam, ut quæ ab  
Hesiodo scripta sint commemoremus, si ta-  
men prius illud unum, quod in græcis com-  
mentarijs repperi, attulero, super ea in ἔργοις  
uerba, μήτ' ἐμὸς δίδε. Filius, aiūt, Hesiodi Mna-  
seas est. Philochorus uerò Stesichorum di-  
xit ex Clymene: ego tamen legendum puto  
Cremenē, ut iam ostendi, alij tamen ex Ar-

chiepe: quo fit ut eos mirer qui scribunt, Hesiodū præter Sthesichorum & filiam habuisse Mnasean nomine, quam Archiepen uocant alij. Porro sexdecim Hesiodi legitima feruntur uolumina: in primisq; Theogonia à philosopho Zenone inter alios interpretata. de inde ἔργα καὶ ἡμέραι, id est, opera et dies, in quo opere de re rustica præcepta tradit ad Persen fratrem, quem & ipsum poëtam aliqui scribunt. Sunt & qui putent ἠοίαι μεγάλας, sic uocata carmina, Hesiodi esse, ut Ennapius Græcus historicus, & in Bæoticis Pausanias, quo loco & alia Hesiodi opera commemorat, de quibus iam antè planè meminimus. Post hæc Astronomica scripsit, tum Hypothecas, quas tamē Fab. Quintilianus ex Aristophanis grammatici sententia Hesiodi esse negauit: at uerò Aristoteles & grammatici nonnulli, ut Hesiodi legitimum opus in medium afferunt. Scripsit item Heroum & heroidum genealogias: ad hæc & de mulieribus, quo in opere heroidas multas induxit uirorum fortium nuptias, ut ait Seruius, optasse. Dion uerò Chrysostomus ex Alexandri Macedonis sentētia Hesiodum ea causa de mulieribus scripsisse dixit, quòd Homero concederet, qui de heroibus antè scripsisset. & quidem Lucianus ait Hesiodum mulierum uirtutes concinuisse. Tradit Pausanias Hesiodum uaticinandi artem ab Acarnanibus

bus edoctum, de ea carmina scripſiſſe. Scribit Nicocles, quod & in Pindarum grāmatici notāt, Heſiodum primū ῥαψωδῶσαι, hoc eſt, per rhapsodias carmina ceciniffe. At uerò Heſiodus ipſe, ſe cum Homero, in Deln, in Apollinem huiuſmōdi uerſus primū coo-  
cinuiſſe prodidit, dum ſic cecinit, ut pridie diximus:

*In Delo dum primū ego Mæonidesq; poetæ*

*Luſimus, inq; nouis carmen cantauimus hymnis*

*Auricomum Phœbum, quem Latona edidit alma.*

Sed uidete, rogo, q̃ ille dulcius ſuauiusq; ſua lingua:

*ἐν δέλφῳ τότε πρῶτος ἐγὼ καὶ ὁμηρὸς αἰοῖδον*

*μῆλοισιν, ἐν νεαροῖς ὕμνοισι ῥάψαντες αἰοῖδον*

*φοῖβον ἀπόλλωνα χρυσάορον, ὃν τίητις λητῶ.*

Scripſit item Heſiodus Pelei & Thetidis Epithalamium, ſicuti priore ſermone retulimus. Scripſit & de Daſtylis Idæis. Item Epicedium in Batrachum amicū, & quod adhuc legitur poëma inſcriptum Herculis ſcutum: quod tamen Ariſtophanes grāmaticus non Heſiodi eſſe ſuſpicatus eſt, ſed cuiuſpiam alterius, qui Homericum ſit imitatus. Megacles autē Athenienſis, & Apollonius Rhodius, Steſichorusq;, ipſius Heſiodi legitimū carmen eſſe cenſuere. Scripſit item de medicina, qua de re Plutarchus in ſympoſio Dioclis: Heſiodus, inquit, in medicina plurimum ualuit, quod manifeſtè ap

pareret cum de uictus ratione, de uini temperamento, de aquarum ui, de balneis, de fœminis, de temporum connexione, deq; infantium statu differit. & hæc quidem Cleodemus medicus apud Plutarchum. Sunt et qui Hesiodum de herbis scripsisse tradant, quod ex Plinio colligitur. Nec desunt qui Hesiodum scribant autorem eorum apologorum qui Aesopi dicuntur. Quæ ego cum dixissem, Vide, inquit Piso, quàm paucis carminibus M. Manlius in secundo 'astronomi-  
côn ista ferè omnia Hesiodi opera complectatur. Nam cum Homerum laudasset, mox ita de Hesiodo subiunxit:

— Sed proximus illi

Hesiodus memorat diuos, diuûmq; parentes,  
Et chaos enixum terras, orbemq; sub illo  
Infantem, & primum titubantia sidera corpus,  
Titanas iuuisse senis cunabula magni,  
Et sub fratre uiri nomen, sine fratre parentis,  
Atq; iterum patris nascentem corpore Bacchum,  
Omniaq; immenso uolitantia lumina mundo.  
Quin etiam ruris cultus, legesq; rogauit,  
Militiamq; soli, quod colles Bacchus amaret,  
Quod fœcunda Cæres campos, quod Pallas utrunq;  
Atq; arbuta uagis essent quod adultera pomis.  
Sylvarumq; deos, sacrataq; numina Nymphas,  
Patris opus, magnos naturæ condit in usus.

Cum recitasset hos uersus Piso, Si uelim, inquam, ego quęcunq; omnia de Hesiodo legi  
uobis

uobis in præsentia recensere, in longum nimis noster sermo procederet: quædam tamē haud indigna relatu nequaquam præteribo. Scribit in primis Dialogum Lucianus, qui Hesiodus inscribitur, in quo Hesiodū ipsum de se multa narrantem inducit, eumq; ipse, ut solet, irridet. Sunt & inter græca epigrammata, in Hesiodum multa. Extrat & apud Græcos prouerbium, de ijs qui supersenesunt, Hesiodia senectus, de quo & Pindari distichon legitur quod antè ab Aldo & Cælio nostro interpretatum attulimus. Pythagoram scribit philosophus Hieronymus, cū ad inferos descendisset, Hesiodi animam uidisse ad columnam æream suspensam, astrictamq; adeo, ut stridere uideretur, & cum ea Homeri quoq; animam serpentibus undiq; incinctam, ea uidelicet solummodo causa, quod de deis falsa suis carminibus confinxissent, quare factum puto, ut Ponticus Heraclides contra Homeri calumniatores librum illum ediderit, qui est inscriptus, Allegoriæ in ijs quæ de deis ab Homero dicuntur, & responsiones in eius calumniatores. Videri enim, inquit, posset Homerus, Salmo neus uel Tantalus, immoderatam atque intemperatam linguam habens, si quæ de deis cecinit, sub alia significatione non intelligerentur. & hoc quidem de Homero Heraclides, quod & de alijs poëtis bonis, ut hester-

na die diximus, intelligi potest. Sed tametsi excellentis ac propè diuini ingenij fuerit Hesiodus, non tamen ideo obtrektoribus illum caruisse accepimus: siquidem iniquas aduersus eum controuersias exercuisse Cercopem legimus: in tantum excellentissimus quisq; aliquo est detractore uexatus. Homerus quidem, ut Zoilum mittā, à Siagro poeta lacepsitus, Pindarus ab Amphimane Coo Simonides à Timocreōte. Nec Vergilio Horatioq; nostris, defuere Parones, Mæuij, Bauij atq; Suffeni, aliq; de quib. in nostris his sermonibus sparsim, ut feret locus, plura dicemus. Sed & hoc Homeromastigōn genus nostro hoc tempore non minus, quàm pridem, uiget. Plures quidem nunc Critici & Zoili quàm uersificatores & poëtæ. At de Hesiodo iam satis. Post quem in extrema huius tabulæ parte mulierum quarundam imagines sequebātur, inter quas decem excellentiore augustioreq; quadam specie uidebantur, quæ diuinę mentis & cōsiliij quodammodo conscia ac plenæ fuerant. hæc diuerso tamen uestimentorum habitu indutę, una quidē Phrygio, altera Persico, alia Græco, alia alio. Tum Piso ad Picum conuersus, Lilius nobis, inquit, Sibyllas narrare uelle uidetur, quæ Varroni Lactantioq; & alijs decem fuisse dicuntur. Et cum puer id maximè se cupere significasset, Rectè, ego inquam,



quam, Pifo opinaris. Sibyllas uobis ex tabu-  
la sum narraturus, eoq; id libentius, quo Pi-  
cus hic noster hoc ipsum cupere & uelle ui-  
detur. Nolim uos tamen decem tantum Si-  
byllas nūcupatas existimare, ut scriptorum  
ferè magna pars ad hāc diem credidit: nam  
quæcunq; diuino afflarentur numine & fu-  
tura prædicerent, hæ Sibyllæ græca uoce di-  
ctæ fuere. Nam & Phemenœn Sibyllam uo-  
catam inuenimus, duas licet Martianus ipse  
Sibyllas tantum existimauerit, Hierophilam  
scilicet & Symmachiam Hippotēsis filiam:  
& tres Solinus, Delphicam, Erythræam, &  
Cumanam. Græci item scriptores quidam  
tres nominant. primam, quam propter poē-  
ticam Philetas Ephesus sororem Apollinis  
existimauit, secundam Erythræam, tertiam  
uerò Sardianam. Aelianus uerò in uariā hi-  
storia quatuor enumerat, Erythræam, Sa-  
miam, Aegyptiam & Sardianam. Sedenim  
uerò Sibyllæ nomen deductum est, uel ab  
unius nomine Delphidis, ut Lactantius, uel  
à deorum consilijs, ut Varro & Seruius pu-  
tant, quippe *σίος* Aeolica lingua Deus dici-  
tur, unde & frequens illud Lacedæmonio-  
rum iuramentum, *ὅτι τὸ σίω*, cū gemellos Ca-  
storem & Pollucem iurant. unde etiam & Si-  
syphi nomen deflexum, ut Græcorum gram-  
matici notant. Suidas tamen Sibyllæ nomen  
latinum esse credere uidetur, & uatem seu

*Sibyllas plure  
fuisse quàm de-  
cem.*

*Sibyllæ nome-  
unde deductū*

fatidicam mulierē significare. Sunt qui Suidam ideo reprehendant, uel eius commentarij particulam mendosam esse putent, ut in eo scriptore pleraque alia. Quo autem modo Sibyllę uaticinarentur, uarię quidem traditur: quę tamen obiter nunc mihi succurrunt, paucis hic uobis afferā. Nihil quidem, inquit Piso, hac re nobis gratius efficere potes. Tūc ego: Ammianus, inquam, hac de re ex Physicorum sententia ita loquitur: Sol, inquit, mens mundi nostras mentes ex sese uelut scintillas diffundēs, cum eas uehementius incenderit futuri conscias reddit: unde, ait, Sibyllę crebrò prædicunt ardore torrente, & ui magna flammarum multa significant. Quod Soli hoc loco Ammianus Marcellinus attribuit, Christiani & Hebræi uerius Deo immortalī ascribunt, qui per ministros & nūcios cœlestes quibus placet uaticinium inspirat. Sunt ex Platonici qui humanum animum tradant, & præcipuē imbecillium puerorum & mulierum, quadam carminum euocatione, seu odorum suffitu, & delinimento sopiri, & ad rerum præsentium memoriam externari, & aliquandiu remota corporis memoria ad eam transire naturam, quę immortalis est & diuina, atque ita ueluti quodam sopore detenta, quę futura sunt plerunq; diuināt. quod & Apuleio placuisse uidemus, At uerò Iamblichus, duobus,

bus, inquit, modis Sibylla apud Delphos numen concipere solita est, uel per quempiam spiritum ex ipsius specus ore prodeuntem, uel ex adyto, cum ea uidelicet super tripode residet. Alij in numinis afflatum & alienatæ mentis furorem, quem & externis quibusdam medicamentis ac suffimentis concipi uolunt, referunt. Qui autem Aristorelis consecranei sunt, cum de furore qui ab atrabile fit differunt, uaticinia inde prouenire contendunt, cum uidelicet atrebilaris calor fit prope intellectus locum: qua de re subtilissimè in quæstionibus Aristoteles, qui & eius rei exemplum Sibyllas & Bacchides, & huius generis fatidicas mulieres adducit. M. Tullius in libro de diuinatione, cum duo diuinationis genera esse definisset, unum quod particeps esset artis, alterum quod arte careret: Est enim, inquit, ars in ijs, qui nouas res cōiectura persequuntur, ueteres obseruatione didicerūt, quales uidelicet sunt, haruspices, auspices, cōiectores, cæteri eiusmodi: carent autem ij, qui nō ratione aut coniectura, obseruatis ac notatis signis, sed concitatione quadam animi, aut soluto liberoq; metu futura præsentunt: nā cum omnia completa et referta sint æterno sensu & mente diuina, necesse esse ait cognitione diuinorum animorum animos humanos commoueri. Hinc et poëta Vergilius in quarto Georg.

—*Ire per omnes*

*Terrasq; tractusq; maris cælumq; profundum.*

Sed & Cratippus existimauit animos hominum quadam ex parte extrinsecus esse tractos & haustos: quam etiam sententiam secutus uidetur Horatius cum cecinit:

*Affigit humi diuinæ particulam auræ.*

Sed quispiam illud fortè obijciat: Cur igitur non omnes uaticinantur? Cui illud respondetur, nostros animos uitæ necessitatibus seruire, proptereaq; disiungi à societate diuina, & uinculis corporis impediri, rarumq; esse genus eorum qui se à corpore auocent, & ad diuinarum rerum cognitionem cura omniq; studio rapiantur. Nec ideo etiam naturaliter animus hominis diuinat, nisi cum ita solutus est & uacuus, ut ei planè nihil sit cum corpore: quod Sibyllis contigisse putandum est, & uatibus. & hæc fermè ex Cicerone. Porro nec ea relatu mihi indigna uisa sunt, quæ à Cælio Aureliano scribuntur cū de mania agit, eoq; magis etiam quòd breuissimè omnem Platonis sententiam est excusus. Plato, inquit, in Phædro duplicem furorem dixit: unum fieri mentis intètione ex corporis causa uel origine: alterum diuinū siue immissum, eiusq; Apollinem inspiratorem esse, atq; nunc uocari diuinationem, ab antiquis uerò appellatum furorem: magna Græcorum uetustas *μανία* uel *μανικὴ* appel-  
labar,

labat, quę nunc *μαντικὴ* dicta est. Item alium, inquit, ex Libero fieri patre, aliū ex amore, & appellauit *ἔρωτικόν*: alium ex Musis, quem appellauit *ποικητικόν* ἢ *ποικητικόν*, quod carmē instruere uideatur. Item Stoici duplicem dixerunt, sed alium, insipientię genus, quo omnem imprudentem insanire probant: alium ex alienatione mentis & corporis sympathia. Item Empedoclem sequentes alium dicunt ex animi purgamento fieri, alium alienatione mentis ex corporis causa siue iniquitate: de quo genere quia ad rem medicā pertinet, se scripturum affirmat Cælius. Sed cum hac de re satis superq; dixerimus, nunc ideo Sibyllarum nomina uobis explicabo. Fuit uerò inter eas prima, quę Persica uocata est, & Chaldæa, & Hebræa etiam, à quibusdam licet perperam sit Chalcidica dicta, proprio autem nomine Sambethe, siue Sabbe, utrunq; enim legimus. Patrem uerò habuit Berosum, matrem Erymanthen. huius meminit Pausanias in Phocaicis, aitq; à quibusdam Babylonicam uocari, ab alijs Ægyptiam. eius & Iustinus philosophus & martyr meminit, & Nicanor in his libris quos de Alexandro Magno cōscripsit, quem quidem Nicanorem nouum Homerum cognominatū scribit Stephanus. Vixisse uerò hæc Sibylla traditur per ea tēpora quibus Noa, quem & Noac nonnulli, & Noë, Græci

uerò ut Iosephus ait, Nochum appellant, ut  
 uerò Alexander Polyhystor & Abydemus  
 in historijs scribūt, Xysuthrum, ut apud Cy-  
 rillum in primo contra Iulianum legimus.  
 quinimò Sibyllam istam uni filiorum ipsius  
 Noë nupsisse legimus, arcamq; ingressam cū  
 alijs, alluuiōis & magni cataclysmi tempo-  
 re: atq; ut idem Iosephus & Eusebius pro-  
 dunt, ea quæ de turri apud Hebræos ferun-  
 tur, ipsa prædixit, deq; linguarum & sermo-  
 num uarietate, necnon de Alexandro mul-  
 ta. De CHRISTO uerò ipsiusq; natiuitate  
 tam certa uaticinata est, quàm si tūc illa præ-  
 sens oculis conspexisset, & ea ipsa quæ præ-  
 dixit literis mandauit. Sed quid est, inquit  
 Piso, quòd quæ Sibyllarum carmina legun-  
 tur, ea sanè imperfecta, et plerunq; absq; cer-  
 ta metrorum & syllabarum lege esse uiden-  
 tur? Cui ego: Id potest, inquam, pluribus ex  
 causis contigisse: siue quòd actuarij earum  
 dicta excipientes, uerborum flumina haud-  
 quaquam subsequi scribendo poterant: siue  
 quòd hi indocti, & literariæ disciplinæ pa-  
 rum essent periti: siue quòd cū numinis in-  
 spiratione uerborum dictorumq; memoria  
 sedaretur, hinc uersus nonnunquam uacil-  
 lant, parumq; constant. Sunt & aliæ quæ le-  
 guntur causæ, tam apud Iustinū ipsum phi-  
 losophum, quàm Suidam, quæ ad has tamen  
 referri queunt: quo fit, ut minus uobis mi-  
 rum

rū uideri debeat, si in his Sibyllę uersib. quos ego utrunq; ex Græcis latinè uerti, acrostichos siue acrostichides dictos, quædā offendetis durius à me tralata. Ne quæso nunc, inquit Piso, te pigeat nobis aperire, quinā uersus acrostichi et acrostichides dicant. Libenter, inquam ego, obsequar, idq; M. Tullij uerbis, qui in posteriore de diuinatione lib. ita loquitur: Tum uerò, inquit, quæ acrostichis dicitur, cum deinceps ex primis uersuū literis aliquid connectitur, ut in quibusdā Ennianis, quos Ennius fecit, id certè magis est attentī animi quàm furentis. Atqui in Sibyllinis ex primo uersu cuiusq; sententiæ, primis literis illius sententiæ carmen omne prætexitur. Hęc quidem totidem uerbis M. Tullius. Meminit & Dionysius Halicarnass. in hist. quas qui latinè uertit, uersuum apices interpretatus est: Redarguunt, inquit, ijs quæ uocantur uersuū apices: ea autem dico, quæ Terentius Varro in theologico tractatu narrat. Extāt & huiusmodi Plauti poetæ Comici in suarum Comædiarū argumentis, extāt et Rhabani Alani poetę quidem mediocris, sed artificiosi: nec desunt etiā qui his diebus hoc carminis genere luserint. Sunt certè huiusmodi Sibyllę Erythrę uersus, quos Eusebius Pamphili quodā βασιλικῷ, id est, regio sermone cōmemorat, & Aur. Augustin. in libro de Ciuitate Dei, qui quoniā sunt cogni

tione dignissimi, ideo hic uobis, ut potero, recitabo.

Versus Sibyllæ Erythrææ de Domino nostro, habentes ἀνροσχηδὰ hāc: ἸΗΣΟΥΣ ΧΡΙΣΤΟΣ  
ΘΕΟΥ ΥΙΟΣ ΣΩΤΗΡ ΣΤΑΥΡΟΣ. hoc est,  
IESVS CHRISTVS DEI FILIVS SERVATOR CRVCFIXVS.

- Ι Ἰδρώσει γὰρ χθὼν, κρίσιως σημεῖον ὅτ' ἔσται,  
Η ἥξει δ' ὁρανόθεν βασιλεὺς, αἰῶσιμ' ὁ μίλλων,  
Σ Σάρκα παρὼν κρίναι πᾶσαν, καὶ κόσμον ἅπαντα.  
Ο Ὀψονται ἡ θιὸν μέροπις πιστοὶ καὶ ἄπιστοι,  
Υ Ὑψιστον, μετὰ τῶν ἁγίων, ἐπὶ τέρμα χρόνοις,  
Σ Σαρκοφόνων ψυχὰς δ' ἀνθρώπων ἐπὶ βήματι κρινεῖ.  
Χ Χίρσος ὅτ' αὐτὸν κόσμος ὅλος καὶ ἄκανθαί γίνονται,  
Ρ Ρίψωσι τ' ἐδωλα βροτοί, καὶ πολυτὸν ἅπαντα,  
Ι Ἰχυσὼν ῥύξεται πύλας ἐρκτὺς αἰῶνος,  
Σ Σάρεξ τότε πᾶσα νεκρῶν ὅτ' ἰλυσθῆριον φάος ἦξει.  
Τ Τοὺς ἁγίους, ἀνέμους τε τὸ πῦρ αἰῶσιμ' ἐλήγξει.  
Ο Ὅπῃ οὖν τις πράξας ἔλαθι, τότε πάντα λαλήσει.  
Σ Στύβια γὰρ βοφόντα θιὸς φωστῆροισι ἀνοίξει.  
Θ Θρῆνος δ' ἐν πάντων ἔσται καὶ βρυγμὸς ὁδόντων,  
Β Ἐκλέψει σίλας ἡλίου, ἄστρον τε χορεῖαι  
Ο Οὐρανὸν ἐλάξει, μήνης δέ τι φέγγος ὀλέται.  
Υ Ὑψῶται δὲ φάραγγας, ὀλεῖ δ' ὑψώματα βουνῶν.  
Υ Ὑψος δ' οὐκί τι λυγρὸν ἐν ἀνθρώποισι φανεῖται.  
Ι Ἰσατ' ὅρῃ πεδίοις ἔσται, καὶ πᾶσα θάλασσα  
Ο Οὐκ εἰς πλοῦν ἦξει, γῆ γὰρ φρυχθεῖσα κεραινω,  
Σ Σὺν πηγῶν ποταμοὶ καχλάζοντες λείψουσιν.  
Σ Σάλπιγξ δ' οὐρανόθεν φωνὴν πολύθρνον ἀφήσει,  
Ω Ωρύουσα μύσος μίλλον, καὶ πῆματα κόσμου.

Τ Τάρτα-



- T Ταρταρόθεν δὲ χάος δάξει τότε γαῖα χανῶσα.  
 H Ἡέσυσι δ' ἐπὶ βῆμα διδ' βασιλῆς ἀπαντῶν,  
 P Ρεύσει δ' ἔρανδον ποταμὸς πυρὸς ἡδ' ἰγνὸς θεῶν.  
 Σ Σῆμα δέ τοι τότε πᾶσι βροτοῖς ἀριδάνειον, οἶον  
 T Τὸ ξύλον ἐν πιστοῖς, τὸ κίρας τὸ ποθέμενον ἴσα  
 A Ἀνδρῶν οὐσιδεῶν ζῶν, πρὸς κομμάτι κόσμου  
 Φ Ὑδασι φωτίζον κλητὸς ἐν δώδεκα πηγαῖς.  
 P Ράβδ' οἰμαίνουσα σιδηρέην γι κρατήσῃ.  
 O Οὐτ' οὐν προγραφῆς ἐν ἀκροστίχοις θιὸς ἴσῃ  
 Σ Σωτὴρ, ἀθάνατ' βασιλεὺς, ὁ πατὴρ ἡμῶν.

Quos uersus cum recitasssem, Piso & Picus simul enixè me rogare cœperūt, ut illos latinè referrē. Quibus ego etsi ægrè ac propè inuitus morem gesserim, meæ cōscius infantia ac difficultatis, quæ uersum uersui, & uerbū penè uerbo reddere cogit, ut acrostichidi respondeat: qua in re illud, inquā, ignoscatis oro, quòd cum nostræ non suppetērēt literę, quę Gręcis planè responderēt, ego pro ἴτα, e nostra litera usus sum: & pro χῖ, ch. pro θῖτα, th. pro ὑψιλῶ, u nostra, pro utriusq; ui & similitudine. Quare postquam sic uultis ut memetipsum prodam, attendite:

- I Iudicij fuerit cum signū, terra madebit,  
 H Et cælo ueniet princeps per secla futurus,  
 Σ Scilicet ut carnem præsens, & iudicet orbem.  
 O Omnis homo hunc fidusq; Deum infidusq; uidebit,  
 Y Vnà cum sanctis excelsum sine sub æui,  
 Σ Sede sedens animas censebit corpora & ipsa.  
 X Chersos erit mundus, spinas feret undiq; tellus.

indicibus & titulis per unam L. literam scriptum animaduerto, uerum id ipse per duas effert in parastichide libelli, qui inscribit Pinax. Sunt & acrostichis contrarij, qui appellantur telioftichides, cum ultimis uersuum literis aliquid significat, quorum extant exempla in eodem Rhabano. Sunt uero & apud Homerum eiusmodi carmina, quorum acrostichide & telioftichide, hoc est, prima et nouissima uersus syllaba, uel esculenta aliqua, uel uasa, uel similia significantur, ut pleraque sunt quae ab Athenæo colliguntur, ἄρτος, μῆλα, ὅλμῳ, μύλῳ, λύρα. Exempla uobis duorum primorum tantum afferam, ne tot graeca inculcemus:

*Αργυροπίδα θέτις θυγάτηρ ἡλίοιο γέροντῳ.*

hinc ἄρτος, id est, panis colligit. Alterius uero,

*Μήτι σὺ ταῦτα ἔκαστα διείρο, μήτι μετὰλλα.*

& hinc μῆλα excipis, hoc est, mala. Sunt praeterea uersus recurrentes, παλινδρομοῦντες dicti à Graecis, de quibus alibi dicemus. Hi & Soradici uocantur. Verum de his satis, nunc ad Sibyllarum imagines redeo. Secunda inter eas Libyca dicta est, cuius in Lamiæ prologo meminit Euripides, ut scribit Lactantius. Tertia uero Delphica, quæ Delphis nata est: hanc Artemin quidam uocant, de qua multa in libro de diuinatione Chrysippus. Ante Troianorum tempora oracula dedisse traditur: quinetiam Troianum excidium praedixisse

Bocchus est autor. Nec desunt qui Homerū tradant nō pauca huius Sibyllę carmina suo operi inseruisse, id quod & Solinus annotauit. Quarta inter Sibyllas Cimmeria fuit, ex Cimmerijs uidelicet Italię populis, ut Suidas & Isidorus scribūt, quę in Lactantiј Firmiani codicibus perperam Cumęa uocat: quibus decepti codicibus uident hi qui his temporib. ante me de Sibyllis scripsere, quos inter mihi modò risum mouit eruditi sanē cuiusdā dialogus, in quo, si dis placet, inscițię Varronem taxabat, quò diuersam Cumęam à Cumana fecisset, idq; ex Lactantiј male castigatis uerbis. Meminit & Cimmerię Neuius in lib. belli Punici, & Piso in annalibus. Quinta Sibylla Erithręa dicta est, quam aliј Lamię filiam putauere, aliј Aristocratis & Hidoles, uel Crinagorę. At uerò Hermippus Theodori filiam existimauit, & ex regione Erythris, quę Batti olim dicebatur. Tum uerò inquit Piso: An ista Sibylla est cuius fabulā Maurus Seruius narrat, quò scilicet piē ab Apolline amata, uitę longitudinem promeruit ex pugilli arene mensura, eoq; usque finem non habitura, quousq; humum patriā non cōspiceret, idq; longo post tempore ex sigillo epistolę contigisse traditur. Huius fabulę meminit Papinnius in Syluis, & ideo quoq; à Vergilio longęua sacerdos in sexto Aeneid. dicitur. Sic, ego inquā,

fabu-

fabulantur. Quin & ipse in Manardi natalē ad hanc alludens cecini:

*Hunc ô Phæbe diem precor Manardo*

*Lætum atq; incolumem diu reducas,*

*Modum ut pulueris expleat Sibyllæ, &c.*

Varro quidem Erythræam Sibyllinorū uersuum autorē credidit, quem alicubi est secutus Seruius, ea uidelicet ratione, quòd Syllanis temporibus cum Capitolio Sibyllinis libris incensis, Romani ad eos rescribendos Erythras miserūt: quod falsum quidam temporū supputatione putāt. Nam hanc ipsam Erythræam Strabo cum aliubi, tum in xiiij. geogr. lib. Alexandri Macedonis temporibus clariuisse scribit. Alij Sibyllam hanc Siculam, & in Sicilia eius sepulchrum fuisse prodidit Solinus: alij Sardam, alij Gargethiā seu Rhodiam, alij Libyssam, pleriq; Lucanā scriptis prodidere: nec defuere qui Samiam appellarint, & per ea tēpora floruisse quo Troianum excidiū factum est. Apollodorus, qui suā ciuē esse uoluit, & cum Apollodoro Suidas tradunt, Græcis urbem Troianā petentibus, eam tum uaticinatam Troiam perituram, Homerūq; mendacia & figmenta scripturum. Dionysius Halicarnasseus Aenææ quoque prædixisse scribit, ut occasum uersus eousque nauigaret, quoad illuc perueniret ubi mensas ipsas ambesse cogeret: quod est Harpyiæ oraculo à Vergilio attributum.

Sed certè à Vergilio de hac Sibylla confuse multa canuntur: præstat eius uersus meminisse, qui sunt in Aeneid. libro tertio ex uatis Heleni persona:

*Huc ubi delatus Cumæam acceßeris urbem,  
 Diuinusq; lacus, & auerna sonantia syluæ,  
 Insanam uatem aspicias, quæ rupe sub ima,  
 Fata canit, folijsq; notas & nomina mandat.  
 Quæcunq; in folijs descripsit carmina uirgo,  
 Digerit in numerum, atq; antro seclusa relinquit.  
 Illa manent immota locis, neque ab ordine cedunt,  
 Verùm eadem uerso tenuis quum cardine uentus  
 Impulit, & teneras turbauit ianua frondes,  
 Nunquam deinde cauo uolitantia prendere saxo,  
 Nec reuocare situs, aut iungere carmina curat.  
 Inconsulti abeunt, sedemq; odere Sibyllæ.*

Quibus super uersibus illud annotatione dignum Honoratus Seruius scribit: Sanè sciendum, ait, omnia responsa Sibyllæ plus minus ue centum non contineri sermonibus. Vnde poëta:

*Quò lati ducunt aditus centum, ostia centum,  
 Vnde ruunt totidem uoces responsa Sibyllæ.*

Quo loco idem ait inueniri Apollinis elogia & uiginti & quinque, & trium sermonū. Porro tribus modis futura prædixisse Sibyllā inuenimus, aut uoce, aut scriptura, aut signis, id est, quibusdā notis, ut in obelisco Romæ: uel, ut alij dicūt, notis literarum; ut per unā literā aliquid significant. In folijs autem palmarum

palmarum Sibyllam scribere solitam Varro testis est. Sunt qui ab hac eam lyræ speciem excogitatā tradāt, quam, quòd trianguli forma esset, Trigonon uocabant. Existimat Stephanus Erythræam Sibyllā eam esse, quæ ex Marmesso Troica urbe originē traxit: Cum enim, inquit, ipsa esset ciuitas colore rubra, Erythra cognominata est. Magnum illud etiam & admirandū de Erythræa prodigiū est à scriptoribus traditū, quòd scilicet ubi primū est in lucē edita, loqui repentē cœpit de rebus grauioribus, nec protritris, sed et alias quas proprio uocabulo appellauit. Cyrillus in lib. contra Iulianum Cæsarem primo, Sibyllā hanc nona Olympiad. fuisse scribit. D. Augustinus lib. de Ciuit. dei xviij. Romuli tempore Erythræam Sibyllam uaticinatam scribit, qui & illius librū ait se uidisse: Nam, inquit, uir clariss. Flaccianus qui etiam proconsul fuit, homo facillimæ facundiae multaq; doctrinæ, cum de Christo colloqueremur, græcum nobis codicem protulit, carmina esse dicens Sibyllæ Erythrææ. hæc Augustinus. Dicitur & hodie græcus codex extare, in quo confusa sint Sibyllarū carmina. Verūm hæc audita, nō uisa mihi, refero. Hactenus de Erythræa. Sexta inter Sibyllas Samia uocata est, quæ proprio nomine Phyto dicta fuit, eam licet Isidorus Phemenoën uocarit. Eratosthenes se de hac nōnulla cō-

perisse in Samiorum annalibus scriptū reliquit. xvii. olymp. Samiam Sibyllam clariuisse prodit in chronico Eusebius, & Herophilam appellat. Septima Sibylla Cumæa, seu Cumana dicitur, utroq; scilicet nomine, quæ à plerisq; Amalthea, ab alijs Hierophile uel Herophile nuncupata est, hoc licet nomine Eusebius Samiam uocet, Aristoteles & Suidas Erythræam, Solinus Delphicam, Martianus Troianam & Marmessi filiam. Pausanias in Phocaicis hanc Iouis filiam ait, & Lamiæ Neptuni filia, quæ prima inter mulieres oracula cecinerit, et perinde à Libycis Sibyllam nuncupatam, eaq; iuniorem quæ Helenam prædixit Lacedæmone educari in Asiæ Europæq; perniciē. Hanc etiam interpretatam ferunt, quæ de Hecubæ insomnijs à scriptoribus tradunt. Sed cum tandē in Samo, Claro, Delo, Delphisq; fuisset, in Troade decessit, ubi in Apollinis templo tumulata, qui Smynthius cognominatus est. Aliam Sibyllam scribit Martianus Symmachiā Hipotentis filiam, quæ Erythris progenita, Cumis est uaticinata. Probus grammaticus in Vergilium ait, Cumæā seu Cumanā post quatuor secula *παλιγγενεσίαν* futuram cecinisse. At uerò alij nonnulli Cumæam Demophilen, uel Demò uocauerunt. Demò quoq; & Pausanias uocat, quæ Cumis sit oriunda. Cumas uerò inter Opicos Italiæ populos reponit,

nit, cuius oracula Cumæi palàm ostendere soliti essent. Verùm lapideam hydriã nec farris magnam in Apollinis templo ostentant, in qua eius Sibyllæ ossa condita affirmant. Demò quidem & Suidas uatis & sapientis fœminæ nomen ait. Sedenim quãso uideate, quàm uaria & diuersa de Sibyllis tradantur. Sibyllam hanc Vergilius, & Vergilium securi grammatici, Deiphoben Glauci filiã scripserunt, quę oracula in palmarũ folijs inscripta reddere solita fuerat. Hanc, inquam, scriptorum pleriq; Tarquinio Prisco Sibyllinos libros derulisse prodiderunt, de quorum librorum numero uariè relatum est: alij quidem tres tantum, & eorũ duos exustos aiũt: quidam nouem fuisse, & sex crematos: nonnulli uerò eos nouem, sed duos tantummodo igne cõsumptos: qui libri à Romanis magna religione seruabantur in Apollinis templo, cum libris Martiorũ fratrum, quibus, ut ait Seruius, Sibylla prophetauerat, & cum libris etiam Begoës nymphæ, quę apud Thuscus artem scripserat fulguritarũ. Sanè hi libri & Sibyllini, & fatales dicunt, ut à Liuius & alijs. Suetonius in Cæsare: Proximo autẽ senatu percrebuit fama L. Cottam quindécimuirum sententiã dicturum, ut quoniam libris fatalibus contineret Parthos nisi à rege non posse uinci, Cæsar rex appellaret. quare Appianus & Cicero plura lib. de diui-



natione secundo, quo loco perstringit Cæsa-  
rem regiū nomen affectasse. Seruabantur au-  
tem hi libri à quindecimuiris sacrorum, nec  
iniussu senatus adiri ac legi fas erat, ut ex hi-  
storicis, & eodem M. Tullio & Lactantio in  
primo, docemur. Eligebant uerò quindecim-  
uiri ex patritijs: et primū duo quidē electi,  
inde decē, postea quindecim, ut planē ex le-  
ctione T. Liuij ex diuersis locis colligimus.  
Perseuerarunt uerò quindecimuiroi usq; ad  
tempora Syllana, post creuit numerus, nam  
& sexaginta fuerūt, sed remansit quindecim  
uiroꝝ, ut ait Seruius, uocabulū. Hæc uobis  
ideo paucioribus recensui, quòd ea sæpe au-  
diuistis, & deinceps sæpius legere poteritis.  
Porro Sibyllinos uersus priuatim haberi nō  
licebat, unde Tiberiū Cæsarem ait Corn. Ta-  
citus Caniniū Gallū quindecimuirū redar-  
guisse, quòd Sibyllæ librū recepisset ante sen-  
tentiam sui collegij, non, ut assolet, lecto per  
magistros, æstimatoq; carmine: & simul cō-  
monefecit, quia multa uana sub nomine ce-  
lebri uulgabantur, sanxisse diuū Augustum  
quem intra diem ad prætorē urbanum defer-  
rentur, neq; habere priuatim liceret: quod à  
maioribus quoq; decretū erat, post exustum  
sociali bello Capitolium quæsitis Samo, Ilio,  
Erythris, per Africam etiam ac Siciliam, &  
Italicas colonias carminibus Sibyllæ, una  
seu plures fuere, datoq; sacerdotibus nego-  
cio

cio quantū humana ope potuissent uera discernere. hæc ferme in v. hist. Tacitus. Huius utiq; Cumanæ Sibyllæ facellū apud Cumas Solinus recenset, ut Vergilij uersus mittam, quos sæpe legistis. Sed & eius cryptam speluncam ne in historijs describit Agathias, quam multo labore expugnatam à Narsete prodidit, cum Gothi Cumas tenerent. quin eius etiam nunc spectantur uestigia: ad quæ uisenda subterranea crypta, ego ipse cum studiosis plerisq; comitibus aliquando non sine horrore descendi. Sed de hac eadem spelunca Aristoteles de mirabilib. in hunc propè modum est locutus: In Cuma circa oram Italiæ ferunt thalamum subterraneū Sibyllæ fatidicæ esse, eius scilicet, quæ ætate quamlibet prouecta uirginitatem seruasse impollutam traditur. Erythræa fuit hæc, sed ab aliquibus Italię incolis Cumana, ab alijs uerò Melachræna nuncupat. & hæc quidem Aristoteles in eo lib. Atq; hæctenus de Cumæa. Et quidem Piso ait, satis. Nunc demū illud uideo, quod paulò antè dixisti, confuse de Sibyllis à Vergilio actū esse. Nō, inquā, à Vergilio tantum Piso, sed & à cæteris scriptoribus: omnes enim miscuisse, nec syncerè narrasse uidemus. Octaua Sibylla Hellepontica nuncupata est, quæ & à pago Marpeso, non Marinesio, ut deprauata habet Firmiani scriptura, Marpesia cognominata est, &

quòd iuxta oppidū Gergithion nata est, Gergithia est uocitata, qua causa Gergithij ciues eam cum Sphinge in suis monetis effingebant, ut Phlegon in primo lib. Olympiadum, & Stephanus in lib. de urbibus tradūt. quin & eiusdem sepulchrū in Apollinis Gergithij templo cōditum fuisse perhibetur. Ea autem ætate floruisse autor est Ponticus Heraclides, qua Cyrus & Solon. Nona Sibylla Phrygia dicta est, quæ ut Lactantius & Isidorus scribunt, Ancyræ, quæ urbs fuit notissima, uaticinata est. Decima in Sibyllarum numero Albunea fuit, quæ & à patria, Tyburs & Tyburtina appellata est, non Tygurtina, ut perperam à Græcis scribitur. Hæc quidem Tyburi ut dea colebat, iuxta Anienis ripas, cuius simulachrū, ut scribit Varro, librū manu tenens in Anienis gurgite repertū fuit. Vnde illud Albij Tibulli lib. 2. castigatè legit:

*Quisq; Aniena sacris Tyburs per flumina sortes,  
Portauerit sicco pertuleritq; sinu.*

Albuneæ quidē Vergilius meminit, cum ait:

*—Lucosq; sub alta*

*Consulit Albunea, nemorumq; maxima sacro  
Fonte sonat.*

Hanc uerò quidam Leucotheā à nōminis significacione crediderūt. meminit & Horat. & Tertull. ut nunc grammaticos mittamus. Sunt qui Albuneā & syluæ & fontis nomē esse autumēt. Tum Piso: Istam, inquit, Sibyllā audiui

diui Augusto Cæsari è cœlo uirginis filium ostendisse, quo loco in Capitolio cœli ara est adhuc erecta. Sunt ista, inquã, Piso quę dixisti cōmentitia, & nulla quęūt autoritate fulciri: nam nec tempora congruūt, quibus res tanta astruatur. Me tamen, inquit Piso, in libro de Sibyllis hoc legisse recordor, et nescio quos concionātes Theologos audire, qui id publicè asseriebant. Sed nos, inquã, Piso istos obsecro Theologos mittamus, nosti quā sit irritabile genus, & scis q̃ nos & hæc studia libenter accusent. Quòd autem de Christo multa prędixerint Sibyllæ, idoneos testes habemus Lactantium, Augustinū, Prosperū ut alios mittam, ut nostrum de Sibyllis sermonem prosequamur. In primisq̃ illud uideamus, quòd præter has decem, & aliarū plerarūq̃ hoc fuere nomine in hac tabulæ parte: eo enim, ut suprā dixi, nuncupatę sunt formę quę diuino afflantur numine, deorumq̃ quodammodo conscię sunt cōsiliij, & futura pręsentiūt. Hinc est Pythia Sibylla ab Iamblichio dicta: hinc & Nesi filia ab Isaacio, & ab alijs Phemenoe. Fuit uerò in hoc genere Manto, quę Mantuanæ urbi nomen dedit. Daphnen quoq̃ Diodorus Siculus uocatā scribit Sibyllā, cuius meminit & Pausanias, quę cum scitatum oraculum Delphos missa fuisset, ibi uaticiniū didicisse proditur, & in dandis oraculis responsisq̃ deinceps excel-

luisse, quin & eius generis non pauca cōposuit, ex cuius etiamnū uersibus Homerū nō parum multa sustulisse Græcorū est opinio: à quibus & illud tradit, Daphnida promantin, hoc est, futurorū uatem Telluris fuisse: Telluris enim oracula edidit: Tellusq; ipsa, id est, τῆ, ante alios deos oracula dedisse legit, ut antè meminimus. Sibylla quoq; est appellata Cassandra Troiana, quæ & Alexandra dicitur Priami regis filia, de qua, ut cætera mittamus, nobile Lycophronis extat poema. sed hæc est Græcis & Latinis decantata. Celebrat & Xenoclea, quæ Delphis oracula dedit, quō cum post Iphiti cædem Hercules iuisset, Xenoclea illi nondū à cæde expiato responsum dare noluit, quare iratus Hercules tripodem abstulit, quod cernens Xenoclea carmen illud cecinit:

Ἀλλ' αἰὲρ ὁρᾷ κλέης τῖρυνθιός, οὐχὶ κανωβίους. hoc est,  
Alcides alius Tirynthius, atq; Canopeus.

qua de re in Herculis uita diximus. Aegyptius enim Hercules ante Tirynthium fuisse traditur. Quæ uerba audiens Hercules, tripodem restituit, & quæ scire uolebat, ab ipsa Xenoclea audiuit. hinc, ut Pausanias scribit, inter Herculem & Apollinē de tripode certamen fuisse quidā putauere. Fuit & in hoc genere Sibyllarum Helissa, quæ & ipsa in reddendis oraculis insignis fuit. Fuit & Colophonias, quæ cognominata est nomine proprio

prio Lampusa. Hæc ex Chalcædis genere nata perhibetur, cuiusq; diuinationum scripta apud Græcos leguntur. Fuit & quæ Sarbis, seu Cassandra uel Taraxandra dicta est, cuius responsa apud antiquos in precio fuerunt. Et cū his erat quæ Thesprotis est nominata, & quæ Phaënnis, quæ, ut ait Pausanias, filia fuit nescio cuius apud Chaonæ imperantis, quibus populis & responsa dedit. Vixisse uerò eo tēpore traditur, quo Antiochus rex Demetriū uicit. Leguntur adhuc & eius oracula, sed illud in primis, in quo bellum significatū est, quod à Gallis est in Asia gestum, post uno plus seculo ab Attalo Pērgami rege deuictis. Fuerunt & apud antiquos quæ Pelix nuncupata sunt apud Dodonæos, quibus et oracula dabant. Hæ et ante Phēmēnoēn fuisse produnt, autore Pausania: unde & apud scriptores propter uocabuli similitudinem figmentum de Chaonijs columbis oracula reddentibus sumptū uidetur. Harum adhuc extant uersus, quorū supra meminimus, *ἦν δὲ ἄρ, ἦν δὲ ὅτι*, & reliqua. Post Pelias erat Athenais, quæ uates Dariū ab Alexandro superatū iri prædixit, ipsumq; Alexandrū ex Ioue nasciturum, aliaq; non nulla, quæ & Strabo redarguit. Fuit uerò Athenais ciuis Sibyllæ Erythrææ, nec ab Alexandri ætate plurimū distans, quin & eo uiuente aliquandiu claruit. Celebratur &

Arthenaide antiquior, in hoc genere Nicostrata Euandri mater, quæ quia carmine uaticinari solita esset, à Latinis Carmentis dicta est, id quod & poëta Naso in Fastis præclarè ostendit. res notior est, quàm ut pluribus uobis recenseam. Eadem prius Themis uocata, autoribus Dionysio & Plutarcho, qui de ea plura scripserunt. Sed huiusmodi mulieres uaticinè longè plures fuere, quæ ad nostras tabulas parum conueniunt. Quare hæcenus de Sibyllis. Erāt post has in altera tabula hexametrorum & heroicorum eorumq; poëtarum imagines, qui ab Homero & Hesiodo ad poëtas usq; Latinos carmina scripserunt. Quæ cum dixissem, ad me conuersus Piso: Quæ de poëtis, inquit, & Sibyllis nobis hodierno sermone narraſti, ualde iucunda fuerunt. Quæ adhuc eo loquente, ecce Iulius Gr. superuenit, qui tum primū Ferraria ueniebat: factō igitur sermonis fine, illum de patria, deq; communibus amicis percunctari cœpimus, & colloquētes in oppidum reuerſi sumus.

ILLV-

ILLVSTRISS. ET EGREGIÆ  
INDOLIS PVELLÆ D. AN-

NÆ Esteñ. D. Herculis II. F. Li-  
lius Greg. Gyraldus

S. P. D.



Statueram mecum quidem antea  
prios hos quinque de poetarum  
historia dialogos uni D. REN-  
TAE excellentissimæ principi no-  
stræ, parenti tuæ nuncupare: ue-  
rùm cū postea mecū altius cogitarē, uisum est illos  
quidem reuera illi uni dicare, sed in nomine quoque  
uestro & aulæ ut aliquo modo apparerent, quò  
mihi sic affecto et imbecilli, et annis morbisque con-  
fecto, lenior interdum Fortunæ aura adspiraret.  
Quare primum quidem dialogum inclytæ ipsi pa-  
renti tuæ dedi. Secundū Annæ Partheniæ mulieri  
ornatiss. comiti illius. Tertiū hunc tuo nomini in-  
scripsi. Quartum strenuo ac magnanimo heroi  
Ant. Gallo Pontis Santonum domino, qui uestre  
istius aulæ non minimum est ornamentum. Quin-  
tum denique Io. Sinapio uiro cum eloquenti & eru-  
dito, cum medico insigni, & tibi et mihi multis de  
causis coniunctiss. Accipe hunc tu igitur dialogū,  
in quo pro uirili nostra ab Homero & Sibyllis,  
uates græcos et poetas heroicos & elegiographos  
sum cōplexus, qui ad ea usque tempora floruerunt,



quibus Latini nostri esse cœperunt. In hoc quoq; dialogo de Græcis nonnullis puellis et mulieribus egimus, quæ in hac poëtices parte excelluerunt. In hoc certè plurima uidebis, quæ adhuc sunt parum nota Latinis hominibus, & quæ tibi oblectamentum & uoluptatem non paruam asferre poterunt, quæ supra hanc ætatulā ad hæc studia et ingenuas cæteras arteis es sponte tua propensa. Nā cum nondum decimum excesseris annum, ita latina cum græcis confers, ut spectantibus miraculum esse uideatur. Quid enim nunc dicā, quā facilitate ex uernacula Hetruscorum lingua in Latinam conuertas, & ex Latina in Hetruscā? Quid scribendi elegantes notas & caractères commorem? Quid canendi ac modulādi multiplices cantiones? quid Musices peritiā? quid deniq; cæteras uirtutes Principe dignas in hac tenella ætate eximias, quæ uix in aliarū matura et adulta uix inueniantur? Macta puella illustrissimo genere procreata, tot ornata uirtutibus. Deum opt. maximū enixè precabor, ut te conseruet ac tueatur, cum ætate futuram ornamentū & decus ingens parentibus, patriæ, terrarum deniq; orbi. Interea mei et Dialogi proteclionē tutelamq; suscipe, & quo cœpisti studio optimarum artium ac uirtutum uiuancapessē. Vale. Ferrariæ, Cal. Martij,

M. D. XLIII.

LILII

LILII GREGORII  
GYRALDI FERRARIENSIS,  
DE POETARVM HISTO-  
RIA DIALOGVS TER-  
TIVS.



Ostquā ergo tertia die in uiri  
dariū conuenissemus, & iam  
ultro citroq; multa de com-  
munibus amicis, de patrię sa-  
lute, deq; ijs qui tum Ferra-  
rię ferebant rumorib. ex Iulij  
Gr. uerbis dixissemus, tum ego: Ex ijs nihil  
mihi, inquam, Piso tristius allatū est, quā  
quod affirmauit Iulius Iouianū Pontanum  
diem obiisse: eius enim uiri interitu uideo  
Poeticę & reliquarum optimarū artium di-  
gnitatem ualde imminutā. Tot enim & tan-  
ta sunt ab eo non modò in poëtica facultate  
scripta, sed in omni penè philosophia, ut cū  
quouis nostri tēporis poëta uel philosopho  
conferri possit. Atqui, ait Piso, & ego quoq;  
doleo tanti uiri interitu, eum licet nisi ex ijs  
qui nunc passim studiosorū manibus terun-  
tur libris, tuoq; & aliorum sermone cogno-  
uerim: sed cū tot & tanta, ut ais, monumen-  
ta reliquerit, & iam senio confectus diem  
obierit, minus ideo dolendū. Quare nobis  
potius incēptos de tabulis sermones absol-  
ue, quā eius uiri mortem defleas, cuius in-

dies nomen & fama magis magisq; florebit: quin potius sermonē exordire, atq; ab ijs potissimū poētis quos hesternā die proposuisti. Postquam, inquam, uobis ita uidetur, sic agā. Sed & eiusmodi tabulæ ordo fuit, ut inuertere neutiquā mihi fas esse uideatur. Nec quicquā tamen uos moueat, nec, ut aiunt, in digitos rogo mittatis, si poëtarum ordinem & tempora aliquando immutasse uidebor: quo enim ordine memoria suppeditebit, eo narrabo. Iandudum te, inquit Piso, moramur: omnis tua nobis erit iucūda narratio, atq; hoc præsertim tēpore. Tunc ego ita sum exorsus. Fuerunt inter hos igitur primi, diuini quidam oraculorū uates, & ante alios

Olen.

quidem, quantum recordor, Olen Dymēus ab aliquibus existimatus, ab alijs Hyperboreus: sed Callimachus in hymno, quē in Delum composuit, Lycium ex Xantho fuisse his uersibus ait:

Οἱ μὲν ὑπαέδουσι νόμον λυκίοιο γέροντος,

ὄντοί ἀπὸ ξαυθοίο θεέπροπτος ἤγαγχε ὠλίμ. quos

uersus utcunq; potero latinè uobis referam:

Nanq; senis Lycij recinunt hi carmina sacra,

A Xantho quondam quæ uates uexerat Olen.

Cui & Polyhistor in Lycijs assentiit, & Suidas, & græca quædam in Callimachū scholia. Meminit et his propè uerbis Herodorus: Olen, inquit, ē Lycia profectus, uetustos hymnos edidisse fertur, qui in Delo cantantur,

tur, dum cinis qui est supra sepulchrū Opis, quæ Hecæærges est cognominata, dispergitur super innumerabilē egrotantiū turbam, qui aræ assistent. Idē ferē scribit Pausanias, qui & in Bæoticis cum de Thespijs agit, homines, inquit, pleriq; deorum esse nouissimum Cupidinem aiunt. Lycius uero Olen, qui Græcis antiquissimos hymnos fecit, in hymno Ilithyie, matrē Cupidinis Ilithyiam ipsam cecinit. Meminit & huius hymni in Attica. Idem tamen in Arcadicis Lyciū Delium ait uetustissimos in deam Ilithyā hymnos composuisse, quā *Ὀλυνόρ* uocat. quibus uerbis mendum subesse crediderim, & pro Delion Olene legendum, mihi sit in præsentia satis uos monuisse. Legi & græco quodā carmine, Olene primū fuisse qui carmen hexametrum commentus est. Hoc illud est:

*Olen qui fuerat primus Phæbiq; sacerdos,*

*Primus & antiqui uersus modulamina fecit.*

Atq; de Olene iam satis. Cæterum & Boco Boco.

mulierem fuisse apud eundem Pausaniam legimus Delphorum indigenā, quæ oracula & ipsa & hymnū apud eos composuit. Fuit & in hoc genere Hystaspes, quem Medi antiquissimum suum regem fuisse affirmant, sibiq; oracula dedisse, quibus uterētur, ut Romani Publij & Martij uatum. Ea uero sub pueri uaticinantis interpretatione edidisse perhibent; quæ cum apud alios citata sunt,

*Hystaspes*

tum maximè à Lactantio Firmiano. Hic & fluuio nomen dedisse dicitur apud eos populos notissimo, qui mox mutata litera Hydaspes uocatus est. Fuit & in eodem genere uatū Bacis, qui & à nonnullis Bacchis, hoc est, cum  $\alpha$  &  $\chi$  græcè perscribitur, hic à Græcis quidem ab oraculis Chresmologus cognominatus est. Huius oracula Eubæos contempnissse autor est Herodotus, qui & alibi eiusdem nonnulla adducit. Sed de Bacide in nouo Philippicarū multa admiranda scripssisse Theopompus fertur. Lucianus quoq; pleraq; eius carmina in peregrino philosopho in medium attulit. Plato & M. Cicero Bacidos non semel meminere, & cum his Aristophanes. Plutarchus etiam in libello de mulierū uirtutibus Bacidis oracula Sibyllinis confert: Si Sibyllæ, inquit, oracula, cū ijs quæ sunt Bacidis cōtulerimus, quis nos iustè reprehendat? Sed & idē Plutarchus alibi alia, & item alia Pausanias cum alibi, tum præcipuè in Bæoticis. Proditū uerò est, à Bacide Lacedæmoniorū mulieres ab infania & furore purgatas, reddito ijs scilicet oraculo ab Apolline, quòdeas Bacis expurgaret. Sunt qui Bacis cognomentum Pisistrati fuisse uelint. Græci nonnulli grāmatici tres Bacidis nomine cōmemorant, hunc uidelicet senio-rem, de quo nunc agimus Bæotiū ex Eleone, alterū Atheniensem, tertium Arcadium

ex urbe Caphye, qui & Cydas & Aletes appellatus sit, ut ait Philetas Ephesius. Glanin quoque Bacidis fratrem & ipsum oraculorum uatem ait Suidas. In hoc insuper uatum genere & Lycus Pandionis, & Ophioneus Messenius reponuntur: qui Ophioneus, ut est apud Pausaniā, statim à natiuitate cæcus fuit, talemq; diuinationem habuit, ut rogatus futura cum publicè tum priuatim omnibus prædiceret. Is postea uehementi capitis dolore uisum consecutus est, tandē denudò cæcus factus præfagiū, teste Pythia, futurorum fuit. Fuit & uates Lesbii Prylis seu Pryllis (utroq; enim modo apud Græcos legimus: sed græcè utiq; *πρύλις* peditem militem significat, unde facile nomen deduci potuit. Huius Lycophron & eius interpretes Isaacius meminere, qui à Palemede persuasus Græcis Troiā proficiscentibus equo ligneo capiendam urbem prædixit. Hunc filiū quidam Mercurij scribunt, & Isæ Nymphæ, alij Cadmi seu Cadmili. Alia quædam de Pryli græci grāmatici prodidere. meminit & Plutarchus in paræmiarū libello, si modò Plutarchi est: nam in eo ancipites sunt eruditi. Fuit et in hoc numero Theoclus uates Messenius, & Lichas, qui in terra Attica oracula dedisse dictus est. Lichan Herodotus cū eis Spartanis reponit, qui benemeriti, hoc est, Evergetæ dicti sunt, & oraculorum ait in-

Glanis.

Lycus.

Ophioneus.

Prylis.

Theoclus.

Lichas.

*Abaris.* terpretem fuisse. Fuit & uates Abaris Seuthi filius Scythæ, cuius celebrenomen apud gentes. Scripsit uerò Apollinis ad Hyperboreos iter carmine, itē oracula quæ Scythica dicta sunt, item Hebri nuptias & expiationes, hoc est, *καθάρσεις*: soluta uerò oratione de deorum origine, id est, theogoniam. Extat & ad Abarim Phalaridis epistola, si modò Phalaridis, ac non potius Luciani epistolæ eæ sunt, quæ Phalaridis nomine circumferuntur. D. Gregorius magnus Græcorū theologus, in monodia quā in diuum Magnū Basilium scripsit, ferunt, inquit, Abarim hominē genere Hyperboreum apud Scythas ab Apolline sagittam accepisse, quā iaculans simul & ipse cum ea ferebatur, itaq; uelocissimè populos transmeans per eam responsa dabat. hæc ille. Valerius uerò Harpocratio Abarim ait legatum iuisse ad Athenienses pro Scythiis, eademq; de illius sagitta miranda refert, cuius sagittæ beneficio ad Hyperboreos usq; nil comedens euolasse tradit Herodotus: et cū Delijs Apollinis gratia amicitia inisse testis est Diodorus. Sedenim et huius Abaridis sagittæ meminit & Suid. & Iamblichus in libris de secta Pythagoræ, & miracula commemorat quæ per ipsam gesserit, ipsumq; Abarim ait ad Pythagoram accessisse, ab ipsoq; dogmatis et institutis Pythagoricis imbutum. Ab hoc utiq; Abaris uolatu cognomē illi inditum

inditum αἰθροβάτης, quòd scilicet perambula-  
 ret aëra. Rideatis hic licet mecum Græco-  
 rum uolatus, nō modò fabulosum Dædali,  
 sed et Menippi, quos Lucianus meritò ridet  
 in suo Icaromenippo. Quo uero tēpore ui-  
 xerit Abaris, uariè est ab autoribus relatum.  
 Harpocraton ex Hippostrati sententia ter-  
 tia Olympiade claruisse memoriæ manda-  
 uit. Idem scribit & Suidas. Pindarus Cræsi  
 Lydorū regis temporibus Olympiade LVI,  
 ut uerò alij nonnulli, XXXI. Eusebius in tem-  
 poribus LXXXII. Quare cum tanta sit scri-  
 ptorum uarietas, certi aliquid statuere diffi-  
 cillimū est. At si Iamblichus stamus, ea uixit  
 ætate qua Pythagoras. Sed hætenus de Abari.  
 Fuit & in uatū numero Euenius, ex Apol-  
 lonia oriundus, ex ea inquā Apollonia, quæ  
 est in sinu Ionico: qui cū à ciuibz suis fuisset  
 oculis priuatus, à deis fertur pro oculorū  
 acie, mentis, hoc est, uaticiniū lumine dona-  
 tus, auctusq; opibus & diuitijs. Filium hic  
 Deiphobum habuit, qui eo fuit inter uates  
 loco, quo pater, ut est ab Herodoto proditū.  
 Post hos uates erat Arctinus Milesius non  
 ignobilis poëta, qui per ea tempora quibus  
 Iudæis Ioathanus imperauit, multa compo-  
 suit, ut est ab Eusebio & Cyrillo annotatū.  
 Dionysius Halicarnas. Arctinū quidem, ut  
 poëtam uetustissimū, in primo Romanæ an-  
 tiquitatis celebrat. Discipulū hunc Homerū

*Euenius.*

*Arctinus.*



*Cynethon.*

fuisse Glazomenius Artemon autor est, non uidelicet Olympiade, & post Troianorū tempora anno trecentesimo, qua in re uobis fidem meam non nisi in relato, astrinxerim: nam Eusebius & Cyrillus circa primā olympiada memorant. Post Arctinum fuit Cynethon poëta Lacedæmonius, qui theogoniā carmine conscripsit, post Hesiodū, ut autor est Pausanias in Corinthiacis. Meminit & Eusebius. Claruit circa tempora tertig olympiadis. Scripsit & de Hercule opus, quod citatum inuenietis in ijs cōmentarijs, quæ exant in Apolloni argonautica. Perperā illi quidē existimauere, opinor, qui Cynethon, & Cenæthon, eundem unum putauere. Cenæthus enim Chius fuit, Cynethon uerò, ut modò dicebamus, Lacedæmonius, & tertia Olympiade notus, hic uero LXXIX. uel ut alij, LXX. ut Hippostratus memoriæ mandauit, quo etiam tēpore in Rhapsodias Homeri uersus Syracusis cōcinnauit, & uersus à se conditos multos Homericæ poësi inseruit. Quinetiā tum Rhapsodi multi floruerūt, ut Pindarici commentatores retulere, id quod parum constare uidetur, si modò uerum est quod paulò pōst in Solonis imagine referemus. Hunc ipsum Cenæthum sunt qui tradant eius hymni autorē, qui ab Homero in honorē Apollinis scriptus est, ut eius est inscriptio. Erat & hac parte poëta Phanocles, qui

*Phanocles.*

qui apud Orosium & alios quosdā scriptores male Panocles dicitur. Ganymedem hic non ab Ioue, sed à Tantalò raptū scripsit: & bellū, quod ea causa inter Troēm & Tantalum ortū est. Stobæus in ea oratione in qua Venerem uituperat, Phanoclis quosdā uersus adducit, inter quos duo hi, qui sunt de Orphei amore in pueros Thracum, quosq; mutuatus esse uidetur Ouidius Naso in *Metamorph. lib.*

*Primus apud Thrakas puerorum inuenit amores,*

*Fæmineo quoniam tactus amore minus.*

Sed quandò parum, ut uideo, Phanoclis elegantiam sum assecutus, ideo uobis græcos etiam recitabo:

*οὐνικα πρῶτον δαῖξεν ἐνὶ θρήασι ἔρωτι*

*ἄρρενας, οὐδὲ πόθος λύβοι ἐκλυτράων.*

Leguntur & aliq uersus eiusdē de Orphei & Calais Borææ filij amore. Atq; hæc quidē de Phanocle cōperi. Cui adhærebat Eumelus poëta Corinthius, qui fuit Amphyliti filius, ut est apud Pausaniam. unus uerò ex ijs fuit, qui Bacchiadę dicti sunt. Claruit Eumelus, ut Cyrillus contra Iulian. Cęs. scribit, Olympiade nona, quo eodē tempore Sibylla Erythræa, quod idē prodit Eusebius. Eumeli in primis historia celebratur, quam de Corintho patria carmine complexus est, in qua Ephyren Oceani filiam ea primū loca incoluisse prodidit, in quibus postea condita est

*Eumelus.*

Corinthus, qua de re tum Pausanias, tum in quarto Argonauticôn Apolloniî commentatores mentionem faciunt. Scripsit item Titanumpugnam, hoc est, Titanomachiâ. Eusebius uerò & Bugamian & European eiusdem Eumeli opus celebrat, eo licet loci ab indoctis hætenus pro Eumelo, facili quidẽ literæ lapsu, Cumelus lectum sit. Eiusdẽ poëtæ mentio fit ab Isaacio Zeze in commentarijs in Lycophronẽ, quo quidem loco plerosq; eius uersus legimus. Ab eodem quoq; Isaacio historicus poëta uocatur, id quod et ante Isaaciũ Pausanias dixit. Fit et huius Eumeli mētio in Pindaricis scholijs, licet in his perperã Eumolpus Corinthius legatur, cū Eumelus potius Corinthius legendũ sit, qui Græcorũ reditum scripsit. quo etiam loco al-  
*Aeson.* terius poëtę Corinthiî Aesonis mētio, cuius meminisse aiunt Simonidẽ. Afferunt præterea in ijsdẽ scholijs et hi Eumeli uersus, quos ita inconditè, fideliter tamen transtuli:

*At quando Aetes & Aloeus edita proles  
 Solis & Antiopes, tunc diuidit & regionem  
 Dupliciter natis Hyperionis inclyta proles.  
 Qu.un rigat Aesonus dio præbebat Aloëi,  
 At moderandam Ephyren Aetæ tradidit omnem.  
 Qu.un post Aetes dat Buno custodiendam,  
 Is donec redeat, siue alter missus ab ipso  
 Natus siue nepos, petit & mox Colchida terram.  
 hætenus Eumelus. Sed hos si græcè malueritis*

ritis, cum ocium fuerit, in iisdē scholijs leges. Porro & à Pausania illud proditur, hymnum profodion in Apollinē ab hoc ipso Eumelo compositū, cum scilicet primum Messenij sacrificiū ac uirorū chorum religionis causa in Delū misere. Dubitat Athenęus lib. dipnosoph. septimo, an Tiranographia Eumeli sit, an Arctini, cuius iam facta mentio, an alterius cuiuspiā: quo loco quosdā in testimoniū uersus affert. Eumeli meminit & Philostratus in imaginum procæmio. Fuit et propè æqualis Eumelo Archimus, seu Arcti- *Archimus.*  
 nus, ut est apud Eusebiū, qui Aethiopicā & Iliacam cladem scripsit. Connumeratur & Draco inter poetas, qđ tribus uersuū milli- *Draco:*  
 bus Hypothecas scripserit. Fuit uerò ut Gellius scribit, Atheniensis, uir probus, et multa prudentia præditus, iurisq; diuini & humani peritus, primusq; omniū leges tulit, quibus Athenienses uterētur. Is in illis legibus furē cuiuscunq; modi furti supplicio capitis puniendum esse, & alia pleraq; nimis seuerē sanxit, adeò ut à Plutarcho scriptū sit, quòd una ferè omnibus mors pœna statueretur. Nam & qui ocij dānati essent capite plectebantur: quiq; holera & fructus furto abstulissent, non secus q̃ exploratoribus homicidisq; mortis suppliciū irrogabatur. quāobrē illud de eo Demadis oratoris dictum celebratur, qui Draconis leges nō atramen-

to, sed sanguine conscriptas dicere solitus erat. Herodicus etiā, ut scribit Aristoteles in rhetoricis, Draconis leges non hominis, sed draconis esse dixit. Eadem quoque ratione dictę sunt leges funebres, hoc est, ut Pausanias ait, *φονικὸν νόμον*; quapropter ait Gellius, quod impendio acerbiores uidebantur, nō decreto iussuue, sed tacito illiteratoque Atheniensium consensu oblitteratę fuerunt. id à Solone procuratum scribit Plutarchus. Interrogatus aliquando Draco, quā ob causam iniuriarū plurimas capitis pœna plecti statuisset: respondisse fertur, se parua quidē quę essent delicta, morte digna censere, sed maioribus maiorem inuenire se non posse. Vixisse uerò Draconē ea tempestate qua septem sapientes scriptum reperi, nona uidelicet circiter & xxx. Olympiade: alij longē antiquiorem putauere. Eusebius Pamphili in euang. prepar. trigesima sexta Olympiade Atheniensibus leges tulisse prodidit. Vlpianus in oratione, si recordor, Demosthenis, quę est *κατὰ τιμοκράτους*, ait Draconem ex Diodori sententia xl. & septem annis Solonem præcessisse, Solonē uerò ante Persarū tempora floruisse. In Aegina uerò insula interiisse traditur: in theatro enim sedēs, uestibus ac tunicis pluribus iniectis est oppressus, atque ibidē in theatro sepultus. Et de Dracone satis. Fuit et Lesches.

chro-

Lesches.

chronicis annotatum, Olympiade xxx floruit. Paruā hic Iliada cōscripsit, à quo nonnulla uolunt Pindarici expositores Pindarū desumpsisse, ut illud in Nemionico quopiā hymno, qui in Alcimedem Aeginetā inscribitur, de Achillis hasta, quæ undique *ῥόσλιν*, hoc est, annulum aureum in extremis partibus habebat. Meminit & Pausanias, si rectè recordor. Fuit & poëta Leschides, qui primum sub Eumene rege stipendia fecit, mox uersibus operam dedit, multaq; composuit, quæ sunt à Græcis celebrata. Sequebatur hos Alcæon & Dinarchus, quorū prior per ea tempora quibus Lesches, floruit, & inter cætera de Musis scripsit. Dinarchus uerò quæ ætate uixerit, incompertum quidem habeo. Bacchū hic in prælio dimicantem dilaniatū discerptūq; fuisse suis carminibus descripsit, ut Græci scriptores ostendunt. Et cū his fuit Solonis imago, qui & philosophus & præstantissimus poëta xlv Olympiade claruit, Cyrillo & Eusebio tradētib. Fuit uerò ex Cypria Salamina oriundus. Hic Sisathian quam uocant legē, manu in axone præferbat: & à nonnullis habitus Homericæ poëseos autor potius q̃ Pisistratus, in ordinem redigendæ: eius enim uerbis post adeptā tyrannidē Pisistratus dicitur, non Aristarcho, ut falso quidam, sed præcipuis eorū temporum grammaticis eam prouinciam deman-

*Leschides.*

*Alcæon.  
Dinarchus.*

*Solon.*

dasse, propositis præmijs omnibus qui carmina HomERICA detulissent, ab eis grammaticis examinanda. atq; ita conflata Rhapsodia, sic dicta uel ab eorū uirga censoria, uel à consuendis & in unū connectendis carminibus. Quin & plerique catalogi HomERICI partem quampiam Soloni potius q̃ Homero ascribi uolunt, ut illud est de Salamīne, de qua inter Athenienses & Megarenses certamen fuit, cuius rei post Plutarchū meminit Pausanias, & alij. Excepit Piso: Sed quid plura, inquit, de Solone? Num Plutarch. et Laërtius eius uitam copiose literarū monumentis mandarunt? Rectē tu quidē, inquā, mones: attamen quę ad ipsius poëticā attinent, parumq; ab illis obseruata, uobis afferā. Diuus in primis Plato Solonis uersus adeo celebrat, ut eos publicē recitari à pueris in deorum celebritatibus præcipiat, Homeroq; ac Hesiodo ipsum nihil inferiorem uideri potuisse, si aliquod poëma integrū, ut illi, perfecisset. Illud eius certē nec semel celebrat, quo senescens ait semper se discere:

\* Γράσκω δὲ αἰὲς πολλὰ διδασκόμενός.

Aristoteles quoq; cum alibi, tum in Rhetoricis, Solonis elegias plurimū laudat. Idē Aristides in ea oratione quā de concordia Rhodiensibus composuit. Easq; & Pausanias ita uehemētes & incitatas fuisse prodidit, ut eo carminis genere Athenienses aliquādo sint ad

ad bella inflammati. Extant & apud Vlpianum rhetorē Solonis uersus, extant & apud Plutarchū pleraq; qui & illud asserit, Solonem molitū esse leges perscribere, sed id non perfecisse: alij stultitiā simulasse aiunt, legendis & in publicū recitandis de Salamīne carminibus, atq; ea causa ipsum ducem delectū ad eam prouinciā. Legite Iustinū, Laërtium, & Plutarchū. Extat uerò & apud Philonem Hebræū in secundo de mundi opificio elegia de decem hominū ætatibus, quam sicut dignam existimauit doctissimus hebræus ut suo libro insereret, sic ego, ut fanius intelligatis Censorinū de die natali, eam ipsam citantem elegiam, uobis per me latinā factam hoc loco recitabo. Cum enim Philo in laudes septenarij numeri colligendas descendisset, ita subiungit: Has, ait, ætates scripsit Solon Atheniensīū legislator, hanc faciens elegiam:

*Impubes & adhuc infans cum septa molaris*

*Educit primū, septimus annus erit.*

*Cumq; alios septem Deus huic perfecrit annos,*

*Apparent pubis mollia signa nouæ.*

*Tertia mox uestit tenera lanugine malas,*

*Heu nimis ætatis flos citò præteriens.*

*Iam iuuenem uiresq; facit tibi septima quarta,*

*Virtutis profert certaq; signa uiri.*

*Coniugijs ætas maturum quinta ministrat,*

*Natorum, & quibus est posteritatis amor.*

*Sexta homini mentem cunctos adducit ad usus,*



Qui queat ingenio rebus adesse suis.

Septima mente ualet, ualet & lingua, & simul isti

Ostaua, ambæ annis quattuor atq; decem.

Nona ætate etiam mage mollia dicere quibit,

Virtutem ad magnam lingua etiam & sophia.

Si quisquam ad decimæ mensuram exegerit annos,

Intempestiuam non habet ille necem.

Præter elegias Solon & iambos scripsit, ut est apud Pollucem & Athenæū, qui & nonnullos adducit, atq; in primis ubi de πέρσῳ (placentæ id genus) agit. Celebrat & eius Epodon Diog. Laërtius. Sed et Solonis uersus de Philocypro Tyranno cōmemorat Herodotus. Sunt & Solonis uersus apud Pausaniā. At uero eius epitaphiū M. Tullius tale fuisse scriptum reliquit:

Mors mea ne careat lachrymis, linquamus amicis

Mærorem, ut celebrent funera cum gemitu.

Celebrat & idē Cicero alibi Solonis uersus, et in Catone ait eum uersibus gloriari, quod quotidie aliquid addiscens senex fieret. Atq; hæc quidem nunc de Solonis uersibus, à quo in tabulis non longè aberat Dropides, cuius & frater fuisse perhibetur, à quo, ut est à Græcis autoribus traditum, maternū genus duxit diuus Plato. Fuit uerò egregius poëta Dropidas, sed illius nomen ac famā fratris illustris gloria obscurauit. Nec ab his procul Chilo fuit Damageti filius, patria Lacedæmonius, inter septem Græciæ sapientes

unus

Dropides.

Chilo.

unus habitus, cuius uita cum alij tum Laë-  
 tius & Suidas literarum monumentis com-  
 mendarūt. Laudatur Chilonis elegia ducen-  
 torum uersuū. Breue quoq; dicendi genus  
 ab ipso Chilonium nuncupatū est: ut enim  
 Aristagoras Milesius ait, huiusmodi figuris  
 & tropis usus est. Sunt et Chilonis hę senten-  
 tię, quę in Apollinis oraculum referuntur,  
 γνῶθι σε αὐτὸν, &, ἱγγύη δὲ παρ' ἄνθρωπον, quibus mone-  
 mur nos ipsos nosse, et, sponcioni non deesse  
 damnum & iacturam. Thales quoq; Mile- Thales.  
 sius, Lobon Argiuius, qui de poëtis scripsit,  
 & Plutarchus, uersus & poemata scripsisse  
 tradunt, celebranturq; eius uersus ad ducen-  
 tos, quibus quę maximè ad philosophiā per-  
 tinent complexus est. Eundē scripsisse Me-  
 teora uersu scribit Suidas, & de equinoctio.  
 In huius & quorundam, quorum imagines  
 nunc statim subiungā, recensendis uitis par-  
 cus eo, quoniam sunt copiose cum ab alijs,  
 tum præcipuè à Diogene Laërtio descriptę; Diogenes.  
 qui & ipse non indignus est ut inter poëtas  
 connumeretur eos qui epigrammatis luse-  
 runt, cuius cum pleraq; extant, tum de se ip-  
 se, cum Solonis uita absolueret: Legitur, in-  
 quit, de illo & nostrum epigramma in Epi-  
 grammatum libro, ubi de sapientibus omni-  
 bus & doctrina præstantibus, omni gene-  
 remetrorū loquor, qui Pammetros ideo uo-  
 catur, cuius libri alibi ab eodē sæpe facta est

legū periti quidā hoc simili furore aguntur. Verū præstat incēptū de philosophis istis qui et poētę fuere, sermonē prosequi. Sic agā, inquā. Multi ergo & Pythagorā inter poētas retulere, cōstās licet sit opinio, eū nihil in scriptis reliquisse. Heraclides tamen Serapionis & ipsum Pythagorā uersus scripsisse tradit in Socionis epitome. Ion quoq; Chius, poēma ait quoddā cōposuisse, sed Orpheo titulo et nomine prænotasse: cui opinioni neq; Diogenes refragat. Sed & alij nōnulli aurea quæ inscribunt carmina, Pythagorę legitima esse crediderūt, nec ea aliter exponere uideēt. Hierocles philosophus, licet Iāmblichus rē in dubio uersari scribat: quidā em̃, ait, in Philolaū aureū illud poēma referūt, qua de re et nostra ætate inter homines eruditos nō parua fuit disceptatio. Vxorē etiā Pythagoras habuit, quæ in poëtica non parū ualuit, ut alio loco narrabimus. Atq; ea ratione satis dixerim de Pythagora, qđ nunc nō eius uitā comentamur, quæ est à tot perscripta, atq; in primis Iamblichō & Laërtio, ut Origenē mittam & Suidā. Fuit & Hipparchus inter poētas connumeratus, Atheniensis Pisistrati tyrāni filius, qui, ut est à Platone proditū, multa in repub. facinora præclara fecit, ita quidem ut apud Gręcos ab ipso prouerbiū in eos factū sit, qui magnificē ac liberaliter opus aliqđ perficiunt, τὸ ἰππάρχου τέχνην. Is em̃ Academiā

Pythagoras.

Hipparchus.

ingenti muro circūdedit, qua in re non modicas absumpsit opes. Sunt & qui huic ascribant gloriā in ordinē redigendæ Homericæ poëseos, quā Athenas primus inuexit, poëtasq; coëgit carminū cantores, ut uersus per ordinem referrent. Certè poëtas poëta ipse plurimi fecit: nam et Simonidē semper apud se habere uoluit. Anacreōti uerò dum Athenas nauigaret, quinquaginta remorum nauem occurrere iussit. Columnas etiā in urbis compitis erexit, legibus & elegis uersibus inscriptas, ut Plato in eius nominis dialogo scriptū reliquit. Ab Harmodio uerò & Aristogitone occisus est, quibus, ut tyrannicidis, Athenienses statuas erexere, eo quo Roma reges eiekti sunt anno, ut Plinius in xxiiij. autor est. Hipparchi necis causa non ea fuisse creditur quæ uulgò traditur, sororis Harmodij Canephore contemptus, quā Thucydides in sexto. hist. perscribit copiose: sed cum Harmodius amatus & eruditus ab Aristogitone, quempiam nobilem deperiret adolescentē, qui prius ambos admirari solitus erat, dein contemptui eos habere cœpit, quòd uidelicet Hipparcho esset familiaris factus. Hi ea igitur causa Hipparchum interfecere: quos ne proderet Leænæ meretrix torta, cum mordicus linguam sibi euellisset expuissetq; statuam Leænæ elinguis à populo Atheniēsi meruit. Nota est historia. Post Hipparchum

parchū fuit & Miftheus Athenienfis poëta, *Miftheus:*  
 qui xxxviii. Olympiade claruit. Post quē  
 etiam fuit Eugamnus Cyrenæus poëta, qui *Eugamnus,*  
 eo tempore theogoniam fcripfiſſe traditur,  
 quo Panathenæa ab Athenienſibus celebra  
 ri cœpta ſunt. Hunc ipſum Eugamnū inte  
 grum uolumē de Theſprotijs à Muſæo furto  
 fuſtuliffē teſtis eſt Clemens libro contra gen  
 tes ſexto, ut etiā obſeruat Euſebius Pamphi  
 li. Sed iam ad Piſandri imaginē deuenimus, *Piſander.\**  
 qui eſt inter uetuſtos poëtas cōnumeratus,  
 quippe quem Eumolpi ætate Græci quidam  
 uixiſſe prodiderunt, atq; ab eo etiam amatū:  
 alij uerò Heſiodo quidem ſeniores; plurimi  
 xxxiii. Olymp. clariſſe tradiderunt. Ut  
 cunq; ſit, Piſonis & Ariſtæcmie filius fuit. Cū  
 uerò patria Alexandrinus eſſet (quod pro  
 cedere non poſſe uidetur, nondū enim Ale  
 xandria condita fuerat) Rhodium ſe tamen  
 maluit appellari, ut multò poſt eum Apollo  
 nius qui Argonautica ſcripſit, atq; ob id Ca  
 mirus ſeu Camiræus, ut ait Stephanus, Piſan  
 der eſt cognominatus. Nā ut Pindarus ſcri  
 bit, à tribus Rhodes & Apollinis filijs, tres  
 inſulæ Rhodi urbes uocatę ſunt, Camira, Ia  
 lyſia et Lindus, quem et Strabo hac parte ſe  
 cutus eſt. Piſander ſororē habuit non igno  
 bilem Diocliam. Scripſit uerò eleganti car  
 mine Herculis labores duobus libris, qui de  
 ſiderantur, In ijs primus ipſe clauā Herculi

attribuit, quod planius in Herculis uita ipse  
sum executus. De Pisandro in hunc propè mo-  
dum Macrobius: Pisander, inquit, poëta inter  
Græcos eminet opere, quod à nuptiis Iouis  
& Iunonis incipit, uniuersas historias quæ  
medijs omnibus seculis usq; ad ipsius Pisan-  
dri ætatem contigerunt, in unam seriẽ co-  
actas redegit, et unum ex diuersis temporum hi-  
storijs corpus effecit: in quo opere, præter cæ-  
teras historias, interitus quoq; Troiæ relatus  
est, quæ Maro interpretando, fabricatus est  
sibi Iliacæ urbis ruinã. hæc ferè Macrobius.  
Reliqua uerò quæ Pisandro ascribuntur, sup-  
posititia & adulterina iudicantur: nam tum  
ea Aristæus poëta, tum alij cõposuisse ferun-  
tur. Fuit autem Aristæus is qui uariã carmi-  
ne scripsit historiã, quam Heroicõn theoga-  
miõn inscripsit, libris multis digestã: & præ-  
ter hæc alia edidit soluta oratione. Sed de Pi-  
sandro sequamur, quæ in tantum atrabilis uæ-  
sania correptum fuisse legimus, ut sibi cõtinuè  
timeret ne suæ ipsius umbræ occurreret: ani-  
ma enim se uiuens destitutum existimabat. Me-  
mini certè ego, quod & tu fortè Piso, me ho-  
minem aliquando Ferrariæ in patria huiusce-  
modi uesania ac furore percitum uidere, cui  
cũ philosophi & medici pleriq; in primisq;  
Leoniceus noster, firmis rationibus & ar-  
gumētis id fieri nullo modo posse ostende-  
rent, ut quispiã sine anima uiuere, nedum lo-  
qui

qui posset (is enim nonnihil in literarum studiis antea uersatus fuerat) rationes ille quidem sibi alias omnes propositas probabat: cum uero argumentationis conclusio afferebatur, id totum ille pertinaciter pernegabat. Et meminij, inquit Piso, et mira res profecto: sed ut a medicis audio, eiusmodi egritudines plerumque extrabili euenire solent. Cui ego: Sic est, inquam, Piso: nam & ab his ipsis medicis infinitae & penne innumerabiles eius morbi species traduntur. Nolim uos tamen ignorare, his missis quae nostri non sunt instituti, Pisandrum hunc ipsum quem modò timidiorē & furentē dicebamus, non ab aliquibus poetam existimatū, sed bellicū quempiam hominem et militem, statura magnū, qui lucri, non uirtutis causa, militare artē exercebat, cuius & conū & supercilia ridet Aristophanes. Hic cum uiriliter nec esset nec fortis, ut tamen uideretur, armis insignibus & exculpis utebatur, triplicique cono & insigni, quā *τριλοφίαν* Graeci uocauere: à quo est id, quod Graecis tritum est uetustate prouerbiū, Pisan Prouerb. dro timidior. Iam satis, inquit Piso, ne propositū mittamus. Nec uobis id, inquam ego, praeter re audiuisse fuerit, sic enim & graecū Suidae exemplar castigabimus, ubi legitur, *Πισανδρος λειότερος*, uos *Πισανδρος δειότερος* legeris, & rem simul parū Latinis obseruatā uobis attulerim. Fuit uero & alter Pisander Lalandæus poeta, poetæ Nestoris filius, de quibus

**Euenus.**

alibi agendum. Erat post hæc in hac tabulæ parte imago Eueni, qui fuit elegiarū poëta, eius Philisti magister qui secundū præcepta artis oratorię historias cōscripsit. Huius certè Eueni uersus citat Aristoteles, cum de consuetudine agit, quam aliam quasi naturā esse existimat. Extant in Gnidiam Venerē duo eius epigrāmata, item alia in Myronis uaccam. Duos tamen Eueni nomine fuisse reperio apud Suidam & Val. Harpocratiōē, & ambos quidem elegiographos, id qđ Harpocratiō comprobat ex Eratosthenis in chronographijs autoritate, eosdemq; ait fuisse ex Paro insula. Meminit & eorū alterius diuus Plato, etsi in uulgatis codicibus inuersē atq; præposterē aliquando legitur. Meminit & Max. Tyrius in quodā sermone de Socrate loquens, quem ait ab Eueno poëticam comparasse. Est & apud Ausonium in quadā epistola huius poëtæ nomen perperā, ut puto, scriptū: ita enim legendū existimatur: Quid Euenū, quem Menander sapientē uocauit? Citat & Euenus ab Artemidoro lib. primo *ὀνειροκριτικῶν*, in amatorijs ad Eunomiū, ubi ait camelū appellari quasi *κάμμηρον*, ab inflexu uidelicet femorū, quasi *κάμπτει τοὺς μηρούς*. At uerò hi mihi desipere uidentur qui Euenū poëtam in amnē Lycorbā demersum fluuiio nomē dedisse autumant, cum ex Eustathio & Porphyrio alijsq; res aliter habeat. Est quoq;



quoq; apud Dionysium Halicarnass. in primo historiarum Eueni nomen in Eusenum commutatū, ut quidā falsò putant, cum eo loci potius, ut uobis alio loco dicā, Simulus legendū sit. Verū iam Eueno misso, ad Tyr- *Tyræus.*  
tæum conuertamur, cuius hac in parte fuit imago. Poëta uerò Atheniēsis fuit Tyræus, sed à Spartanis urbe donatus, atq; ea causa puto à scriptoribus Spartanus et Lacedæmonius interdum dictus est, ab alijs nescio qua ratione Milesius. Plutarchus uerò in Musica Mantineū facit: tanta est plerunq; eadem de re scriptorū uarietas. Fuit in primis Tyræus elegiarū poëta, et tibicen, ut ex Lycurgi oratoris autoritate testatur Harpocraton. Patrem Archembrotū habuit. Deformis ipse fuit aspectu, & claudus: eum & luscū describit Porphyrius. Inter uerò antiquiores poëtas connumeratur, & ætate penè par septem sapientibus, hoc est xxxv. Olympiade. Scripsit elego, & heroico carmine per multa de Lacedæmoniorū repub. item hypothecas, bellicos cantus, libris sex, & Euno-  
miam quam uocauit, quo in opere se Lacedæmoniorum ducem fuisse ait, cum contra Messenios pugnarent: cuius quidē belli causa fuerat, quòd Spartanæ uirgines Messenij ad ædem Dianæ uiolauerant. Historiæ meminit Strabo, à quo & eius uersus de eo uicēnali bello afferunt, Pluribus eam in Messe

niacis Pausanias exequitur. Iustinus ex Trogo Tyrtaum ait Lacedæmonijs belli ducem ex oraculo datum fuisse ab Atheniensibus, cum iam Lacedæmoni ipsi ter fusi fuissent. In contemptū uerò datū ait Pausanias, erat enim ludi literarij magister Tyrteus, & claudus, ut modò dixi: nec insuper Atheniensium desiderium fuerat, ut Messenios Lacedæmoni uincerent, at suo Tyrteus carmine militum animos ita inflammauit, ut ex ea pugna insignem facile uictoriam reportarit. Præter suprâ citatos autores, huius etiâ historiæ Aristoteles et Oros. meminere. hinc illud opinor Horatij:

*Tyrtaeusq; mares animos in martia bella*

*Versibus exacuit.* quod Porphyriō & Acrō animaduenterūt: ut eorū magis sit supinus et ferula castigandus error, qui Dircaū pro Tyrtao in eo Horatij uersu reposuerunt. Pausanias, ut est apud Plutarchū, cū interrogatus aliquādo fuisset, quā ob causam Tyrtaū Lacedæmoni urbe donassent, respondisse dicit, ne externus, inquit, nobis imperaret. at uerò Leonidas rogatus qualē ipse poetā Tyrtaū crederet: bonū scilicet respondit, quod iuuenū animos ad pulchra honestaq; inflāmaret. scribit hoc idē Plutar. in eo qui inscribit, *Quenā* inter animalia prudētiora, terrestria ne an aquatilia. tametsi aliter idē in apothegmat. Vtiq; fuisse hoīem Tyrteū egregiē probitatis facile ex Platone colligimus, etsi eū ut mētis im-  
impo-

impotē irriserunt Atheniēses, ut Heraclides et Diogenes scribūt. Sedem usque adeo Spartani Tyrtegi poematis afficiebant, ut cum hoste cōgressuri ea identidē repeterent. Scribit Philochorus & repetit Athenæus, Lacedæmonios, cum duce Tyrteō Messenios superassent, eum morē instituisse militarē, ut cum uel cōuiuia, uel ludos celebrarēt, inuicē Tyrtaei pyrrichā canerēt, et qui uictor fuisset premiū à Polemarcho, hoc est, à ludī principe, carnē acciperet. Trichoriā quoq; saltationē ab hoc poēta institutā autor est Iul. Pollux. Est aut Trichoria apud Lacedæmonios tripartita quædā saltatio, qua per tres hominū ætates, puerorū, uirorū et senū uti cōsueuere Lacōes. Atq; hætenus uobis de Tyrteō, nūc ad aliorū imagines me cōuerto. Fuit uerò et Chersifæ poētæ imago, qui cū Periādrolongo tēpore simultatē exercuit, tandē Chilone sequestre recōciliati sunt. meminit Plutarch. in sympos. Pausanias uerò in Bæoticis Chersifan ait Orchomeniū fuisse, eiusq; uersus adducit de Aspledone ciuitate: nullā tñ apud se eius poētæ memoriā extare scribit, nisi quòd Calliopus, eius ad Orchomenios meminerit, et qd Orchomenij ipsi eius uersus in Hesiodi sepulchro cōmemorent. Fuit et Prodicus Phocæus uetustus apud Græcos epicus poëta, cuius si nominis minus crebra mentio, carminis certē frequēs habetur. Scripsit enī

*Chersifas.*

*Prodicus.*

Minyada opus uariū, historijsq; multis ac fabulis refertissimū, ex quo Polygnotus picturarum nonnullarum sumpsit argumenta, ut docet Pausanias. Inter ceteros de Charonte hi sunt uersus:

*ὅς ἦτοί νία μὲν κούάμβατορ, ὡς ὁ γέρας  
πορθμοῦς ἦκε χάρωρ, ἔκ' ἑλλαβορ ἐν Δοθρὺν ἱρμῶ.*

Minyados præterea mētio ubi de Meleagri & Althææ fabula, item de Amphione apud inferos pœnas dante. Alius uerò ab hoc fuit

*Prodicus.*

Prodicus Ceus inter uetustos phyficos et sophistas connumeratus. Eius nota est Herculis pueri uirtutis et uitæ historia, qua dere in Hercule nostro. Huius quoq; Euripides discipulus fuit. Fuit & Polycritus per hæc tēpora poëta, qui teste Aristotele, in lib. de admirandis in natura (quæ quidem librū uideo à plerisq; inter Aristotelis legitima opera reponi) Siculorum gesta uersibus perscripsit: atq; in ijs præter alia de lacu quodam Siciliæ ita tradidit, ut se in gyrum instar clypei uoluat, cuius aquæ hauſtu homines mirum in modū crescere dicuntur. Eundem Polycritum alibi idem Aristoteles diligentē & accuratum autorē uocauit. In hac tabulæ regione quosdā philosophos & poëtas excellen-

*Polycritus.*

*Xenophanes.*

tes conspeximus, inter quos Xenophanes, cui Phyſico cognomen fuit, patria fuit Colophonius, ut Cicero & Strabo testantur. L. circiter Olymp. clauit, ut est apud Eusebiū, qui

qui & aliubi Eleaticæ eum sectæ inuentorẽ  
fuisse scribit. Multa uerò in philosophia car-  
mine perscripsit, inter quæ opus duũ mil-  
lium uersuum. Extat quod legi apud Athe-  
nẽum ipsius elegidion, item carmina quam-  
plura cum apud alios, tum apud Simpliciuũ  
Aristotelis interpretẽ. Illud utiq; Xenopha-  
nis carmen ualde celebratur à Theodoro to  
Cyri urbis pontifice:

ἐκ γῆ γὰρ πάντα, καὶ εἰς γλῶ πάντα τελευτᾷ.  
quod sic latine uertit aliquãdo ex tempore  
Pice pater tuus:

*Ex terra cuncta, atq; in terram cuncta recumbunt.*

Leguntur & apud Suidam elegiaci quidã ip-  
sius uersus, de eo quod aliquando aliud ip-  
sum factum est, hoc est, περὶ τοῦ ἄλλοτε αὐτὸν γε-  
γενῆσθαι. Afferuntur & eiusdem uersus à Cle-  
mente Alexãdrino in stromatis, atq; item ab  
Eusebio de uno deo, quos ideo uobis recita-  
bo, quòd in xiiij. de præp. euangel. latino co-  
dice desiderantur, ut alia pleraq; prætermis-  
sa ab interprete. Versus hi sunt, oppidò scitu  
dignissimi:

εἰς θεὸς ἔντε θεοῖσι καὶ ἀνθρώποισι μέγιστος,

ἔντε δέμας θνητοῖσι ὅμοιος τ' οὐδὲ νοῦμα.

Vel si latinos uultis, accipe sic à me factos:

*Inq; deos, Deus, inq; homines est maximus unus,*

*Non intellectu similis nec corpore nobis.*

Origenes uerò in libro qui Philosophumẽ-  
non inscribitur, omne Xenophanis in phi-

loſophia inſtitutū paucis ſic explicuit: Xeno-  
phanes, inquit, Colophonius Orthomeni ſi-  
lius, omnium rerum incomprehenſibilitatē  
eſſe dixit, & ſolē ex paruis igniculis coaluiſ-  
ſe, et quotidie fieri: & terram eſſe infinitam,  
& neq; ab aëre neq; à cœlo contineri: inſini-  
toſq; ſoles & lunas ex terra fieri. Salſuginem  
quoq; maris fieri ex mixtione terræ exiſtima-  
uit, idq; ea ratiōe colligebat, quòd in medio  
terræ, & in montibus, concharū teſtæ inue-  
niātur: & in lapicidinis, quæ ſunt prope Sy-  
racuſas, inuenta eſſent aliquando piſciū &  
phocarū figuræ. In Paro quoq; inſula lauri  
imago in profundiffima marmoris uena.  
Hæc quidē ille: quæ quoniā Latinis noſtris  
hominibus parū nota ſunt, ea ideo hoc uo-  
bis loco utcunq; expoſui. Dicerē, tum inquit  
Piſo, ut de cæteris philoſophis itidē faceres,  
quos in tabula piſtos eſſe dixiſti, niſi uererer  
ne in longum nimis huius diei ſermonē tra-  
heremus. Nihil certē, inquam, quod ad tabu-  
lam pertineat, quantum in me fuerit, præter-  
mittam quin referam, atq; in primis ea quæ  
ad poëticā pertinent. Sanè Diogenes, à quo  
Xenophanis uita deſcribitur, eum contra  
Homerū & Heſiodū iambos & elegias ſcri-  
pſiſſe prodidit, ut ideo eum uix dignū putē,  
ut inter poëtas connumeretur: quo fit ut re-  
ctē putem illi Hieronē reſpondiſſe, cum ei ali-  
quādo Xenophanes dixiſſet, ſe uix famulos  
duos

duos alere posse: Iure quidem, at Homerus, cui tu detrahis, plures q̄ decem millia etiam mortuus alit. quod scribit Plutarchus. Multa tamen constanti hominē ac fortitudinis fuisse accepimus, adeo ut mortuos filios suis met ipse manibus sepulture mādaret, ut Demetrius Phalereus autor est. Præter ea quorū superius meminimus, de Sillis quoq̄ poemata scripsisse tradit Strabo. Quale uerō carminis genus sint Silli, uobis in primi diei sermone abundē, ut opinor, declarauimus. In hoc quidē Sillorū genere, ut Gellius & Diogenes & Stephanus tradūt, scripsit & Timō *Timora.* Phliasius ex Pyrrhonis secta, ut Athenęus et Suidas referunt, quod opus libris tribus digestū, σίλλοι ἤτοι ψόγοι τῶν φιλοσόφων inscripsit, in quos cōmentaria se edidisse ipsemet testatur Diogenes. Ex Timonis Sillis cū alijs per plures, tum Sextus Empericus, Plutarch. & Gellius carmina citant. Sed huius Timonis uitā luculēter satis in nono colligit Laërtius. Floruit uero Philadelphi Ptolemęi tēpore, ut ex eius iābis facile nosse dat. Patrē quidē Timarchū habuit, inter Phliasios hominē nō satis locupletē, anteq̄ philosophię operā nauaret. Tripudijs ac saltatiōib. est delectatus. Scripsit præter quę diximus, Cingdos, Pythonē, Dalmas, tragœdias insuper et comœdias & satyras usq̄ ad uersuū xx millia. Ea insuper fuit pictoris industria, ut in tabulis ita depictus

fuerit hic Timō, ut omnibus infensus esse uideretur, ea certē quando fuit natura, ut omnibus malediceret, nulli parceret, præterquā Pyrrhoni, & ut aliqui scribunt, præterquam Democrito et Xenophani, de quo modò egimus, quē in secūdo et tertio libro in modū dialogi loquentē induxit. Ipsum uero Timonem hoc loco retulimus, quoniam id nō ab re uisum est, cum de Sillis nobis mentio incidisset. Cedo, inquit Piso, reliqua, te enim libētē audimus. Tum ego: fuit et alter, inquā, Timon, qui quōd humanum genus exosus fuerat, uulgō *μισάνθρωπος* cognominatus est, ut Lucianus & Suidas tradunt. meminī & cum alibi M. Cicero, tum in Lælio: meminit item Plinius et Pausanias: cuius quoq; nominis titulo Luciani dialogus legitur. Fuit hic quidem Atheniensis, ut Plutarchus scribit, belli Peleponnesiaci tēporibus, ut ex Aristophanis & Platonis carminibus colligitur: describitur enim in eis osor & inhumanus, & hominum congressus fugiens & colloquia, præter unius Alcibiadis, qui ea tempestate adolescēs erat, & lingua maximē promptus, hunc Timō libētissimē amplectebatur exosculabatq;: interrogatusq; ab Apemantio, quid ita faceret, respōdit, ideo quōd adolescentem eum intelligeret multorum malorum Atheniensibus causam futurū. Consuetudinē quoq; Apemanti nonnunquā non asperna-



spernabatur, quòd is similis ei esset, & eosdē sectaretur mores. Cum unà enim aliquādo cœnarent, & simul essent, ô pulchrū, inquit, ô Timon nostrum conuiuiū. Apemanto respondit Timon, scilicet si tu non adesses. Est etiam proditū Timonem semel in concionē processisse, silentioq; factō & expectatione, utpote quòd insolitū id esset, dixisse: Est mihi, ô uiri Athenienses, post ædes non multū horti, & in eo ficus coaluit, è qua iam permulti ciues suspendio uitā finire, in eo ego loco sum ædificiū facturū: qua ex re publicè ad uos referre cōstitui, ut si qui sunt ex uobis, qui uitam suspendio finire uelint, antè id agant, quàm arbor succidatur. Mortuus uerò est Timon, & in maris littore sepultus: at mare succrescēs, & sepulchrū ambedens, adiutū eius remouit. Erant in sepulchro hæc carmina inscripta, quæ quidem ipse Timon antequam è uita decederet, sibi fecisse proditū est:

*ἔνθα δ' ἀπορρήξας ψυχὴν βαρυδάμωνα κείμαι,  
ὄνομα δ' οὐ προσύδα, κακοὶ δὲ κακῶς ἀπὸλοιδοί.*

quæ malè, ut uidetur, sic Aretinus transtulit:

*Hic sum post uitam miseramq; inopemq; sepultus,*

*Nomen non quæras, di lector te malè perdant.*

Leguntur & græca in Timonem quædā alia epigrammata Egesippi Prolemæi, Leonidæ & Callimachi, quæ sunt in tertio epigrammatū uolumine. Memorabilis etiam huius

Timonis ea est sententia. Aliquando enim interrogatus, cur omnium esset hominū osor, respondit, τὸς μὲν πονηρὸς σὺλόγως μισῶ, τὸς δὲ λοιπὸς ὅτι ὁ μισῶσι τὸς πονηρὸς. Malos, inquit, iurē odi, cæteros uerò quòd non malos oderint. Sed iam plus fatis: in uiam redeo, nonnihil enim à proposito deerrauimus. Post Xenophanem erat Parmenides Eleates Pyretis filius, qui, ut Themistius & Laërtius tradunt, eius quem modò narrauimus, Xenophanis discipulus fuit: ut uerò Theophrastus; Anaximandri. Vniuersum hic existimauit unum esse sempiternū & ingenitū & globosum, ut scribit Origenes: ignem et terrā dixit uniuersi principia, terrā quidem ut materiā, ignē autem ut causam, & ut efficiens. Plura hac de re apud Diogenē, in eius uita legeris, nec pauca apud Simpliciū cum aliubi, tum in primo Physicę auscultat. Aristotelis. Suidas Parmenidis successores Empedoclē ait & Zenonē. Diuus Plato dialogū huius philosophi nomine conscripsit de uno rerū omniū principio, in quo omnem cōplexus est theologiā: in eo quidē dialogo Parmenidis citātur poëmata. Scribit Cælius Aurelianus in libris artis medicę, quos Chronion inscripsit, Parmenidē de natura scripsisse: Euentu, inquit, cōceptionis molles aliquādo seu sub actos homines generari, cuius, ait, q̃a gr̃cū est epigrāma, & hoc uersibus intīmabo: latinos

tinus enim, ut potui, simili modo composui, ne linguarum ratio misceretur.

*Fœmina uirq; simul Veneris cum germina miscent,*

*Venis informans diuerso ex sanguine uirtus*

*Temperiem seruans, bene condita corpora fingit.*

*Nam si uirtutes permixto semine pugnent,*

*Nec faciant unam permixto semine Diræ,*

*Nascentem gemino uexabunt semine sexum.* Sub-

iungit Cælius, uult enim seminū præter materies esse uirtutes, quæ si se ita miscuerint, ut eius corporis faciant unā, congruā sexui generēt uoluntatē: si aut permixto semine corporeo uirtutes separatę permanserint, utriusq; Veneris natos appetētia sequat̃, hos Græci, ut idē Cæl. tradit, *μαλθακὲς* uocāt, id est, ut idē interpretat̃, molles & subactos. Sed hac de re satis. Scripsit præterea Parmenides mundi opificiū, hoc est, Cosmogoniā, ut in Erotico à Plutar. tradit̃, quo in opere Amorē decorū omnium primū ait. Hoc ipsius est carmē:

*πρώτιστον μὲν ἔρωτα δέωρ μνησατο πάντων.*

Scripsit itē de elementorū generatione, hoc est, *στοιχείων*, ut legimus in eo qui est, de audiēdo, Plutarchi. Celebrat et naturales hymnos Parmenidis Menander rhetor. Sunt & apud Simpliciū & Bessarionē quamplurimi Parmenidis uersus: sunt et alij apud Plutarchū eo loco, quo philosophiā prius uersibus descriptā asserit, q̃ soluta oratione. Et cū his poetis philosophis fuit Anacharsis Scythæ,

*Anacharsis*

patre Gnyro, matre uero græca, quod genus hominū Hybridæ uocantur. Fratrem habuit Caduia, qui Scytharū rex fuit. Cræsi hic temporibus & Solonis floruisse traditur. Leges uersibus descriptas suis Scythiæ populis ferre uoluit, Composuit & alia permulta, quæ ad humanæ uitæ cultum pertinebant, uersibus octingentis. Rotam figuli, & anchorā, sunt qui Anacharsin inuenisse tradant: quod minimè uerū uidetur, qua de re in Nauigijs diligentius obseruauī. Initiatum præterea Anacharsin sacris Græcorū accepimus, atque ad centesimum usque annum uixisse, cum demum in patriam rediisset, sagitta in uenatione percussus interiisse. Anacharsis utique uocabulū deductum plerique autumant *παρὰ τὸ ἀνὰ καὶ χάρις*, quæ uox tum lætitiā tum gratiam significat. Sed de huius uita multa Diogenes, quædā Lucianus, Herodotus, Suidas, alijque. Solebat Anacharsis irridere imprudentes, de prudentibus iudicantes, ut Tertullianus & Laërtius scribunt. Adstabat propter hos & Empedoclis imago, Metonis filij, uel ut alij, Archinomi seu Xenetæ. Fuit uerò Empedocles Parmenidis discipulus, uel ut alij existimant, Xenophanis, ut alij, Telaugis Pythagoræ filij, ex Agrigento Siculus, tantæ uitiq; existimationis, ut ferè ab omnibus cole-retur, sic ut de illo canat Lucretius, cum de Sicilia multa locutus esset:

Nil tamen hoc habuisse uiro præclarus in se,  
 Nec sanctum magis & mirum, charumq; uidetur.  
 Carmina quin etiam diuini pectoris eius  
 Vociferantur, & exponunt præclara reperta,  
 Vt uix humana uideatur stirpe creatus.

Mira etiam prodit Iamblichus de Empedocle, quòd uentos scilicet, cæterasq; aëris motiones sifteret, ac propterea illi cognomē inditum ἀλξάνειαν, quòd uentos depelleret. Addit & Suidas, item Laërtius, eadē ratione πολλοσάνειαν eum uocitatum fuisse. Auream quoq; coronā capite gestasse accepimus, & in manibus stēmata Delphica, in pedibusq; amyclas (genus id calceamenti à Græcis dicitur). Tanto uerò diuinitatis desiderio ambitiosus æstuauit, ut se noctu in crateras Aetnæ deiecerit, ut in deorum numerū repente tralatus à populis crederetur: id qd ab igne reiecta calciamenta, frustra ab eo tentatum ostenderūt: unde ridendi præstita est Luciano occasio in Icaromenippo. Scripsit Empedocles de rerum natura carmine libros tres, aliaq; non parū multa, quæ cum ab alijs afferunt, tum à Pachemero philosopho in Aristotelis Ethica, & à Sophronio in ijs quæ de anima scripsit, item in primo Physicorū Aristotelis à Simplicio, & ab alijs. Hymnos insuper naturales cōposuit, ut à Menandro rhetore proditū est. Nantes uerò scribit Pythagoricos usq; ad Philolaum & Empedoclem

ad sermonum arcanorū communionem ad  
mitti solitos: ubi uerò ipse poëmata illa uul-  
gare cœpit, ab his latam esse legem, ut inde  
uersificator omnis arceretur. Idem & Pla-  
tonem pertulisse ferūt. Sedenim idem quoq;  
Neanthes & tragœdias Empedoclis se ui-  
disse testatū reliquit, quas quidē tragœdias  
alterius Empedoclis Heraclides Serapionis  
fuisse existimauit, Aristoteles tamen Empe-  
doclis legitimas credidit. Porro Aristoteles  
idem in libro de poëtis, Empedoclem ait e-  
tiam Xerxis Persarum regis transitū in Græ-  
ciam scripsisse, & in Apollinem proœmium,  
quæ poëmata postea igni tradita dicūtur ab  
illius sorore, seu filia, id quod & Hierony-  
mus græcus scriptor asserit: & Persica quidē  
ab eo prudente scripta, & imperfecta, proœ-  
miū uerò ab imprudente scilicet. Pythagoræ  
etiā palingenesiā credidisse Empedocles ui-  
detur, id quod clarissimè ex ipsius uersibus  
perspicimus, quibus ipse se stirpem, piscem,  
puerum, atq; uirginem fuisse cecinit. Versus  
quos cum aliubi, tum apud Origenem in li-  
bro philosophumenon comperi, recitabo:

χαίρειτ' ἐγὼ δ' ὑμῖν θείας ἀμβροτῶ, ὅν ἐτι θνητὸς,  
ἦδη γάρ ποτ' ἐγὼ γινόμενον κερήτι, κορὸς τε,  
θαμνὸς τε, οἰωνὸς τε, καὶ ἐξ αἰδὸς ἔμπορος ἰχθύς.

Sed quid uetat, ut hos uobis etiam ex tem-  
pore latinè referam?

Non ego mortalis uobis deus ipse, ualete,

Ille

*Ille ego qui quondam fueram uirgoq; puerq;*

*Atq; frutex, uolucerq; Et uenditus ex mare piscis.*

At uerò cætera quæ ad Empedoclis uitam attinent, apud Laërtium cum tempus erit legetis, nunc urgent reliquæ poëtarum imagines, quæ plurimæ restant. Fuit tamen & alter Empedocles prioris ex filia nepos, qui quatuor & uiginti tragædias docuit. Est apud Græcos prouerbium, cuius & Lysias orator meminit, in eos qui constanter in aliquos inimicitias continuât, Empedoclis inimicitia, uel simulas, id est *ἔχθρα*, quod ab horum utro manarit, mihi utiq; incòpertum.

*Prouerb.*

Sed ad alios iam noster sermo uertat. Fuit et Agathon Samius poëta nō ignobilis, cuius cum alij sentētiās laudant, tum Aristoteles, qui ad Nicomachum in Ethicis eas nō inuitus adducit, ut cum factū non factū esse, ait non contingere, & rectè, inquit, Agathon,

*Agathon.*

*Hoc etiam ipse Deus soloq; carere uidetur,*

*Infectum ut faciat quod factum est.* Idē cum alibi ostendit circa eadem uersari artem et fortunam, ut præclarè, inquit, Agathon:

*Nanq; ars fortunam, fortunāq; diligit artem.*

qui uersus tamen græcè senarius est. Huius poëtæ meminit & Athenæus, & Theophilus grammaticus in Lexico. Alterum inter Tragicos, Agathona enumerat Suidas, qui poëta fuit splendidus & liberalis, cuius etiam meminit Aristophanes. Platonis uerò

præcipuus fuit amicus:quin & in ipsius Agathonis edibus symposium celebrasse sunt ex Platonis sectatoribus qui affirmant. Agathon uerò præter Tragædias, & Comædias quoq; scripsisse dicitur, cuius fabula quæ αἰ-  
 Ⓢ, hoc est, flos, inscripta fuit, ab Aristotele celebratur in Poëtica, in qua quidem fabula multa recondita erant, et tanquã fabularum inuolucra. Eiusdẽ & in libello eodem aliàs meminit, item Lucianus in Rhetore. Scribit uerò Philostratus in Gorgiæ uita, Agathonem qui uersuum elegantia plurimũ æstima-  
 tus fuit, in iambicis carminibus Gorgiã ip-  
 sum imitatum fuisse, hoc est, ut ille græcè scri-  
 bit, γοργιάσειν. Sanè in Symposio Xenophon Agathonis meminit poëtæ, & à Pausania a-  
 mati. Fuerat & in hac tabulæ parte Scythi-  
 nus poëta egregius, qui, ut Stephanus in li-  
 bro de urbibus scribit, Teius fuit, hoc est, A-  
 nacreontis conterraneus. Laudantur inter  
 cætera eius scripta Iambi, & quæ in Scotinũ  
 Heracletũ scripsit, ut Laërtius Diogenes ex  
 Hieronymo retulit. Erat & Panyasis poëtæ  
 imago, qui à nonnullis ita laudatus est, ut eũ  
 post Homerũ statim in poëtarum numerum  
 referant: alij post Hesiodũ & Antimachum,  
 quem ipsius Panyasis familiarem & discipu-  
 lum plerique prodidere. Fuit ergo Panyasis  
 Halicarnasseus nõ solũ illustis poëta, sed  
 & bonus prodigiorum interpreter, hoc est, ut

Græci

Scythinus.

Panyasis.



Græci dicunt, *τιρατοσκόπος*, id quod Artemi-  
dorus in libris *δνειροκριτικῶν* testatur, qui eius  
somnia interpretamenta citat. Fuit &  
ut à nonnullis traditur, Herodoti historici  
patruelis, siquidē Herodotus Lyxo, Panya-  
sis uerò Polyarcho Lyxi fratre natus. Alij  
Rhæo matrē Herodoti, Panyasis sororem  
fuisse putant, quidam Lyxen. Duris tamen  
Diocleum Panyasis parentē prodidit, & pa-  
triam Samum. Vixit uerò Panyasis Lygda-  
midis temporibus, qui tertius post Artemi-  
siā Halicarnassi rex fuit. Pisindelidis enim Ar-  
temisiæ filius, Pisindelidis uerò Lygdamis,  
Olympiade circiter LXXVIII. tamen si qui-  
dam eum antiquiorē faciunt. Iste est, inquit  
Piso, Panyasis, qui de Herculis laboribus  
multa perscripsit, à quo, ut legi, & Græci &  
Latini poëtæ multa decerpserunt, cuius no-  
men in plerisque Quintiliani, & Hygini, alio-  
rumq; codicibus inuerse legitur. Ille, inquā,  
Piso ipse est quem dicis, & quē Eusebius eo  
tempore floruisse scribit, quo apud fluuium  
Cremeram Fabiorū familia penè deleta est.  
Opus uerò quod ipse ais, ille Heraclæa in-  
scripsit, & xiiij. uoluminibus digessit. Scri-  
psisse illum præterea accepimus quæ Ionica  
dicta sunt uersu pentametro, item de Codro  
ac Neleo, deq; Ionicis coloniis ad septē usq;  
millia uersuum. Verū & illud de Panyasi li-  
bro Dipnosoph, secundo tradit Athenæus,

quod de potandi lege dicere solebat, quòd scilicet primum poculum Gratijs, Horis, & Dionysio dicatū sit, secundū Veneri ac item Dionysio, tertium iniuriæ & damno. Sed de hac poculorum & conuiuij lege, et quot crateres in conuiuij, & quia nos aliàs plura ex Pīndaro, Sophocle, Eubulo, Aeschylō, Laërtio, Apuleio, Gellio, Suida, alijs, in nostris obseruationibus collegimus, et simul ne, quod dici solet, aliud agamus, satis in præsentia. Sed tamē, inquit Piso, istę digressiunculę audientibus gratę iucundęq; esse solent, quodā enim quasi diuerticulo colloquentiū animi recreātur: nolim propterea tamen sermonē interpellemus, si non et interpolemus. Sic ergo, inquā, uobiscum agā, parcē tamen, cum uidelicet obrepserint res, quę commodē orationi nostrę succedāt. Et simul inquā: Igitur post Panyasim in tabula Theognidis imago uidebatur, cuius quidē poētę nōstis q̄ ab honestis probatisq; scriptoribus, honestē probeq; fiat mentio: sed eam unā non pręteribo, quę est in Aphithoni progymnasmatibus: Nō passus est, inquit, diutius poēsin accusari Theognis: pro commentitijs enim fabulis admonitiones atq; paręneses excogitauit. Nam cum uideret poētas ut plurimū fictas fabulas narrare, eas ipse negligēs, sententias propositaq; induxit, quo modo rectē & honestē uiuere oporteat, atq; ita cum carmine gratiam

*Theognis.*

gratiam seruauit, subiectæ uerò rei emolumentū attulit. hæc ferme ille. Fuit ergo Theognis Megarēsis ex Sicilia, quod scribit Plato: idem quoq; Theognis ipse in eo qd adhuc legitur poemate elego ad amicum Cyrnum. Natum uerò tradunt LIX. Olympiade. Val. Harpocraton Megarensē facit ex Attica: nititur eo ipsius carmine, quo se profectum ait in terram Siculam:

*Ipse ego cum ueni Siculæ telluris ad oras.* Scripsit præter eam quam modo citauimus ad Cyrnum elegiam, quæ γυναικα, id est, sententiæ inscribitur: de Syracusarū obsidione: item paræneses, sed eas nonnunquā obscænis amoribus inquinauit, unde & Athenæus ipsum inter eos cōnumerat qui uoluptatibus mancipati fuere, atq; eius quosdam uersus affert, hoc idem qui comprobant. Huius poëtæ carmina inter ea grammaticus Diomedes ponit, quæ Angeltica dicunt. Theognidis cum alijs, tum certè Basilus, Dion, & Isocrates meminere. Fuit & alter tragicus poëta hoc nomine. Adhærebat Theognidi Phocylides Milesius, ut scribit Stephanus, floruitq; eadem ætate qua Theognis, post Troiana uidelicet tempora annis plus minus DCXLVII. hoc est, Olymp. LIX. Cōposuit uerò & ipse gnomas et elegias, hexametrosq; nōnullos, quorum quædā quæ à Sibyllinis deprompta uidentur, appellauit Cephala. Extat quod

*Phocylides.*

*Marachus.*

legi Phocylidis poëma, quod Nutheticō inscripsit, id latinē licet dicatis admonitoriū. Carmina Phocylidæ ad regem instituendū plurimum conducere scribit orator Isocrates. Post hos & Marachus, qui & aliquibus Malachus dicitur, poëta Syracusanus fuit, qui, ut in quæstionibus prodit Aristoteles, eo maximē in conficiendis uersibus tempore præstabat, cum mente alienaretur, quod non suo ore, sed dei cuiusdam loqui uideretur: quæ res si uobis minus credenda uideatur, eam apud ipsum Philosophū, cum ociū fuerit, relegemus: eam em̃ ipsam rem, eiusq; causam, ut est naturæ diligentissimus interpret, perscrutatur. Illud tamen mihi mirandum magis uidetur, quod est à Synesio proditum, per somnum posse etiam aliquē poëtam fieri, idq; per sua tempora contigisse affirmat. Idem ait & Plutarchus de Socrate, quem per insomnia quædā poëticæ aptum inuentum scribit. Sed & Artemidorus libro *ὀνειροκριτικῶν* iij. cap. xxv. ait senouisse quendam, qui cum somniasset se sinistra scribere, euaserit in poëtam *γλοῖων ἀσμάτων*, hoc est, poëmatum ridiculorum: quibus ego quantum hac parte credā, non faciliē dixerim: nisi id fortassis ipsi senserint, quod de uaticinijs quæ per somnia fiunt Abamon Aegyptius ad Porphyriū edisserit, uel id potius quod soleant in somnis aliquando poëtæ uersus facere,

facere: id quod ipse non abnuerim, cum sibi id accidisse uir & notæ probitatis & fidei, M. magister meus olim mihi nec semel affirmarit, eosq; ipsos quos fecisset uersus recitarit: quod postea & alijs cōtigisse & audiui & legi: ut hoc loco fabulosa Hesiodi, Enniiq; somnia, à nobis suis locis exposita, mittamus, quibus illos poëtas euasisse literarum monumentis est proditum: & quæ de Melesagora Eleusinio, qui Athenis nullas artes edoctus, ut à Max. Tyrio scribitur, à Nymphis inspiratus & uates et sapiens euasit. Sed huiusmodi poëtarum & uatum miracula, si non potius prodigia atq; portenta, ut auditu iucunda, ita rarò contingunt, ut de Thynico quoq; Chalcidensi, cuius inter Lyricos ex Platone nō nihil meminerimus. Nunc igitur tabulæ ordinē sequar. Erat cum his poëta Phlegides, qui ut Themistius scribit, poemata quædam composuit, ita serie quadam annexa, nec ullis interpolata rebus, ut ratione ea facile quidē audirentur. Themistij uerba recitabo, ut sunt ab Hermolao Barbaro latinè reddita, Vt eīn, inquit, poemata Phlegidæ, quia nec personarū, nec narrationum disparilitate interpolantur, sed consequentia annexaq; sunt, & seriem quandam cohibilem continent, facile audimus, & properantes absolvimus. Hactenus Themistius, uel potius Hermolaus. Idem legimus apud Ari

*Phlegides.*

**Batalus.** stotelē, in eo qui est, de somno & uigilia. Et nonnulli Batalum etiam Ephesium per hæc tempora poetam fuisse tradidere lasciuorū quidem carminum, & mollissimorū poematum, à cuius certè mollitie in Demosthenem factus est cauillus, ut uulgo Batalus diceretur, id est, mollis. Alij ab Aeschine obiectū, idēq; dum esset iuuenis: senex uerò cognominatus Argas, à serpente quopiā. Alij nō poetam Batalū fuisse aiunt, sed tibicinem, ut Aristophanes, qui in eum, quod deformis esset distortiq; corporis, uersus composuit: Sunt qui negent huiusmodi Batalum fuisse: nam quo loco de eo Libanius Sophista meminit, hæc uerba protulit: quempiam fuisse Batalū tibicinem Ephesium, qui primus calceis muliebribus in scena usus est, et carminibus fractis, artēq; omnino emolliuit, ab eoq; dissolutos & parum uiriles homines Batalos dixerunt. Illud autem, carminibus fractis, quo modo nos uertimus, græcè habet, *μελίσσι κατεσθῆσι*. quidam membris fractis, decepti uocabuli proximitate, interpretati sunt. Thomas Magistri non tibicinem Batalum scribit, sed hypocriten, hoc est, histrionem, qui calceis muliebribus uteretur, ex quo cōuicium est in Demosthenē deductum. Harpocration uerò Valerius Batalum odiosum ait significare & turpem, quod & Suidas affirmat. Eupolis autem poeta Batalum podicem

cem significare innuit, & cinædos ac pathicos ideo Batalos uocitatos. Attici quidem pudendorum partem, quæ honestè nominari non potest, Batalum uocant, ut Plutarchus autor est. Meminit & Lucianus Batali, in eo, qui ad indoctū ementem libros inscribitur. Rhetor quoque Hermogenes, ubi de mansuetudine, et ubi de grauitate orationis ac ironia agit, Batali mentionem facit, eumq; Pæanieum fuisse ostendit, à populo uidelicet Atticæ tribus: Oenomaumq; Batalo opponit, quòd hic graue quiddam & tragicum haberet, ille molle & nihil uirile. quibus uerbis fuisse alterum crediderim hunc Batalum, cum priorem ex Libanio Ephesium fecerimus. Sunt qui in Vergilianis poematijs pro Bataro Batalum reponant: ego nihil statuo. Porro & Battum poemtam legimus, qui cum ineptior esset, statuas & simulachra hymnis ac nerfibus longioribus celebrabat, crebriusq; eadem inculcabat, unde & βαττολογία uulgò à Græcis usurpata est, pro inepta garrulitate, ut in Lyricis pluribus dicemus. Cætera quæ de Bacelo, & Bataro à scriptoribus traduntur, huius non sunt instituti. In hoc uerò ridiculorum poemtarum numero Calliphanem Parabrycon-  
tis fuisse tradit Athenæus & Suidas. Fuit uerò ostentator, & multa se componere iactabat tum carmine tum soluta oratione,

Battus.

Calliphanes.

& tribus, aut ad summū quatuor uersibus  
 compositis, eos in doctiorum hominū co-  
 rona pronūciabat, ut eruditus & multiscius  
 esse uideretur: à quo prouerbiū in eos fa-  
 ctum est, qui eiusmodi ambitione aguntur,  
 quorum similiū hac quoq; tempestate non-  
 nullos ego & uos nouisse potestis, quorum  
 nominibus parco, ut & uos ab eo uitio, qui  
 adhuc estis in uiridiorē ætate, caueatis. Sed  
 nos institutū sequamur. Per ea tempora qui  
 bus floruit Socrates, hoc est, circiter Olym-  
 piadem octogessimā quintā, Hippias Eli-  
 ensis sophista claruit, quem etsi duobus dia-  
 logis Plato ridet, hoc est, cum de pulchro, et  
 mendacio differit, nihilominus inter tabulę  
 imagines pictus uidebatur. Cum ita dixis-  
 sem, & aliquandiu respirarem, meq; ipse col-  
 ligerē, sic Piso: Qua tu, inquit, ratione id fa-  
 ctum reris, ut si sophista fuit Hippias, inter  
 poetas sit cōnumeratus? Nam & Lucianus  
 in Hippicę balneo, & Philostratus, si rectē me  
 mini, eum quidem rhythmis ac Musica dele-  
 ctatū aiūt, non poëtica. Idē M. Cicero, idem  
 Quintilianus, Ammianus, Apuleius, Dion,  
 alij. Cui ego cum paululum respirassem: Ve-  
 rum, inquam, quod ais Piso: sed si quæ de il-  
 lo Socrates apud Platonē dixerit, audieris,  
 nō ab re factum putaris, quod inter poetas  
 fuerit ascriptus: quare id ego, ut cunq; pote-  
 ro, Socratis uel meis potius uerbis recense-  
 bo, in



bo, in quibus liquidò amicam illam (quod ait Cicero) Socrati ironiā perspicietis. Cum igitur Hippia in arithmetica, geometria, & astrologia peritissimū Socrates dixisset, subiunxit: Agē inquam Hippia, perq̃ omnes disciplinas & scientias cogita, num ita an secus, atq̃ dixi, fuerit: inter alios enim mortales pluribus artibus emines, sicuti ego temetipsum laudantem audiui, quòd scientia scilicet, quadamq̃ amabili sapientia abundes. addidisti præterea, te aliquando Olympicum certamen adiisse miro quodā ornatu habituq̃ corporis spectandū, eaq̃ ipsa omnia ornamenta, quibus eras indutus, proprijs tuis te manibus confecisse, & quidem in primis annulum quem gestabas (hinc enim exorsus fuisti) tuum fuisse opus, quasi scalpendi & eius artis peritus esses. quinetiā & sigillum quoddā tuum opus ostendebas, & strigiles, & unguentarium uasculum, bæxas præterea, hoc est, calceamenta tuis consuta manibus: uestem quoq̃ & subuculam abs te contextam. quodq̃ longè mirabilius uisum fuit, & singularis tuæ artis & sapientiæ indicium, zonam aiebas eo in spectaculo ostendisse, opus perquàm simile Babylynycis Persicisq̃ cingulis: item poemata tua nonnulla & carmina, tragœdias, & Dithyrambos, atq̃ etiā orationes plurimas et uarias pedestri stylo compositas. ad hæc pericu

lum ante alios te fecisse dicebas in ijs artibus quas paulò antè commemorabam, et in rhythmis, & in harmonijs, ac in omniũ literarum studijs, cæterisq; id genus permultis, si modò rectè recordor. At uerò prætermiserã tuæ excellens memoriæ artificium, quo te pollere ante ceteros prædicas: atq; alia etiam fortasse sum oblitus. Hæc quidem Socrates in minore Hippia: sic enim dialogus Platonis inscribitur. eadem fermè & Apuleius in Floridis. Atq; hæc ipsa quidem satis ad nostræ tabulæ declarationem. Sunt ea quidem ut ais, inquit Piso, satis: sublucet tamen in ea, quam dixti, in Platonis dialogo, Socratis ironia, hoc est, rider Hippia potius quàm laudet: quare ad alios accede. Tunc ego: Duo, inquam, uelut philosophiæ lumina inter hos enitere uidebantur, Plato scilicet & Aristoteles, de quibus magis filere conuenit, quàm uobis aliquid dicere: uulgò enim etiam idiotis, quanti ij fuerint cognitum est. Pauca tamen, quæ ad eorum poëticam pertinere uideo, uobis pertingam potius quàm memorabo. Fuit ergo diuus Plato, qui Aristocles prius, mox Plato, uel à latis humeris, uel ab eius orationis amplitudine, uel à spatiosæ frontis æquore, nominatus, quidam tanquam philosophiæ Sol, hoc est, supernaturalium & cælestium rerum doctior sublimis, ita ut diuini cognomẽ meritò omnium con-

Plato.

consensu fit adeptus, adeò, ut de eo etiam illud sit proditum, quòd de uirgine matre Perictyone natus sit, quæ Apollinis compressa fuerit phantasmate. Verùm uos hæc melius ex Græcis. Aristoteles uerò tanquam *Aristoteles* Luna, hoc est, naturalium rerum, & eorum quæ in natura inferiora sunt, perscrutator acerrimus. Sed istud, inquit Piso, ideo nobis, quoniam duo philosophiæ lumina, dixisti, at sequere ut es pollicitus: hoc est, quæ carmina Plato scripserit & Aristoteles, nobis ostende. Cui ego: Scripsit, inquam, Plato admodum iuuenis dirhyrambos, dein mela, mox & lyricos uersus. Non uobis epigrammata nunc commemoro, quorum etiam nunc multa leguntur, cum in epigrammatum uolumine, tum etiam apud Diogenem & Athenæum, ut illud est in Archæanassam Colophoniam puellam, quam & amauit: mitto & quæ in Aëtera, & Agathonem, quoniam nota. Scripsit & maturior tragœdias: quæ omnia cum recitaturus in Dionysij theatrum ingressus Socratem audiuiſſet, uel ut alij dicunt, ab eo monitus, igne cremasse proditur, hæc identidem uerba repetens, Hic ô Vulcane Plato tua ope indiget. Ad quæ quidem uerba Ausonius alluſit in Epistola ad Symmachum: Quem tu, inquit, aut ut Æsculapius redintegrabis ad uitam, aut ut Plato, iuuante Vulcano,

liberalis infamia: meminit & huius rei Apuleius. Composuit & Plato elegias. Sed & inseruit plerunq; suis scriptis uersus, id quod & Hermogenes rhetor, ubi de orationis dulcedine præcepta tradit, obseruat, Platonēq; ait aliquando uersus & carmina suę orationi uenustē inseruisse, ut illud in Phædro:

ὡς λύκοι ἀρνὰ φιλεῖσ' ὡς παῖδες φιλεῖσι μὲν ῥαγάς,

Hoc est,

*Vt lupus ipse agnos, puerum sic ardet amator.* Idē alibi frequenter. Sedenim, ut sciatis, non uitiū semper datur uersus in oratione soluta, ut nostrorum pleriq; præcipiunt, quin illam sæpe uenustiorē facit, id quod cum alij, tum præcipuē Dionysius Halicarnassī. in arte sua rhetorica manifestē ostendit. Sed de Platone satis: de altero Platone Comico in ea tabularum parte agemus, ubi nobis sermo fiet de scenicis poëtis. Monuit me modò Socratis facta mentio, & ipsius gratissimus discipulus Plato, ut hoc uobis loco id significē, Socrates. & ipsum, quamuis non satis æquum poëtis, poëmata & carmina composuisse, qđ in Phædone Plato testatum reliquit: innuit & Plutarchus in eo qui inscribitur, Quomodo oportet iuuenes audire poëmata: unde, inquit, per quædam insomnia Socrates poëticæ aptus inuentus est. quod simile ferē uidetur eius, quod paulò antè in Malachio ex Synesio retulimus. Nuper quoq; legi So-

gi Socratis carmen, quod in suis Cœnis Athenæus attulit:

*οἷδε χοροῖς κάλλιπα θεῶς τιμῶσιμ' ἄριστοι.* hoc est,

Quiq; boni diuos rectè uenerantur ad aras. Huius ramen sensus est, quòd qui optimi sunt, choris pulcherrimè deos uenerantur. Sic, inquā, rectè. Meminit & hymnorū Socratis Apuleius & Suidas, qui eos in primis celebrat qui in Apollinem & Dianam sunt compositi: & fabulam etiam Aesopiam commemorat idem, & Plutarchus. At quis, quæso, Socratem minus poëtam putet, cum iam senex ipse, ut Fabius ait, lyra institui non erubuerit? Quæ cum dixissem, inquit Piso: Nūquid Aristotelis, quem & ipsum in tabula repositum dixisti, oblitus es? Non, inquā, sum oblitus, sed, ut dixi, Socratis facta mentio me parum deerrare fecit: iam nūcad ipsum redeo. Fuit uerò Aristoteles Stagiritēs Nicomachi

*Aristoteles.*

medici filius, qui ab Aesculapio originē traxisse creditus est: fuit, inquā, non modò omnis philosophiæ coryphæus, ut dicitur, magister, & Dialecticæ ac Rhetoricæ, uerum etiā in poëtica apprimè eruditus, seu artem spectetis, seu carminū compositionē. Nam duo primū de ea facultate uolumina composuit, quæ temporum, ut uidemus, iniuria periere. Mox alterum uolumen edidit, quod dimidiatum imperfectumq; nunc in studioforum manibus habetur. Scripsit & de Tra-

gædijs librum, & Homericarum ambiguitatum libros sex, & præter hæc Elegiarum librum ad Eudemum. Legitur & hodie eius elegia in Diui Platonis commendationem, quam & Bessarion in latinum conuertit, ex qua notissimus est ille uersiculus,

*Nulla ferent talem sæcla futura uirum.*

Scriptit & pæana in Hermiam eunuchum, quem *ἑρμιον* inscripsit, cuius concubinā adamauit, & diuino honore coluit, ritu Eleusinæ Cereris. Ammonius Aristotelis uersus celebrat, quos in Platonis ara affixit. Porphyrius item autor est, ab Aristotele commentarium conscriptum, cui titulus *Peplus*, in quo ducum qui in bello Troiano fuere genealogias complexus est: sed & nauium numerum, quin & in eos ipsos duces singulos epigrammata disticha adscripsit, uno excepto Aiace. Scripsit & ad Philoxenum carmen. Reliqua autem quæ multa de Aristotelis uita à Laërtio, Græcisque eius expositoribus, alijsque præterea, quoniam ad tabulam non pertinent, in præsentia relinquimus, & simul etiam quæ Trapezuntius contra Platonem, in Aristotelis commendationem, & quæ Bessarion contra Trapezuntium pro Platone, uterque multis uoluminibus scripsere. Legimus & alterum fuisse Aristotelem Cyrenaicum, qui de poëtica scripsit. Speusippum quoque  
Pla-

*Speusippus.*

Platonis sororis filium quidam poëtam fecere, ut Philostratus in Apollonij Tyanei uita, libro primo, quo loco & illum auidum pecuniæ, hoc est, ἱρασιχρήματος fuisse prodit, ut qui ad nuptias Casandri regis in Macedoniam profectus sit secum, afferens à se composita poëmata sanè frigida, quæ pecuniarū gratia publicè ille recitauit. Eundem & Laërtius in eius uita, inter cætera ait & uersus plurimos scriptitasse, sed non propterea ipsum inter poëtas commemoratum memini. Aristotelem uerò sequebatur Pyrrhon Eliensis, ille à quo Pyrrhonij, qui antea Sceptici philosophi dicebantur, cognominati sunt, id quod manifestè ostendit Sextus Empericus, in ijs libris, in quibus Pyrrhonorum dogmata subtiliter & ingeniosè complexus est: ait enim illum poëma Alexandro Macedoni obtulisse, à quo donatus sit decem aureorū millibus. Idem pater tuus Pice in ijs libris quibus Aristotelis placita infirmat, tamen non poëmatis ipse, sed libri mentionē facit. Sed cur de Pyrrhone plura: cum eius uitam Sextus & Laërtius diligentissimè literarum monumentis mandarint. Pyrrhonis uerò frequens mentio apud autores, Ciceronem, Plutarchum, Gellium, Eusebium, alios. Fuit & alter Pyrrhon Liparæus historiarū scriptor, cuius Plutarchus in Romanis quæstionibus meminit,

Pyrrhon.

*Antimachi  
tres.*

licet id nomen in latinum conuersis desideretur. Ab his tres Antimachi sequebantur, nam & alius creditur fuisse Latinus, qui ab Horatio ut cyclicus ridetur: non enim par esse putant aliqui, ut græcus Antimachus ab Horatio rideatur, quippe cum Græci ipsi, ut Oppiani interpretes scribit, sex per excellentiam & amplitudinem quandā poetas nuncupent, quartumq; inter eos locum Antimacho attribuunt. Sunt enim hi, Homerus, Eupolis, Hesiodus, Antimachus, Nicander, et Panyasis. Antimacho quoq; secundas in Heroico dedit Fabius Quintilianus: In Antimacho, inquit, grauitas, & minimè uulgare eloquendi genus habet laudē. Sed quamuis ei secundas ferè grammaticorum consensus deferat, & affectibus & iucunditate & dispositione & omnino arte deficitur, ut planè appareat, quanto sit aliud proximum esse, aliud secundum. Hæc, ut Piso tenes, scribit Quintilianus tuus. Non desunt tamen qui ex his ultimis Quintiliani uerbis Antimachum taxatum putent ab Horatio. Sed his missis, primus Antimachus Colophonius fuit, Hipparchi filius, grammaticus & poeta, quem à nonnullis Panyasis seruum existimatū, uobis paulò antè dixi. Stesimbroti uerò auditor fuit, & Platone aliquanto senior, quod cum alijs, tum Plutarchus ipse palàm ostendit in Lysandro. Nam cum,



cum, inquit, Niceratus Heracleota, & Antimachus Colophonius Lysandria poemata egissent, Lysander Nicerato coronā, Antimacho nihil donauit: quare Antimachus mœstitia affectus, scripta à se carmina aboleuit. at iuuenis adhuc Plato, Antimachi admiratus ingeniū, eum solari sic cœpit, quòd scilicet id est ignorantium uitium, ut meliora minus intelligant, ob cœcitatem scilicet & inscitiam. Proditum insuper est memoriæ, cum conuocatis auditoribus magnū suum illud opus legeret, & eum omnes præter Platonem reliquissent, Antimachum dixisse, legam nihilominus, Plato enim mihi unus est instar omnium. Thebais eius illud ingens celebratur opus, in quo adeò uerbosus fuisse traditur, ut antequā septem Duces circum Thebana mœnia induceret, xx et quatuor libros scripserit: atque ideo sunt qui uelint à Catullo appellatū esse tumidum. Fuit cum existimarē, quam apud Pausaniā commendat Calænus Thebaida, huius fuisse poëtæ, laudat enim ac si Homericū esset carmē, sed Pausanias ipse omnino dissimile iudicat. Scripsit hic item poemā in funere Lydæ, quā mirandum in modum amasse ipse perhibetur, quam & barbaram uocauit Athenæus. Plutarchus eius uxorem autumauit, his ferè uerbis, in consolatione ad Apollonium: Hac eadem ferè inductione usus est poëta

Antimachus: cum enim eius uxor fato fun-  
cta esset, quam deperibat, Elegiam compo-  
suit Lyden nuncupatam à puellæ nomine.  
Simul & Clearchus in amatorijs, poëma ip-  
sum Lyde inscriptum affirmavit. Sunt inter  
literatores nostræ tempestatis, qui Lyden  
Callimachi, non Antimachi amicam, mani-  
festo errore, nec solo in loco asseruerint, su-  
per illud in primis Ouidij:

*Nec tantum Clario Lyde dilecta poëtæ.*

nam Clarius uocatus est Antimachus à Cla-  
ro, qui mons est, atq; item urbs iuxta Colo-  
phona, unde est, ait Isaacius, nomen Apol-  
linis Clarij, quod et diffusius est traditum in  
Apollonij commentarijs, ut quoque nonni-  
hil dicemus in imagine Nicandri. Amauit  
& Lyden eodem nomine puellam alteram  
*Laminthius.* Laminthius Milesius, poëta elegiographus,  
qui & ipse poëma in suam Lyden compo-  
suit diuerso carminis genere, id quod ex Cle-  
archo diligenter annotauit Athenæus: ta-  
met si Picus pater tuus in ijs quos de amore  
diuino libros composuit, aliter rem prode-  
re uideatur: unus enim melo, alter elego  
uersu poëma condidit. Fuit hoc eodem An-  
*Antilochus.* timachi tempore Antilochus, non summus  
ille quidem poëta, sed mediocrium poëma-  
tum conditor: cui, ut Plutarchus scribit,  
cum de Lysandro Lacedæmoniorum du-  
ce uersus scripsisset, Lysander eius carmine  
dele-

delectatus, muneris gratia pileum argento impleuit: quod liberalitatis egregium argumentum hac nostra tempestate prorsus antiquatum est: principes enim uiri se omni laude maiores existimant. Sed hac de re ad ingratum scripsi. Nunc præstat alterū Antimachū uobis referre, qui ex Solis urbe fuit, quæ græcè Heliopolis dicitur. Hic mundi exordium multis heroicorum millibus cecinit:

Tertius uerò Antimachus fuit melicorum poematum scriptor, Pſecas cognominatus, quod summis laudibus inspergeret, quibus cum uersabatur, uel quod ueluti sputis quibusdam eos perfunderet quibus cum loqueretur: est enim Græcis ψεκας, leuis illa aspersio, qua quidpiam guttatim irrigamus: unde & nymphæ nomen apud Ouidium, & ancillæ apud Iuuenalem legimus. Fuisse uerò & quidam Olympicus perhibetur, qui eodē Pſecas nomine fuerit uocitatus, quod hoc ipsum, quod modò diximus, facere soleret. Sunt qui ab hoc ipso Antimacho decretum illud uelint constitutum, quo cautum fuit, nemini licere quenquā nominatim carpere: atque exinde factum, ut multi in theatrum descendere recusarent: quod decretū in Alcibiadem referunt, cuius alio loco, hoc est, inter scenicos poëtas mentio fiet. Alij tradunt, quod cum poëta esset Antimachus, & choragus bonus, breuitate orationis in-

in eiusmodi rebus utebatur. Est uerò mihi incompertum, an hic sit idem Antimachus, qui affectatæ nimis elegantiae & impudentiae ac molliciei (si ita liceat latine *πυγροσύνη* transferre) damnatus est. Atq; hactenus de Antimacho, & eius nominis alijs poetis. Fuere et alij hoc nomine non incelebres, sed hi nihil ad nostras poetarum imagines. Post

*Philostratus.*

*Demetrius.*

*Concupit exanimum quem uiuum spreuerat olim,*

*Dat tumulus lites & simulachra uiris.*

Scripsit & in inuidos uersus. Fuerunt & Demetrii nomine alij, inter quos unus Tarsensis, qui satyricus poeta fuit, alius iambicus, alius comicus, & hi Græci. Fuit item & alius latinus, quem ridet Horatius, quòd aliena carmina cantitaret, uel surriperet, & ideo Simius, ut puto, ab eo uocatur, cum ait:

— *Simius iste*

*Nil præter Caluum & doctus cantare Catullum.*

Fuisse uero à grammaticis perhibetur *ἱεροποιός*, hoc est, qui amatorios uersus faceret. Fuit & breuioris staturæ, quali fuisse quoq; Caluus proditur. ad hæc solebat Lucilij satyras

tyras defensare, quas insectabat Horatius. Fuit & in hac poetarū turba Aristylus, qui inter ridiculos & deformes poētas habitus est, cuius est ab Aristophane in Pluto facta mentio: meminit & Suidas. Non desunt qui ipsum Aristophanis filium fuisse autument: mihi tamen indignum uidetur, & minus ueritati consonum, ut à parente filius, in fabula præsertim tali, infamiæ nota perstringatur. Sit utcunq; liber, Aristyli poēmata certè inter ridicula & turpia, hoc est, αἰσχροῖα, sunt reposita. Hac quoq; tabulæ parte Crantoris philosophi imago conspiciebatur. Solensis hic fuit, & permulta scripsisse poēmata fertur, quæ annulo obsignata Solis in phano Mineruæ condidit. Tale legimus Theeteti poētæ epigramma in Crantorem:

Aristylus.

Crantor.

*Tarda senectū tulit non te ultra uiuere Crantor,*

*Hoc gratumq; uiris Picridisq; fuit.*

*Exanimū tu terra uirum nunc accipe sacrum,*

*Non minus hīc placidus quāmodō uiuus erat.*

Cuius si græcam uenerem attendatis, nescio quo modo & uenustior sit, & iucundior. Tale est:

*λύδανον ἀνθρώποις, ὅδ' ἐπίπλεον λύδανι μέσαις*

*κράντωρ, καὶ γήρως ἤλυθον ὅτι πρόσσω.*

*γῆ σὺ δὲ τιθνεῖντα τὸν ἱερὸν ἄνδρ' ὑποδέξῃ,*

*ἥρ' ὄγῃ καὶ σῶον κἄθι ἐν ἀδυμίνῃ.*

Extat & alterū ex Pammetro Diogenis. Ferunt uerò Crantorem præter ceterorū poē-

tarum carmina admirari maximè solitū Homeri & Euripidis uersus. Laudatur in primis huius liber consolationis quem se imitatum faretur M. Cicero, in ea quam sibi de morte filix consolatione composuit, cuius deperditæ seculi iniuria eò magis mihi desiderium augetur, quòd præter ipsius Ciceronis testimonium, & nonnullæ quoq; apud Lactantium & alios leguntur sententiæ, dignæ illæ quidē omni memoria. Verùm hæc quæ non sunt in re nostra mittamus. Cum Crantore erat Archefilas, qui & eius auditor & discipulus fuit. Extant ad hanc diem nonnulla Archefilæ carmina, quibus illum facile cognoscere possumus in utraq; facultate multa dignū commendatione. Fuit uerò usque adeo Homeri studiosus, ut cum iret cubitum, itemq; cum surgeret, aliquid semper ex Homero prælegeret: cumq; ad eius lectionem accederet, ad amasium se suum ire dicere solitum accepimus. Multi præterea Pindarum etiam fecit. Illud utiq; Archefilas in philosophia placitum inuexisse proditur, quod à græcis ἀσύνετον, à nostris inconstans uel instabile dici consuevit, quòd uidelicet certi nihil, ut omnis Academia, existimaret, quod aut sensibus aut animo percipi possit. Eximio uerò ubiq; dicendi lepore usus. Diu quoq; cum Zenone Stoico controuersia habuit, qui Platonis sectæ parum æquus erat, nouamq;

nouamq; hic Academiam instituisse fertur. Verum de hoc ipso Archesila, & de quo ante illū diximus Crantore, multa Cicero, Lactantius, Eusebius, alij: sed plura qui philosophorū uitas collegit Laërtius Diogenes, quæ quia ad tabulæ nostræ sermonem præsentem non pertinent, siientio præteribo. Illud utiq; uos ignorare non decere uidetur, hunc ipsum philosophum & poëtam ferè à Græcis semper nuncupari ἀρχισίλαον, à Latinis uerò, nisi mendosi sint codices, Archesilam uel Arcesilam. Sed de his iam satis. Præter hunc ipsum Archesilam, & duo eiusdem nominis alij poëtae fuerunt, prior quidē elegiarum, alter uerò Comædiarum scriptor. Post hos dein erat Chœrili poëtae imago, de *Chœrilus.* cuius patria uariè à scriptoribus traditur: quidam enim Samium, alij Halicarnass. quidam Iasium dixere: utcunq; eo tēpore quo Persæ Græciam inuasere, floruisse dicitur: à nonnullis quidē eodem quo Panyasis tempore, Olympiade circiter LXXV. & Samio cuidam aliquandiu seruiisse, è Samo mox au fugisse, demumq; Herodoto historico astitisse, quidam & ab illo amatū prodiderunt: cum uerò in Macedonia Archelai tempore uersaretur, diem suum obiit. Tanti autem illum fecisse regem Archelaum accepimus, ut quotidie illi minas quatuor penderet, quas tamen omnes obsonando absolvebat, sic ut

Aurei Oppiani.

inter helluones potius & popinones, quàm inter poëtas sit connumerandus. Scripsit uerò Græcorum uictoriã contra Xerxem Persarum regem, cuius poëmatis uersus & cum Homericis certare à quibusdam dicti sunt, suntq; ideo ab Atheniensibus singuli singulis aureis repensi, ut etiam ab Ant. Cæs. qui aurei Oppiani dicuntur adhuc. Huius operis Chærilus Eusebius Pamphili meminit, qui ait illum de Iudæis mentionem in eo fecisse, qui sub Xerxe tum stipēdia fecere: quod idē ante Eusebiū Iosephus contra Appionem, quo loco perperam Cyrillus legitur in omnibus latinis exēplaribus. Scripsit & Lamia ca, aliaq; nonnulla. Tunc in me intuens Piso, ait: Nunquid iste est Chærilus, cuius in Poëtica meminit Horatius Flaccus, atq; itē in Epistolis, cum ita cecinit:

*Gratus Alexandro regi Magno fuit ille  
Chærilus, incultis qui uersibus, & malè natis  
Rettulit acceptos regale nomisma Philippos.*

Cui ego: Est istuc, inquam, Piso parum mihi compertum, non enim utriq; tempora conueniunt. Nanq; iste de quo Horatius, circa Olympiadem cxxx. cum Alexandro Macedone uixit: ille de quo ego modò loquebar; lxxv. Olympiade floruit: quare omnino duos satius puto erit ut statuamus. Istū etenim quem dicis, in castris secutum esse Alexandrum historici prodidere, atq; ab eo Alexandri



xandri gesta perscripta ineptè, fictamen, ut Alexandrū ipsum dixisse ferant, malle se Homeri Therfitē esse, quàm Chœrili Achillem: et cum eo præterea pepigisse, ut pro singulis bonis carminibus singulos aureos acciperet, pro malis colaphos seu alapas. Verūm opere iam perfectō cum recitaret, tot mala inuenta esse dicuntur, ut alaparum multitudine enectus sit: cuius historię fidem à grammaticis tantū habeatis, nihil hic vobis meā astringo: sicuti nec de Helymone malo et inepto poëta facio, qui ab Alexandro eodem rege in cauea mori coactus esse tradit, quod minus luculenter regis ipsius res gestas scriptis prodidisset, si non potius inquinasset: adeo rex omnium maximus indignabatur ab inepto scriptore laudari. Eundem per fluuium nauigantē legimus, cum illi alter nescio qui poëta carmē obtulisset, in quo ei ita assentabatur, ut elephantos interimere, turres prosternere, muros illum perfodere diceret, aliāq; similia. Tum ille: Apagè istæc, inquit, mendacia, quę uera etiam si essent, possent in mendacię suspiciōē uenire: & simul hæc fatus, librum in amnem profluentē abiecit. Sed redeo ad Chœrili uersus. præter quos cōmemoraui Eusebium & Iosephum, Strabo quoq; in epitaphio Sardanapali adducit, item cōmentaria in Apollonium. Fuit & alius Chœrilus tragicus, ut in eo poëta-

*Helymon.*

rum ordinereferemus, à quo Chœrilliū carmen, ut puto. Ponè hos in tabula fuit *Aeschryon*. Mitylenæus, qui eadem Alexandri tempestate, et cum eo etiam, floruit. Amatus hic in primis ab Aristotele philosopho, ut à Nicandro in ijs quæ de disciplina Aristotelis inscripsit, diligenter est obseruatū. Floruit & unà cum Alexandro Hages, uel, ut alij rectius scribunt, Agis, qui, ut Q. Curtius scribit, pessimorum carminum post Chœrilum conditor fuit. Meminit et Arrianus, qui Alexandri historiam græcè prodidit. Fuit uerò Hages Argius, diuersasq; cum Alexandro mundi regiones perlustrauit, damnatus tamen assentatoris infamia, quòd Alexandri professionem, ut inquit Curtius, honestarū artium, malis corruperat moribus. Fuit & Agis, ut Pausanias scribit in Corinthiacis, poëta Amphiptolemi filius, qui Antiopen cecinit post Epopœi interitum à Lamedone reuocarum Thebas rediisse, inibiq; in uia peperisse. Agidis hi sunt uersus quos affert Pausanias:

• *Antiope Zethum peperitq; Amphiona dium,  
Nata hæc Asopi labentis fluminis altè,  
Et Ioue facta grauis pastorum et gentium Epopœo.*  
quam historiam, quoniam nonnihil diuersa est ab ea quam Latini nostri narrare consueuere, totam apud Pausaniam ipsum aliàs  
*Hegias*. legetis, ne nos à tabula discedamus. Hegias  
etiam

etiam ab eodem Pausania Træzenius poëta celebratur. Fuit & Archelaus poëta & philosophus, non is qui Socratis magister fuit, & cuius inter philosophos uitam Laërtius executus est, sed alter, qui quæ naturæ propria sunt, multis uersibus collegisse dicitur: non usqueadeo tamen hic cognitus, ut inter poëtas celebris habeatur: Sicuti & Carneades, nō ille philosophus, sed alius elegiarum scriptor. Nonnihil uerò hac parte eminebat Antagoræ Rhodij imago, qui poëta fuit non incelebris, & cum Antigono Macedoniæ rege uersatus est, quod scribit latinus interpretes Arati: ea enim tēpestate cum regibus poëtæ uersari consueuere, ut tradit Pausanias. Libet uobis hoc loco referre, quòd et ante Antigoni memoriā Anacreon cum polycrate tyranno Samio familiariter uixit, & Syracusas ad Hieronem Aeschylus Simonidesq; profecti, cum Dionysio, qui postea in Sicilia tyrannidē successit: Philoxenus, Aratus Solensis, et hic de quo agimus Rhodius Antagoras, cū Antigono Macedoniæ. Possim et plerosq; alios nominare, quorum partim imagines retro narrauimus, partim procedente sermone narrabimus: ut nostra tempora mittamus, quibus Leo x. si quis alius, multos cuiusq; ordinis alit. Et licet Homerus Hesiodusq; qui consuetudinē regū nacti non sunt, hi, ut creditur, uel certo confi-

*Archelaus.*

*Carneades.*

*Antagoras.*

lio fecerūt. Hesiodus enim uagandi tēdio, & quadā ingenij rusticitate: Homerus uerò, tametsi lōgissimè peregrinari uoluit, pluris tamen fecit nominis sui apud multos existimationē, q̄ regū uel aurum uel aurā. Idem tamē ipse Demodocū apud Alcinoū inducit, Agamēnonemq; apud uxorē poētā quendā relinquere facit, ut ait Pausānias. Iam ad Antagorā redeo, de quo hęc iocosa narrat hystoria. Coquebat Antagoras fortè congrū, idq; dum faceret, ipsum uas cōcutiebat: tum qui post eum stabat Antigonus dixisse ferē, Homerū ne putas, Antagora, cum Agamēnonis res gestas describeret, congrō coxisse. Cui Antagoras statim: Tū ne, inquit, rex putas, cū tantas res ageret Agamēnon, adeò curiosum fuisse, ut scire uellet, an in exercitu quisq; congrū coqueret. Hęc quidē Plutar. et Athenęus, à quo & alia afferūtur. Extat adhuc in Antagorā epigrāma Crantoris philosophi. Scripsit uerò Antagoras Thebaida, si latinis Arati interpretib. stamus. Huius Antagoræ imaginē imago sequebat Archestrati, qui egregius habitus est poēta, sed qui misera fuit inopia & egestate oppressus, sic, ut cum illū nescio quis tam male habitū uidisset, ei hęc uerba diceret: Tu uerò Archestrati si cū Alexandro fuisses, tui cuiusq; carminis præmiū Cyprū aut Phœnicen tulisses. quibus uerbis facile colligimus, bonū quidem illum poētā

Archestratus.

tam fuisse, ignobilē uerò propter egestatem.  
 hæc Plutarchus. Ceterum Athenæus Arche-  
 straton scribit Syracusanū uel Geloū fuisse,  
 & terras mariæq; circuisse gulę et uoluptatis  
 ergò, atq; idcirco, quæ ad uentrem gulamq;  
 pertinet diligētissimè suo carmine collegis-  
 se: et propterea poëma illius Gastronomiam  
 inscriptū esse prodit Chrysippus, uel ut nō-  
 nulli, γαστρολογία, ut Lynceus uerò & Calli-  
 machus ἡδυπαθεία, Cearchus autē δειπνολο-  
 γία, at uerò alij ἐψοποιία. Hoc inquā Arche-  
 strati poëma Chrysippus dicere solitus erat  
 quandā esse metropolim Epicuræ philoso-  
 phiæ, & hi qui uentri & gulę dediti sunt phi-  
 losophi, suam quandā esse theogoniā. Ter-  
 psiona Archestrati præceptorē fuisse ait So-  
 lenis Cearchus. Legunt uerò permulta ad-  
 huc Archestrati carmina, quę si ex gręcis col-  
 lecta cōmentarijs, & præsertim Athenæi, in  
 unū conferre uelimus, iustū uolumen, nedū  
 poëma, cōficeremus. Lex ea ab Archestrato  
 tradit, quæ est de conuiuarū numero: Tres,  
 inquit, aut quatuor sunt cōuiug, aut quin-  
 que, aut nō plures: aliàs enim mercenariorū  
 & rapto uiuentiū militū conuētus erit. Post  
 Archestratū erat Hermodotus, qui Antigo-  
 ni tēporibus clauit, quod Plutarch. tum in  
 libro de Iside & Osiri, tum in Apophthe-  
 gmatibus prodit. Ab Hermodoto cum Antigo-  
 nus aliquando quodā carmine Solis filius

*Hermodotus.*

esset appellatus, rex ita illi respondit, οὐ ταῦ-  
 τά μοι σίμυσι δὲ γὰρ ὁ λαοσαυνοφόρος, hoc est, de ijs me-  
 cum neuiquam sentit lasanophorus. est ue-  
 rò lasanophorus, is qui uasa stercoraria ad  
 exonerandum uentrem, & uentris sordes et  
 excremēta deponenda ministrat: Lasana e-  
 nim, ut Pollux scribit, eius generis uasa sunt.  
 quare qui olliferū latinè transtulit, commo-  
 dius fortasse dixisset, scaphij seu matulæ mi-  
 nistrum. Sed hoc dictum sit puero. Ceterū  
 post hos erant septē poëtarū imagines, qui  
 Pleiades' nomine dicti sunt. Quod nomē ut  
 audiuit Piso, quid est, inquit, quòd stellarum  
 nomine poëtas nuncupatos ais? quā uero  
 go ob causam, nobis edisseras. Cui ego: Di-  
 cam planè, hesternæ promissionis memor,  
 quæ à Grāmaticis græcis accepi Lycophro-  
 nis et Theocriti expositoribus, item plerisq;  
 alijs qui eos eadē tempestate uixisse scribūt,  
 atq; ideo hoc nomine nuncupatos. Idem &  
 noster Bembus scribit, id quod mihi parum  
 constare, ex ijs quæ infra dicam, uidetur. A  
 stellis igitur, quæ septem simul apparent, se-  
 ptem poëtæ Pleias dicti sunt, inter quos u-  
 nus fuit tenebrosus & obscurus, ut inter se-  
 ptem eas stellas una uix apparere uidetur.  
 Sed, inquit Piso, quæ poëtis istis nomina fue-  
 re? Tum ego: Hæc sunt, inquam, Isaacio Ly-  
 cophronis interprete autore: Theocritus,  
 Nicander, Callimachus, Apollonius, Home-  
 rus

Pleiades  
poëtæ.

rus tragicus de quo iam egimus, tum Aratus, & Lycophrō, qui tenebras, & eas quidē Cimmerias habere uidetur: ea est enim sententiarū & uerborum plerunq; obscuritate offusus, ut, etiam Zeze Isaacio insigni grammatico lumine p̄ferente, uix conspici possit. Theocriti tamē enarratores Pleiada quidem & ipsi commemorant, sed non eosdem poētas: quippe qui hos enumerent, Theocritum, Aratum, Apollonium, Aeantidem, de quo poēta non alibi memoriam factam memini, ni hic sit, quem Hephæstion Anantiadē uocat, ut paulō mox dicam: tum Philicon, & Homerum iuniorem tragicum, & Lycophronem. Fuerunt tamen & qui septē inter tragicos eodē Pleiadis nomine uocitarunt, quorū ita meminit Hephæstion in enchiridio: Tēpore, inquit, Ptolemæi Philadelphi septem insignes fuere tragici, quos Pleiadū nomine uocitarunt, quōd uidelicet in tragœdiæ poēsi essent, ueluti sunt Pleiadū stellæ. Fuerunt uerō hi, Homerus, non ille antiquus poēta, sed Myrūs Byzantię poëtriæ filius: tum Sositheus, & Lycophrō, & Alexander, & Anantiades, & Sosisphanes, & Philiscus. hæcenus Hephæstion, de quibus sparsim cum de scenicis poētis sermo fiet agemus. Sic agas, inquit Piso, nobisq; istos priores, quando & locus & tēpus suppetit, enumerare. Sic, inquā, faciam, Theocritus igitur,

*Theocritus.*

quem inter hos primū dixi, modò Chous, modò Chius existimatus est, ut Ambron in eius uita scriptum reliquit. Constans tamen reliquarum ferè sententia est ut sit Syracusanus, Praxagoræ & Philinæ filius, id quod ipse quodam epigrammate testatur, negatq; se Chium fuisse. Epigramma est hoc, quod ita aliquando ludens latinum feci:

*Non ego Chius qui cecini ista Theocritus, unus  
Sed sum de multis ipse Syracosius,  
Praxagora natus patre, præstantiq; Philina,  
Musam produxi nunquam alienigenam.*

Idem & Artemidorus suo epigrammate ostendit. Quidā Simichide, quod ipsemet alicubi innuere uidet, alij Simichiden cognomen esse uolunt, quòd simo esset aspectu, quod & eius interpretes nec semel significant. Audiuit uerò Phileran & Asclepiaden epigrammatū poëtam. Lagi Ptolemæi temporibus, nec minùs Philadelpho regnante claruit. Multa uerò eius scripta feruntur, atq; in primis quæ extant Edyllia bucolica Ionico & nouo Dorico sermone cōposita. Dorica quidē lingua in priscam & nouam discernitur: prisca asperum quiddam & rude sonat, noua uerò mitior & lenior. Adscribuntur & Theocrito Prærides, Elpides, Heroïnæ, Epicedia: adduntur insuper ab alijs Charites, inter quos est Hermogenes. Hymnos quoq; scripsisse à plerisq; credit, in quibus



bus hi sunt, in Venerē, in Castores, id est, dio-  
scuros, in Pana. Hymnos istos, inquit Piso,  
uideo à grammaticis citari ut poëta legitimi-  
mos, & præcipuè ab ijs cōmentarijs qui sunt  
in Aristophanē. Sic ut ais, inquam, Piso: sed  
de istis commentarijs nonnihil uobis aliàs,  
cum Aristophanis ipsius imaginem refere-  
mus. Fertur præterea Theocritus & elegias  
cōposuisse, et iambos, et epigrammata, quo-  
rum quædam adhuc leguntur. Sanè quòd  
Theocritum diximus paulò antè poëmata  
sua ἐδύλλια βουκολικά appellasse, ἀπὸ τῆς ἑδύλλιας  
θεωρίας uocauit, ut ait interpres, hoc est, à spe-  
culatione, uel quòd sit diminutium ab ea-  
dē uoce ἑδύλλια. Sed Pindari expositores qui-  
dam tradunt ἑδύλλια poëmatis genus esse, et sic  
Pindari hymnos uocari, unde sit edyllion  
deductum. Theocritum uerò tetro & infeli-  
ci mortis genere interiisse præstrictis fauci-  
bus, innuit Ouidius noster: ita enim canit in  
Ibide:

*Vt ue Syracosio præstricta fauce poëta,*

*Sic animæ laqueo sit uia clausa tuæ.*

Historiam sic ex grammaticis quidam reci-  
tat. Cum, inquit, Theocritus in Hieronis ty-  
ranni filium inuectus esset, ab eo ideo est ca-  
pi iussus, ut eum ad supplicium trahi simula-  
ret. interrogatus si deinceps à maledictis de-  
sisteret, ille eò acrius etiam regi ipsi maledi-  
cere cœpit: quare indignatus, non iam ad

simulatū, sed ad certum supplicium rapi iussit: quidam laqueo strangulatū, quidam capite cæsum prodidere. Ista quidem, inquit Piso, ut mihi uidetur, Ouidij poëtæ carmini historia congruit, sed autorem mihi dari uoluissē unde accepisset. Nullum, ego inquā, grammaticus ille attulit. Sed illud nos potius nunc Piso disquiramus, quod de Theocriti patria in dubiū modò uersari diximus. Fuere certè Theocriti nomine duo, hic quidem poëta Syracusanus, alter uerò philosophus Chius ab Antigono rege morte multatus. Nam cum altero rex oculo careret, licentius est in illum Theocritus locutus, ut scribit Macrobius. Vel ut prodit Plutarchus, quod Eutropioni coquorum regis magistro dixisset, Scio quod me cyclopi crudum appones, regem perstringens altero captum oculo, atque ita petulantis linguæ pœnas dedit. Et hucusque de Theocrito, subtus cuius imaginem aliæ duæ fuerant bucolicorum et ipsæ poëtarum, Moschi altera, Bionis altera. Fuit uerò Moschus & ipse Siculus, quem quidam cum Theocrito eundem putauere. Grāmaticus certè fuit & poëta, familiaris ac domesticus Aristarcho tum grāmaticorum faciliè principi. Moschi bucolica temporum iniuria interiere: eius duntaxat poëma superest, quod Amor fugitiuus inscribitur, primum, quod sciam, à Bapt. Varino Do-

*Moschus.*

ctore nostro uiro tam sancto quàm docto,  
 mox à Politiano & alijs demum in latinum  
 conuersum. Legitur & eiusdem Moschi epi-  
 gramma in Amorem arantē, qui Iouem ita  
 ridet, ut quem bouem Europæ amore fieri  
 coëgerit. Extat & ipsius Europa heroicis  
 uersibus conscripta. Meminit & Moschi Ser-  
 uius Maurus grāmaticus. Fuit & alter Mo-  
 schus citharædus, quem Bæotios modulos  
 inuenisse scribit Suidas. Bion uerò (nō is est Bion.  
 qui inter septem Græciæ sapientes, unus ha-  
 bitus est, sed omnino alius, cui Græcorū om-  
 nium consensu tertia in bucolicis palma de-  
 fertur) fuit, ut scribit Stobæus, patria Smyr-  
 næus. Per multa eius carmina à scriptoribus  
 græcis afferuntur, ut illud est quod apud eun-  
 dem Stobæum in oratione *περί κάλλους*, id est,  
 de pulchritudine legimus, à nobis sic latinè  
 expositum:

*Magna mihi in somnis etiam Venus aurea præstat.*  
 Vnde Vergilianum illud deductum esse ui-  
 deri curiosis potest:

*Credimus an qui amant ipsi sibi somnia fingunt?*  
 Exrant & in Græcorum monumentis huius  
 ex Bucolicis elegantes uersus quampluri-  
 mi, qui & afferuntur ab Arsenio in collecta-  
 neis. Fuerūt & duo alij Bionis nomine, qui  
 sunt inter tragicos repositi, ut suo loco dice-  
 mus. Post Theocritum Nicander erat, qui Nicander.  
 Xenophanis filius fuit, uel Damnæi, ut in

græcis commentarijs legitur, patria à quibusdam Alexandrinus nuncupatus. Dionysius Phaselites Aerolū credidit: in eo autem quem de poëtis scripsit, sacerdotem ait Clarij Apollinis, qui à progenitoribus suis sacerdotium accepit. Ipse quoq; Nicander Clariū se facit, cum de se ira cecinit in fine operis:

*Urbs nebulosa Claros genuit.*

Colophonius tamen à Cicerone in dialogis de Oratore uocatur, his uerbis: Constat, inquit, de rebus rusticis hominem ab agro remotissimū Nicandrum Colophoniū, poëtica quadam facultate, non rustica, scripsisse præclare. Colophonius item à Macrobio alijsq; nonnullis scriptoribus nuncupatur, ea uidelicet ratione, quā in Antimacho retulimus, quod Claros urbs non procul à Colophone sita est. Excoluit uerò cum poëtica grammaticā simul & medicinā, & Attali in primis regis tēpestare. Antimachū dicendi genere emulatus est, ut eius notant interpretes. Scripsit autem Theriaca et Alexipharmaca, quæ extant: quæ uerò desiderantur, Georgica, Prognostica, argumento ab Hippocrate sumpto: item *ἐταπεινωμένων*, hoc est, sodaliorum, ut Suidas, & in Apolloniū grammatici obseruant, & Athenæus. Scripsit item Oetaica, & Aetolica, & Europea, ad hæc & de poëtis Colophonijs, quem Parthenius in fabula Oenonis librum citat, aliaq; insuper quæ

quæ apud autores passim citata reperiuntur. Sunt qui Nicandrum & Aratum eadem ætate uixisse putent: quin Theriaca Arato castiganda Nicandrum dedisse, & Aratum Nicandro Phænomena: quos à uero deuios Græci scriptores ostendunt, XII. enim integris Olympiadibus Nicandrum præcessit Aratus. Qua ex re & illud quoque colligimus, id falsum esse quod doctis alioqui plerisque persuasum uidemus, septem hos Pleiadis nomine poëtas eodē floruisse tempore. Eis utique qui Nicandrum et Aratum eodem tempore uixisse putarunt, erroris uiam præstitit, quòd eadem Arati ætate insignis mathematicus Nicāder Colophonius clauit; sed non is certè poëta fuit. In Nicandrum uiri plerique eruditi commentaria scripsere, inter quos in primis Theon, Plutarchus, & ijs uerustior Phalereus Demetrius, ut est apud Stephanum: mihi tamen eadem cum Nicandro ætate uixisse Phalereus uidetur. Post Nicandrum duo sequebantur, qui, nescio quæ fuit pictoris industria, & admirabile artificium, ita in tabulis depicti fuerant, ut se limis inuicem intueri, & inuiso ac toruo quodam lumine spectare uiderentur. Tum Piso & Picus puer attentius in me intuētes, Quid, inquit, ais istos toruē inuicē se intueri? agē obsecramus ediffere. Res, inquā ego, nota: horum enim alter est Callimachus, alter Apol-

*Callimachus.* Ionius. Hic quidem in Callimachum magistrum ingratisissimus cum fuisset, & quorundam ut est discipulorū pessimū ingenium, nescio qua ipsum contumelia affecisset, in eum Callimachus maledicum & ueneni plenum carmen illud composuit, quod ab aue Aegyptia, qua in regione natus erat, Apollonium Ibin appellauit: à quo & Iōgē postea in uxoris sollicitatorem relegatus, Ouidius inscriptionem argumentumq; desumpsit. Fuit uerò Callimachus ex urbe Libyæ notissima Cyrene, quā ex Thera, quæ prius Calliste dicebatur, insula profecti coloni cōdidere, ut pluribus ostendit Pindarus & eius interpretes, qua dere & sic ipse Callimachus cecinit:

*Nomine Calliste primū, sed postmodo Thera*

*Dicta fuit tellus urbis origo meæ.*

*hoc est, si græcè mauultis:*

*καλλίτη τὸ πάροιθε, τόδ' ὕστερον ἔνομαι θήρη,*

*μήτηρ δὲ πᾶν πατρίδι ὁμιτέρη.*

Legitur & eiusdem poëtæ græcum carmen, quod ille ante funus sibi composuit, in quo hæc eadem. Sunt qui Battii filium Callimachum existiment, à quo & Battiiades ipse à poëtis uocatur: tamen si pleriq; à rege potius Cyrenes conditore uocitatum uelint. Habitus est Callimachus grammaticus & poëta egregius, Hermocratis discipulus Iasi. Uxo-rem uerò duxit Euphratis Syracusani filiā. Sororem ipse habuit Megatimā, quæ Stase-

noro

noro nupſit, ex quibus natus eſt Callima-  
 chus iunior, qui nō incelebris ſcriptor fuit,  
 & de inſulis accuratiſſimè opus edidit. Cla-  
 ruit in primis Callimachus Philadelphi Pro-  
 lemæi temporibus, uſq; ad Euergetis tempo-  
 ra, Olympiade circiter cxxv. Literas pu-  
 blicè docuit in Eleuſini Alexādrig uico, dein  
 eſt in aula regis receptus, in qua aliquandiu  
 uerſatus eſt. Scribam et ſeruū habuit Iſtrum,  
 Menandri Iſtri filium, & ipſum Cyrenæum,  
 uel ut quidam malunt, Macedonem: at Her-  
 mippus in ſecundo, de ijs qui ſerui docti fue-  
 runt, Paphiū illum ſcribit, eumq; per multa  
 ſcripſiſſe ait & carmine & ſoluta oratione.  
 Afferuntur quidē in testimoniū à grammati-  
 cis nonnunquam Iſtri ſcripta. Extat certè  
 Iſtri, huius an alterius neſcio, Ethici cogno-  
 minati opus à me & uiſum & perlectum, &  
 à Diuo Hieronymo, niſi mētitur inſcriptio,  
 in latinum ſermonē conuerſum, Sed ad Cal-  
 limachū nos potius reuertamur, neq; enim  
 hiſtoricos in præſentia excutimus. Scribit  
 Strabo, Callimachum amicitia ac familiari-  
 rate uſum fuiſſe Heracleſti Halicarnaſſei. Cō-  
 poſuiſſe uerò uolumina pluſquā octoginta  
 numero traditur, inter quæ reponūtur hæc:  
 Hecale, de nomine anus hoſpitæ Theſei, qđ  
 poëma cum græcis plerunq; tum latinis ci-  
 tatur autoribus, Plinio, Petronio Arbitro.  
 Scripſit & Ionis aduentum in Aegyptū, Se-

Iſter.

melen, Argolicos colonos, Glaucum, Spes, hoc est, Elpides, satyricas fabulas, Tragœdias, Comœdias, Epodon, Mela, tabulas diuerfas, inter quas legum tabulæ censentur, & in ijs illa fuit quæ à Gnathæna Machonis poetæ amica condita fuerat, quam ipse Callimachus in tertio tabularum complexus fuerat, et lex sodalitia, hoc est, νόμος συναιτικὸς inscribatur. Scripsit item de insularum situ, tametsi quidam referunt in sororis filium, cuius modò meminimus. Scripsit ad hæc de fluminibus, de uentis, de piscibus, de auibus, quorum mentio habetur in commentarijs Apollonijs. scripsit item causas, hoc est, τὰ αἰτία, quod opus cum latinis cognitum fuit, tum Græcis maximè: quare mirum est, quosdam alioqui doctos impudenter hoc ignorasse apud Marcialē. Hoc opus imitatus est M. Varro, ut Seruius grammaticus annotauit. Hymnos præterea scripsit Callimachus, quorum nonnulli adhuc leguntur. Illum celebrat Terentianus, qui in Iouem & Apollinem carmine phaleco fuit conditus, in quo fatidicum puerum Branchum ab Apolline dilectum descripsit. Hephæstion tamen integrum illud poema fuisse existimat, Branchumque de pueri nomine uocitari. Scripsit & in Ibin, aliaque non parum multa, quæ à græcis grammaticis referuntur. atque hæc quidē de Callimacho. Apollonius. Ionius uerò Rhodius dictus, Alexandrinus fuit



fuit, ex tribu Ptolemaide, qui adhuc adole-  
scens cum esset, Argonautica scripsisse dici-  
tur: dein cum ab alijs poëtis calumnijs in-  
dies afficeretur, maleq; audiret, patriam fu-  
giens Rhodum concessit, ubi diutius uersa-  
tus, Rhodius quàm Alexandrinus cogno-  
minari maluit. Fuit uerò filius Silleos uel Il-  
leos, utrunq; enim legimus. mater Rhode di-  
cta est. Successit Eratostheni in Alexandri-  
næ bibliothecæ præfectura. At uerò eorum,  
quæ permulta scripsit, tantum, quòd sciam,  
extant Argonautica, opus quidem uarium,  
& multis uigilijs elucubratum, durum ta-  
men, & alicubi ingratum, nisi qua parte Me-  
dæ amores describit, ubi & Pub. Vergilij iu-  
dicio ita excellere uidetur, ut Vergilius ipse  
non aliunde plura in suos Didonis amores  
transulisse facilè uideatur, quod nihilomi-  
nus & grammatici obseruant. Leguntur in  
ipsius Apollonij Argonautica cōmentaria  
breuia illa quidem, sed erudita, & alicubi co-  
piofa & uaria, quæq; nostris grammaticis  
usui esse possunt, quæ collecta & concinna-  
ta esse creduntur ex Lucillo Tarrheo, Sopho-  
cleo, & Theone, clarissimis græcis scriptori-  
bus. Apollonio poëtæ familiaris fuisse perhi-  
betur Charon Lampfacenus historiarū scri-  
ptor, qui et ipsius Apollonij poëmatis histo-  
rias collegit, quas citatas identidē apud scri-  
ptores græcos legimus. Fuerunt & diuersis

temporibus alij hoc Apollonij nomine, inter quos grāmaticus multi nominis unus: & eo longè insignior Tyaneus ille, tanto studio & cultu ab antiquis habitus, ut eius historiā Philostratus octo uoluminibus scripserit, & illum Hierocles philosophus Philaletes cognominatus impudētissimè CHRISTO deo contulerit, contra quē scripsit Eusebius Pamphili. Sed hæc nihil ad tabulas, in quibus ultimi poëtarum Pleiadis erant Aratus & Lycophron, quorum utriusq; uitæ ex Suidæ commentarijs partim, partim ex græcis ipsorū expositoribus luculenter scriptæ leguntur, ex quibus ego, quantū in præsentia succurrerit, pro re pleraque decerpam: tamen si ea etiā quæ est in Arati latinis commentarijs, non indigna est cognitu, nisi, quæ temporum est iniuria, quòd mendacissimè legitur: sed quando in horū commentariorum mentionē obiter incidimus, nihil nos prohibet, ut quæ aliàs annotaui, hoc uobis loco commemorem. Nihil, inquit Piso, et simul nescio qua maiore attentione uterque mihi uisus operam dare. Tum ego: Sunt, inquam, qui commentaria, de quibus agimus, tum in Cæsium Bassum, tum in C. Cæsarem referāt. Prioris opinionis sunt eruditi aliqui uiri, qui & scriptis suis id testati sunt. alterius ipse ego aliquando fui, Lactantij Firmiani autoritate nixus, qui diuinarum institutio-

utionum libro primo Cæsaris sententiam & uerba afferens, coniecturam dubio procul manifestā facit, ea ipsa Cæsaris esse commentaria, cum non modò historiam de Ganymede Iouis aquila ex ipsis afferat, sed totidem uerbis referat. Ad id etiam sentiendū magis inducebamur, quòd Plinius Cæsare Dictatore scribit de stellis scripsisse, & quòd apud Suidam nec semel legebamus, Cæsare ipsum in Aratum scripsisse metaphrasin, hoc est, ut ipse hoc loco interpretor, tralationem, id quod et Iulius Firmicus nō indiligens astrologiæ scriptor attestatur: Iulius inquam Firmicus, qui & Villius potius à nonnullis nominatur, idq; ex eius peruetusto codice, & antiquo saxo eius nomine inscripto, antiquarij quidā astruere utuntur. Sedenim ego de cōmentarijs quod superest reddo. Quidam in Lactantij codice pro Cæsare, Cæsiū supponunt, ne uidelicet tempora non congruere uideantur, quippe quòd & Vergilius & Ouidius in ijs commentarijs in testimonium afferuntur, qui, ut nostis, post Cæsare fuerunt: atq; idcirco quidam Cæsarem Germanicum, qui & ipsum Aratum ex græcis in latinum uertit, potius q̃ C. Cæsarem, Lactantium & Firmicū intellexisse uolunt. Sed & in ijsdem multa ex Plinio ad uerbū, si non ex ijs Plinius accepit, id quod & alicubi fatetur. Sed hæc ego aliàs, nunc alijs examinan-

da relinquo. Nobis uero æquè grata sunt ista, inquit Piso, ac ea sunt quæ de poëtis nar-  
ras: quare si tibi ita uisum erit, et si sit in prò-  
ptu, quid de Suida habes, quem scriptorẽ &  
aliàs sæpe, et modò in mediũ attulisti, quis is  
fuerit nobis dicere ne graueris, ne ue pigeat.  
Quibus ego petẽtibus respondi: Variæ sunt  
*Suidas.* de Suida sententiæ. Nam sunt qui nullũ un-  
quam fuisse Suidam autument, idq; etiam  
scripto testatus est Politianus. alijs, si dis pla-  
cet, barbaris commentarijs Papiæ & Catho-  
lico, qui mitius, Isidoro Hispalensi confe-  
runt. Quibus illud uerè responderi potest,  
Suidam antiquum fuisse scriptorem, cuius  
in primis à Strabone fit mentio, & ab ijs qui  
in Apolloniũ Rhodium commentaria scri-  
psere, & à Stephano, & alijs. Is igitur Suidas  
inter alia, nam & historias scripsit, commen-  
taria (ut par est credere) non admodum ma-  
gna condidit, quæ ab alijs postea multis lo-  
cupletata & aucta, ad hanc quam uidemus  
libri magnitudinẽ excreuere, primi q; Suidæ  
nomen obtinuerunt: id quod & euenisse in  
Calepino nostris diebus uidemus, ut iam  
fermè eius sit libri minor pars. Idem & acci-  
dit in græco lexico. Atq; hæc quidẽ de Suida  
mihi coniectura potior esse uidetur, quàm  
eorum qui à Suida collecta & ueluti in rha-  
psodias confuta fuisse tradiderunt, cum, ut  
diximus, Suidas inter antiquos sit reposi-  
tus,

tus, & longè eos ætate antecessit, ex quibus commentaria ipsa, ut uidemus, concinnata legimus. Suidam quoq; quàm Sudã potius scribendũ arbitramur, cum illud græcis omnibus, istud nouis quibusdam & semidoctis sit tantum persuasum. Et simul etiam abiiciendam puto, quam grāmatisſtæ quidam faciunt, duorũ huius nominis distinctionem, ut scilicet ille antiquior tantũ historicus, hic recentior grammaticus. Sed hæc uobiscum, quando sic uoluistis: nunc ad Aratum redeamus. Nobiscũ ista quidem, ut uis, Piso & Picus aiunt, gratissima uerò nobis fuere: sed quoniã, ut ipse dixisti, in coniectura sunt posita, etsi uerisimili, suum cuiq; sit iudiciũ, nos certè faciliè tibi assẽtimur. Quæ ubi dixissent, Sint hæc, inquã, apud uos, nec in uulgus per uos emanẽt: nam tametsi ego aliquando hæc uerisimilia credidi, nunc tamẽ, ut certa sint, nihil statuo, nec cuiquã præiudicatum uolo. Aratus igitur fuit Athenodori & Lenodoræ filius, quam Lithophilam latini nuncupant. Sunt qui Mnaseæ filiũ arbitrentur. Patria ei urbs Ciliciæ fuit Soli, à Solone, quæ mox à Pompeio Põpeiopolis dicta est post deuictos piratas. Fratres Aratus tres habuisse dicitur, Myrin, Calondan & ipsum poetam, & Athenodorũ, qui primus contra Zolum Homeri detractorem, hoc est, Homero mastiga rescripsit, temporibus regis Phila-

*Aratus.*

delphi Dionysio Heracleotæ operam dedit,  
 in grāmatica Menecrati Ephesio, in mathe-  
 maticis Aristothero, in philosophia Timoni  
 & Menedemo, sed in primis Persio, tunc nō  
 ignobili in urbe Athenarū philosopho, cum  
 quo etiam in Macedoniā est profectus: ubi  
 cum nuptijs Antigoni regis & Philæ eius u-  
 xoris interfuisset, apud eos deinceps reliquū  
 uitæ tempus diuersatus est: nam & cum Go-  
 nata Demetrii Poliorcetæ filio usq; ad mor-  
 tem uixisse dicitur. Fuisse uerò perhibetur  
 Homeri, aut Hesiodi potius zelotes, id est,  
 æmulator. Philinū uerò adolescentem miro  
 profectus est amore, cuius & in Būcolicis  
 meminit Theocritus poëta. Multa insuper  
 Aratum scripsisse legimus, inter quæ legun-  
 tur Phænomena, in latinum sermonem iam  
 quater & amplius uersa: primū quidem à  
 M. Cicerone, dein à Cæsare Germanico, etsi  
 Firmicus à Iulio Cæsare, in præfatione libri,  
 et in vii. eius operis uolumine prodit: tertiū  
 à P. Ouidio, breui, ut ait Lactantius, carmi-  
 ne, cuius & Probus grammaticus in Vergi-  
 lii Georgicis meminit. quartū tralata sunt  
 à Sex. Ruffo Auieno illo, ut puto, quē in Sa-  
 turnalibus loquentē induxit Macrobius, &  
 de quo alibi, hoc est, suo loco fiet mētio. Cō-  
 posuit præterea Aratus hymnos in Pana, itē  
 quos appellauit Spōdophorus, hoc est, liba-  
 minā ferentes: item Pægnia, ad hæc astrolo-  
 giam

giam & astrothesiam, hoc est, astrorum positionem: tum etiam anthropogoniā, & hominum, ut sic dicam, generationem: Cleom broti epicedion, epigrammata insuper in Philam Antipatri filiam: item epistolas, quarum nonnullę solutę orationi similes: item ex the riacis medicaminum compositiones, aliąq; nonnulla, quę breuitatis causa mitto. At uerò Macrobius elegēon Arati memorat etiā, in quo de Diotimo Andramyteno poēta cō queritur, qui, ut est, apud Stephanum, apud Gargara Troadis urbē pueros literas docebat: in quo quidem Macrobij loco gręcum hoc carmen desideratur, quod tum ex gręco epigrammatū uolumine, tum ex Stephano, ita restituimus:

*Macrobij locus  
restituatur.*

*αἰάσω Διότιμον, ὃς ἐν πύτραισι κέκεται*

*γαργαρίων, παῖσι βῦτα καὶ ἄλλα λέγων.*

Extant præterea Diotimi istius epigramma ta quædā, ni nominis similitudine fallimur. Scribit Laërtius Diog. à Timone aliquando Aratum petiisse, quo pacto posset emendata carminā Homeri habere: Timonē ei respon disse, si antiqua legeret exemplaria, non au tem noua & interpolata. Licet doctissimi nostrorum temporum quidam, non Timo nem, sed Zenonem interrogatū tradiderint, quod *μνημονικὸν ἀμάρτημα* putarim. At uerò Arato sic in dialogis de Oratore Marcus Tullius: Constat, inquit, inter doctos homi-

nem ignarum astrologiæ ornatissimis atque optimis uersibus Aratum de cœlo & stellis scripsisse. hæc ille. Cæterum & latinus interpretæ ait illum ignarum mathematicarum, sed Eudoxum secutum & Hipparchum. Arati uerò sepulchrum celebrat Pomponius Mela: Iuxta Solos, inquit, in paruo tumulo Arati poetæ monumentum, ideo referendum, quia ignotum quam ob causam iacta ad id saxa dissiliunt. Hæc quidem de Arato. Iam uerò de Lycophrone agamus, qui Soclei filius Chalcidensis ex Eubœa fuit, poetæ, ut Laërtius scribit, tragicus. Sunt qui à Lyco Rhægyno historico, qui & Butheras dictus est, illum adoptatum fuisse tradant, habitus & inter grammaticos quoque insignis. Scripsit uerò in primis iambico carmine Alexandram, id est, Cassandram, poemata ualde obscurum, quod & hodie legitur cum Isaaci uiri doctissimi commentarijs uaria eruditione refertis. Fuit uerò Isaacius (ut & hoc obiter uos non lateat) Ioannis Zezæ grammatici frater: quod quidem Zezes nomen barbara quadam consuetudine, præposito Tante z, durè admodum Tzetzius et Tzetzes proferatur, ut in græcis commentarijs manuscriptis nonnunquam est legere. Vterque, inquam, Isaacius & Ioannes suis temporibus insignes habiti grammatici: nam & Ioannes in Homerum & Hesiodum commentaria condidit, quem

*Lycophron.*

*Isaacius.*



quem tamen à nostris quibusdã grammaticis uideo Cęci nomine pro Zezis citari. Meminit præterea de Isaacio altero, ut puto, Procopius in historijs, quẽ incompertũ habeo an is sit cuius & hodie Rhauennæ græcum extat epitaphiũ non mehercule cognitione indignum, quo illum uirum clarissimũ facilẽ uidemus. Fuit igitur, ut ad nostras tabulas redeam, Lycophrõ poëta tragicus, qui à scriptoribus in huius poëtarum Pleiadis numero est cõnumeratus, ea ratione, ut puto, quòd obscuriori stellæ Pleiadis conferatur: unde et Statius Papinnius in Syluis, in patris, ut puto, epicedio, Lycophronis tenebras, ad hoc uidelicet alludens, dixisse uideri potest. Obscurissimus omnino scriptor est. Fabulas uerò multas docuit, quas recenset Suidas. Inter eas autem hæ feruntur, Aeolus, Andromeda, Alethes, Aeolides, Elpenor, Hercules, Iceræ, hoc est, supplices: Hippolytus, Laius, Marathonij, Nauplius, Oedipus primus, & item secundus, Orphanus Pentheus, Pelopidg, Symmachi, Telegonus, Chrysippus. In his dubia Nauplius cęsetur. Lycophronis præterea satyras Laërtius Diogenes celebrat, atq; ex ijs etiam uersus quosdam attulit. Ipsum uerò Lycophronem sagitta occubuisse, significare uidet Ouidius, cum ita canit:

*Vtq; cothurnatum perijssẽ Lycophronẽ narrant,*

*Hæreat in fibris fixa sagitta tuis.*

*Euphorion.*

Haftenus de hac poëtarū Pleiade: de altera cum de totius scenæ poëtis, ut tulerit occasio, agemus. Post hanc poëtarū Pleiada, alij plerique poëtæ fuerunt, inter quos erat Euphorion Chalcidicus, Hephæstiō tamē Cheronesiotā appellat à Cherroneso (sic enim libentius scribunt Græci quidam, quàm Cherronesum.) Fuit uerò Polymneti filius, qui sub Lacyde & Prytanide philosophiæ operam dedit, poëticiæ uerò sub Archebulo poëta, à quo & amatus fuisse perhibetur, cuius imaginem inter Lyricos cōmemorabimus. Claruit uerò Euphorion xxvi. supra centesimam Olymp. cum Pyrrhus Epirotarum rex bello cum Romanis decerneret. Fuisse dicitur Euphorion colore melino, obesus, et crurum debiliū: quo autem tempore Alexander Eubææ dominaretur filius Niceæ mulieris potentis, ab ea amatus & diues factus in Syriam concessit, & apud Antiochū regem diuersatus, eiusq; bibliothecæ præfectus, tandiu præfuit, quousq; mortuus est, sepultusq; est Antiochiæ, uel, ut alij tradunt, Apameæ. Scripsit in primis elegias, in quibus haud parū celebratus est: item Hesiodū, & Mopsopia, siue *ἡταντα*, quod scilicet in eo opere sine certa serie cōmixtæ essent fabulæ & historiæ. Terra uerò Attica Mopsopia dicta est, ab eius nōminis Oceani filia: tametsi alij

alijs à Mopsopere rege, & aliter alijs tradūt. Scripsisse & ex oraculis mille annorum libros quinque, quorum quintus Chilias inscriptus fuit, à numero uidelicet mille dictus: quorū quidem librorū hypothesin, id est, materiam subiectam & argumentū subobscurè exequitur Suidas. Scripsit insuper epicediū in Protagoram astrologum, ut Laërtius obseruat. Scripsit & alia quæ citantur à Græcis, atque in primis à Parthenio in Eroticis. Tum Piso ad me cōuersus: Meminit istius, inquit, Euphorionis Quintilianus, cuius quod uerba teneo ea recitabo: Quid, inquit, Euphorionē frustra transibimus? quem nisi probasset Vergilius, nunquā certē conditorū Chalcidico uersu carminū fecisset in Bucolicis mentionem. haëtenus ille. Meminit & Probus grammaticus: Euphorion, inquit, elegiarum scriptor Chalcidēsis fuit, cuius in scribendo secutus colorē uidetur Cor. Gallus. Eadem ferè Seruius. Et ego: Optimè ista tu quidē, inquit, dixisti Piso: sed & alterius Euphorionis mentionē factā legimus, qui tragicus poëta fuit Aeschyli filius. Post Euphorionē uerò erat Pigretis imago, qui Carius ex urbe Hali carnasso fuit, Artemisij illius celebratę Mausoli regis uxoris frater, qui Homeri Iliados uersibus heroicis pentametrum adiecit, adeo ut in elegiacum carmē Iliada commutaret. Ita enim Homerus cecinit, ut nostis:

*Iram diua refer Pelidæ nunc mihi Achillis.*

*Pigres uerò:*

*Musa quædam fines omnis habes sophiæ.*

*Ita enim græc :*

*μῦθιν ἀείδει θεὰ πηληϊάδῳ Ἀχιλλῷ,*

*μῦσα γὰρ σὺ πάσης πέρας ἔχεις σοφίης.*

atq; ita deinceps. Scripsisse præterea traditur quæ in Homerū à plerisq; omnibus poemata referuntur, Margiten & Batrachomyomachiam, & alia quæpiam. Ab hoc sequebatur Timolaus Larissæus, ex Macedoniæ ciuitate Larissa, Anaximenis Lampfaceni discipulus, qui etsi rhetor potius habitus est, non ignobilis tamen fuit in facultate poetica, ut qui præter alia quæ scripsisse proditur, & ipse in HomERICA poësi, uti Pigres pentametrum, ita hic heroicum heroico addidit. Homerus enim:

*Iram diua refer Pelidæ nunc mihi Achillis.*

*Timolaus uerò subdidit:*

*Quam tulit iratus propter Chryseida raptam.*

*μῦθιν ἀείδει θεὰ πηληϊάδῳ Ἀχιλλῷ,*

*ᾧ ἔθηκε χρύσου κίχολωμένῳ ἔννεα κέρη.*

Alia nonnulla hoc uobis loco afferre eiusmodi poscē, sed ea nostris uerbis enunciare perdifficile est. Sat hæc sunt, normam cognoscitis qua Timolaus usus est, cætera apud Suidam per uos ipsi legeris. Hoc quod Timolaū fecisse modò narrauimus, Idæus Rhodius etiam fecit, ut alibi dicemus: quare nunc ad  
alios

alios poëtas me cōuertam, atq; in primis ad Callinum elegiarum poëtam, quem Nican-  
dri Græcus interpres Chalinoum uocat, & Maurus Terentianus, qui eum elegiaci car-  
minis inuentorem à multis existimatum ait, cuius tamē carminis inuentionē alij in Theo-  
clem Naxium seu Eretriensem referunt, nō Erythræū, ut perperam quidam putant: neq;  
Theoclum putetis, ut quidam alioqui erudi-  
ti: fuit enim Theoclus uates, de quo nec se-  
mel Pausanias. Iis uerò qui Theoclem elegio-  
rum carminū inuentorem aiunt, Suidas suf-  
fragatur, qui furentē illum hoc carminis ge-  
nus cecinisse prodit. Alij tamē Midam Phry-  
ga dixerūt, cum parenti fortē iusta persolue-  
ret, & in deorum numerum referre studeret.  
Alij Terpandro elegi uersus inuentionē attri-  
buunt: quare, ut puto, cum de elego uersu a-  
geret Horatius, grāmaticos certare ait, nec  
adhuc secundum quempiam unum pronun-  
ciatum esse. Sed de elego alibi egimus, nunc  
reliquum de Callino afferam. Scripsit Calli-  
nus Cimmeriorū aduersus Esionenses impe-  
tum, totamq; eius belli historiā, ex quo poë-  
mate à Græcis nōnunquam afferri uidemus,  
ut illud:

*Gens bello aduentat fortissima Cimmeriorum.*

Strabo totam Sminthij Apollinis fabulā de-  
scriptam ait, atq; à muribus nomen deductū.  
Longè tamen ante Callinum Sminthij Apol

linis nomen celebre fuisse animaduertimus, ut in deorum cognominibus sumus ostensuri. Callini mentio, tum Censorino tum Arhe næo frequens. Post Callinū Phileræ & Mnermi imagines in tabulis pictæ fuere: nam & ambo eodem carminis genere, quo Calli-  
*Philetas.* nus, claruere. Phileras quidem Cous fuisse tradiť, uel ut aliĳ, Rhodius, quod apud Theocritum scribunt grammatici. Versus quidem eius de amatorijs rebus Ouidius & Propertius celebrant. Patrē habuit Telephum. Floruit hic primū sub Philippo, adusq; tempora secundi Ptolemæi, cuius & magister fuisse dicitur. quo argumento facilē inducor, ut eum ualde senē interiĳse putem. Habitus fuit Philetas inter sui temporis grāmaticos nō ignobilis criticus. usqueadeo uerò in ijs quæ ad orationem spectant, eiusq; nitorem, studio-  
 sus fuit, ut cū fortē difficile, nescio quid, anxietē nimis perquireret, cura & macie contabuisse ferat. Hanc ipsius mortis causam Græcorū diligentes quidam scriptores fuisse arbitrati sunt, quòd id genus orationis, quod tum *ψευδομενος*, tum *ψευδοδότης* Græci dicūt, minimē soluere quiuerit. Declarat hoc & ipsius, quod adhuc legitur epitaphiū sic à me Latinē expositum:

*Hospes ego hic sum, pseudomenos me sermo Philetæ  
 Perdidit, & curæ noctibus hesperiae.*

Porro, ne uos hoc lateat, pseudomenos sophisticæ

phisticæ captionis genus est, quod hodie à dialecticis reflexum dicitur & insolubile. Cicerò tortuosum & inexplicabile, ut in Acad. & de fato. Pseudomenos, hoc est. Epimenides ait, omnes Creteneses esse mendaces, & ipse est Crētensis, ergo & ipse mendax: igitur nō ei credendum: Et ait Creteneses esse mendaces, ergo ei non credendū: sunt ergo Creteneses ueraces, & illis credendum: at hic Crētensis, igitur ei credendum. Videre, quas nugas agant hi sophistæ. Sunt & huiusmodi cōplura alia, ut Crocodilinæ, Ceratinæ, *ῥτινδρ*; & similia, de quibus in dialectica copiose Piceus Pice pater tuus. Sed iam ad Phileram redeo, qui scripsit elegias, & epigrāmata, aliaq; nonnulla. Huic in hoc scribendi genere elegiarum apud Græcos plurimorum consensu secundas attribui autor est Fabius. Philetæ insuper opus quod Telephus inscribitur, quo nomine & pater ipsius uocatus est à grāmaticis, in Apolloniꝝ Argonauticis in testimonium assertur. Fuisse uerò exili adeò ac prætenui corpore tradit Aelianus, & Arhænaeus in dipnosophistis, ut pedibus sibi ex plumbo soleas annecti soleret, ne à uento scilicet diriperetur. Sunt & autores, qui ab illo Battida puellā amatam fuisse tradant, quod & Ouidius poëta semel atq; iterum innuit, cum cecinit:

*Nec tantum Coe Battis amata uiro,*

Item alibi ad coniugem scribens:

*Quæ non inferius Battide nomen habes.*

Bittis licet eo Hermesianactis Colophonij poëtæ carmine perperam uocari uideatur, quo cum alios poëtas cōmemorat, tum Philetam æneum positum à suis ciuibus sub platano canentē Bittida puellam. Carmen si requiratis, apud Athenæum legitur. Audentes fortuna iuuat, huius esse poëtæ sententiam Claudianus innuit, cum cecinit:

*Fors iuuat audentes, Coi sententia uatis.*

Tametsi in plerisque codicibus Chij pro Coi legatur. Sed de Phileta hactenus. At uerò alterius imago Mnimermi fuit, ut diximus, cuius poëtæ nomen Græcis pariter & Latinis uariè profertur, quidam enim Mimernū, alij Mimermum, alij Mimnermū, ut ferè Latini semper & Athenæus uocāt, cum sit à memoria & interpretatione nomen deductum, ut Mnemermus dicatur. Fuit Lyrgitiadæ Colophonij filius, & tibicen, ut testatur Strabo: ut uerò alij, Smyrnæus: ut alij, Astypalæus, unde ipse de se in elegia, quæ Nanno inscribit:

*Tum Pylon excelsam Neleida linquimus urbem,*

*Optatamq; Asiam nauibus attigimus.*

*Et primum ad Colophonem instructis uiribus urbem,*

*Et grauis hic cladis sedimus usq; duces.*

*Inde per Astyenta egressi protinus amnem*

*(Citra deūm) Smyrnam uidimus Acolida.*

Fuit uerò Nanno tibicina quæpiam à Mim-  
nermo



nermo adamata, cuius & mentio est apud quē modò nominauimus Hermesianactem, in ea elegia quam de quorundam poëtarum amoribus scriptam reliquit. Natus quidem Mimnermus dicitur duodequadragesima Olympiade, ea qua sapientes ætate floruisse traduntur: unde & à Solone increpitum ait Laërtius, quod sexagesimū annū fatalem homini statuisset, octogesimūq; potius statuedum monuit, qua de re Græca adhuc carmina leguntur. Ligystades propter carminis suauitatem cognominatus est. Eorum sectatus est sententiam, qui indolentiam & animi tranquillitatem induxerūt: nihil enim, ut ait Horatius in Epistolis, suaue esse cōsebat sine amore iocisq; & ut scribit Pomponius Porphyrio, αἰαλυσία Hieronymi commendauit. Meminit eius & Propertius lib. primo:

*Plus in amore ualet Mimnermi uersus Homero.*

Meminere & Solinus & Censorinus, item & Stobæus, apud quem & ipsius multa leguntur carmina, & in primis in ea oratione, quæ de uitæ breuitate inscribitur. Meminit quoque Pausanias & in Bæoticis in primis, quo loco illum in elegijs de Smyrnegorū bello, qd aduersus Gygen Lydorū regem gestum est, dixisse ait, antiquiores Musas Cæli filias fuisse, iuniores uerò Iouis, id quod in Musis etiam retulimus. Hæc cum dixissem, & paulum cogitabundus conticerem, existimans

Piso me de ijs poëtis, qui elegias scripſiſſent, ſermonis finē feciſſe. Quid, inquit, cogitas? quin reliquū nobis exequeris? Mecū nunc, inquam, cogitabam, an hoc loco quosdā ijs longē antiquiores uobis referre deberē, qui qua in parte tabularū deſcripti forent, haud ſatis ſuccurrit. Nihil, inquit Piſo, uetat, quin quo tu loco uelis, nobis recites, eorum omnino nobis erit grata narratio. Sic agam, in-

*Clonas.*

quam, ut uos uelle uideo. Fuit igitur Clonas Tegeates, ut Arcades exiſtimāt: ut uerò Bæotij, Thebanus, qui inter elegiographos & epicos celebratus eſt. Primus etiam excogitaſſe fertur modos ſeu leges muſicas, quæ à Græcis Nomi dicunt, qua dictione & Latini quidam uſi ſunt, tamenſi alibi alia & diximus, & dicemus de Nomis lyricis. Sed de Clona hoc idem ſcribit Plutarchus in Muſica. Alij tamen Ardalum quendam Træzeniū, à quo primū Muſæ cognominatæ ſunt Ardali-des, inueniſſe prodiderunt, quidam Apothetum & Schœnionem à Clona tantum inuen-

*Polymneſtus.*

tos. Erat & cum Clona Polymneſtus, Miletiſ filius poëta Colophonius, qui & ipſe eius ordinis, quo Clonas poëta fuit. Carmina ſunt ab eo excogitata, quæ Polymneſtia dicuntur. Scripſit item carmen orthium, quod & à quibuſdam orthriū uocatur. Eius quoque in Rhodo Sminthia cecinit, ab Atheno afferunt, Huius itaque Polymneſti & Alcman & Pin

& Pindarus, & Pausanias & Plutarchus, ut grammaticos mittam, meminere. Euhemerum quoq; ueterem elegiarū scriptorē Censorinus in Musica recenset. Fuit quidem Euhemerus ex Messena ciuitate, ut Lactantius & Plutarchus in Osiridis & Isidis libello ostendunt: quem secutus est Eusebius, tametsi idem Plutarchus alibi Tegeatem eum facere uideretur. Connumeratur uerò Euhemerus à Sexto emperico & eodē Plutarcho inter eos, qui quòd impij essent, *ἄβροι* à Græcis dicuntur, qua de re extāt senarij Callimachi, quos Plutarchus adducit in eo qui inscribitur, de philosophorum placitis. De Euhemero autem sic M. Cicero, cum eos qui aut fortes aut clari in deorum numerū relati essent, cōmemorasset, *Quæ ratio*, inquit, maximè tractata est ab Euhemero, quem noster & interpretatus & secutus est præter cæteros Ennius. Ab Euhemero autem mortes & sepulturæ demonstrantur deorum. Lactantius quoq; Firmianus in primo diuinarū institutionum, Euhemerus ait, qui fuit ex ciuitate Messena, res gestas Iouis & cæterorū, qui dei putantur, collegit, historiamq; contexuit & titulis & inscriptionib. sacris, quæ in antiquissimis templis habebantur, maximeq; in phano Iouis Triphyllij, ubi auream columnā positam esse ab ipso Ioue titulus indicabat, in qua columna gesta sua perscripsit, ut monumenta

*Euhemerus.*

essent posteris rerum suarum. Hanc historiã interpretatus est Ennius & sequutus. hactenus quidem totidem uerbis Lactantius. Eadem quæ à Lactantio, & longè plura, dicuntur ab Eusebio in Euangelicę præparationis libro secundo, quæ ualde miror ab interprete G. prætermis̃sa, inter quæ & hoc: Fuit, inquit, Euhemerus amicus Casandri regis, cuius gratia compulsus fuit regias quasdã sententias conficere, magnasq; ideo peregrinationes, per Oceanum loca peruagando meridionalia, marisq; insulas circumeundo perlustrare, quarum una est quæ Pancliæa nuncupatur. & reliqua. Ab his ergo omnibus, ut uidetis, & ab Iosepho præterea, non ut poëta, sed ut historicus Euhemerus nominari uidetur, qua de re quid ego nunc statuam, non habeo, nisi fortè duos eiusdem nominis fuisse aliquis existimet, alterum quidem Mesæ-nium historicum, alterum uerò Tegeatem, & poëtam. Euhemeri quoq; à Varrone & Iunio Columella in re rustica fit mentio, ut & Politianus in miscellaneis doctè obseruauit, à quo carmẽ ut Timonis Phliasij adducitur, cum reuera sit Callimachi, ut est apud Plutarchum: est enim Politianus coniectura, ut puto, deceptus, quòd illud ipsum carmen apud Sextum Pyrrhonium legerat, qui cuius esset non expres̃sit, Carmen hoc est, ut meis uerbis referam:

Senex

*Senex superbus impios ferens libros.* hoc est,

γέρων ἀλαζών ἄδικα βιβλία ψύχων.

Est & Euhemeri mentio apud Aur. Augusti num lib. de ciuitate Dei xviij. quanquā perperam eo loci pro Euhemeri haftenus ab in doctis Homerus scribitur. Atque haftenus quidem de Euhemero. Fuit & poëta Sacadas *Sacadas.* Arguius, qui modulationibus etiam operā dedit, & suo tempore egregius habitus, adeo ut ter Pythia uicerit. Sacadæ meminit Pindarus, item Plutarchus, qui eam in carminibus conuersionem quæ Strophe dicitur, in singulis tonis Sacadan fecisse scribit, primumq; Doricum chorum canere instituisse, secundum Phrygium, tertium Lydium, unde est, ut à tribus quibus constabat partibus, nomen ipse Trimere græcè nūcupetur. Alij Clo nam, cuius paulò supra meminimus, hoc instituisse uolunt, ut est in ea, quæ est apud Sicyonios poëtarum obseruatio. Sunt etiā, qui existiment apud Arguios illum constituisse, quæ Endymatia uocantur. Meminit & Iulius Sacadæ Pausanias, & cum eo Pronomi alicubi, at uerò in Corinthiacis ipsius monumentū paulò supra gymnasium, quod Cy larabæ uocant, ad portam cōuersis positum fuisse ait. Primus utiq; hic tiliarum cantum Pythicum apud Delphos cecinisse traditur, atq; Apollinis in tibicines odiū abusq; Mar syæ & Sileni certamine perseuerans, ab ipso

Sacada sedatum atq; compressum fuisse existimatur. Sed de his haftenus poëtis, qui antiquioribus floruisse temporib. produntur, quorum quæ in tabulis certa essent loca, nō satis ego memini: quare iam ad ipsum propositæ tabulæ ordinē redeo. qua in parte Zenodotus erat Ephesius, poëta & grammaticus celebris, qui Philetæ discipulus fuit, paulò ante Ptolemæi Philadelphî tēpora, ipsius ramen bibliothecæ præfuit, & in ea docuit. Est uerò inter criticos habitus, unde & illud est Bibaculi poëtæ in Catonem:

*En cor Zenodoti, en iecur Cratetis.* Scribit

Theophilus græcus grammaticus, Zenodotum Homeri uersus in ordinem redegisse, & simul Ptolemæi filios instituisse. Idem scribit & Suidas, qui & ipsum claruisse ait tempore primi Ptolemæi. Fuit & poëta Phædimus, qui, ut Stephanus scriptum reliquit, elegiarū poëta fuit haudquaquam obscurus, natus in ciuitate Macedoniæ, quæ Bisanthe dicitur.

*Pancrates.* Erat & Pancrates poëta Arcadicus, qui opera maritima, hoc est, ἔργα θαλάσσια ad Hesiodi imitationem scripsisse proditur, quo in primis libro pompilum piscem sacrum esse existimauit, Epopœa q; piscatorem à ceto absorptum filio præsentē cecinit, ea ratione, quòd cum pompilos pisces cepisset, nō ijs ut sacris abstinuisset. Inter multos Pancratis uersus, quos apud Athenū legi, hic est unus à me  
ex tem-

ex tempore tralatus:

*Pompilum hunc sacrum uocitant cognomine piscem.*  
 Porro diligentius considerandum est, an ab hoc pancratiū carmen deductum sit, de quo apud grammaticos: nihil enim ego habeo, quod in præsentia statuam. Et cum Pancrate erat Agathyllus & ipse Arcas, qui in scribendis elegijs summopere cōmendatus est. Eius uersus citat Dionysius Halicarnass. cū de aduentu Aeneæ in Italiam uaria ex uarijs autoribus recenset. Fuit & hac parte Eratosthenis imago, qui Cyrenæus fuit. Patrē habuit, ut scribit Stephanus, Agacleum, ut Lucianus & Suidas, Aglaum, ut alij, Ambrosiū. Audiuit Lysaniam Cyrenęum grammaticū, & poëram Callimachū, & philosophum Aristonem Chium, cui & libros aliquot, ut est apud Athenæum, inscripsit. Fuit utiq; Eratosthenes uariarum doctrinarū & disciplinarum studiosus & eruditus, atq; in ijs diu multa cum laude uersatus, tamen à Strabone aliqui incesitur, in ultimo tamen geographię ut egregius poëta cōmendatur. In secundis quidem dictus est in omni disciplina fuisse, ut uerò alij, eum secundum uel nouum Platonem, alij Pentathlon uocauere. Primus certe philologi nomen obtinuit, ut est apud Suetonium Tranq. & post eum idem cognomen adeptus est apud Latinos Atteius. Alexandriam Eratosthenes ex Athenis à tertio Pro-

Agathyllus.

Eratosthenes.

lemæo est accersitus, ubi ad quintum usq; di-  
 uersatus est. Proditū est à Luciano, in eo qui  
 longæui, hoc est, Macrobij inscribitur, Era-  
 tosthenem cum grammaticus, poëta, philo-  
 sophus, geometra, astrologusq; celebris fuis-  
 set, ad annos usq; duos & LXXX peruenis-  
 se, à Suida ad LXXX. Extat, quam legi, Era-  
 tosthenis elegia apud Eutoecium Ascaloni-  
 tam in cōmentario Syracusani Archimedis,  
 quæ uolumina etsi hoc tempore parum uul-  
 gata, eorum mihi tamen copia facta est ex bi-  
 bliotheca nostri huius Alberti Carpen. prin-  
 cipis. Elegia uerò ipsa est tum suauis, tum ua-  
 ria eruditione referta. Autor est Val. Probus  
 grammaticus, Vergilium poëtam ab Erato-  
 sthene de cœli zonis omnia sumpsisse, & ex  
 eo præcipuè libro qui hexametris uersibus  
 scriptus, titulū habuit Hermes, cuius dispu-  
 tationis quosdam attulit uersus, qui & ab He-  
 raclide Pontico, in eo quem pro Homero &  
 cōtra Homeri calumniatores libro compo-  
 suit, adducuntur. Floruit Eratosthenes Eu-  
 sebio teste, cXLI Olympiade, quo tempore  
 Romani Marcello duce Syracusas obtinue-  
 re: alij centesima & XXVI scribunt. Cōsum-  
 ptus uerò inedia existimat, cum oculorū aciē  
 sibi imminutam iniquius ferret. Discipulum  
 insignem Aristophanem Byzantinum gram-  
 maticum reliquit, cuius postea Aristarchus  
 discipulus fuisse scribitur, Eiusdem & disci-  
 puli



puli fuere Mnaseas, Menāder, & Aristes. Scripsit uerò cum multa in philosophia & astrologia, tum non pauca in poëtica & historia, & præterea de ijs, quæ sunt in philosophia sectis. reliquit & dialogos multos, & de indolentia quæpiā, sed & in grāmaticis nonnulla. Atq; hæctenus quidem de Eratosthene: quē *Rhianus.* sequebat Rhianus, qui & ea qua Eratosthenes ætate claruit. Rhiani uersus cum aliubi, tum in ijs quæ in Apolloniū scripta sunt cōmentaria, non semel in medium allatos inuenietis. Stephanus uerò Thessālica illum scripsisse prodit, unde & sunt Thessalię in ijs, quę modò dixi, commentarijs cognomina collecta. Scripsit item eodem ipso Stephano autore Phamam, unde & carmina in testimoniū uocat. De Rhiano præterea in Græcorū monumentis sic inuenimus: Rhianus, aiūt, Cretensis fuit, ex Bena ciuitate, à qua ipse Benæus cognominatus est, id quod etiam Stephanus tradit. alij autem, ut Suidas scribit, Ceraitem dixere, alij ex Messena Ithaca, qđ uerisimile nobis uideri facit Pausanias, qui à Rhiano Messeniācum bellum carmine scriptum ait, quod xx annis Messenij cum Laedæmonijs gessere. quod Rhiani quidē carmen cōmendat Pausanias supra historiam, quam eadem de re scripsit Prieneus Myron. Fuit uerò Rhianus primū quidem palæstræ custos & seruus: mox literas edoctus nō in-

celebris factus est grāmaticus & poëta. Scripsit præter ea quæ suprà memorauimus, Thesſalica & Messenaica, Heracleada libris quatuor. nec de Rhiano plura adhuc didici. Post

**Seleucus.** Rhianū Seleucus Emisenus fuit, qui licet inter excellentes grammaticos cōnumeretur, nihilominus piscatoriā artem carmine composuit, cui titulū fecit ἀσπασιστίνα, quatuorq; illa uoluminibus digessit. Scripsit item commentaria in Lyricos, item Parthica libris

**Tryphiodorus.** duobus. Fuit & Tryphiodorus Aegyptius, grāmaticus & poëta, qui scripsit urbis Troianæ excidium, quæ Halosis inscribitur, quæ cum diu in tenebris latuisset, nuper est ab Aldo Manutio publicata. Composuit etiā Tryphiodorus Marathoniaca, & de Hippodamia quædam, item Odysseam λεπογράμιατον, ut Græci dicunt, in quo poëmate de Vlyssæ illiusq; laborib. egit: omnia insuper, quæ de illo fabulata est antiquitas, collegit. scripsit item

**Damocrates.** alia. Damocrates quoq; Seruilius poëta fuit & medicus, quem Galenus in libris de medicaminum compositione per genus, plerasq; ait medicaminū cōpositiones senarijs iambicis conscripsisse, idq; comprobat ipse Galenus. Nam, inquit, quæ uersu scribuntur, ad memoriā magis conferunt, eoque rectius synceriusq; pondera ac mensuras, necnon ipsorum medicaminum cōmensus custodiunt, nec eorum uidelicet uocabula temporum & scriben-

scribentium, ut fit, incuria corrumpantur & uident. atq; ea causa Galenus ipse nonnullas medicaminū compositiones, eorumq; confectiones, ipsius Damocratis uersibus recitat. Ex quibus facile colligere potuimus, in utraque facultate plurimū Damocraten ualuisse, cum à tanto medico tanti fiat. Meminit & alibi idem Galenus, eiusq; uarios citat libellos, ut Clinicum, & quem ab amici nomine Pythicum inscripsit, item de antidotorum præparatione. Herbam quoq; Hiberida eius carminibus describit, quæ si fortasse desideratis, ea leguntur in ultimo de medicinis compositis. Meminit & Plinius lib. xxv. natur. hist. Legimus & ipsi paulò antè eiusdem Theriacen uersu Hexametro cōpositam, & illo quidem nō illepido: adeò antiquos ante & post Galenum medicos nō, ut hac tempestate plerisque omnes, ἀμύους & inelegantes fuisse liquiddò perspicimus. Sed quoniā in medicorū mentionē incidimus, præter quos alibi, & sequentis in primis tabulæ sermone referemus, idem Cl. Galenus Eudemū celebrat lib. de antid. ij. eiusq; antidotū Theriacen & ipsum uocatū, uersu conditum adducit, quod Philometor Antiochus probū esse his uerbis iudicauit:

*ἰκσιν μάθι τίνδε πρὸς ἱριτὰ, ἢ φιλομήτωρ  
νικήσας πᾶρα κίρκιρι ἀντίοχῳ.*

Heliodorū quoq; poëtam & medicū eodem, quo suprà loco diximus, Galen. cōmemorat,

*Eudemus.*

*Heliodorus.*

eiusq; uersus affert perquàm oppidò memo-  
ria dignos. Scripsit uerò hic ad Nicomachū  
*ἀπολυσιὰ*, hoc est, resolutoria, cuius poëmatīs  
hos uersus attendite, ex quibus quanta artis  
medicæ religione teneretur, faciliè uidebitis,  
ne uidelicet inquinatas manus haberet, qđ  
& suo iusiurando D. Hippocrates præcipit.  
Versus Heliodori hi sunt, à me sic Latinè quo  
quo modo expressi:

*Non per, qui deus est in Tricca, haud perq; serentem  
Solem cælicolis lucem mortalibus aliam,*

*Non per sceptrā deūm quæ fert Saturnia proles,*

*Non quisquam me induxit donis, me ue coëgit*

*Gratia amicitiae cuiquam nocuisse medendo,*

*Sed sanctas nunc clara manus ad sidera tollo,*

*Impolluta mihi uitio super omnia mens est. Hæc ille.*

Scitis uos quidam Triccam oppidum fuisse  
Thessaliæ, ubi Aesculapius Tricceus colere-  
tur, uel ipso Strabone autore: dictum à Tric-  
ca Penei filia, ut Stephanus scribit. Sanè eo-  
dem loco Galenus Heliodorū, hunc nescio  
an alterū scribit fuisse Atheniensem, Tragœ-  
diarum poëtā, ut hesternā die meminimus.

*Ptolemæus.*

Fuit & Ptolemæus Cytherius poëta, qui in-  
ter alia quæ scripsit, & uersus composuit de  
psalacanthæ herba, deq; admirandis ipsius  
herbæ uirtutibus, cuius apud autores nō fa-  
cilè mentionem factam reperiatis, Plinium li-  
cet & Dioscoridem euoluatis. meminit Sui-  
das. Nisi fortè Pyracanthæ legatis, id est, sco-  
lymus

lymus, ut est apud Dioscoridē. Post hos uerò fuit Capito epici carminis poëta, ut libro octauo dipnosophistōn obseruat Athenus, qui & illius scripta in medium adducit. Alio uerò loco eum patria Alexandrinū fuisse ostendit, atq; in primis erotica, id est, amatoria carmina scripsisse. Suidas tamen, nisi nominis similitudine fallimur, Capitonem, Lycium & historicum facit, qui Isauricam historiam libris octo conscripserit, & Eutropij Latini, qui ex Liuiο epitomen seu compendium fecit, metaphrasin, scripsit item de Lycia atq; Pamphylia. Fuit & Arteius Capito inter ueteres Latinos eruditos connumeratus. At nihil hi ad tabulas: in quibus quidem erat Theolyti imago poëtae Methymnæi ex Lesbo insula, qui quæ Bacchica appellantur, scripsit. Sunt qui addant, eundem Glaucum cecinisse Ariadnæ amore percitum, cum ea esset in Naxo relicta, ei uim afferre tentasse, quare à Dionysio ex uite uinculo uinctum eodem loco relictum. Extrât hac de re apud Græcos carmina, in quibus Glaucus de se inter reliqua ita loquitur:

*Anthedon prope terga maris, contraria longè*

*Eubææ, Euripi quâ latè refluit æstus,*

*Hinc genus est, genuitq; pater me nominè Cōpeus.*

Post Theolytum non procul fuit Euanthes epicus & ipse poëta, qui de ipso eodem Glauco Anthedonio inter cætera hymnum com

*Capito.*

*Arteius Capito.*

*Theolytus.*

*Euanthes.*

posuit, sed non Copei, ut Theolyrus, ipsum filium facit, sed Possidori, uel potius Possidonij & Naiadis nymphæ, ut scribit Arhençus, remq; ait Glaucum habuisse cum Ariadna, cū à Theseo in Dia insula relicta fuisset. His sic à me cōmemoratis, Sed iam locus, inquā, & tempus exposcere uident, ut quarundam puellarū & mulierum imagines, quę in tabula fuerāt, uobis expediam. Erit istuc, inquiūt Piso & Picus, pergratum audire, quo enim rarius est mulieres in hac facultate excelluisse, eo res miranda magis, & ea de re sermo quoq; gratior. Ne uos, ego inquam, rarum adeo putetis mulieres in poëtica excelluisse: nam & eæ suas sibi ingenij laudes uendicarunt sic, ut & uiris in hac facultate gloriam quandoq; præripuerint. Corinna enim est Pindaro Lyricorū principi in iudicio antelata, ut planius uobis suo loco ostendam, & Sappho quoq; poëtis multis præposita. At illas iam attendite post Sibyllas, & cæteras, quas hesternò sermone retulimus, quæ hac parte depictæ fuerant, quarū prima erat Eumite, quæ à patris nomine & Cleobule, & Cleobulina dicitur. Patria Lyndia ex Rhodo fuit, pater unus ex septem Græciæ sapientibus Cleobulus, qui eodem scribendi genere uersus delectatus est, quo & filia. Eius & multæ feruntur sententiæ, cum ab alijs, tum à Laërtio, qui, ut fatuum, eum à Simonide habitum

*Eumite.*

*Cleobule.*

*Cleobulina.*

*Cleobulus.*

bitum scribit, cuius hac de re leguntur uersus. Cæterum Eumite griphos & ænigmata scripsit, ut Plutarchus in conuiuio sapientū prodidit, & nos inter nostra ænigmata tibi Pice collegimus, illudq; eius attulimus:

*Est unus genitor, cui uni sunt pignora bis sex,*

*His quoq; triginta natæ, sed dispare forma.*

*Hæ niuæ æ aspectu, nigris sunt uultibus illæ,*

*Sunt immortales omnes, moriuntur & omnes.*

De Eumite pauca alia inuenimus. Post eam Praxilla fuit Sicyonia, cuius Suidas & Arhe-  
næus meminere, ut nunc alios mittam. Floruit, ut Eusebius scribit, LXXXII Olympiade, eam Antipater Theſſālus primā inter nouem Lyricas enumerat, quas notissimo ipse epigrāmāte describit. Meminit & Tacianus, tamenſi hæreticus, doctiſſimus tamen, in libro aduerſus gentes, eiusq; imaginem à Lyſippo ait fuiſſe confectam. Hephæſtion uero Praxillæ dithyrambos, metrumq; Praxilliū ab ea deductum & factum aſſerit, cuius carminis genere alicubi utitur Pindarus in hymnis Iſthmionicis. Meminerūt & Latini Praxillei uerſus. Ab hac, ut Zenobius ait, ſeu ut alij malunt, Zenodotus, prouerbiū illud factum eſt, Stolidior Praxillæ Adonide, in ualde ſtupidos ac ſtolidos. Nam cum, teſte Polemone, Praxilla in ſuo quodam poëmate Adonin apud inferos induxiſſet interrogatum, quid formoſiſſimū apud ſuperos reliquiſſet,

Praxilla.

illum respondisse Solem, Lunam, mala, cucumeres, resq; adeò dissimiles contulisse, ut inde prouerbiū emanarit. Sed & huius Praxillæ nunc etiā carmē legitur, ad Calain puerum, de amoris mutatione. Erat dein post Praxillam Nossis poëtria, cuius adhuc inter Græca epigrammata uersus leguntur, eius & Antipater in eo, quod modo citauī, lyricarū mulierum epigrāmate meminit. Erat & Myro Byzantia, quæ in poëtica plurima scripsit, atq; inter ea præcipuè elegias, & uersus melicos. Sunt qui matrem eam fuisse putent eius Homeri, quem in Pleiadis poëticæ numero connumerauimus. Laudatur uerò ab Athenæo multum, eamq; in hac facultate excelluisse prodidit. Fuit quoq; illius Andromachi uxor, qui philologus illustris est suo tempore habitus. Myrus huius statuam factam à Cephisiodoto, egregio eius artis opifice, scriptum reliquit Tacianus. Alteram tamen etiam Myro legimus, quæ in studijs philosophiæ uersata est. Fuit & in hoc fœminarum agmine Erinna, de cuius patria uaria legimus, Tacianus enim Lesbiam illam facit, alij Teiam, alij Rhodiam, quidam Teliā, ab insula non admodum magna Telo, quæ parum distat à Cnido, ut uerò Stephanus ait, Teniā fuit, à ciuitate Laconix Teno. Floruit per ea tempora quibus & Sappho, cuius & concubinam fuisse scribit Tacianus, & Suidas, si modo tem-



do tempora cōueniunt. Extāt & hodie Erin-  
næ carmina nonnulla Græca, quæ legi. Sunt  
qui tradant eam tum nonum & decimū an-  
num egisse, cum uita excessisset, & esset ad-  
huc uirgo, quam ob causam iuniore uatem,  
hoc est, Neædon Leonides Græco epigram-  
mate uocauit. Extant, quæ legunt apud Græ-  
cos, in eam multorum epigrammata, ex qui-  
bus ego hos duos expressi:

*σαπφὸς δ' ἑρίνης ὄασον μέλιτι μ' αἰνέων,*

*ἑρίνη σαπφὸς τόσον ἐμίξα μίβοις.*

*Erinna melior lyrico quàm carmine Sappho,*

*Erinna & Sappho tam fuit hexametris.*

Scripsit uerò ipsa Dorica & Aeolica lingua  
poëma, quod Helecaten uocauit trecētis uer-  
sibus, qui perquàm similes Homericis uide-  
bantur, quamobrē, ut opinor, ita de ea Pro-  
pertius cecinit:

*Carmināq; Erinnes non putat æqua suis.*

Meminit & Erinnes Eustathius, & Plinius  
cum de Myrone agit. Fecit, inquit, Myron et  
Cicadæ monumentū & locustæ, sicut carmi-  
nibus suis Erinna significat. Hanc illa seque-  
batur Anyte, cuius in aues quasdā uersus &  
hodie leguntur, & præterea epigramma in The-  
misticlem, cuiusque Anytes Tacianus idem  
meminit. Quo loco etiam de Myrtide, quam  
Anthedoniam fuisse scribit Plutarchus, quæ  
Ochnæ puellæ necem scripsisse dicitur, quæ  
Eunosti herois mortis causa fuerat. Eiusdē

*Anyte.*

*Myrtis.*

*Learchis.* Myrtidis meminit & Antipater. Cōmemorat  
*Mnesarchis.* idem, qui suprà, Tacianus Learchida à Mene  
*Clito.* strato, Mnesarchida Ephesiam, & Clito, ab  
*Talarchis.* Amphistrato exscalptas fuisse, & Talarchi-  
*Telefilla.* da Argiuam à Silanione, & Telefillam, quę &  
 ipsa Argiua fuit, & eodem, quo Praxilla tem-  
 pore clauit, ut Eusebius scribit, eius aliquos  
 uersus Hephæstion adducit. Sed mirandum  
 illud est, quod de ea Plutarchus prodit in eo,  
 qui est de mulierū uirtutibus, quod ea uide-  
 licet supra cæteras fœminas in poëticiæ facul-  
 tate excelluit, Cum domi, inquit, illustris es-  
 set. Sed ualitudinaria oraculum accepit, Mu-  
 sas ut colere deberet, quare, ait, carminib. &  
 harmoniæ musicæ operā dedit sic, ut morbo  
 liberata sit, & patriam cum alijs Argiuis mu-  
 lieribus aliquando tutata sit. Quam historiā  
 latius Plutarchus ipse exequit, breuius Pau-  
 sanias & Suidas, qui ita scribit. Telefilla, in-  
 quit, poëtria libros quidem super columnā,  
 sed capiti galeam imposuit. Etenim cum La-  
 cedæmoni eos, qui in Argi templum, uel ut  
 Pausanias ait, in Martis luco confugerāt, per-  
 derent, & iam ut urbem diriperent, immine-  
 rent, tum Telefilla armatis mulieribus, quæ  
 ætate apræ essent, Lacedæmonijs obuiam iue-  
 re. Quam rem conspicati Lacedæmoni, re-  
 tro conuersi sunt, turpe esse rati cum mulie-  
 ribus pugnare, quas & uicisse nulla sit glo-  
 ria, & ab ijs uinci magna sit ignominia. Qua

in re oraculū, quod antea Argiuis datū fuerat, impletum est, quod erat huiuscemodi:

*Quando marem uirrix mulier procul usq; fugarit,*

*Claraq; tum fuerit Argiuis gloria parta,*

*Tum laceras plures Argiuas undiq; reddet.*

Huius ergo Telefillæ statua Argis fuit, supra columnam posita, ad cuius pedes libri fuerant sparsi, galeam uerò manibus tenebat, quam erat capiti impositura. De Telefilla meminit & Lucianus in Amoribus. Non ea, inquit, quæ in Spartanos armata Telefilla prodiuit, postquam Mars muliebris inter deos Argis connumeratus est. Scripsit autem Telefilla cum alia, tum Odas, in quibus de coryphæa Diana, ut Pausanias docet, mentionē fecit. At uerò Theophylactus, qui Græcas quasdam epistolas cōmentus est, Telefillam Laidi epistolam scribere confingit, quæ lasciua adeo, ut uix meminisse eius cōueniat. Erat & in hoc poëtriarū agmine Nysis, Agacle, & Theosebia, cuius adhuc in medicos quædā extāt epigrāmata. Fuit & Aspasia Milesia, quæ licet, quàm poëtria, sophistria magis à Græcis nuncupet, quod scilicet oratoriæ operam dederit, nihilominus & carmina pleraq; ornatè composuit, ut est apud Athenæum, inter quæ nōnulla in Socratem, quem & amasse & docuisse ferunt. Leguntur, quæ Herodicus Cratetius adducit, Græca Venere delibuta, alia etiam fert Athenæus.

*Nysis.*

*Agacle.*

*Theosebia.*

*Aspasia.*

Hanc Pericles amauit, ut non semel idem scribit Athenæus, & duorum bellorum causam fuisse tradit Suidas, Samiaci & Peloponnesiaci. Ex ea quoque nothum filium sibi cognominem sustulisse Pericles proditur. Aspasiæ meminere cum alij Socratici, tum præcipuè Plato in Menexeno, sed plura Harpocraton ex Lysii oratione, quæ in Aeschinem Socraticum est edita. Erat & cum his Clitagora La-

*Clitagora.*

*Alexandrina.*

cedæmonia, cuius Aristophanes meminit. Erat item Alexandrina Hestia, quæ, ut Strabo scribit, à Demetrio citatur. Inter ea uerò, quæ suis scriptis prodidit, de HomERICA Ili-

*Hedyle.*

de multa feruntur. Fuit & simul Hedyle Poëtria, quæ Hedylogi Samij mater fuit, uel ut alij uolunt, Atheniensis. Inter poëtas autem con-

*Hedylogus.*

numeratur & ipse Hedylogus in quarto ab Athenæo, ubi & ipsius epigrammata nonnulla in medium afferuntur. Fuit uerò Hedyle, ut creditur, Moschinæ Atticæ filia, quæ iam borum poëtria fuisse perhibetur. Hedyle uerò cum alia scripsit, tum poëma illud, quod Scylla inscriptum est, in quo Glaucum induxit Scyllæ amore captū, in illius antrum descendisse, qua de re Græci grammatici, ut est apud Athenæum. Erat & cum his Damocharis, cuius adhuc extant epigrammata. Megalostraten etiam poëtriam fuisse ostendunt Archytas Harmoniacus & Chamæleon, amaramque moderatè ab Alcmane, cuius & in eam uersus

*Damocharis.*

*Megalostrate.*

*Damophila.*

uersus legi apud Athenæum. Fuit & Damophila, Pamphili uxor, quæ Sapphus amicitia ufa est, de qua Apolloniꝝ uerbis Tyanei, quæ apud Philostratum leguntur, uobiscū agam. Damidem, inquit, cōuocans Apollonius ait, Nunquid tu ex me hodie petiisti, quo sit nomine uxor Pamphili uocitata, quæ & familia ritatem habuisse, & carmina hymnosq; condidisse cum Sappho dicitur, qui hac quoque tempestate in Dianæ Pergææ sacris cōcinuntur, atq; eos quidem Aeolico Pamphylicoq; ritu edidisse tradit. Quæsiui sanè, inquit Damis, nec nomen adhuc mihi prodidisti. Tum Apollonius, Non, inquam, uir probe, prodidi, at si hymnorum numeros ac modos consideremus, & quo modo Aeolica Pamphylijs permutarit, alij pfecto nos euaderemus, parumq; in exquirendis nominibus solliciti essemus. Eius tamen sapientis mulieris nomen fuit Damophila, quam æquales sibi uirgines congregasse perhibent, poëmataq; uaria partim amatoria, partim in Dianæ laudē composuisse, necnon ex ipsius Sapphus poëmatibus multa didicisse. Atq; hæcenus his ferme uerbis Apollonius apud Philostratum. Erat post hæc lasciuissimæ cuiusdam fœminæ imago, quæ tanquam Spinthria, ut dicitur, uaria concubituū genera descripsit, Elephantis nomine, quæ & à Græcis interdum Elephantine uocatur, utrunq; forma patro-

*Elephantis.**Elephantine.*

nymica dictum uidetur, hanc tamē uideo Latinos quosdam alioqui literatos falso marem putasse. Ex huius certē Elephantidos libellis, in Priapeis poematijs, Priapo deo obsceno dat donū Lalage. Et Tiberius Cæsar, ut Tranquillus scribit, cubiculū expositis figuris instruxerat, ne cui libidinis exēplar deesset. Huius & Tacianus Assyrius in libro aduersus gentes meminit, & Suidas, Martialis quoq; & Plinius, ex quibus omnibus ego plura in Collectaneis. Sunt, qui Elephātidis carmina adhuc quædam legi prodiderūt, quæ ad manus meas neutiq; peruenere. Et cū Elephantide fuit altera, eius par lasciuia, Philœnis hæc erat, quæ prostratæ mulier fuit pudicitia, ut ex Græco incerti auctoris Scazonte, quod in tertio epigrammatū uolumine legit, cognoscimus. In quo ipsa se ea nunquam fecisse ait, quæ illi obiecta sunt, sed ea à Philocrate Atheniense, homine & nominis & linguæ præpotere, scripta fuisse, se uerò nihil earum rerum penitus scire. Athenæus quidem ex Chryssipi sententia, carmen illud Aeschryonis Samij esse in octauo scriptum reliquit, qui quòd iambis uti soleret, Iambœtheus dictus est. Xenophon quidem in secundo Apomnemonem Leucadiam Philœnin dicit, his uerbis: Quæ neque, inquit, Nico Samia, uel Callistrate Lesbia, uel Philœnis Leucadia, sed neque Atheniensis Pythonicus conspexit  
amo-

amorum solatia. Lucianus quoque eiusdem meminit, cum in Pseudologista, tum in Amoris, ut de poetria lasciuissimorum carminum. At uerò Philœnis scripsisse dicitur uaria concubituum genera, ut quoque Elephantis, quorum mentio fit in Priapeis, quæ tot figuris, quot Philœnis enarrat, & eo Ouidij uersiculo significari plerique autumant:

*Nec quæ concubitus non tacere suos.*

Elephantis, inquam, & Philœnis, si Suidæ stamus, Astyanassam imitata sunt, quæ utraq; longè fuit antiquior, ut quæ Helenæ Menelai ancilla fuerit, primaq; inuenisse fertur concubitus in coitu, id est, quas Græci *κατακλι-  
σας* uocant, & de concubituum figuris libros reliquit, sed de his in Collectaneis nostris. Alteram Philœnem Tribadem lacerat Martialis. Sed & aliæ plures inter mulieres poetæ fuerunt, sparsim quidem alijs tabulis effictæ, de quibus sequentium dierum sermonibus agemus. Tum Piso, hæc cum dixissem, exurgens, & abeunti similis, in me intuens abitionem parabat. Et ego, Mane, inquam, Piso, adhuc alia quædam restant, quæ sunt nobis hodie dicenda: nam nec dum sol inclinat. Quo iterū cum puero sedente, Post mulierū, inquā, imagines, in hac tabulæ parte Euphronius erat poeta, qui de Priapo pudendo deo multa scripsit, eūq; inter cætera Orneatē

*Euphronius.*

à flumine uocat, quod scilicet in eius fluminis ripa constructum phanum eius dei esset, quod plenius ostendit Strabo. Ab Euphro-  
*Alexander.* nio non aberat Alexander, qui suo tempore lucerna, hoc est, Lychnus cognominatus est. Fuit uerò Ephesius patria, poëta & orator, & in repub. diu honestè uersatus, scripsitq; carmina plurima, in quibus tum de rebus cœlestibus, tum de continentib. terris multa tractauit, quæ & citantur à Stephano, meminit eius & Strabo. Reliquit & alia nōnulla poemata, quorum meminit Athenæus, & præter alia historiam quoq; cōposuit. Dubitauī aliquoties ego, an hic ille Alexander poëta esset, cuius est facta mentio à M. Tullio in epistolis ad Atticum. Scribit enim de eo ita lib. vi. A Vibio libros accepi, poëta ineptus, nec tamen scit nihil, sed est non inutilis, describo, & remitto. Quibus uerbis uidetis, quale de eo fuerit Ciceronis iudicium, nomen uerò ascribit alia eiusdē libri epistola, ait enim, Libros Alexandri negligentis hominis, & nō boni poëtæ, sed tamen non inutilis tibi remissi. Atq; ille hæcenus. De Alexandro Aetolo alibi age-  
*Critias.* mus. Fuit & hac parte Critias nobilis poëta, qui cum alia, tum in primis elegias cecinit, quæ ut coniectura non obscura assequimur, & uenustate & elegantia refertæ fuerant, legi etenim eius ipsius elegiam, quæ extat, unā, qua id facilè collegimus, In qua Lacedæmo-  
 nīs



nijis morem nō fuisse scribit in symposijs prægustationes & philotefias, quas uocāt, alternasq; potationes facere, qua de re & Athenæus plura in decimo. Critiæ illa etiam celebratur elegia, quam ad Alcibiadem Atheniensem scripsit, in qua cum Alcibiadis uocabulum in elego uersu inferere non posset, iambico pro pentametro usus est, ut & Parthenius fecit de Archelaidis nomine, ut nō multo pōst uobis enarrabo. Versus uero ipsi leguntur apud Hephæstionem, in Enchiridio:

καὶ νῦν κλεινὸς ὑἱὸς Ἀθλῶναις Σιφάνῳσι,

Ἀλκιβιάδῳ νύ σι σι μὲν ἄσας ῥόποις.

Inter poëtas quoque reponitur Héraclides, *Heraclides.* qui à patria Heracle Pontica, Pontici cognomen accepit. Euphronis seu Eutyphronis filius fuit, originem uerò ab eo Damide duxit, qui eorum unus fuit, qui coloniam à Thebis Heracleam duxerunt. Athenas iuuenis Heraclides concessit, ubi cum molliore uestitu uteretur, essetq; corpore obeso, ac ideo incessu tardo, pro Pōtico Pompicus uocabatur. Patriam à Tyrannide liberaffe prodiit, permultum uerò scripsit, nec minus sub alterius persona multa edidit, furti tamen accusatur, qđ aliena interdum sibi ascripserit. Inter alia cōposuit de poëtica deq; poëtis dialogum. Extat eiusdem liber, quod aliàs uobis dixi, quo Homerū à calumnia defendit. Sedenim auidum adeò gloriæ fuisse legimus, ut Pythiam

corruerit, quo sibi in theatro aurea corona daretur eo tempore, quo à fame laborāte patria scitatū oraculum missus est. Sed & de eo sermo traditur, quod ab ipso nutritus draco fuit, quem, cum mortem sibi imminere sentiret, cuidam fidissimo sibi præcepit, ut pro se mortuo in lecto collocaret, ut à suis ipse ciuibus ad deos migrasse crederetur. quod cum propinquus ille fecisset, serpens, dum iusta agerentur, electo prorepsit, & eorum multos, qui aderant, perterrefecit, quare patefacta, diuinos, quos appetebat, honores nequaquam est adeptus. Hoc scribit Hippobotus, & Demetrius Magnesius, si plura de ipso desideratis, legitote Laërtium, qui eius uitam est executus, apud quem, & quæ tum soluta oratione, tum carmine composita sunt, inuenietis. Aristoxenus quidem musicus illum tragœdias scripsisse tradit, sed Thespidis nomine publicasse. Chamæleon quoque ait illum, quæ carmine scripsit hexametro, ex Homero & Hesiodo furatum. Sunt, qui Heraclidis poëmata falso ea uelint, quæ nugæ, hoc est, λίσχαι inscribuntur, carmine Phalæcio & Sapphico composita, cum alterius quidem sint Heraclidis Pontici, cuius & Artemidorus meminit in iij. de somniorū iudicio, ad filium Artemidorū. Hic idem Pyrrhichas composuit: nam Heraclidis nomine plures fuisse inueni, Fuit & alius, qui Claudij & Neronis

ronis principatu floruit, quo etiam tempore Didymus grāmaticus, cui & multum detraxit, ut obseruat Suidas. Sedenim Diogenes hoc nomine quatuordecim colligit, quos inter eum, qui Lembus est cognominatus, unde & oratio Lembeutica ab eo dicta. Fuit uerò, ut Suidas scribit, Oxyrynchites, ex Aegypti ciuitate, uel ut Laërtius putat, Alexandrinus seu Callicianus. Vixit autem Sexti Ptolemæi tempore, & ad Antiochum regem scripsit, non tamen hic inter poëtas celebre nomen est affecutus. Et elegiarum poëta fuit, ut Callimachus testatur, à quo est mirificè amatus, quin & in ipsius funere hoc epigramma composuit, quod uobis meis, utcunque potero, uerbis recitabo.

*Dixerat Heraclete mibi tua funera quidam,*

*Tum fleui memorans, mæstus, uterq; simul*

*Sedimus ad solem quoties, at tu meus hospes*

*Ex Alicarnasso puluis es exiguus.*

*Sed tua uiuet aëdon, cui, qui singula carpit,*

*Non Pluto potis est iniicere ipse manum.*

Quod si Græcè legere mauultis, inter Græca habetur epigrammata, uobis enim ingenue fateor, etsi numeros seruaui, me transmarinā Venerem non affecutum. Sunt etiam, qui Heraclitum Ephesium poëtam faciant, ut Suidas, aliq̃, qui Blifonis, uel Bleutonis filius fuit, seu Oracini, ut uerò Laërtius, Blifonis uel Eratiōtis, & sexagesimanona Olympiade

*Heraclitus.*

clarus, quiq; à sermonis obscuritate Scotini nomen obtinuit, quam se ea ratione secutum fuisse dicere solitus erat, ut eruditi solum sua legerent. Hic inter reliqua librū scripsit, quē in tres partes diuisum ferunt: nam de uniuerso, & de republica, & Theologia in eo differtur, ipsumq; in templo Dianę deposuit. Hūc librum, ut Ariston scribit, cum Euripides Socrati aliquando legendum detulisset, Socrates respōdit, Quæ intellexi, præclara sunt, pu- to, & quæ nō intellexi, ueruntamen eis opus est Delio natatore, ne in eo suffocetur. At ue- rò Sélēucus grāmaticus Crotoniatem quen- dam scribit in eo, quem *κατακολουθητικὸν* in scrip- sit, libro, Cratem quendam hunc librū pri- mo Græcis inuexisse, ac dixisse librum ipsum Delio aliquo indigere natatore, qui in eo nō suffocetur. Eum utiq; librum pleriq; Musas inscribunt, alij De natura, sed Diodorus Di- ligens gubernaculum ad uitæ regulam uel a- mulsim, alij Morum sententiam, quidam *κόσμος ὁρίων ἐνὸς τῶν ξυμπάντων*, hoc est, ornamen- tum morum unius omniū. Sed hac de re satis uobiscum, huius enim uita à Suida & Laër- tio copiose describit, nunc ad alios nos poē- tas. Fuit & alius lyricus Heraclitus. Fuit & poëta Theorus, qui ab Aristophane in Equi- tibus irridetur. Fuit & Chrysippus, nō eum- dico, qui inter Philosophos Stoicos laudat, sed eum, qui Georgica carmine scripsit, cu- ius &

Theorus.  
Chrysippus.

ius & Diogenes aliq̃q̃ meminere. Porro fuit Zonæus, qui in amatorijs epistolis scribendis nō mediocrem sibi laudem comparauit. Scripsit item de pilæ lusu, in eum quoq̃ agrestes quædam epistolæ referunt, quæ alterius fuisse styli diuersitate coarguuntur. Fuit & Euthydemus Arheniensis poëta, qui complura quidem composuisse dicitur, sed ea Hesiodi titulo inuulgasse, ut hi facere consueuerunt, etiam nostro hoc tempore, qui tentandi gratia, quid de selectores dicturi sint, id faciunt. Euthydemus tamen nōnulla, quæ ad falsamenta pertinent, circumferuntur, quæ ea ratione deprehensa sunt non esse Hesiodi, quod nescio, quæ loca cōmemorar, quæ Hesiodi tempestate, uel nondum constructa, uel non sic nuncupata fuerant. Erat & in hac poëtarum turba Panolbius, qui pleraq̃ carmine cōposuit, ut quod in Hypatian Erythræi filiâ epitaphium dictum est, item ad Etherium post morbum, ad Erythrium, ad Dorotheum du cem, ad Aphthoniū comitem. Post erat Epilycus uersificator, cuius in Cratete meminit Suidas, hunc Chium ex insula scribit Athenæus, ubi uinū Chium describit, non desunt tamen, qui Atheniensem faciant. Fuit & hoc nomine alter comicus, in cuius fabulis Coraliscus ab Athenæo reponitur. Et hac parte duo erant Parthenij, alter quidē Chius, Thestoris uerò filius, qui & Chaos est cognomi-

*Zonæus.*

*Euthydemus.*

*Panolbius.*

*Epilycus.*

*Parthenij duo.*

natus, atq; ex Homeri progenie, longa tamē  
 successione, natus fuisse perhibetur. Inter ip-  
 sius carmina ea præcipuè celebrata sunt, quę  
 in parentem Thestora composuit, meminit  
 huius Pollianus Græcus epigrāmaton scri-  
 ptor. Hunc & in nōnullis imitatus est Vergi-  
 lius poëta, ut Macrobius & Gellius obseruāt.  
 Scribit Probus grammaticus à Parthenio de  
 amātibus uolumen editum fuisse, ex quo de  
 lauro fabulā recitat. Ex eodē Parthenij libro  
 historiā de Cyanippo desumpsit Plutarchus,  
 qui cognita uxoris morte, quæ à canib. lace-  
 rata fuerat, se ipse interemit, cum illa clām ui-  
 rum in uenatione secuta esset exploratura,  
 an maritus alicuius esset uirginis amore cor-  
 reptus. Citat & huius Parthenij Iphiclū Ste-  
 phanus, item eiusdem Propempticon. Sueto-  
 nius uerò Tranquillus Tiberium Cæsarē scri-  
 bit in carminib. pangendis Partheniū imita-  
 tum fuisse. Pleriq; tamē nō de hoc Parthenio,  
 sed de altero Suetoniū intellexisse uolūt, duo  
 eī hoc nomine fuerūt, prior, ut dixi, Chius,  
 alter Niceus, ut Stephanus & Suidas prodūt,  
 tamen ab alijs Myrleanus traditur, patre He-  
 raclide, matre Eudora, uel ut Hermippus scri-  
 bit, Tertha. Fuit uerò elegiarum & diuersorū  
 carminum generum poëta, uixit usq; ad Tibe-  
 rij Cæsaris tempora, qua certē exili coniectu-  
 ra nixi hi uidentur, qui putauere, quod hūc  
 sit imitatus Tiberius. Vnde nos iure mirari

possumus, nihil hac de re à Cōmentatoribus Suetoniꝝ traditum, uixq; de Parthenio mentionem factam. Sed nos reliqua sequamur, hūc ipsum equidem ego eum esse Partheniū crediderim, quo ut ait Macrobius, Vergilius in Græcis usus est grāmatico. Nam puer captus fuerat Parthenius à Cinna, quo tempore Romani Mithridatē bello uicere, ductusq; cum reliqua præda Romā, sed tum demū ob doctrinā liberatus, & impunē abire permissus. Scrupulum quidem hoc mihi loco illud iniicit, quod est à Suida scriptum, hūc ipsum Parthenium adusq; Tiberij tempora peruenisse, cum à Cinna ad Tiberium, si rectē tempora supputemus, annos plus minus centū & uiginti intercedere facili colligi possit. Sed hæc subtilius indagare nunc nostri non est instituti, tantum quæ apud autores obseruauimus, uos admonuisse sufficiat. Scripsit uerò multa Parthenius, in primisq; elegiam in Venerem, & Aretes uxoris epicediū, eius & laudes tribus uoluminibus, necnō Metamorphoseon librū, qui à Plutarcho Eustathioq; citat, quē librū poëtā Ouidiū, ut alio loco dicemus, facili æmulatū crediderim. Meminit & Parthenij, ut elegiarū poëtę, Artemidorus in quarto de somniorū iudicio, ad filiū patri cognominem. Eiusdē Parthenij Hephæstion Archelaida in testimoniū aduocat, quo loco ipsum in elegiaco carmine iambicū in ultimo

induxisse ait, ut eam uocem uersui infereret. Versus hic est,

*ἀμυσχρόν ὄνομ' ἔστι ἀρχιλαΐδου.*

Citat & Parthenij Herculem Stephanus. Ex tat præterea libellus Græcus, huius, ut puto, Parthenij, *ἱρωτικά* inscriptus, ad Corneliū Gal lum, soluta oratione, quo uarias amantū hi- storias colligit. Quo libro idem ipse suos ad ducit uersus quosdam, ubi de Biblide & Cau no agit. Citatur hic à Probo grammatico, ex quo de lauro hanc fabulam recitat. Phœbus Daphnen Amydesi filiā dilexit, quam ne per uim stupraret Apollo, Iuppiter in arborem laurum conuertit. Sanè non Amydesi filiam, sed Amyclæ legendum ex ipso Parthenio, est apud Probum. Et uobis hucusq; de duobus Daphitis. Parthenijs, quos sequebatur Daphitas, poë- ta & grammaticus, qui in Thorace Magne- siæ monte cruci suffixus fuit, quod ausus es- set in reges maledicos & mordaces uersus scribere, eos enim uibices, & ramenta, & sco- bes opum regis Lyfimachi uocabat, & ser- uos ad regium fastigiū euectos. Vnde ab eo loco illud prouerbij uice usurpari Græcis cō- suevit, *φυλάττειν τὸν θώρακα*, hoc est, cauendum esse à Thorace, quo monemur mortis metu linguam coërcendam. Hoc Daphitæ est car- men, quod Strabo affert:

*πορφύριοι μώλωπες, ἀπορρήνυματ' αἶψ'.*

*λυσιμάχῃς, λύδῃσιν ἀρχιτὶ καὶ φρυγίῃς.* Hoc est,  
Purpurei



*Purpurei uibices, & scobs ultima gazæ*

*Lyfimachi, Lydis iura date & Phrygiæ.*

Marcus uerò Tullius in libro de Fato alium Daphitam commemorare uidetur, cum ait, Quid enim, si Daphitæ fatū ita fuit, de equo cadere, atque ita perire? Ex hoc ne equo, qui cum equus nō esset, nomen habebat alienū? Hanc utiq; historiam his uerbis recitat Valerius Maximus, Daphitas, inquit, cum eius studij esset, cuius professores Sophistæ uocantur, ineptæ ac mordacis opinionis Apollinē Delphis irridendi causa cōsuluit, an equum inuenire posset, cum omnino nullū habuisset, cui ex oraculo reddita uox est, Inuenturū equū, sed ut eo deturbatus periret. Inde cum iocabundus, quasi delusa sacrarum sortium fide, reuertitur, incidit in regem Attalum la-celsitum, eiusq; iussu saxo, cui nomen erat Equi, præcipitatus, ad deos usq; cauillandos dementis animi, iusta supplicia pependit. Historiam hanc ipsam iisdem penè uerbis recitat & Suidas, sed Daphidan, non Daphitan uocat. Vel prior quidem Daphitas, posterior uerò Daphidas uocandus, quod utiq; non affirmarim. Telmisseus grammaticus hic quidem fuit, qui & de Homero eiusq; poësi scripsit, quod falsum erat, Athenienses pugnasse aduersus Ilium. Hoc ideo uobis cōmemorauī, ut rem totam perciperetis, simulq; ut locus ille Ciceronis uobis notior fieret. Quidā

*Daphidas.*

*Menelaus.**Simmias.*

tamen unum Daphitam, non duos fuisse arbitrati sunt. Sed nos tabulam prosequamur, in qua & Menelaus Aegeus erat, uersificator egregius, qui duodecim libris Thebaida composuit, & item alia, citatur cum ab alijs, tum à Stephano. Erat & Simmias Rhodius, poëta & grammaticus, qui quatuor libris diuersa poëmata composuit. Fuit uerò origine Samius, de quorum etiam antiquitate uolumina reliquit, & post Samiorum direptionem, dum migrarēt, ab eis dux electus, ut ex reliquijs coloniam deduceret, ex quibus oppida tria condidit, Minoan scilicet, Aegialon & Arcesimen. Sunt, qui ab hoc Simmia scriptos primùm iambos uelint, alij à Simonide Amorgino, sunt, qui ab Ananio. Tum Piso excepit, Quid, inquit, ais Lili, num omnes Archilochum Parium, poëtæ Horatijs sententia, eius uersus repertorem existimant? Eius enim poëtæ tanta est auctoritas, ut quæ ab alijs afferuntur, audienda quidem, sed parum credenda ipse putem. Sic est, inquam ego, ut ais Piso, ueruntamen audi, quæ ab alijs dicuntur. Quidam etenim huius carminis inuentionem in Hipponactem referunt, qui id primum à uetula quapiam Iambe, se in dolio lauante audierit, ut clarius uobis exponam, quum ad Hipponactis imaginem peruenero. Donatianus uerò in eo quem de poëtica scripsit, Homerum  
ait

ait hoc carmine usum longè ante hos, in poëmate, cui titulus Margites, de quo in Homero loquuti sumus. At his omisis, iam ad Simmiam redeo, quem inter antiquissimos poëtas fuisse repèrio, quadringentis enim & sex annis post Troiana tempora claruisse dicitur. Extant & adhuc sub eius nomine nonnulla carmina, ab eo & uersum Simmieum deductum asserit Hephæstion, qui & eius rationem explicat, nec uno tantum in loco. Hic uobiscum non agam de Thebano Simmia Philosopho ac Rhetore, de quo & Plato, & Plutarchus in libro de deo Socratis, & Laërtius, & Suidas, quando hic nihil ad tabulas. Sunt uerò, qui Proclum (qui & Proculus & Proculeius ab aliquibus existimatus) poëtam faciant, at certè illustis Philosophus fuit Platonicus, & eruditionis multijugæ. Huius quidem hymni extant, Orphicis hymnis pares, & additi, qui & passim leguntur. Sed & alia carmina composuit, & in Pandoræ Hesiodi fabula theologiam condidit, & in aurea, quæ uocantur, carmina. Aliâque permulta composuit, quæ partim extant, partim à Suida commemorantur. Sed certè quatuor hoc in primis nomine in literarum studijs excellentes fuisse comperimus, ut eos hoc loco missos faciam, qui Procli nomine antistites Byzanti, id est, Cōstantinopoleos fuere, quos in græca

*Proclus.*

*Proculus.*

*Proculeius.*

historia legi. Primus igitur Proclus, Hierophanta fuit, ex Laodicea Syriæ, alter Lycius fuit, Syriani Alexandrini Philosophi discipulus, & Plutarchi Nestorij filij auditor, qui plurima in omni philosophia, reliquisq; disciplinis scripsit, & contra Christianos epichermata xvij. quibus mirandū quendam in modum respondit Ioannes cognomento Philoponus. Reliqui duo Procli Mallores, ambo ex Cilicia fuere, ambo Stoicæ sectæ philosophi. Sed quoniam de Procli hymnis meminimus, par est, ut de Synesij quoq; hymnis nō-nihil dicamus, qui & hodie apud Græcos leguntur, cuius nam uerò Synesij, haud mihi satis compertum; eius quidem à quibusdam existimantur, qui librum de insomnijs composuit, qui & Græcè legitur, & Latine à Marsilio tralatus. Alium enim Synesiū, sunt, qui putent eum, qui Christianus fuit, & antistes Thebaidis in Libya, ex Pentapoli Ptolemaidis Aegyptiæ regionis, & qui Hieraticorum, id est, rerum sacrarū philosophus fuit, quiq; plurima & uaria scripsit cum in re grammatica, tum philosophica, in primis uerò mirabilem de prouidentia librum, *ἐγκώμιον τι θαλάκρας*, hoc est, Caluitij laudes. Exrant, & quæ leguntur, admirandę eiusdem epistolæ, uerum quoniam hæc parum ad præsentem prouinciam, missa facio, reliquosq; huiusce partis

*Synesius.* poëtas recensebo. Inter quos erat Asius Samius,

mius, ut credit Pausanias, Amphiptolemi filius, qui, ut est apud Strabonē, Metabi fabulam & Menalippes carmine complexus est. Meminit & huius Asiī interpretes Homericus, libro Odyssæ quarto, cum de Iphthime Penelopæ sorore agit, ubi & ipsius carmen attulit ab eodem. Et de Apollinē Proo & monte cognomine, carmine suo multa prodidit, plura uerò ab Athenæo & Pausania ex eo citata legimus. Fuit & Nicænetus Abderites, uersificator egregius, cuius in Abderē descriptione meminit Athenæus in ultimo, qui eum in digenam historiam ait cōposuisse, eiusq̃ ideo epigramma in testimonium adducit, cum de corona λυγιά, id est, uimineæ, qua Cares populi usi dicuntur, multa in medium afferret. Meminit & poëtæ huius Parthenius in Eroticis, quo loco de Biblide & de Cauno agit, eiusq̃ uersus aliquot citat, meminit idem & in Lyrici Phoronei filio fabula. Fuit & Leuceas Argiuis, poëta non ignobilis, ut in Attica scribit Pausanias, qui de gētibus earumq̃ institutis ac moribus carmina permulta cōposuit, quæ afferūtur à Græcis scriptoribus. Fuit & poëta Theodoridas, quem Hegesander Delphus Syracusanus cum alijs commoratur apud Athenæum. Post hos erat Dionysius, qui modò Mitylenæus, modò Milesius ab autoribus dicitur, est uerò cognominatus Scytobrachion, & Scyteus, quod scili-

*Nicænetus.*

*Leuceas.*

*Theoridas.*

*Dionysius.*

cet corij sutrinā exercuerit. Hic scripſiſſe traditur Bacchi & Palladis exercitum, & uiſtorias, ut ait Suidas, item Argonautica libris ſex, quos & Diodorus, & in Apolloniū Cōmentatores in testimoniū afferūt, & iſta quidem *πρὸς μνημῶνα*, hoc eſt, fabuloſa pedestri oratione, ad Parmenonem. Fuit & alter Byzantius Dionyſius, qui de Boſpori refluxu ſcripſit, item gēnias uel lamentationes, quod opus Epicediorū plenum fuiſſe dicitur, quomodo noſtrorum quidam temporum ſcripſere. Legimus & alium fuiſſe Dionyſium Punicum, tametſi quidam Corinthium, quidam Alexandrinum exiſtimant, nullo, ut ipſe quidem reor, nixi idoneo ſatis autore. Sunt, qui Byzantium cum Punico eundem faciāt, idēq; aſtruere conantur, quod alterum ſit in Africa Byzantium, ipſa ubertate celebre. Suidas certē de Byzantio contendit Thraciē, quod ipſe in orbis deſcriptione Rheban fluiuium celebret, quem eſſi laudat ſuo carmine, non patrium tamen fluiuium uocauit. Quare non ſatis idonea mihi uidetur coniectura Suidæ, ut minus Euaſthio credamus, eius eruditiffimo interpreti, & ei, qui ipſius Dionyſij paraphraſin ſoluta oratione Græcē ſcripſit, qui ambo poētā hunc ipſum Dionyſium Punicum fuiſſe prodiderunt, niſi fortē, ut amicus quidam noſter exiſtimat, Byzantiū quidem ortus, ex Africa uerō oriundus

undus. Sunt præterea, qui hunc ipsum Dionysium cum putent, quem recentissimum autorem uocat in sexto naturalis histor. Plinius, & quem in Armeniam idem Augustus iturus præmiserit. Sedenim non unum Dionysij nomine tantummodo de orbis situ scripsisse uidemus, quum apud alios, tum apud Suidam manifestissimè. Punicus hic igitur Dionysius orbis terrarum descriptionem, hoc est, *οικουμένης περιήγησις* conscripsit, quod opus cum Commentarijs Eustathij uiri doctissimi legitur. Est & in id opus paraphrasis, ut malè creditur, Dionysij Halicarnassei, sæpius uerò in Latinam linguam id opus conuersum fuit, sed in primis à Prisciano Cæsariensi Grammatico, uel potius à Rhemnio Fannio, item & à Ruffo Festo Auieno. Exorsus est autem Dionysius ea ratione à Libyæ descriptione, ut Eustathius & paraphrastes Dionysius uolunt, quod Aphrica patrium ei & natale solum fuerit. Scripsit præter orbis situm Hypothecas, & *αἰτια*, hoc est, causas uno libro, quæ tamen in Corinthium ab alijs referuntur. Eustathius & alios libros addit, Lithiaca uidelicet, & Ornithiaca, in hoc de auibus, in illo de lapidibus agit. Scripsit item Bassarica, quæ propter styli characteris similitudinem legitima idem credidit Eustathius, etsi alterius esse Suidas innuit. Alij

illegitima Bassarica existimant, propter sermonis & linguæ asperitatem, quæ ideo in Samium quendam Dionysium retulerunt. Alij Ornithiaca in alium quempiam Dionysium Philadelphiũ retulere, qui ob locutionis improprietatem, *ὀρνίθιος*, quasi quod latraret, uel ut alij scribunt, *ὀρνέιν*, ac si subuanũ uel uacuum dicatis, cognominatus est. Sunt &, qui ab hoc Dionysio scripta uelint Meteorologumena soluta oratione, item in Hesiodũ cõmentaria. Fuit & alter Dionysius, quem Aristoteles Chalcun cognominatum ait, rhetor & poëta, qui cum nummo æreo apud Athenienses in consulendo uteretur, inde cognomentum inuenit, est enim Chalcus nummi species. Meminit uerò huius Dionysij, post Aristotelem, Callimachus & Athenæus. Eius autem in primis cõmendantur Elegiæ, in quibus, ut ait Aristoteles, poësim uocat, Calliopes uocẽ, hoc est, *κραυγὴ καλλιόπης*. Affe-  
runtur & huius uersus ab Athenæo, cum de Siculo Cottabo agit. Est autẽ Cottabus, qui & Cossabus ab aliquibus uocatur, ludicri genus in conuiujs, quod uarijs modis fieri solitum pluribus ostendit Athenæus, meminit Pollux, Suidas, & alij, apud nos Plautus. Sed hæc ideo breuiter, quia & præter institutum sunt, & in obseruatis nostris longè plura leguntur. Alium præterea Dionysium fuisse legimus, qui ut Plutarchus scribit, Pheræus di-  
ctus



ctus est, cuius poëmata suo tēpore idem prodidit Plutarchus, à quo & illud mandatū est memoriæ, quod fuerit ab Atheniensibus delectus ad coloniam deducendam in Italiam, Thurios. Filium hic habuit Hieronem nomine, qui Niciæ Atheniensium ducis familiaris fuit, cuius suasionibus Nicias ipse tum domi, tum militiæ præclara facinora persæpe fecisse dictus est. Fuit item alter Dionysius Sinopenensis comicus, alij tum insuper, quos commodius inter scenicos poëtas referemus.

Fuit post hos & Mnasalces Plateensis poëta, *Mnasalces.* ut uerò tradit Athenæus in quarto, Sicyonius fuit, de quo & Strabo in ix Geographiæ in hunc propè modum scribit. In Sicyonia, inquit, regione uicus est Plateæ, ex quo fuit Mnasalces poëta. Mnasalcis autē ipsa Plateada, tametsi in Græco exemplari mendosus locus esse uidetur, nam quis in Latino dubiter? Scripsit Mnasalces inter cætera, epigrammata, quorum & nōnulla leguntur apud Athenæum. Fuit & Simulus poëta, qui Romano *Simulus.* rum res gestas uersibus perscripsit, quem ubi de Tarpeia loquitur, Plutarchus citat. Simulus, inquit, poëta omnino fallitur, qui nō Sabinis, sed Gallis Capitolium Tarpeiam prodidisse ait, cum illorum regis amore capta esset, sunt autem hi de illa uersus.

*Tarpeia at custos Capitolia celsa tenebat  
Improba, quæ patriæ tam malè fida fuit.*

*Gallica dum demens sequitur connubia Regis,  
Romanas arces prodidit, & patriam.*

*Hanc non Arbæi, & Gallorum milia gentis  
Abductam ripis constituere Padi,*

*Sed super inuisam manibus detracta puellam  
Arma ferunt, miseram prebit acerba dies.*

Meminit & huius poëtæ Dionysius Halicarnasseus in primo historiarū, ueteremq; uocat poëtam, tamen si perperam in peruulgatis Latinis exemplarib. hoc nomē legat. Memorat

*Butas.* & Butan poëtā idem Plutarchus in Romulo, quem ait de Romanorū rebus fabulosas causas in elegijs tradidisse, eius adhuc fabulæ legitur de Iupercalibus.

*Capnias.* Post hūc Capnias poëta fuit splendidus & copiosus, qui apud Græcos aliquandiu fuit in precio; de ipso uero in præsentia pauca ideo, quod eius, ut aliorum plurimorum, carmina bellorum & temporū iniuria perditæ sunt. Fuit item & Hermesianax Colophonius, qui inter elegos non sine laude connumeratus est, & à Pausania in primis, qui ait illum de patria Colophone egregiè carmine scripsisse. At hic Leontium, non ignobilem meretricem amauit, cuius nequitias & amores libris tribus elegiarum prosequutus est, ex quibus excerpta extat elegia, in qua & philosophorum & poëtarum insignium amores celebrat, ut est apud Athenæum. At uero Nicandri interpretis in libro Theriacōn, duos hoc nomine fuisse scribit,

bit, his propémodum uerbis. Hermesianax, inquit, Philetę amicus fuit & domesticus, cui Persica ascribuntur, & quę dicuntur ἐς τὸν ἑρμῆν μίμνῃ, hoc est, in amaram, fieri tamen, inquit, non potest, ut huius Nicander meminerit. Nam Nicandro longè antiquior fuit Philetas. Hermesianactis uerò Nicander meminit in eo, in quo de poëris Colophonij scripsit, quamobrem ille, de quo Nicander, alter est poëta, huius meminit & Parthenius. Et hæcenus de Hermesianacte. Hegemon quoq; inter poëtas est connumeratus, qui ex Alexandria, Troianę regionis urbe oriundus fuit, id quod & Stephanus notat. Bellum uerò Hegemon Leuctricū scripsit, quod inter Thebanos & Lacedæmonios factum fuit. Huius Hegemonis, ut puto, meminit Aelianus in animalium historia, sic enim loquitur. Hegemon in Dardanicis uersibus cum alia de Aleua Thessalo conscribit, tum in eius amore, inusitata enim magnitudine serpentem, cum ad Thessalicum fontem, nomine Hgmonium, boues pasceret, uenisse, sensimq; adrepere ad amatū solitum fuisse, & comam, quam ille auream habebat, osculatione prosecutum fuisse, & faciem linoxisse. Hanc uobis historiam recitare uolui, etsi ab imaginibus nostris aliena esse uidetur. Celebratur & alter Hegemō Thasius, qui cœnarū inscriptiones, hoc est, Anagraphas cōposuit, & Phace

Hegemon.

ipse, hoc est, Lenticula cognominatus est, ut idem ipsemet quodā suo carmine significat, meminit Suidas & Athenæus. Scripsit uerò Parodias, poëmatis id genus, de quarū etiam natura & arte quædam suis uersibus prodidit, ut est apud Athenæum, primus quoque in certamen huiusmodi uersus induxisse fertur Athenis, certasse & uicisse. Scripsit uerò præter Parodias, & Gigantomachiā, & priscam comœdiam, quæ Philinne inscripta est. Illud etiam de Hegemone proditū est, quod cum aliquando theatrum ingressus esset, calculorūq; uestis laciniam plenam haberet, eos omnes in media turba proiecis-  
 se, atq; ita paulò post loqui cœpisse, uerba etiam recitat ex Chamæleonte scriptore idem Athenæus.

*Charmus.*

Et satis de Hegemone. Fuit & Charmus Syracusanus poëta, qui in conuiuas centum discumbentes uersus condidit, quorū quidem uersuum poëma Solensis Clearchus Dipnologiam uocauit, alij Opsologiam, alij Hedy-  
 pathiam, Chrysippus uerò Gastronomiam, quæ omnia uocabula, ut uidetis, ad gulæ & uentris uoluptatisq; rationē referuntur. Scripsit idem & in singulas dapes, quæ in mensa apponerentur, uersiculos & prouerbia, ut est illud de piscibus Iambicum:

ἦν καὶ λινὸν αἰγαῖον αἰλινὸν βάθρον.

Hoc est,

Venio linquens Aegæum salsum profundū.  
 Fuerunt & hac parte aliorum imagines nō-  
 nullæ,

nullæ, ut Hegesianactis, qui & à nōnullis, an  
 perperam, nescio, Ageſianax uocat. Fabulas  
 hic carmine cōplexus eſt, quæ ab autoribus  
 plerūq; citant, atq; in primis ab Hygino. Plu  
 tarchus quidem in eo, qui inſcribitur de Fa  
 cie & aſpectu, qui in Lunæ globo apparet,  
 multa huius Hegesianactis carmina aſſert,  
 quibus ipſa Luna, lunæq; deſcribuntur. Fuit  
 & Hegesini imāgō, cuius apud Græcos men  
 tio, ſed in primis apud Pauſaniam, qui & e  
 ius quosdam uerſus aſſert ex Atthide, eius, ut  
 puto, poëmate, uerum parum illos quidem  
 caſtigatos, quos ideo nō recito. Legitote Pau  
 ſaniæ Bæotica, quo loco agit de Oro & E  
 phialte, Alœi filijs, qui Muſis primi rem ſa  
 cram fecerūt, id quod planius in noſtris Mu  
 ſis retulimus. Pauſanias tamen ipſe non ſe ui  
 diſſe Hegesini poëmata fatetur, quod ſcilicet  
 ea, priuſquam ipſe natus, eſſent deperdita, ſed  
 Callippus, inquit, Corinthius ea in hiſtoria  
 de Orchomenijs in teſtimonium adduxit, à  
 quo ipſe ea deſumpſit. Erat & Manethi ima  
 go, qui Dioſpolitēs fuit, hoc eſt, ex Iouis tur  
 be Aegyptia poëta, hic inter reliquā ſcripta  
 carmine phyſiologiam & naturalem omnē  
 ſcientiā perſcripſit. Quidam tamen eum non  
 Dioſpolitē, ſed Sebennyticū potius tradide  
 re, eſt enim Sebennytus & ciuitas & ſtagnū,  
 fluuiusq; Aegypti, à qua & hoſtiū Nili, & No  
 mos, hoc eſt, præfectura Sebennytica uocata

*Hegesianax.**Ageſianax.**Hegesinus.**Manethus.*

est. Fuisse & alterū Manethum historicū, nō poētā legimus, qui tempora & annales Aegyptiorum collegit. Video hic à quibsdā iure dubitari, an is sit Manethon, cuius Iosephus Eusebiusq; & alij meminere, & cuius fragmenta quædam circumferunt, uerū ubi argumenta discrimen nō afferūt, impunè opinari, quid quisq; uelit, potest. Cæterū in tabulis fuit Philodemi imago, qui ut Strabo scribit, Gadaræus patria fuit, Epicureā uerò sectam & scribēdi & uiuēdi instituto cōplexus est. De quo & M. Cicero agit in ea, quæ extat, oratione in L. Pisonē, quæ & ipsum alibi carmina fecisse ostendimus, quo orationis loco ita Asconius Pædanius. Philodemū, inquit, significat, qui fuit Epicureus illa ætate nobilissimus, cuius & poëmata sunt. Hæc Pædianus. Eundem significari autumo ab Horatio, eo carmine:

—Gallis hanc Philodemus ait. Quo loco

poëtæ nomē uetusti interpretes suppresserūt, eum tamen Epicureū fuisse fatentur. Leguntur adhuc quædam Græca in quasdam mulieres epigrammata. Erat & in hac parte Simonidis Magnesi poëtæ imago, qui suo tempore haud ignobilis fuit. Patrē Sipylum nomine habuisse legimus, & centesima supra quinquagesimam Olympiade floruisse, quo tempore Magnus Rex Antiochus sic cognominatus regnabat, cuius etiam regis res gestas carmine scripsit, & bellum contra Galatas,

tas, quando eius equus ab elephantis confectus est. Fuerunt & alij pleriq; Simonidis nomine, inter quos is, qui à quibusdam Carystius, ab alijs Eretrieus dicitur, poëta sanè celebratus, qui Græcorū in Aulide conuentum duobus trimetrorū uersuū uoluminibus cōplexus est. Scripsit idem de Iphigenia librum unum. De Simonide uero Melico, atq; item de Amorgino, inter nouem lyricos, cum ad eam tabulam deuentum fuerit, & de cæteris abundè, ut spero, agemus. Porro inter hos poëtas erat Pherenicus Heracleota, uersificator egregius, qui ut Athenæus scribit, ficum, hoc est, Sycen dictam esse uoluit, à Nympha quapiam Syce nomine, quæ Oxyli quidem filia fuerit, Hamadryadasq; multas genuerit, inter quas & uitis & ficus, hoc est, Staphyle & Syce. Vnde & poëta Hipponax hac ratione uitem & ficum sorores suo carmine appellauit. Fuit & Timachidas Rhodius poëta, qui cœnarum inscriptiones libris undecim confecit, id quod non modò apud Suidam legimus, sed & apud Athenæum, qui de pompilo pisce nonnullos eius citat hexametros. Sed ubi incidimus iam toties in hos gulæ scriptores, par mihi esse uidetur, ut uobis cōmemorem, qui, quæ ad cupedia & rem coquinariâ pertinet, scripsere. Parcius hoc quidem Latini dicatis uoluminibus tentauere, unus enim, qđ meminirim, Ennius carmine

*Pherenicus.*

*Timachidas.*

Phagetica scripsit,profa uerò M. Apicius illè, nepotū altissimus gurgēs, & si dis placet, nuper Platina. At Græcè plures scripsere, in primis quidem Archestratus, & Hegemon Thasius, & Chamus Syracusanus, quorū antè imagines recensuimus, tum Numenius, & Mastreas Pitaneus, item Artemidorus, qui pseudaristophanius cognominatus est, & culinæ uocabula collegit, & Paxamius, cuius Hieronymus, Pollux & Arhenæus meminerunt. Fuit & in hoc genere Philoxenus Claudij, à quo Philoxeniæ placentiæ, quem usque adeo prostratæ gulæ autores prodidere, ut in feruentissimā aquā manū immergere, & os feruenti aqua proluere nulla sui lēione assueuerit, id quod & Archytā quendam fecisse Crobylus ait, & ego nostris etiā diebus nō ab uno tantū & altero fieri, sed à pluribus ipse cōspexi. Addit his & Iulius Pollux Pantoleon-ta & Mithecum, & Zopyrinū & Sophrona, & Hegesippū & Epænetū. Et cum his quoq; connumerant Heraclides Syracusius, Tyndarichus Sicyonius, Simonactides Chius, Glaucus Locrus, qui in ea coquinarix & Opsopæeticæ facultate sophistæ fuerūt. Sed hac de re hæctenus, plura quidem apud Athenēū. Nos iam cōprū tandem huius diei sermonē finie-

*Antipater.* mus, si prius ramen Antipatri Sidonij, quæ in huius tabulæ parte extima conspiciebat, imaginem paucis absoluerimus, Fuit hic quidē  
poëta



poëta promptissimus, quē in libris de Oratore M. Tullius claruisse ait Cottæ & Crassi temporibus, nō multò antè. Sed de huius poëtæ ingenio & memoria nō alterius, q̄ ipsius M. Tullij uerbis agendum. Quid, inquit, si Antipater ille Sidonius, quē tu probè Catule meministi, solitus est uersus hexametros aliosq; uarijs modis atq; numeris fundere ex tempore. Tantumq; hominis ingeniosi ac memoris ualuit exercitatio, ut cum se mente ac uoluntate coniecisset in uersum, uerba sequerent, & reliqua. Valer. uerò Maximus & Plinius eum tradunt, omnibus annis, uno tantūmodo die, suo natali, febre corripī solitum, & eodem deniq; die consumptū esse, in ultima ætate. Meminit Antipatri etiā Corn. Tacitus in oratoribus, & Fabius Quintilianus, extant ipsius in præsens quædam, quę leguntur epigrammata. Sed de hac iam tabula satis, nunc quoniam aduersperascit, & iam redeundi in oppidum tempus, huic sermoni finem modumq; imponamus. Crastino, sub hac, quę in proximo est, carpino peruetusta (quæ quod olim sub ipsa umbras captauerit, ut aiūt, Cōstantius Cæsar, oppido nomen dedit, cum ibi Euryden filiam cum Pico, Pio, alijsq; filijs inuenisset) reliquos huius ordinis poëtas, atq; Latinos in primis cōmentabimur. Et simul abiuimus.

TERTII DIALOGI FINIS.

Cc 3

AD ILLVSTREM ANTONIVM PONTIS DOMINVM,  
apud Santones Maræmpnarum Comitem, Con-  
siliarium ac cubicularium regium, &c. Liliū Gre-  
gorij Gyraldi in quartum de historia poe-  
tarum dialogum Præfatio.



Olebat, uir illustris, Cleanthes Stoicus ille, tanti nominis Philosophus, discipulos ad certam ueramq; nec inanem, uoluptatem capeffendam, quadã non coloribus picta tabella, sed uerbis efficta inflammare. Iubebat enim secũ ipsos cogitare picta in tabula Voluptatem pulcherrimo uestitu & ornatu, regali in solio sedentem, uirtutes ut ancillas præsto illi adesse, quæ nihil aliud agere uiderentur, nullũ aliud suum officium ducere, nisi ut uoluptati ministrarent, & eam tamen ad aurem admonerẽt (si modo, ait Cicero, id pictura intelligi posset) ut cauere, ne quid imprudens perficeret, quod animos hominum offenderet, aut quicquã efficeret, è quo dolor aliquis oriretur. Nos quidem uirtutes sic natæ sumus, ut tibi seruiremus, aliud nihil negocij haberemus. Hanc Cleanthes, ANTONI, tabulam effinxit, qua discipulos admonebat, uirtutes ipsas ueræ & non fluxæ uoluptati insruire, eãq; à nemine planè haberi posse, nisi illam uirtutes subministrẽt, ea quando solida & uera est uoluptas, quæ nobis est uirtutibus comparata. Quam uoluptatem, ut Cleantheo more loquar, cum militares omne genus uirtutes, & equestris disciplina, ac sanguinis nobilitas, summaq; prudentia tibi liberalissimè præstiterint, ut non modo inter optimates & principes, sed inter uetustos quoq; & priscos iure meritoq; connumerari possis,  
aded

adeo ut non solum apud Gallos uestrates, in primisq; à Re  
ge omniũ maximo ameris, & cõmenderis, sed apud quoq;  
Italos nostrates, atq; à nostro Principe sic in precio habe  
aris, ut cū uxore tua rarissima, & illustri muliere, ANNA  
Parthenia, apud excellentiss. Principem nostram princi  
pem locum obtineatis. Quæ cum omnia ita sint, tibi AN  
TONI splendidissime hunc quartum nostrum dialogum de  
Latinis poetis donare cõstitui. Nam tametsi nec me tu, nec  
ipse te de facie cognoscam, tot tamen & tanta mihi de no  
bilitate tua & uirtute prædicantur, & optimorum boni  
num testimonia suppetunt, ut planè mihi notissimus esse  
uideare. Accipe igitur hoc nostrum quaecunque munus,  
quod certe à beneuolentissimo animo, tibiq; ob supra di  
ctas causas deditissimo prouenit. In hoc quidem plurima,  
uerbo absit inuidia, uidebis, quæ uiros alioqui eruditissi  
mos præterierūt, uel ab eis sunt parum diligen  
ter obseruata, quod, ut clarius perspi  
cias, iam dialogũ ipsum atten  
de, meq; ames, rogo.

LILII GREGORII  
GYRALDI FERRARIENSIS  
DE LATINIS POETIS  
DIALOGVS IIII.



VM hora consueta, ut soliti  
eramus, tres ipsi in Carpenfi  
uiridario cōuenissemus, tum  
Piso prior sic orsus est. Postq̃  
huc cōuenimus, Lili, ubi no-  
bis faciles & opacas umbras  
carpinus patula exhibet, cæteris in aliud tem-  
pus sepositis, eam tabulam expone, in qua in  
primis Latini poëtæ depicti fuerant, ut no-  
bis hesternò sermone pollicebaris. Sic agam,  
inquam, libenter, unum tamen illud à uobis  
prius impetratū uelim & condonatum, ut si  
in quibusdam fortè recensendis uobis par-  
cus nimis, aut ieiunus uisus fuero, non indi-  
gentiæ aut incuriæ ascribatis, aut quòd pa-  
rum gratus sim in nostris narrandis cōme-  
morandisq; poëtis, sed illud potius, quod an-  
te me hanc Latinorū partem nōnulli nostris  
literis sunt executi, atque adeo ferè in grāma-  
ticorū cōmentarijs id factitatū conspiciamus.  
Modò, inquit Piso, omnes de tabula nobis ex-  
ponas, aliud abs te nihil nūc expetimus. Tūc  
ego sic cœpi. Sicuti in alijs plerisq; artibus &  
disciplinis capeffendis Latini fuere, quàm  
Græci posteriores, nō ideo incultiore tamē,  
quod ostendit Cicero, ita & in poëtica. Ro-  
manis

manis enim parum curæ fuisse poëtas, quin & eos inhonesto uocabulo aliquando grassatores uocitasse, testis est Gellius, & M. Caro in libro, cui ritulus Carmen de moribus. Nā, inquit, si quis in ea restudebat, aut ad conuiuia sese applicabat, grassator uocabatur. Nō propterea tamē uersibus abstinuisse legimus, nam ut mittam Themidis Carmentæ oracula, & quæ in conuiujs, de clarorū uirorū laudibus carmina antiquos cātitare solitos prodit in Originibus idem M. Caro, & ab eo M. Cicero, in deorum tamen celebritatibus, & sacris, nec non in ijs, quæ sic uocabant, indigitamētis, carmina habuisse ueteres autores testantur. Atq; ut ait poëta, Versibus incompris ludebant, & opicis, & præcipuē Saturnijs, unde etiā dicti sunt Ianales, Saliarij, Minneruij, Iunonij, axamenta, & id genus cætera. Dionysius item in historijs, cum Romulum de Ceninensibus & Antemnatibus triūphantem describit, ait, sequentes populos patrijs carminibus deos laudauisse, ducēq; Romulum poëmatis extemporalibus ad cælum extulisse. Numam quoq; Pompiliū legimus de deis, deq; deorū rebus uersus cōposuisse, ijsq; in sacris, ludisq; publicis ritē cantatis ferocissimam gentem, dum id scilicet assidue ageret, ad humaniores mores, cultūq; deorū maiorem transtulisse, quod primo sermone attigi. Quām paruo autem principio, & quo

tempore in Rempubicam Romanorū carmina irrepperint, Titus Liuius in vij ab Vrbe cōdita scriptum reliquit, & M. Tullius, & Gellius, ut cæteros mittam. Zosymus etiam in Historijs, in secularibus ludis carmina cani solita prodidit. In eo autē genere incōditorum uersuū, quos diximus, hi sunt etiā, quos olim Fauni uatesq; canebant, ut ait Ennius, & reperit M. Cicero. Sed in primis eos ponemus, quæ Martiorū fratrum oracula dicunt, quæ cū Sibyllinis carminibus, in tēplo Apollinis seruabant, unā cum libris Begoēs nymphæ, quæ artē apud Thuscōs fulguritarū scripsit, ut Maurus Seruius prodit. De Martijs quoq; ita M. Cicero in diuinatione, Quo in genere, inquit, Martios quosdam fratres, nobili loco natos, apud maiores nostros fuisse scriptū uidemus. His autē fratribus prēdixisse futura Sibyllam, Seruius est autor, idem tamen Cicero alibi Martiū singulari numero appellat, quod & C. Plinius facit vij natural. hist. libro, cū ait, Diuinitas, & quēdā cœlitū societas nobilissīma ex fœminis in Sibylla fuit, ex uiris in Melampode apud Græcos, apud Romanos in Martio. Titus item Liuius, Religio, inquit, deinde noua obiecta est ex carminibus Martianis. Vates hic Martius illustris fuit, quo in loco plures eius uersus afferunt. Macrobius quoq; in Saturnalib. in hunc prope modū, Ferrur autē, inquit, in carminibus

Martij

Martij uatis, cuius duo uolumina illata sunt in senatū, inuentū esse ita scriptū, Hostem Romani si ex agro pellere uoltris. & reliqua. Ammianus insuper Marcellinus & Sex. Pōpeius eodem singulari numero protulerunt, quos secutus Isidorus ferè sic loquitur, Primus autem præcepta apud Hebræos Moses scripsit, apud Latinos Martius uates. Ex quibus est illud, Postremus dicas, primus taceas. Meminit & Porphyrio super hæc Flacci uerba ex Epistola,

— *Annoſa uolumina uatum.*

Et de Martij

hucusq;. Fuit & in hoc genere uatū Publius, nescio qui, à quo, ut scribit M. Tullius, oracula condita fuere, quæ à Romanis diu multa religione obseruata sunt. Perperam, ut quidem puto, apud ipsum Marcum Tullium, in libris de diuinatione, Publicium pro Publio & legit, & interpretatus est Petrus Marſus. Sed ut alios mittam, & Appium Claudium Cæcum uersus, ante Liuium & Ennium, scripsisse legimus, ne hi tamen in poëtarum numero fuere. Appij certè uersus Philosophus Panætius ualde probasse dicitur, id quod ad Tiberonem ipse quadam sua epistola restatū reliquit, idem & M. Cicero. Verū iam satis superq; abundè ostendimus, poëticā apud Romanos, etiā illos priscos, aliquo saltē modo cultā fuisse, iam ad ipsos primos, qui in tabula fuerant, poëtas noster sermo dirigatur.

**Liuius An-  
dronicus.**

**Q. Ennius.**

Primi uerò poëta Latini, Suetonio & Eusebio referentibus, fuere Liuius Andronicus, cuius inter scenicos poëtas imago referetur, & Q. Ennius, qui, ut Lucretius cecinit:

—*Primus amœno*

*Detulit ex Helicone perenni fronde coronam.*

Quam fermè quoq; sententiam & Syllius Italicus suo carmine retulit. Trigesima uerò sextra supra centesimam Olympiadem, hoc est, Prioris Scipionis tempore floruit, sub quo etiã stipendia meruisse traditur, ita Claudiano poëta scribente:

*Hærebat doctus lateri, castrisq; solebat*

*Omnibus in medias Ennius ire tubas.*

Fuit uerò Romam deductus ex Sardinia insula, à M. Catone, questore ex Africa decedente, ut scribit Probus Aemilius in Catonis uita, quæ falso à quibusdam Cornelio Nepoti ascribitur. Meruisse & cum Q. Fulvio Nobiliore, cum is à senatu cōtra Aetolos imperator missus est, testis est ante alios M. Cicero, à M. uerò Fuluij filio ciuitate donatus, ea tēpestate, qua III Vir coloniam deduxit. Ennii quidem patria Rudig, quod Calabriae oppidum est, ut Mela Pōponius, & Plinius scribunt, & poëta Syllius canit. Rhodias uerò & Græcam urbem nuncupat Strabo. Hinc, puto, ab Ausonio Rudinus dicitur, & Rudius à M. Tullio, pro Archia, si fidis codicibus stamus, Eutropius tamen historicus, & Hieronymus



nymus in Chronico ex Eusebio, Tarantinū illum his uerbis faciūt. Q. Ennius, aiunt, poëta Tarenti nascit̃, qui à Catone quæstore Romam tralatus, habitauit in monte Auentino, parco admodum sumptu cōtentus, & unius ancillæ ministerio. Sed enim de hac Ennij ancilla, ut puto, & Cicero in secundo de Oratore, cum deridiculis agit, mentionē fecit. Cū enim, inquit, Scipio Nasica ad poëtā Enniū uenisset, eiꝯ ab hostio quærenti Ennium, ancilla dixisset domi nō esse, Nasica sensit illam domini iussū dixisse, & illum intus esse. Paucis pōst diebus, cum ad Nasicam uenisset Ennius, & eum à ianua quæreret, exclamat Nasica, se domi nō esse. Tum Ennius, Quid, ego non cognosco uocem, inquit, tuam? Hic Nasica, Homo es impudens, ego cum te quærerem, ancillæ tuæ credidi te domi non esse, tu mihi non credis ipsi? Natus uerò est Ennius, ut ipsemet cecinit, ex stirpe Neptuni, à Messapo, qui ut ait Vergilius, fuit

—*Equūm domitor, Neptunia proles.*

Quod & adnotauit Seruius. Idē Syllius suo hoc carmine:

*Ennius antiqua Messapi ab origine regis.*

Quod uerò per palingenesiam, quam uocāt Pythagorici, Homeri animam sortitus sit, fabulosius uidetur, quàm ut historica fide cōprobetur, id enim somnio contigisse & Lucretius poëta, & M. Cicero tradidere, eodem  
etiam

etiam ipso Ennio canente,

— *Mibi uisus Homerus adesse Poeta.*

Fuit uerò uini appetentior,

— *Nec unquam nisi potus ad arma*

*Profuit dicenda,* Vrait Horatius.

Ingenio acri fuit, atq; ad scribendū prōptissimmo, uehemens in sententijs, in uerbis rudis, ut qui non discederet à cōmuni more uerborū. Addit & Cicero, eum fide plenū, haud tamen magna cum re. Hinc est, ait Piso, illud fortasse, qđ P. Vergiliū solitū dicere accepimus, aurum se ex Ennij stercore colligere. Rectē tu quidē, inquā, trium quoq; linguarū cognitio nem habuit Ennius, unde poētice se tria corda habere dicebat, quòd Græcē, quòd Latine, quod Oscē loqueret, ut Gellius & Festus tradunt. Multa uerò librorū uolumina scripsit, inter quę Annales, quos, ut refert Suetonius, Q. Vargunteius diuisit in uolumina, certisq; diebus in magna hominum frequentia pronunciabat. In hos M. Pōpilius Andronicus librum composuit, quem Elenchorum nomine nuncupauit. Edidit & Ennius bella populi Romani, quorum librum duodecimū scripsit annū natus sextum & quadragessimū, ut Varro & Gellius scribunt. Sed & Enniū Phagetica cōposuisse, testis est L. Apuleius, quo libro, quæq; esui & gulæ magis celebrata essent, quò ueloco, carmine complexus erat, id quod & apud Græcos Arcestratus, alijsq; com-

complures, ut hesterno sermone diximus. Et plures insuper comœdias & tragœdias composuit, quibus ei propter uetustatem, decimum inter comicos locum dedit Volcatius. Mortem uerò obiit, Q. Martio & Cn. Seruilio coss. cū Sulpitius Gallus prætor Apolliniludos faceret, ipseque Ennius Thyesten fabulam docuisset, annos natus, ut scribit Hieronymus, LXX. Periit uerò articulari morbo, quē, ut Q. Serenus ait, nimio potu contraxerat, quo quidē tempore Crates Mallotes ab Attalo rege Romā missus, è regione palatij, in cloacæ foramē crus fregerat. Sepultus est in Scipionis monumēto, uia Appia, intra primum ab Vrbe lapidem. Liuius libro xlviii & Plinius lib. vii Africanum Q. Ennij statuam suo sepulchro imponi iussisse tradunt. Idem M. Tullius in ea, quæ est pro Archia, oratione. Hinc carmen illud Ouidij,

*Ennius emeruit, Calabris in montibus ortus,*

*Contiguus poni Scipio magne tibi.*

Quidam eius ossa Rudias ex Ianiculo translatas affirmant. Ennij hoc epitaphum celebrat M. Cicero,

*Aspicite ô ciues senis Ennij imaginis urnam,*

*Hic uestrum pinxit maxima facta patrum.*

*Nemo me lachrumis decoret, nec funera fletu*

*Faxit. Quorū Volito docta per ora uirum.*

De Ennio uero hoc profert iudicium Fabius Quintilianus, Enniū, inquit, sicut sacros

uetustate lucos adoremus, in quibus grādia  
 & antiqua robora, iam non tantam habent  
 speciem, quantam religionem. Fuit & alter  
 Ennius, qui ut Sueronius autor est, de literis  
 duos libros scripsit, & de syllabis & metris,  
 & cuius de augurandi disciplina uolumina  
 duo ferebantur. Hunc ipsum Ennium esse ar  
 bitror, quem Isidorus ait primū uulgares no  
 tas reperisse, de quibus mox plura Tyro, Tul  
 lius & Iunius Philargyrus, itēq; Acilius uel  
 Aquila, libertus Mecœnatis, & M. Probus,  
 demum & Petrus quidam Diaconus perscri  
 psere. Haftenusq; de Ennio, post quem ma  
 gna fuit poëtarum turba, quæ & si parum ce  
 lebrata, maiore tamen uobis partem memo  
 riter recensebo. Inter primos uerò erat Sue  
 nius, qui, ut Macrobij uerbis utar, uir fuit lō  
 gè doctissimus, cōposuit uerò edulium, nisi  
 potius edyllium apud Macrobiū legamus, id  
 est, poëma, quod Moretū inscripsit, à quo (ut  
 opinor) suum moretum Vergilius, ut planè  
 ex ea epistola cognoscere potuistis, quā puer  
 meo moretò præposui. Edidit & alia poëma  
 ta, quæ etsi temporū iniuria deperdita sunt,  
 quædam tamen ex ijs carmina reperiuntur,  
 quæ diuinis suis carminibus inseruit Vergi  
 lius. Cur nō, inquit Picus puer, nobis recitas  
 eam tuæ epistolæ partē, quæ de hoc poëta me  
 ministi. Nō est, inquam, operæ precium, quos  
 dam tantum uersus ipsius poëtæ recitabo ex  
 More-

Moreto, ubi de nuce Persica agit, quæ & Mollusca, ut ait Macrobius, dicitur.

*Admisce, inquit, tu Acca basilicis, hæc nux partim,  
Partim Persica, quod nomen sic deniq; fertur  
Propterea, quod qui quondam cum rege potenti,  
Nomine Alexandro Magno, fera prælia, bello  
In Persas tetulere suo. Post inde reuelsum  
Hoc genus arboris, in prælatis finibus Graijs  
Disæuere, novos fructus mortalibus dantes.*

*Mollusca hæc nux est, ne quis fortè inscius erret.*  
Post Sueuū erat Hostilius, qui Annales populi Romani, ut Ennius, scripsit. Ex quibus illud hoc carmen legitur,

Hostilius.

*Sæpe greges pecuum ex hybernis pastibus pulsi.*  
Erat & Trimatius, qui Latine Iliada composuit, primusq; deæ Victoriæ epithetum addidit Præperis, dum ita caneret,

Trimatius.

*Dum dat uincenti præpes Victoria palmam.*  
A quo Ausonius Gallus,

*Tu quoq; ab ærio præpes Victoria lapsu.*  
Qua ex re & ipsa alata pingitur, seruant adhuc marmora uetusta & nomismata eiusmodi imagines. Cum Trimatio aliquē inter potentes locum obtinuit Nummius Crassus, mediocris ingenij poeta, qui & ipse Iliada conscripsit, quod opus ab antiquis Scriptoribus in medium adduci uidemus. XXXIII eius uolumen in testimoniū citat Priscianus grammaticus, ut est in eo,

Nummius  
Crassus.

—Nam conuiui oculos ego deinde sopore.

D d

**Cn. Manlius.** Et Cn. Manlium, ut Trimatiū & Nummiū,  
Iliada conscripssisse legimus, in quo opere,  
præter grammaticorū regulam, illum gram-  
matici cecinisse aiunt,

— *Celerissimus aduocat Hector.*

**Læuinus  
Macer,** In numero antiquorū poetarum fuit & Læ-  
uinus Macer, qui identidem in testimonium  
adducit. De eo uix aliud inuenimus, ut etiā  
de Gannio, cuius uersus ex secundo, & quar-  
to & sexto citatos legi, apud grammaticos,  
ut cum de Adore differūt, cuius uocabuli in  
obliquis casibus media indifferēs reperitur.  
Ita enim in secundo cecinit,

*Illam sponte satos adoris strauisse maniplos.*

In quarto uero,

*Emicat in nubes nidoribus ardor adoris.*

**Valerius So-  
ranus,** Fuit & Valerius Soranus inter antiquissi-  
mos carminū Scriptores connumeratus, cu-  
ius uersus M. Varro in libro, quem de Cultu  
deorum inscripsit, exposuit, cum de Ioue a-  
geret. Versus Sorani hi sunt,

*Iuppiter omnipotens, regum rex ipse deūq;*

*Progenitor, genitrixq; deūm, deus unus & omnes.*

Meminit & Aur. Augustinus in libro de ciui-  
tate Dei. Scribūt Plinius & Solinus Valeriū  
Soranū neci datum, quia urbis Romæ no-  
men, qđ in arcanis esset, pronunciaffet, idem  
& à Sempronio proditū est. Alij in crucē sub-  
latum tradunt, & propterea cultam deam  
Angeronam, Silentij præsidem, cui Romani  
ante

ante diem XII Calend. Ianuarij rem sacram  
facerent, tametsi hac de dea uaria sit Festi &  
Macrobij ex uarijs autoribus sententia. So-  
rani meminit & alibi M. Varro. Apud Vale-  
rium, inquit, Soranum uetus adagio est. Ci-  
cero de Oratore libro iij. Nostri, inquit, mi-  
nus student literis Græcè, quàm Latinè, ta-  
men ex istis, quos nostis, urbanis, in quibus  
minimū est literarum, nemo est, quin litera-  
tissimum togatorū omniū, Q. Valerium So-  
ranum lenitate uocis, atq; ipso oris pressu &  
sono facilè uincat. Idem in Bruto, Quintus,  
ait, & Decius, Valerij Sorani uicini, & fami-  
liares mei, non tam in dicendo admirabiles,  
quàm docti & Græcis literis & Latinis. Fuit,  
ut omnia nunc uobiscum, cum ego hunc di-  
uersum à primo Sorano crediderim, sed cum  
Hermolaus, uir, ut scitis, doctissimus, eundē  
faciat his uerbis in suo Lexico, Valerium, in-  
quit, Soranū subita morte corruisse perhibēt  
cum alijs, tum Plinius, qđ arcanū urbis nomē  
alterū enūciaffet, cur nō & ego idem hoc uo-  
bis loco prodam, qđ illi literis mandare pla-  
cuit? Fuerūt & alijs Sorani nomine, inter quos  
Græcus ille Ephesius medicus, qui Traiani  
tēpore, Alexandria primū, deinde Romę flo-  
ruit, cuiusq; meminere cum alijs, tum Suidas,  
& frequentissimè Cælius Aurelianus, nō a-  
spernandus autor in medica facultate, quo-  
rum utriusq; & hodie quædam leguntur nu-

*Albinus.* per in lucem edita. Verùm de his satis. Inter  
 uetustos hos poëtas fuit Albinus, qui res ge-  
 stas Romanorū carmine complexus est. Hi  
 tres sunt ex eius primo libro uersus,

*Ille, cui ternis Capitolia celsa triumphis  
 Sponte deūnt patucre, cui frcta nulla repostos  
 Abscondere sinus, non tutæ mœnibus urbes.*

Quos ea ratione uobis recitauī, quoniā Cui  
 prima breui & altera longa protulit, cum cō-  
 suetudo unius tantum, ut probè nostis, syl-  
 labe esse ostendat. Si qui uerò bisyllabū enun-  
 ciarunt, utraque cōrrepta usi sunt, Valerius  
 Marialis,

*Sed norunt cui seruiant leones,  
 Sidonius Apollinaris,  
 Decrescens cui Dyndimo reciso.*

Ut alios nunc mittam, Iouianus tamen Pon-  
 tanus noster, Albinum secutus, ita cecinit,

*Atq; unā recubare, cui tua pectora iungas.  
 Et ego hoc Iambico senario,  
 Cuiq; pauca contigere iugera.*

*C. Lucillius.*

Dein C. Lucillius erat poëta, qui primus na-  
 si stylum acuisse à Plinio dictus est, ex Arun-  
 ca nobili ciuitate originem duxisse constans  
 est opinio, fuit autem Arunca urbs nō pro-  
 cul à Pontina palude, aliqui tamen Canusi-  
 num fecere. Natus per ea tempora dicitur,  
 ut notat Eusebius, per quē Carthago Roma-  
 nis deditionē fecit. Velleius uerò, Celebre, in-  
 quit, Lucillij nomē, qui sub P. Africano, Nu-  
 man-



mātino bello, eques militauerat. Fuisse quoque dicitur maior auunculus Magni Pompeij, quod apud Horatiū obseruat Porphy-  
rion..Etenim Pōpeiū auia, Lucillij soror fuit. Hic ille est, qui dignos reprehensione ciues Romanos mira lacerauit acerbitate. Nec enim Scauolę, nec Vectio Albutio Lupo, tum summis in republica uiris pepercit, non alijs plerisq;. Lupum, Seruius ait in primo Saty-  
rum, induxit deos consilium fecisse, ut perderent. Vnde mox est lex rogata à populo Romano (id quod etiā Athenienses, rogan-  
te Alcibiade, prius fecerāt) ne cui poētæ quępiam nominatim carpere liceret, qua ex re aliud postea satyræ genus inductum est, quo  
usus est M. Varro in Menippeis, & Petroni-  
us. Amauit Lucillius Collyrā puellam, quin & ipsius puellæ nomine sextumdecimū sui li-  
bri uolumen inscripsit, hoc apud Horatium Porphy-  
rion prodidit. Horatius incompoti pede ipsius Lucillij uersus ait currere, cuius quanti faciat iudiciū Fabius Quinti-  
lianus, tu Piso uideris, qui ipsius uerba memoriter recitare consuesti. Videamus; inquit Piso, & simul Fabij uerba referre cœpit, Saty-  
ra tota nostra est, inquit, in qua primus insignem laudē adeptus est Lucillius, qui quos-  
dam ita deditos sibi habet amatores, ut cum non eiusdem modo operis autoribus, sed omnibus poëtis præferre non dubitent. Ego

quantum ab illis, tantum ab Horatio dissentio, qui Lucillium fluere lutulenter, & esse aliquid, quod tollere possis, putat. Nam eruditio in eo mira, & libertas, atque inde acerbitas & abundans salis. Hæc quidem Quintilianus. Tunc ego, Acris, inquam, est Fabij censura, sed & audiendus est Marcus Tullius, qui Lucillij ait scripta leuiora esse, urbanitatem uerò summam habere, doctrinā medio crem, id Lucillio ipsi cognitum fuisse dicit. Nam suorum librorum non Persium illum doctissimum, non Lælium, non Rutilium, non cæteros lectores esse uoluit, sed se ait Terentinis potius, & Cōsentinis ac Siculis scribere, cuius etiam uersus hac de re citat. Lælium, Archelaum, Vectium & Quintum Philocomum Lucillij Satyras pronunciaſſe scribit Suetonius, quas se legisse apud Archelaum Lenæus Pompeius, apud Philocomum V. Cato prædicant. Hircius uerò Nicias, grāmaticus Ciceronis temporibus notissimus, & familiaris, libros in Lucillij Satyras composuit. Sunt, & qui Lucillium tragœdias scripsisse tradant, cuius opinionis Acronem, Horatianæ poëtices interpretem, fuisse ex eius hisce uerbis uidemus. Cum enim ita cecinisset Horatius,

*Vt nihil intersit, Dauus ne loquatur, an audax*

*Pythias emuncto lucrata Simone talentum.*

*Ira ille scribit, Non dicit de Pythia Terentiana, sed*

na, sed apud Lucilliū inducitur Tragœdiographum ancilla per astutias accipere argentū à domino. Nam fefellit dominū, & accepit ab eo argentū uel talentū. Hæc ille, cui grāmatico quantā fidem adhibeatis hac in re, nō planè dispicio. Sed de Lucillio reliqua attendite. Solebat Adrianus Imperator omnibus alijs poëtis Lucilliū præferre, tanta est, & semper fuit, iudiciorū uarietas & censura, ut cū eo tempore passim Vergilij diuina carmina legerentur, Adrianus alioqui homo doctus, Vergilio tamen Lucillium præferret. Laudet ergo ille Martialē, alius & (si dis placet) Anticlaudianū suum, & Archithreniū, sed uitas ego uobis, nō Satyras narro. Sunt, qui in Lucillio id quoq; uitio uertant, quod Græca Latinis miscuerit, ut suis in epigrāmatis Pytholeon Rhodius, qui propterea ab Horatio irridetur. Idem tamen fecit, sed parcissime Catullus, ut alios mittā. Mortuus est Lucillius, ut scribit Hieronymus, Neapoli, & publico funere elatus, ætatis suæ anno XLVI. Atque hæc quidē, quæ in præsentia succurrūt, de Lucillio dicenda uobis. Per hæc fermè tempora V. Valentinus fuisse dicitur, qui Tapullā legē, ficto nomine, teste Festo Pōpeio iocoso carmine cōscripsit, cuius & Lucillius meminit,

*Tapullam rident legem contemnere opimi.*

Fuit & Lælius apud antiquos, Latinus poëta celebris, qui ut Gellius libro noctū Anticarū

*Lælius.*

secundo erotopægnia scripsit, hoc est, amoris lusus, id quod ad Paulinū etiam testatur Aufonius, tametsi eo loci mendum irrepfit. Nam cum legi debeat, Quid antiquissimi poetæ Lælij erotopægnion libros loquar, passim & ineptè legitur Lemnij Crotopægnion. Quod mendum etiam Prisciani Cæsariensis codices occupauit, ut cum aliubi, tum libro nono & decimo, ubi pro Lælio in erotopægnion, Liuiū in erotopegmion perperam scribitur. Quibus ex rebus planè conspicimus, non legendum crotopægnia, ut in uulgaris Gellij & Aufonij codicibus legitur. Meminit & huius Lælij Apuleius in Apologiis. Vnum, ait, etiam poetam Latinum attin gam, uersus ipsos agnoscent, qui Lælium legēre. Subiungit mox uersiculos, dimetros illos quidem, sed qui portentis potius, quàm uerbis nostris similes esse uideantur, quosq; ideo uobis non recito. Post Lælium erat M. Furius, quem aliqui Fusium uocant, cognomento Bibaculus, quemq; ab imitatione omnium, Pantomimū quidam dictum fuisse putauere apud Plinium, in præfatione natural. hist. Nostri, inquit, crassiores antiqui tantū exemplorū artiumq; quàm facetissimi lucubrationum, ut qui ait, Bibaculus eram, & uocabar Pantomimus, quod Hermolao minime placet, aliter eum locum castiganti. Commendatur Bibaculus in scribendis Iambicis, quod

*M. Furius.*

quod Diomedes grāmaticus affirmat, & Fabius, qui eius & Catulli, & Horatij acerbiter, libro x. in hoc carminis genere cōmendat. Hic ipsius est uersiculus, in Orbiliū grāmaticum,

*Orbilius ubi nam est, literarum obliuio?*

Eusebius in Chronico, illi patriam Cremonam fuisse scribit, Romæ uerò diutius uersatus est circa Ciceronis tempora. Multa ab eo ferūtur edita poēmata, Annales, Iambi, Epigrammata, cuius uobis duo hendecasyllabo carmine scripta recitabo, cum paulò post Catonis imaginē recensebimus. Meminit & huius Horatius in Sermonibus, si expositorib. framus, qui hoc illius carmen ex Pragmatia, nomen id poēmatidis, ab eo rideri uolunt,

*Iupiter hybernas cana niue conspuit alpes.*

Vergilius tamen, si Macrobio credimus, ab eo uersus quosdā accepit. Scripsisse item epigramma contra Cæsarem, his uerbis docet Cornelius Tacitus, Carmina, inquit, Bibaculi & Catulli referta contumelijs Cæsaris leguntur, idem & Suetonius tradit. Post Bibaculum erat A. Furius, quem Antiatem fuisse comperio, poëta fuit nō ignobilis, ad quem Q. Catulus, ut scribit M. Tullius, non antiquo illo more, sed comi & molli, ac Xenophonteo quodam genere sermonis, de consulatu suo librum composuit, cum ille tamen contrario uteretur adeò, ut à Cefellio Vindi

*A. Furius,*

ce, tanquā linguam Latinā dedecoraſſet, damnetur, quem ob id tamen Gellius tueri nititur. Huius quoq; ut à Macrobio obſervatur, & Vergilius carmina quædam æmulatus eſt, citatur & alicubi à grāmaticis, & præcipuè à Marcello. Erat & cum his L. Iulij Calidij imago, cuius Aſconius Pædianus meminit. Amicus & familiaris hic T. Pōponij Artici fuiſſe perhibet, à quo etiā à proſcriptionis periculo ſervatus fuit, Lucretio & Catullo, à Cornelio Nepote adiungit. Parcius hoc loco vobis de nōnullis poëtis loquor, & quaſi indice, quod dicitur, tantū demonſtro, quòd pauca de his à Scriptoribus tradita ſunt, ut

*Cæcilius.* eſt de Cæcilio, qui Nouocomenſis fuit, quē tenerum poëtam vocat Catullus. Carmē hic de dea Cybele inchoavit. Item de Cornelio *Cornelius*  
*Alpinus.* Alpino, qui ut teſtatur Porphyrius, Memnonia, hoc eſt, carmē de Memnone, hexametris verſibus deſcripſit. Horatius,

*Turgidus Alpinus iugulat dum Memnona, dumq;  
Deſingit Rheni luteum caput, hæc ego ludo.*

*Valerius Cato.* Sed inter hos nō longè Valerij Catonis imago monſtrabatur, qui ex Gallia originem duxit, Burſeniq; cuiuſdam libertus fuiſſe perhibetur, at ſuo ipſe quodā in libello ingenuū ſe fuiſſe teſtatū reliquit. Sed cum Syllanis temporibus, partiū licētia, pupillus patrimonio exutus fuiſſet, multos nobiles docuit, uiſusq; eſt, ut Suetonius ſcribit, peridoneus præceptor,

ceptor, maximè ad poëticam tendentibus, ut quidem apparere his uersiculis potest.

*Cato grammaticus, Latina Siren,*

*Qui solus legit, ac facit poëtas.*

Scriptis præter grammaticos libellos & poemata, inter quæ præcipuæ celebrantur, Lydia & Diana. Lydia C. Ticide meminit,

*Lydia, doctorum maxima cura, liber.*

Dianæ uerò C. Cinna,

*Secula permaneat nostri Diana Catonis.*

Fuit, cum ego poema illud, quod inter Vergiliana, Diræ inscribit, Catonis huius esse existimarim, & quod de Lydia in eo agitur, & mentio fit Ciuilis belli, quo ipse est patrimonio, ut ait Tranquillus, exutus, id quod etiã ipsemet Cato in libello, cui est titulus Indignatio, ostendit, & propterea non Diræ, sed indignatio, poema ipsum inscribi posse uidebatur. Vobis hoc dixisse uelim, nunc quid sentiam, haud faciliè afferre possum, cum grammaticorum contrà stet consensus, qui Diras Vergilio ascribunt. Vixit uerò Cato ad extremam senectutē pauper inopsq, modico contentus gurgustio, postquam Tusculana uilla creditoribus cesserat, de quo extat Bibaculi, ut modò meminimus epigramma.

*Si quis fortè mei domum Catonis*

*Depictam minio rubere, & illos*

*Custodis uidet hortulos Priapi,*

*Miratur, quibus ille disciplinis*

Tantam sit sapientiam affecutus,  
 Quem tres coliculi, selibra farris,  
 Racemi duo tegula sub una  
 Ad summam propè nutriant senectam.

Et rursus idem Bibaculus,  
 Catonis modo, Galle, Tusculanum  
 Tota creditor urbe uenditabat.  
 Mirati sionus unicum magistrum,  
 Summum grammaticum, optimum poëtam  
 Omnes solucre posse quæstiones,  
 Vnum difficile expedire nomen.  
 Encor Zenodoti, en iecur Cratetis.

Meminit & huius Valerij Catonis Horatius,  
 cum ait in Sermonibus,

Lucilli, quàm sit mendosus, teste Catone,  
 Defensore tuo peruincam, qui malè factos  
 Emendare parat uersus, hoc læuius ille,  
 Est quo uir melior, longè subtilior.

Cato Vti-  
 censis.

Atq; hæc quidem de Valerio Catone. Cate-  
 rum & Vricensis Cato Iambicum carmen in  
 Metellum scripsit, quod ualde, Plutarcho te-  
 ste, celebratum fuit. Connumeratur & hic i-  
 dem Cato inter eos, qui seueri cum ipsi & mo-  
 rosi essent, lasciuiusculis tamē interdum uer-  
 sibus luserunt, quod ad Augustum scribens,  
 poëta Naso ostendit, cum ita canit,

Et leue Cornifici, parq; Catonis opus.

Hostius.

Fuerat & poëta Hostius in tabula, à quo bel-  
 lum Histricum carmine compositum fuit, et  
 complura ex poëta Homero in eo opere tra-  
 duxe-



duxerat, ut illud,

—*Non mihi si linguae centum.*

Quod ab Hostio potius, quàm ab Homero P. Maronem desumpsisse Macrobius existimauit, cui ego nescio, quantum assentiar. Vnus post hos poeta erat, qui, nescio quo modo, insanire uidebatur, & quasdam quasi atomos inspectare. Quis iste, inquit Picus puer. Cui ego, Ex titulo, inquã, facile cognoui. Titus Lucretius Charus poeta fuit Romanus, qui Epicuream sectam secutus, scripsit de rerum natura opus, quod & si imperfectum, ut uidetur, multis tamen luminibus ingenij & artis situm esse, docet quadam ad Q. Fratrem epistola M. Cicero. Hieronymus uerò ex Eusebio, etiam ab ipso Cicerone emendatum, his ex libro de Temporibus uerbis prodidit. Titus, inquit, Lucretius poeta nascitur circa c l x x i Olympiadem, qui postea amatorio poculo in furorẽ uersus, cum aliquos libros per interualla insanie conscripsisset, quos postea Cicero emendauit, propria se manu interfecit, quadragesimo tertio ætatis suæ anno, id quod & ante Eusebium obseruauit Plinius. Sunt, qui ex Hieronymi uerbis ad Rufinum, putent Lucilliam amicam poculum dedisse Lucretio. Lucillia, inquit, decepta furorem propinauit, pro amoris poculo. Extant in præsens, & leguntur sex libri eius de rerum natura, multorũ eruditissimorũ lima

Titus Lucretius.

castigati, plures tamen libros ipsum scripsisse innuit his uerbis Varro, in primo de lingua Latina, qui eodem uixit tempore. Lucretius, ait, suorum unius & uiginti librorū initium fecit hoc,

*Aetheris & terræ genitabile quærendo tempus.*

Sed & Priscianus in vi. septimū eius librū citat, Macrobius uerò xviij, quo argumēto imperfectū opus dixi, quod & uideo placuisse Beroaldo Seniori. Sed hæc curiositatis gratia. Porro Lucretius C. Memmio L. filio familiarissimè usus est, qui & si orator, poëta tamen & ipse haud illepidus habitus est, cui & opus suum Lucretius de rerū natura inscripsit. Hoc loco, quoniā in Memmij mentionē incidimus, uobis id afferre constitui, uiros quosdam sanè doctos existimasse, patrem C. huius Memmij L. Memmium eum fuisse, qui Corinthum diruit, cum is à Scriptoribus omnibus L. Mummius Achaicus, non Memmius uocetur, uno excepto duntaxat Asconio in tertio Verrinarū, qui Memmium, non Mummium appellare uidetur. Sic uerò Cicero, sic uterque Plinius, sic Florus, sic Victruuius, sic deniq; Græci uocant, ut Strabo. Fuit autē L. Memmius pater, L. Crassi & M. Antonij temporibus, ut est apud M. Tullium in Bruto, & in secundo de Oratore, ubi agit de ridiculis. In quem illud est Crassi, nam cum Memmius esset cum Largio Terracinæ de ami-

C. Memmius,

amicula rixatus, & tota Terracina, omnibus parietibus inscriptæ literæ fuissent, tria L L L, & duo M M, Crassius, quid id esset, quæsiuit, senem sibi quendam dixisse finxit, lacerat lacertum Largij mordax Memmius, quo dicto ipsius Memmij mordacitatẽ carpit. Ibidem alterius Cai Memmij dictum affert Cicero in Scaurum, qui locupletis hominis Pompeij Phrygionis bona sine testamento possederat, & sedebat aduocatus reo Bestiæ, cum illac fortè funus duceretur, Scauro, inquit, Memmius, Vide Scaure, mortuus rapitur, si potes esse possessor, Scauri auaritiã eo dicto uellicans. Sanè hũc Memmiũ, patrum Memmij Lucretiani fuisse crediderim, in Bruto enim M. Tullius C. & L. fratres fuisse cõmemorat. Sed de hoc C. Memmio, cui suum Lucretius librũ dicauit, & qui uersus scripsit, Plinius in epistolis ad Aristonem meminit, quo loco & alios plerosque commemorat, qui sepositis grauioribus plerunque studijs, iocosa & parum seuera scriptarunt. Ouidius quoque in secundo de Tristibus ait,

*Quid referat Ticiæ, quid Memmij carmẽ, apud quos  
Nomen adest rebus, nominibusq; pudor.*

Apud Gelliũ uerò, ut dura eius carmina referunt. Memmius hic, is esse existimat, qui Cæsari obiecit, quod ad cyathũ regi Nicomedi steterit, cum reliquis, ut ait Suetonius,

exoletis, pleno conuulſio, quiq; in Cæſarem ipſum aſperrimas orationes ſcripſit, & quibus non minori acerbitate reſcripſit Cæſar, fuit illi tamen poſtea in petitione conſulatus ſuffragator. Catullus quoq; ſe cum eo prætor in Bithynia fuiſſe, ſuis uerſibus cecinit, quibus & ſe parum pudicè ab eo habitum oſtendit. Et hunc eum Memmiũ eſſe plerique contendunt, ad quem ſunt Ciceronis epiſtolæ, & de quo in claris oratoribus. C. inquit, Memmius, L. filius perfectus literis, ſed Græcis, ſaſtidiôſus ſanè Latinarum, argutus orator, uerbisq; dulcis, ſed fugiens nõ modo dicendi uerumetiam cogitandi laborem, tantum ſibi de facultate detraxit, quantum imminuit indiſtriæ. Sed in hæc de patre & filio Memmio diuertiffe, non ab re fuerit. Iam ad Lucretium, unde fluxit ſermo, reuertamur, quem eo die mortuũ legimus, quo uirilẽ togam ſumpſit Vergilius. Lucretiũ legendũ putat Fabius, ſed non ad phraſin, quæ utiq; Fabij uerba ad oratorem, non ad poëtã pertinent, eius enim in eo ſcribendi genere pluriſis & elegans eſt, imitatione ualde digna. Vitruuius quoq; ita eum cõmendat, ut plureſt poſt noſtram, inquit, memoriã naſcentes cum Lucretio uidebuntur, uelut coram rerum natura diſputare. Lucretium uſque adeo celebrat Ouidius, ut perpetuò eius carmina duratura uaticinetur, ita canens,

*Carmina*

*Carmina diuini tunc sunt moritura Lucreti,*

*Exitio terras cum dabit una dies.*

*Idem in secundo de Tristibus,*

*Explicat & causas rapidi Lucretius ignis,*

*Causarumq; triplex uaticinatur opus.*

Quod cum mendose legatur, difficultatis causam plerisque attulit, non enim causarum, sed casurum legendum est, id quod facile ex quinto ipsius Lucretij libro colligitur, qui futurum ignis incendium disputat, quam Ecpyreosin Græci dicunt, qua de re, præter gentium philosophos, & Christiani quoque scripserunt. Idem Ouidius carmen in Liuiæ consolatione replicauit. Statius quoque poeta tale de Lucretio testimonium protulit,

*Et docti furor arduus Lucreti,*

quod quidam ad insaniam, quidam ad poeticam referunt, utrunque illi certe cõuenit. In hæc diuerſi, quæ ferè sunt præter institutum, quod huius poetæ lectione uos affici cupio.

Et nos ista, inquit Piso, libenter audiuiſimus, nam & qua attentione ea Picus exciperet, uidiſti. Tunc ego, Fuit, inquam, & alter Lucretius comicus, cuius Placiades ad Chalcidiũ meminit. Post uero Lucretium duo erant, oratorum uestibus induti, alter quidem Marcus Terentius Varro, uir, ut ait Terentianus, doctissimus undecunque. De quo & his propemodũ uerbis Lactantius Firmianus, Varro, inquit, quo nemo unquam doctior neque

*M. Terentius Varro.*

apud Græcos quidem, nec apud Latinos uixit. Sed & Dionysius Halicarnassens apud Græcos, ut cæteros mittam, locupletissimū testimonium protulit, qui cum Varrone floruit. Refero, inquit, quæ Terentius Varro in antiquitatibus perscripsit, uir unus inter omnes, qui hac ætate floruerunt, longè peritissimus. Tum Piso, Quid nobis de Varrone tanta & tot testimonia colligis? Quis Varronem ignorat? Nullū certè maius, meo quidem iudicio, de illo testimoniū, quàm uel suo ipsius Varronis, hoc est, quæ pauca supersunt, illius uolumina legere, uel Ciceronis, qui de eo ubiq; summa cum laude meminit, loquentēq; illum de disciplinis, suis in dialogis facit. Rectè tu quidem, inquam, nūc eius tantū, quod ad rem præsentem pertinet, in poëtica studium uideamus. Istuc ipsum, ait Piso & Picus, desideramus. Tunc ego, Alterū, inquā, satyrę genus, ut scribit Fabius Quintilianus, diuersum scripsit Varro, quod carminū uarietate mistum fuit, de quo & ita Gellius in noctibus Atticis. Menippi libros, inquit, in satyris imitatus est Varro, quas Cynicas ipse appellauit Menippeas. Probus uerò grammaticus, Varro, ait, Menippeus nuncupatus est, non à magistro, cuius ætas longè præcesserat, sed ab ingenij societate, quod is quoque omnigeno carmine satyras suas explicauerat. De iisdem meminit & Marcus Cice-

Cícero, qui & alibi, hoc est, in Academicis quæstionibus ex sua ipsius persona tali Var-ronem laude profecutus est. Sunt, inquam, ista Varro, nam nos in nostra urbe peregrinantes, errantesq̃, tanquã hospites, tui libri, quasi domũ deduxerũt, ut possemus aliquando, qui, & ubi essemus, agnoscere. Tu ætatem patriæ, tu descriptiones temporũ, tu sacrorũ iura, tu sacerdotũ, tu domesticã, tu bellicam disciplinam, tu sedem locorũ, regionũ, tu omnium diuinarũ humanarumq̃ rerum nomina, genera, officia, causas aperuisti. Plurimũ quidem & poëtis nostris, omninoq̃ Latinis & literis luminis, & uerbis attulisti, atq̃ ipse uarium & elegãs, omni ferè numero poëma fecisti, philosophiam multisq̃ locis inchoasti, ad impellendũ satis, ad edocendũ parum. Atq̃ hæc quidem totidem uerbis M. Cícero. Sedenim & præter hæc Lactantius Varronẽ ait de rerum natura carmine libros scripsisse, quod & Quintilianus his uerbis in primo, Vel, inquit, propter Empedoclẽ, in Græcis Varronem, ac Lucretium in Latinis, qui præcepta sapientiæ uersibus tradiderũt. Circumfertur & hoc Varronis epigrãma de Licinio liberto, & Aug. tõsore apud Cornutũ,

*Marmorco Licinus tumulo iacet, at Cato nullo,*

*Pompeius paruo, credimus esse deos?*

Atque hætenus quidem de Varronis poëtica, quæ cum dixissem, Ex ijs, inquit

M. Tullius  
Cicero.

Piso, qui hac ætate scripsere, illum etiam Argonautica cōposuisse didici. Male, inquam, Piso didicisti, quicumq; enim illi, qui id scripsere, nominis similitudine decepti esse uidentur. Nam duo Varronis nomine fuere, eodem fermè tempore, id quod ego diligentissimè obseruauì, & ante me Sidonius Apollinaris librò Epistolarum quarto, sed quum paulò pòst alterius Varronis imaginem recensebimus, hoc ipsum planius ostendemus. Reliqua uerò, quæ de Terentij Varronis uita didicimus, hoc est, quæ domi militiæq; multa fecit, quo honore, quibus titulis, quo mortis genere perierit, non est, hoc loco ut pluribus exequamur, multa enim hodierno sermone dicenda restant. Sed iam alterum, qui cum Varrone erat, exponamus. Is autè erat Marcus Tullius Cicero, de quo ut de Varrone fecimus, quæ ad eius poëticam tantum attinent, afferemus. Puer igitur Marcus Tullius, ut Plutarchus scribit, poëticæ adeò operam impendit, ut plurimū omnium iudicio in ea facultate profecerit, multaq; in ea ætate poëmata scripserit, inter quæ illud ipse Plutarchus celebrat, quod Pontius Glaucias inscribitur, uersu tetrametro. Multa carmine ex Græco transtulit, ut tota Arati Phænomena, cuius etiam nūc pars extat, aliæq; quæ sparsim suis in dialogis inseruit. Nunquid ideo, inquit Piso, poëta Cicero?

Nam



Nam tamenſi Ciceronis Limonem, poëma-  
tis id nomen, citat Donatus, ubi de Terentij  
poëtæ uita agit, illudq; Vergilij exiſtimetur à  
Cicerone ſumptum,

—*Spes altera Romæ,* Et illud corripuit,

—*Tremulis altaria flammis.* id enim Cicero  
nis uxori, dum ſacrificaffet, contigiſſe dici-  
tur, id quod & ipſe Cicero quodam ſuo poë-  
mate teſtatum reliquit, & eius licet elegiam,  
quæ Thalemaſtis inſcribitur, aſſerat Seruius,  
ex qua carmen illud,

*Iam mare Tyrrhenium longè, penitusq; palumbæ*

*Reliquit,* Non ideo tamē ego illum poë-  
tam crediderim. Tunc ego, Poëta, nec ne fue-  
rit Cicero, non uobis dixerim, pictum ta-  
men in tabula fuiſſe, multaq; præter ea, quæ  
tu modò attuliſti, carmina & adhuc legi, &  
ab autoribus citari aſſero, ut quæ de ipſius  
conſulatu à Lactantio, in tertio diuinarum  
Inſtitutionum, & quæ in ſecundo eiufdem  
conſulatus Vrania Muſa pronunciat, in pri-  
mo de Diuinatione, ex uerbis Quintij Cice-  
ronis fratris.

*Principio ætherio flammatus Iuppiter igni*

*Vertitur, & totum colluſtrat lumine mundum.*

Et reliqua, uſque enim ad octoginta uerſus  
ibi leguntur. Fabius quoque Quintilianus  
Ciceronis quosdam ioculares libellos addu-  
cit, atq; ex iſis uerſus. Quin & de ſuis tempo-  
ribus tres ſe carmine libros ſcripſiſſe, ipſe-

met ad Lentulum in epistolis testis est, quos eosdem esse existimant aliqui, qui de eius cōsulatu inscribunt. Sed num parum uobis testimoniū uideretur de poëmate, quod Marius inscribitur, Scauolæ & Q. Ciceronis? Nam cum in primo de Legibus Atticis Pomponius dixisset de quercu in Mario lecta, quale est istuc, quod poëtæ serunt, mihi enim uideris fratrem laudando suffragari tibi, tum Attico respondet Q. Frater, Sit ita sanè, ueruntamē dum Latinæ loquantur literæ, quercus huic loco nō deerit, quæ Mariana dicatur, eaq; ut ait Scauola, de fratris mei Mario, Canescet seclis innumerabilib. De eodem Mario poëmata idem Q. Frater in primo de Diuinatione, Quid est illo auspicio diuinius, ait, quod apud te in Mario est, ut utar potissimum te autore:

*Hic Iouis altisoni subito pennata satelles*

*Arboris è trunco, serpentis saucia morsu. & cætera,* quæ ibi leguntur. Sed & illud multis mirum uideretur, quod de ipso Marco Cicerone legitur, non pauciores unquam, cum in Urbe esset, quingentis uersibus quotidie scribere solitum, nisi uos de prosæ uersibus intelligatis. Iure igit, inquit Piso, quisquis ille fuit, inter poëtās Marcum Tullium reposuit. Iure, inquam, Piso, ut ais. Illud tamen ego de Ciceronis carminibus dixerim, quod à Cassio Seuero responsum sibi Seneca in tertio de clama

clationū scribit. Vergiliū, inquit, illa felicitas ingenij, oratione soluta reliquit, Ciceronem eloquentia sua in carminibus destituit. Et illud item, quod est à Cornelio Tacito in oratoribus obseruatū, carmina uidelicet Ciceronis forum potius redolere, quàm Castalianam, Oratoris enim potius spiritus, q̃ poeticos habent, ut Syllij Italici, & Plinij, Cæcilij, aliorumq̃. Sed de Varrone & Cicerone iam satis. Titum quoq̃ Pomponiū Atticū, M. Tullij amicissimū, ad quē extant epistolæ, cui gener fuit Agrippa, progener Tiberius, & Pronepos Drusus, in poetica uersatū, eiusq̃ facultatis studiosum fuisse scriptū reliquit Cornelius Nepos, qui eius uitam literarū monumentis mandauit. Sed & M. ipse Tullius ad Atticū ipsum in epistolis, epigrammatis, inquit, tuis, quæ in Amaltheo posuisti, cōtenterimus, præsertim cum & Chilius nos reliquerit, & Archias nihil de me scripserit, ac uereor, ne Lucullus, quoniā poëma Græcū cōdidit, nunc ad Cæcilianā fabulam spectet. Sed huius quidem Chilij, cuius modò meminimus, nō admodū frequens habetur mentio, nisi fortè & alio loco ipsarum ad Atticū M. Tullij epistolarū, quo loco Chilio Eumolpidarū uidet̃ sacra ab Attico desiderare, tametsi exemplaria quædā nō Chiliū, sed Thyliū habent. Sed hæc missa faciamus. Tradūt quoq̃ Pomponium de imaginibus illustrium scri-

*Titus Pomponius Atticus.*

*Archias.  
Aulus Li-  
cinius.*

psisse, uersibus breuissimo argumento subscriptis, non ob id tamen propterea fuerat in tabula. Post Varronem & Marcum Ciceronem, Græci duo erant poëtæ, Archias & Theophanes. Archias quidem, Aulus Licinius nuncupatus, natus est Antiochiæ, nobili loco, ubi ad humanitatē liberalibus artibus informatus, se ad scribendi studium contulit, tum in cæteris Asiæ partibus cunctaq; Græciæ sic uersatus, ut famam ingenij expectatio hominis, expectationem ipsius aduentus admiratioq; superaret. Florebatur Italia bonis artibus & disciplinis, atque ideo illuc profectus Archias, quem tum ingenij elegantia, tum morum suauitate, non solum Heraclienses & Tarentini, & Rhegyni & Neapolitani ciuitate cæterisq; præmijs donarunt, sed cum Romam uenisset, Mario & Catulo coss. hospes primum est Luculli factus & familiaris, nec minus à Metellis, Catulis, Crassis, cæterisq; urbis principibus amatus, atque in primis à Marco Tullio. A quo postea senex est elegantissima oratione & eruditissima defensus, cum accusatus à Graccho fuisset, quod se pro ciue gereret, quam orationem studiose simul aliquando legimus, & deinceps accuratius sæpe legemus, in qua de memoria, & ipsius Archiæ ex temporali facultate ita agit. Quoties ego, inquit, hunc Archiam uidi, cum literam scripsisset

plisset nullā, magnū numerū optimorū uersuum de ijs ipsis rebus, quæ tum agerentur, dicere ex tempore, quoties reuocatum eandem rem dicere, commutatis uerbis atq; sentiis. Quæ uerò accuratè cogitateq; scripisset, ea sic uidi probari, ut ad ueterum scriptorum laudem peruenirent. Meminit & de hac re Fabius Quintilianus, Tum in me intuens puer Picus, Magna ista, inquit, profectò memoriæ & extemporalis facultatis felicitas. Magna, inquam, mi Pice, sed nostris quoq; temporibus non defuere, qui hac ipsa excelluerunt, & hodie excellent. Quin & domestica tibi sunt exēpla, talis fuit tuus maior patruus, Ioannes Picus, quem merito Phœnicem, non Picum, omnis ferè illa ætas nuncupauit. Extemporalis uerò facilitatis Andreas Maro, amicus meus, tanta apud doctos uiros documenta præstitit, ut sit Archiæ ferè comparandus, sed de hoc iam satis. Ab Archia M. Cicero multa se didicisse ab ipsa usq; pueritia nō ingratè fatetur, unde uidetur illud ab Hetrusco poëta dictum.

*Linquo senem, qui discipulum per prata sonorum,*

*Hesperiamq; tubam docto conflauerat ore.*

Composuit autem Archias Græco carmine bella Cymbrica, & de cōsulatu M. Tullij carmen exorsus est. Extant & eius inter Græca epigrammata uersus aliquot. Cicero in libris de Diuinatione carmen Archiæ cele-

*Theophanes.*

brat, quo Roscium puerū, in cunabulis circumplexatū serpentis amplexu expressit. Archiꝯ præterea meminit & Tacitus Cornelius. Theophanes uerò patria Mitylengus fuit, & ipse poëta Græcus, qui epico carmine Magni Pompeij gesta descripsit, & propterea ab eo amatus, urbe Romana in concione militū donatus. Theophanis & Cicero in epistolis ad Atticū meminit, cum ita scribit, Velim te ex Theophane respicere, quo nam in me animo sit Arabarches, quo loco Arabarchem Pompeiū intelligit, non autē M. Antonium, nec Cæsarem, ut quidam prodiderūt, qua de plura in annotatione scripsi. De eodē Theophane & Plutarchus, & Cæsar in Cōmentarijs de bello Ciuili. Legimus ad hāc diem ipsius quoq; Græcos quosdā uersiculos. Theophanē præterea scribit Tacitus inter intimos Magni Pompeij cōnumeratū fuisse, & eidem Theophani defuncto cælestes honores, Græcos tribuisse. Atq; hæc quidem de Archia & Theophane. Fuisse tamen legimus & alium Theophanē, poëtā Christianū, etiam in Diuorum numerū relatū, cuius festū diem Græci celebrant xi Octobris, eundemq; antistitem Nicææ urbis fuisse Græci ipsi scriptores prodiderūt. Ab his Varro Atacinus sequebatur, qui ab Atace, iuico uel fluuio Narbonensis Galliæ, Atacinus cognominatus est, tametsi quidam sanè docti Atratinū potius, à familia

*Varro Atacinus.*

milia Romana Attratinæ, cognominatum uelint. Sed meæ huic sententiæ Porphyrius suffragatur, & Cæsariensis Eusebius, cuius in libro de Temporibus hæc uerba sunt, uel Hieronymi potius. P. Terentius Varro in uico Atace, in prouincia Narbonensi nascitur, Olympiade centesima LXXIII, qui postea, trigessimū quintum annum agens, Græcas literas summo studio didicit. Scripsit Atacinus Varro Argonautica, opus ex Apollonio Rhodio ferè traductum. Nam cum Apollonius quatuor libros scripserit, totidem & Varro, ut Valerius Probus ostendit. Meminit Quintilianus, cuius tu Piso, quia eius uerba tenes, recita. Hæc ipsa sunt, inquit Piso, Atacinus Varro in his, per quæ nomē est assecutus, interpretis operis alieni nō aspernandus quidē, uerūm ad augendam facultatē dicendi parū locuples, quæ uerba nunc mihi plana facta sunt ex ijs, quæ suprā dixisti. Tunc ego, Argonauticōn, inquam, opus, quod ipse scripsit, ut modò dixi, in quatuor uolumina distinxit, ad Apollonij imitationē. Sed præter Argonautica, alia scripsisse creditur, ut de puela Leucadia, quā miro profecutus est amore, id quod suo carmine testatus est Propertius.

*Hæc quoq; p̄fecto ludebat Iafone Varro,*

*Varro, Leucadiæ maxima cura suæ.*

**Laudat Varronem Ouidius in Amorum libris, cum cecinit,**

*Varronem, primamq; ratem quæ nesciet ætas,*

*Aureaq; Aesonio terga petita duci;*

Sunt apud Senecam Atacini carmina, quæ Iulius Montanus Vergilium dicebat æmulum fuisse.

*Desierant latrare canes, urbesq; silebant,*

*Omnia noctis erant placida composita quiete.*

Quæ tamen Ovidius fieri potuisse meliora dicebat, si secundi ultima pars abscissa fuisset, atq; ita desisset,

— *Omnia noctis erant.*

Horatius quoq; Atacini meminit. Sed et Varro nis uersus ab antiquis Grammaticis, Probo, Prisciano, Seruio, alijsq; citata inuenietis.

*Publius Ver  
gilius Maro.*

Erat in hoc tabulæ fermè meditullio Publij Vergilij Maronis imago, quæ tanta fuerat pictoris solertia & artificium, ut nescio quid, præ se ferre diuinum magis, quàm reliquorū imagines uideretur. Cum uero me de Vergilio quæcunq; collegeram, ut recenserem, accingerem, interceptit Piso, Ne quæso, inquit, Lili, in Vergilij uita recensenda labores, nam quæ à ueteribus & recentioribus Grammaticis perscripta sunt, ego & Picus per hosce dies legimus, si quid uerò præterea habes, id nobis tantū expone, ne temporis usura abuti uideamur. Nam tamen Vergilius, nec nimis ualde unquam, nec nimis est sæpe laudatus, tamē temporis angustia nobis suadent, ut nobis potius, quæ alijs parum comperta, edisse-



edifferas,quàm quę protrita scriptoribus.Et ego,Rectètu quidem,inquam,nam nec ullius indiget præconio Maro,nam & illi pridem explosi,qui si dis placet,quandam quasi in eo,ut sic dicam,Mantuanitatem se deprehendisse iactabant,ut illud,Sceleratū frigus. Ipse,inquam,Vergilius amplissimum ubiq; sui præconiū facit,modo sano iudicio & nō corrupto legatur. Vbiq; enim ille sibi cōstat, idem ubiq; Vergilius,hoc est,ut planius uno uerbo dicam,poëtarū Deus. Atq;,inquam,ô bone Deus,quid nunc nos quasi aliud agimus,aut quid aliud optamus,si Vergilium habemus? Quo fit,ut uos identidem,& quos amo,cæteros admonitos uelim,ut (quod mihi puero non præstitere doctores mei) uos etiam atq; etiam hortor huic uni poëtæ tandiu incumbere,insudare,donec non tantum animus imbutus ipse, sed eo trita quoq; aures uideant. Nam prò facinus,quæ quorundam est tanta peruersitas, ut uiuentis pridem frugibus, rudi adhuc glande uescantur, hoc est, dum diuina Vergilij lectione imbui possunt,nescio quos, Archithrenios & Anticlaudianos, ne illos quidem poëtarum umbras, ne Simiolos dicam, totos toto ore, totis animis hauriant, & amplectantur? Sed nunc hac de re satis, nunc pauca de uita. Natus est Maro prope Mantuam, in uico, cui tunc nomen Andes (unde Andinus ipse, & Musæ An

diades à quibusdam cognominatæ) nūc Pi-  
ctole uulgò, Natus, inquā, Pompeio & Cra-  
so coss. LXXVII supra cētesimā Olympia  
dem. Brūdisij uerò mortuus, teste Eusebio,  
Saturnino & Lucretio coss. Ossa Neapo-  
lim tralata, secundo ab Vrbe lapide. Corpore  
fuit & statura grandi, colore aquilino, hoc  
est, subfusco, facie propè rusticana adeò, ut  
nostro Vidæ non adeò absimilis uideri fuis-  
se possit. Valetudine uaria, stomacho nōnun-  
quam laborasse tradit, quare & crudus fuit,  
quod & Horatius poëta innuit. Faucibus,  
& capitis dolore sæpe tentatus, & sanguinem  
frequentius eiecit, cibi uiniq; minimi. Sanè  
uerò animo & ore uerecundus adeò, ut ex  
moribus uulgò Parthenias cognomen inue-  
nerit, tanto etiam in honore habitus à Sena-  
tu populoq; Romano, ut auditis eius uersu-  
bus, in theatro uniuersus populus illi assurre-  
xerit, ipsumq; ut scribit Corn. Tacitus, fortè  
præsentē spectātemq; ueneratus est sic, quasi  
Augustum Cæsarē. Illud etiā adnotāt grāma-  
tici, cum M. Tullius quosdam fortè Vergilij  
uersus ex Bucolicis recitari audiuiisset, carmi-  
nis maiestate motum dixisse,

—*Spes altera Romæ, se primam esse signi-*  
*ficans, quod hemistichium ipse mox poëta*  
*in Aeneide retulit, quod an ipse astruam,*  
*haud faciliè dixerim. Alexander quoq; Impe-*  
*rator & Cæsar eum poëtarū Platonē, ut scri-*  
*bit*

bit Lampridius, appellare solitus fuit, tamet-  
 si præpofteri in hoc iudicij Adrianus, Enniũ  
 Vergilio, hoc eft, ftercus auro præponeret, et  
 fatui iudicij Caligula, qui eum & damnaret,  
 & incefſeret. Sed quid hi ad Auguſtũ, & M.  
 Tullium? At uerò Græci cum opibus & impe-  
 rio florebant, Vergiliũ adeò coluere, ut eius  
 opera in Græcam linguã, nec ſemel, tranſtu-  
 lerint, uerũ & Chriſtodoros in ſua Ecphraſi  
 hæc carmina de Vergilia ediderit.

*Cygnus, & Auſonijs diuinum neſtar ab ore  
 Vergilius ſpargens aderat, quem Martia Roma  
 Eloquio ipſa ſuum patrio nutriuit Homerum.*

Sed demũ ut cognofcatis, diuini poëtæ quan-  
 ti ſemper fuerit obſeruata eruditio, & ſapiẽs  
 quæſita doctrina, accipite, quos & quales uĩ-  
 ros in Vergilij carminibus cõmentaria cõdi-  
 diſſe ipſe cõperi. C. Iulius Hyginus, Valerius  
 Probus, Scaurus, Caper, Aemilius, Aſper, Vr-  
 banus, Aurelius, Cornutus, Pius, Carmi-  
 nius, Iunius, Philargyrius, Carpinus, Do-  
 natus Aelius, Seruius Honoratus, Macro-  
 bius. Qui uerò primus Romæ Vergiliũ pu-  
 blicè prælegerit, Quintum Cæciliũ, gramma-  
 ticum Epirotam, Attici Põponij libertũ fuiſ-  
 ſe ſcribit Suetonius Tranq. Et noſtris his die-  
 bus fuere nõnulli, qui in Vergilium cõmen-  
 taria ſcripſerunt, inter quos Lætus Pompo-  
 nius, Landinus, Sabinus & Mancinellus,  
 alij. Illud etiam mihi ferè ridiculum uidetur,

quo se nonnulli de hoc ipso Vergilij nomine angunt usque adeo, dum modo Vergiliū, modò Virgilium, & Vergillium etiam duplici Il scripsere, ut Christodorus in statuarū ecphrafi. In Cæcilij quidem Minutiani Apuleij fragmentis, quæ leguntur, modò à uirgis Vergilium dictum, modò à Vergilijs Vergilium notauimus. Cum priore sententia cōuenit Donatus, seu quisquis ille fuit, qui Vergilij uitā copiose descripsit, & Calui uersiculus, qui circumfertur,

*Et uates, cui uirga dedit memorabile nomen.*

Sed nunquid illud uobis reticuerim, quod de Vergiliānis sortibus traditur ab historicis, quibus & nonnulli hodie, etiam uiri doctissimi utūtur, superstitiose id quidem, nec nostræ religionis hominibus satis laudabile. Legimus & Ouidium poëtam ex Vergilia no carmine tragœdiam confecisse, quod in Ouidij imagine referemus. Nec illud hoc loco reticuerim, quod à multis proditum est, Vergilium in Bucolicis ex Sibyllinis carminibus Christi domini natiuitatē præcinuisse. Nam tametsi Hieronymus, & eum alij secuti id minus consonum arbitrantur, ut cum de Centone agemus, dicemus, certè illud est memorabile, quod in nostris Annalibus tradit, de Secundiano, uiro togato & graui, deq; Veriano pictore. Qui cum Marcellianum uirū eloquentissimū conuenissent, omnes à Christi pic-

sti pietate alieni, eaq̃ ex Bucolicis carmina attentius perscrutarentur,

—*Iam redit & uirgo,* etcetera, nil aliud ibi rectè intelligi statuerunt, nisi Christū de uirgine natum, redemptorem seruatoremq̃ humani generis. Quare uitæ rationē commutantes, ad Christum conuersi sunt, & à Xysto summo pontifice salutari lotionē abluti, paulopost à Valeriano Cæsare, cum constantes in ea confessione perseuerassent, necati sunt, & in beatorū numero sunt habiti. Sed iam plus, quàm putarā, de Vergilio dixi. Vergilium in tabula sequebatur C. Mecænas C. Mecænas. eques, uir cum omnium bonorū, tum litterarum & poetarum maximè fautor, quos et amplissimis est beneficijs prosecutus, ideoq̃ egregij omnes eius ferè ætatis poetæ summis illum laudibus celebrarunt, ut de eo in prouerbium iam illud cesserit,

*Sint Mecænates, non deerunt, Flacce, Marones,*  
Eiusq̃ nomen in munificentiam & liberalitatem transferit. Originem Mecænas duxit, ut ait Horatius, ab antiquis Hetruscorū regibus, cuius maternus auus & paternus magnis legionibus imperitarunt. Mecænatis patrem Menodorum, sunt, qui scribant, qui Iulio Cæsari contra Pompeium affuit, quod Appianus significare uidetur. Menodori pater Menippus, Menippi Cæcinna, cuius Cato meminit in Originibus, Eques uerò ipse,

forte sua contentus uixit, nec uoluit ordinē  
 excedere, quod & Dion historicus testatur,  
 & Tacitus, qui de eo ita, in tertio Hist. de Cri-  
 spo agens, loquitur. Crispum, inquit, eque-  
 stri ortum loco C. Sallustius, rerum Roma-  
 narū florentissimus autor, sororis nepotē in  
 nomen asciuit, atq; ille, quāquam prompto  
 ad capeffendos honores aditu, Mecœnatem  
 æmulatus, sine dignitate senatoria, multos  
 triumphalium consulariumq; potentia ante  
 ijt. Diuersus à ueterum instituto, per cultum  
 & munditias, copiaq; & affluentia luxu pro-  
 prior, suberat tamen uigor animi ingentibus  
 negotijs par, eo acrior, quo somnum & iner-  
 tiam magis ostentabat. Igitur incolumi Me-  
 cœnate, proximus, mox præcipuus, cui secre-  
 ta imperatorum inniterentur, & interficien-  
 di Posthumi Agrippæ conscius, ætate proue-  
 cta, speciē magis in amicitia principis, quā  
 uim tenuit, idq; & Mecœnati acciderat, fato  
 potētiae raro sempiternæ. An satias capit aut  
 illos, cum omnia tribuerunt, aut hos, cū iam  
 nihil reliquum est, quod cupiant. Hæc Tac-  
 itus, quæ uerba uobis recitare uolui, quod u-  
 no fermè spiritu, multā nobis frugem osten-  
 tent. Amabatur igitur ab Augusto Cæs. ualdē  
 Mecœnas adeo, ut quod Plutarchus scribit,  
*συμβίωτης*, hoc est, uitæ comes, & conuictor  
 Augusti diceretur. Quin & post uictoriam  
 Actiacam ex M. Antonio & Cleopatra, ex  
 Aegy-

Aegypto reuersus, de imperandi ratione, cū Agrippa & Mecœnate agens, cum Agrippa priuatam uitam suaderet, Mecœnas monarchiam, non Agrippæ, sed Mecœnatis consilio adheſit, quod plurib. in historijs Dion, eorum etiã orationibus adscriptis prodidit. Qui & Augustum ait grauiter in Mecœnatis obitu doluisse, ab eo licet hæres eſſet institutus. Et cum ad alia omnia Mecœnate uteretur Augustus, tum in primis, cum ira commotus eſſet, ab ea enim & furore eum auertebat, pacatioremq; animo reddebat. Ferũt, cum aliquando plerosq; eſſet proſcripturus Augustus, nec ad illum præſtantium multitudine poſſet Mecœnas accedere, chirographo ſcripſiſſe, Surge carnifex, & tanquã aliud porrigens, in illius ſinum immiſiſſe, ne uidelicet eorum quempiam occidi iuberet, quod & factum eſt, idem & ſæpe aliàs feciſſe idem eſt autor Dion. Suapte quippe natura ad iracundiam & uindiçtã propenſior fuit Augustus, uerum cum tantæ apud Cæſarem Mecœnas autoritatis eſſet, eius tamen taciturnitatem, ut ſcribit Tranquillus, ſæpè deſiderauit, ut cum uxori Terentiæ ſecretum de comperta Murænæ coniuratione prodidit. Quare mirum eſt, Sextum Aurelium & Eutropium à Tranquillo diſſentire, ut qui Mecœnatem tradant amicorum præcipuũ Augusto fuiſſe ob taciturnitatem, cum contrã

in historia fidelissimus scribat Suetonius. Celebrati sunt Mecœnatis horti Romæ, in Exquilij, quo loco frequenter cum Cæsare uersari consuevit, & perinde etiam frequentes illuc poëtę conueniebant. Locus monet, ut uobis recitem, quæ de Poëmatibus Priapeiorū aliquando intellexi. Erat in his hortis Priapi sacellum, ut scitis morem antiquis fuisse, teste etiam Columella, ad quod conuenientes poëtæ, pro re & loco, carmina affigebant, ut hoc tempore, Romæ, quotannis Paschillo, quæ iussu Mecœnaris à Vergilio collecta, nunc Vergilij nomine circūferuntur. Quod ut illa Vergilij non esse existimē, cum alia, tum illud maximè est in causa, ut nihil in præsentia de stili dissimilitudine dicā, qđ is fuit Vergilius, qui ob uerecundos & uirginales mores, uulgo, ut paulo antè dicebamus, Parthenias est appellatus. Ab alijs Ouidio Nasoni ascribuntur, qui puerorum amores est ira auersatus, ut de ijs in arte canat,

*Odi concubitus, qui non utrinq; resolvunt,*

*Hoc est, ut pueri tangar amore minus.*

Quæ argumenta non est, quod in præsentia uel refellam, uel comprobem, satis sit uobis, quod quæ sentiam ipse, uobis aperui, nam et alij quoque aliter de Priapeijs opinati sunt. Nullis ego facultatē eripio, quo minus, quæ uelint, ipsi sentiant. Sedenim ea poëmata ita mihi uideri inuenta, præter eruditorū quorundam



rundam opinionem, Ithyphallici quoq; seu Phallici carminis inuētio, nescio quo pacto, huic opinioni arridere uidetur. Ferūt enim, Athenis in Liberi patris mysterijs, uates rectum stipitem in modum fascini tenere solitos, & ibi canētes carmina apponere hi, qui Ithyphalli, & Phallodi, & Phallophori dicebantur, quod præter Græcos scriptores, etiā in poētica Latinus scribit Donatianus, ut hinc illud facilius Mauri Terentiani de metro Ithyphallico intelligatis,

*Qui ludicra, inquit, carmina Baccho uersib. petulcis,*

*Graio cum cortice, Phallo tres dabant trochæos.*

Ex his etiam illud ex Georgicis melius exponeris, ut puto, quā hactenus ab interpretibus exponi soleat.

*Orāq; corticibus sumunt horrenda cauatis,*

*Et te Bacche uocant per carmina læta, & reliqua.*

Vbi profectò nil aliud summus poëta intelligit, quā ut dixi, carmen Ithyphallicū. Veluti etiam Ascolia celebritatem in illo poëta significat,

*Mollibus in pratis unctos saliere per utres.*

Verbum enim Græcum exprimit, quod est ἀσκολιάζω, nam & ipsa celebritas, ab utribus est ascolia nuncupata, quos utres inflatos & spiritu plenos, & in terra expositos altero pede impellebant, ascolia celebrantes, idq; sæpius agitantes, donec in terram caderēt, atq; hoc ideo, quod Caper uitem rodar, ex quo

utres fiebāt, ut in ἔργοις Hesiodi interpres pluribus exequitur. Eius celebritatis & apud Aristophanem mētio, eiusq; expositores, itemq; in Suidæ Collectaneis. Ineptissimi sacri istius nō modò gentiles dediti fuere, sed & Christiani quidam hæretici, qui ab eo cursu ἀσκοδρομῖται uocati fuere, uel ut Philastrius scribit, Ascodrogitæ. In Galatia uerò hi fuere, qui utrem inflatum contegentes, bacchantes circuibant. Hinc & ἀσκολιασμός, & uerbum ἀσκολιάζω, deduci autumant, quod, ut ait Theophilus, propriè significat, in pede uno salio. Et ἀσκολιασμός, is saltandi modus, quo & iuuenes nostra ætate nonnunquā saliunt. Sed hæc alij non ab utribus, id est, ἀσκοις, sed à scolo, quòd impedimentū itineris esse traditur, denominata esse affirmant, uel à Scolio carmine. Attente uerò, hæc cum dicerem, me Picus puer audiebat, & erat plura cupienti similis, cum Piso inquit, Non ista ut referas, nunc tempus exposcit, ad Mecœnatis, quæ restant, potius reuertere. Cui ego inquam, Rectè ais, & ad Picum conuersus, ne dubita, multa huiusmodi alias tibi, nunc ad Mecœnatem, à quo nostra fluxit oratio, redeo. A Mecœnate turris, Mecœnatiacà cognominata est, uel maximè halosi Neronis, & urbis incendio celebrata, cuius & quædam uestigia extare, sunt ex antiquarijs Romæ, qui asserant, Scribit etiam Dion in Historijs

storijſ, Mecœnatem primum calidarum aquarum balnea in Vrbe conſtruxiſſe. Porro Terentiam Mecœnas miro amore depetijt, ut Acron & Porphyriion prodidere. Quin in huius puellæ gratiam Horatius illud in Epo do cecinit, ad ipſum Mecœnatem,

*Vreris ipſe miſer, quod ſi non pulchrior ignis*

*Accendit obſeſſam Ilion,*

*Gaude ſorte tua.*

Quæ tamen Terentia ipſius Mecœnatis uxor datur intelligi, ex uerbis Iaboleni Iuriſ- conſulti, libro Pandectarũ xxiiij. ubi de donatione inter uirum & uxorem agitur. Idem palàm oſtendunt, Suetonius, & Annaeus Seneca in libro de Prouidentia, qui Mecœna tem ipſum ait ipſius Terentiæ amoribus anxium nimium, & moroſæ uxoris repudia deſlentem, per ſymphoniarum cantum, ex longinquo leue reſonantium, ſomnum quæ fiſſe, nec mero, nec aquarum fragoribus illum aduocare potuiſſe. Hinc illi exiſtimo cõ- tigifſe, quod à Plinio ſcribitur, ut per trien- nium non dormierit, id quod ego uix credi- deram, antequam apud Olympiodorum A- lexandrinum in Phædonis commentario le- giſſem, hominem inſomnem uixiſſe, qui ſo- lo aère ſolari nutrireſetur, atque in eo miracu- lo Ariſtotelem citat. Hanc Terentiam, Te- rentianam alicubi uocare uidetur Dion; Terentillã uero Marcus Antonius, ut illius

sunt uerba, quæ à Suetonio afferuntur, ubi de Augusti libidine agit. Hanc Dion illius Murenæ sororem scribit, qui, ut paulò antè meminimus, contra Augustum cōiurauit, hanc autem eandem Terentiam ab Augusto amatam, subiratūq; Augustum ideo Mecænati, quod id ægrè ferret, idem Dion scribit. Sed & aliquando de forma cum Liuiâ Terentia certare uoluit. Quin & Augustum ait ex Urbe in Gallias peregrè profectum, ut sermones, qui de se & Terentia ferebantur, effugeret. Amauit præterea & Mecænas Bathyllū histriionem, quod ex his Cornelij Taciti uerbis facile cognoscimus, loquitur Tacitus de ludis à Tiberio factis. Indulserat, inquit, ei ludicrò Augustus, dum Mecænati obtemperat, effuso in amorē Bathylli. Meminit & Bathylli Iuuenalis, cū ait, — *Molli saltante Bathyllo*, item Seneca, cum alibi, tum in tertio Declamationum, item Dion in Historijs. An uerò ad hunc alludat in epodo Horatius, uiderint hi, qui in eius lectione nimio plus uersantur. Sed nos nostrum sequamur institutū. Hic idem Mecænas & exquisitas dapes excogitasse traditur, nam primū illum quidem asinarum pullos condiuissē, scriptū reliquit Plinius, multūq; eo tempore prælatos onagris. Id uerò compertū parum habeo, an Mecænatica uina ab illo, an ab altero nuncupata sint, quæ & Cæsennatica, Moribus autē & effeminatum

minatum, mollemq; fuisse Mecœnatem legimus, & eodem stili etiam genere diffuisse, quin eo nomine à Seneca incessitur, & à Sattyrographo supinus & tener. Ab Horatio uerò, si Porphyrii & Acroni stamus, Malthinus, seu, ut quidam malunt, Malcinus tunicis demissis, cognominatus est, laxe em præcingebatur, qua etiam de causa & C. Cæsar à scriptoribus notatur. Cingebat, inquit Suetonius, fluxiore cinctura, unde emanasse Syl læ dictum constat, optimates sæpius admonentis, ut malè præcinctum puerū cauerent. Et M. Cicero ait, Præcinctura me decepit, de Cæsare loquens. Hac de re & alij. Demissæ uerò & fluentes tunicæ, Parchemero philosopho teste in Ethicis, sunt mollis & diffuentis hominis indicium, idem & Aristoteles. Iuuenalis Crispinum mollem & effœminatum perstringens ait,

*Crispinus Tyrias humero reuocante lacernas.*

Ad hoc alludit Seneca, cum de quadam graui Mecœnatis sententia ageret, Alte, inquit, cinctum dixisse putes. Solitus est Augustus Mecœnatem per iocum suis literis sæpe irridere, & myrobrechis, ut ait Suetonius, eius cincinnos est usquequaq; persecutus, & imitando per iocum irrisit. Augusti Cæsaris hac de re particulam recitat Macrobius in Saturnalibus, Idem, inquit, Augustus, quia Mecœnatem suum nouerat esse stilo remisso, molli

& dissoluto, talem se in epistolis, quas ad eum scribebat, sæpius exhibebat, & contra castigationem loquendi, quam aliàs ille scribendo seruabat, in epistola ad Mecœnatem familiari, plura in iocos effusa sub exuit. Vale Mecœnas, mel gentium & medulla, ebur Hetru-riæ, laser Arretinum, uel, ut aliij legunt, Esar, id est, Deus Arretinus, Adamas supernas, Tiberinũ Margaritum, Cilneorum Smaragde, Iaspis figulorũ, Berylle & carbunculum Por-sennæ. Habeas, *ἵνα σωτήμην, πάντα μαλάγματα* mœcharum. Scio hanc Augusti particulam aliter ab alijs legi, sed adhuc planè mihi de ea satis nemo fecit, nedum ego mihi. Ridet & Cornelius Tacitus Mecœnatis calamistros, sed nullus certè melius, quàm Seneca, qui quadam ad Lucillium epistola ita illius mo-res & orationem expressit, ut ante oculos il-lum nobis posuisse uideatur. Quo modo, in-quit, Mecœnas uixerit, notius est, quàm ut narrari nunc debeat, quo modo ambulaue-rit, quàm delicatus fuerit, quàm cuperet ui-deri, quàm uitia sua latère noluerit, quid er-go? Non oratio eius æquè soluta est, quàm ipse discinctus? Non tam insignita illius uer-ba sunt, quàm cultus, q̃ comitatus, q̃ domus, quàm uxor? Magni uerò ingenij uir fuerat, si illud egisset uita rectiore, si non uitasset intel-ligi, si non etiam in oratione diffunderet, uide-bis itaque eloquentiã ebrij hominis, inuolu-  
tam &

tam & errantem, & licentiæ plenam. Mecœnas in cultu suo. Quid turpius amne, filiusq; ripa comantibus? Vide, ut alueum lintribus arent, uersoq; uado remittat hortos. Quid, si quis fœminæ, cincinnos crispata, labris columbatur, incipitq; suspirans, ut ceruice laxa suauiantur? & reliqua. Non statim, cum legeris, hoc tibi occurreret, hunc esse, qui solutis tunicis in Vrbe semper incessest? Nam etiam, cum absentis partibus Cæsarisungeretur, signū à discincto petebatur. Hunc esse, qui à tribunali, in rostris, in omni publico cœtu sic apparuerit, ut pallio uelaretur caput, exclusis utrinq; auribus, nō aliter, quā in mimo diuites fugitiui solent. Hunc esse, cui tunc maximè ciuilibus bellis strepentibus, & sollicita Vrbe & armata, comitatus hic fuerit in publico, spadones duo, magis tamen uiri, quā ipse. Hunc esse, qui uxorem millies duxit, cum unam habuerit. Hæc uerba, tam improbè structa, tunc tam negligenter abiecta, tam contra consuetudinē omniū posita ostendunt mores quoq; nō minus nos, & prauos & singulares fuisse. Maxima laus illi tribuitur mansuetudinis, pepercit gladio, sanguine abstinuit, nec ulla alia re, quod posset, quā licentia ostendit. Hanc ipsam laudem suam corruptit istis orationis portentosissimæ delicijs, apparet enim mollem fuisse, non mitem. Atque hæc quidem

contra Mecœnatem, post alia Annæus Seneca, sed Stoicum, & seuerum hominẽ hæc de molliore scripsisse, non mirum uobis uideatur, cum tamen idem alio loco, Mecœnatem tradat ingeniũ habuisse uirile & grande. Extrat certè elegia inter opuscula, quæ Vergilij nomine circumferuntur, de Mecœnatis obitu, in qua abundè Mecœnas defenditur, à luxu & mollitiei infamia, post enim bella, & superatos hostes, fortem ac strenuum imperatorem non dedecere, Liberi patris & Herculis exemplo, uoluptatibus animum relaxare. Quædam sunt in ea elegia non indigna cognitu, sed tamen ut eam non Vergilij esse existimem, tempus & stilus argumentũ mihi faciunt. Nam ante Mecœnatẽ Vergilius ex uita excessit, stilus uerò à Vergiliano diuersus. Atq; hac de re iã nimis. Oratoriẽ quidẽ facultati primũ Mecœnas operã dedit, deinde nõ ea contentus, poëticæ, in qua, ut ipse sibi proposuerat, illũ profecisse crediderim. Tragedias uerò & alia pleraq; poëmata scripsit, quæ omnia temporũ & bellorũ iniuria perierũt, ea certè à scriptoribus celebrantur. Prometheum fabulam citat Seneca, Priscianus grammaticus Oëtauiam. Hic Mecœnatis uersus circumfertur,

*Nec tumulum curo, sepelit natura relictos.*

Quod iuxta Vergilianum illud prolatum esse uidetur,

Faci-



—Facilis iactura sepulchri. quod nōnulli ex  
Epicuri sententia sumptum esse existimant.  
Afferuntur item ab Attilio hi uersiculi,

*Ades ô Cybele, montium dea,*

*Ades. & sonante tympano quate*

*Flexibile caput. Latus horreat*

*Flagello, comitum chorus ululet.* Solebat Me

cœnas, ut Seneca scribit, illud in ore habere,  
Omnia sustinenda, dum uiuamus. Atq; hac  
de re hi leguntur uersiculi,

*Debilem facito manu,*

*Debilem pede, coxa,*

*Tuber astrue gibberum,*

*Lubricos quate dentes,*

*Vita dum superest, bene est.*

Scribit in Hi-

storij Dion Cocceianus Mecœnatem pri-  
mum quasdam literarum notas excogitasse,  
quibus, ut celerius scriberet, utebatur, quas  
postea ad aliorū usum Accilius seu Aquila,  
eius libertus prodidit, cuius rei & Isidorus,  
& Petrus Diaconus in libro de Notis anti-  
quis meminerūt. Literas uerò Mecœnas Ra-  
na obsignare solitus fuit, ut Sphinge Augu-  
stus. Quin, inquit Plinius, Mecœnatis Rana  
per collationē pecuniarū in magno erat ter-  
rore. Mirum est, quod de Mecœnatis morte  
apud eundem Pliniū legimus, illi scilicet, per  
supremū uitæ trienniū, nullo horæ momen-  
to somnū contrigisse, eidem & perpetuam fe-  
brem, quod uix fieri potuisse philosophis ple-

*Cn. Cornelius  
Gallus.*

risq; uidetur. Atq; hæc quidem de Mæcœnate. De Melisso uerò Mæcœnate, qui sibi triennio silentium imperauit, in Melisso agemus. Nunc hanc partem sequamur, in qua fuit Cneus Cornelius Gallus poëta, ut Eusebius ait, Foroiulienſis, quamuis amore, ut puto, patriæ, Fl. Blondus Foroliuiensem facit. Primus hic Gallus fuit, qui Aegyptū in prouinciam redactam rexit, quod Dion & Strabo, alijq; testantur. Tranſtulit ex Græco Gallus in Latīnū Euphiorionem Græcū poëtam, ut alio loco diximus. Et, ut est apud Seruium grammaticū, libris quatuor amores suos de Cytheride, Volumnij liberta composuit, quā mutato nomine, ille & Virgilius Lycorida appellarunt. Duriorem Gallum fuiſſe in elocutionibus, scriptū reliquit Fabius. Miratus sum quorundam impudentiam, ne dicam amentiam, qui tralaticios quosdam & mentitos uersus sub Galli poëtae nomine ediderūt, cum in ijs neq; phraſis, nec tempus Gallo cōueniant, qui tertio & quadrageſimo ſuæ ætatis anno, ſua ſibimet manu mortē accerſijt, in ijs autem ſe ſenem deſcribit. Sed nec in pleriſque uerſibus purus & ſincerus eſt ſermo Latinus, quin & ſyllabarum moræ, & tempora metri leges nonnunquam excedunt, Maximiani uerò, nugatoris cuiuſdam, & nebulonis potius, eorum uersus plurimi ſunt. Et ſi hoc auctis noſſe, ex uetuſtioribus  
adhuc

adhuc quibusdam exemplaribus est uidere, in quibus Maximiani ipsius nomen legitur, illius, inquam, Maximiani, cuius & insignis grammaticæ nugator Alexander nugas irridet, quod nomen in editis & excusis nuper libellis, per fraudem est prætermisum, unam uerò uel alteram elegiam ipsius Galli esse non abnuerim. Sic & illud Galli epigramma à plebisque creditur, quod de Vergilij morte ad Augustum legitur,

*Temporibus lætis tristamur maximè Cæsar,*

& reliqua, quæ legeris in Vergiliana appendice. Dion & Eusebius ac Marcellinus Cornelium Gallū propria se manu cōfecisse prodiderunt, quibus & eo carmine subscribit Ouidius,

*Sanguinis atq; animæ prodige Galle tuæ.*

Sedenim ad necem compulsus ait Tranquillus, cum ob ingratū & maleuolum animum, illi domo interdixisset Augustus, Donatus et Seruius, quod in suspicionem coniurationis contra Augustum uenisset. Dion ait eum accusatū à Valerio Largo collega, & à Senatu cōdemnatū, qđ insolentius se gereret, & obloqueret, statuasq; sibi poni tota Aegypto iussisset, ipsisq; pyramidibus nomen suū inscriberet, ut uerò innuere uidetur Ouidius, cū in Augustum liberiore usus esset sermone inter pocula, ita enim secūdo de Tristibus cecinit,

*Nec fuit opprobrio celebrasse Lycorida Gallo,*

*Sed linguam nimio nō tenuisse mero.* Ammianus Marcellinus Hist. lib. xvij. eius hanc mortis causam refert, Cum procurator, inquit, Aegypti multorū opes intercepisset, & datus esset nobilitati inspectandus ab imperatore, ut ea cognosceret populatæ prouinciæ negocium, tum eum ferro incubuisse. Iste ne, inquit Piso, Cornelius Gallus est, quem adeo Vergilius aliquādo amauit, ut quartus Georgicorū liber, à medio in finem usq; eius laudes contineret, quem postea, iubente Augusto, in Aristæi fabulam cōmutauit, & in cuius amores de Cytheride decimam eglogam cōscripsit? Hic ipse, inquam ego, est, cuius & Propertius aliq; meminere. Scribit uerò in grammaticis Suetonius, inter grauissima crimina ab Augusto, Gallo obiectum fuisse, qđ familiarissimè uiueret cum Q. Cæcilio Epirota, grammatico, Attici liberto, qui cum Attici filiam, M. Agrippæ uxorem doceret, eam sollicitasset. Scribit & Dion historicus lib. liij. Proculeium, cum aliquando Cornelio Gallo occurreret, nasum & os manu cōpressisse, id scilicet significantem, non alicui tutum esse, illo præsentē, nec loqui nec respirare, tantæ nanq; fuit Gallus insolentię. Alius quoq; licet ignotus, ad eum cum testibus quibusdā accessit, eum percūctatus, si se agnosceret, & cum ille negasset, iussit responsum scribi, ac si minus liceret malū hominē calumniari, quē ipse

ipse prius nō cognouisset. Quæ cum ego dixissem, tum statim subiunxit Piso, Cur post Gallum, nō & Anserē nobis narras? Nō ideo, inquam, quoniam is Anser pulsus erat è corte, ut & olim ex Phalerno: Puero uerò Pico iocum haud planè percipiente, Anser hic, inquam, Pice, poëta fuit, linguæ petulantis parumq; modestæ, quare procacissimū eum appellauit Ouidius. Hic & Vergilium odio est infecutus, ut Seruius & Donatus tradunt. Fuit uerò M. Antonij triumuii amicus, cuius & laudes composuisse dicitur, qua causa & ab eo est agro Phalerno donatus. Huius & Vergilius in Bucolicis intellexit, cum ait,

—*Interstrepere Anser olores, quod mox pro-  
uerbij loco usurpatū est, cū indoctus inter do-  
ctos disputat. De hoc Anserē & Propertius,*

*Nec minor his animis, aut si minor ore canorus*

*Anseris indocto carmine cessit olor.*

Sed & M. Cicero in Philippicis, cum ait, Ex Phalerno Anseres depellantur. Sed & si uultis, nec uos piget, commemorabo poëtas aliquot, qui non tamen erant in tabulis, malos uidelicet hoc eodē tempore habitos. Et maximè, inquit Piso, uolumus, ut pro Pico etiā respondeam, qui dum ista sic attente audit, se libenter auditurum promittit. Postquam ergo placet uobis, Meuium & Bauium primos afferam, qui & ipsi, ut Anser, parū æqui Vergilio fuere & Horatio, nec mirū, quippe qui

illepidi incultiq; fuerint, quales Catulliani illi caprimulgi, Suffenus & Aquinus. Aquinus, inquam, qui licet M. Tullio notus fuerit, ut est in Tusculanis, ut Suffenus, tamē infulsissimus & infacetissimus fuit, ut quorū uersibus Catullus Caluum de pessimis poetæ carminibus se renumeraturum minetur.

*Nam si luxerit, inquit, ad librariorum*

*Curram scrinia, Cæsios, Aquinos,*

*Suffenum, omnia colligam uenena.*

Solebat certè hic Aquinus sibi placere, ut apud Catullum Suffenus, neque æque beatus erat, ac poema cum scriberet. Id enim uitij ferè poetis omnibus, & præcipuè malis, ut scribit Cicero, ut cuiq; sua pulchra uideantur, nec natos modò, sed monstrosos interdum partus amant. Nec mirum uobis uideri debet, quod modò diximus, Saturnalib. optimo dierum, missos sibi à Caluo uersus, id etenim moris fuit, quod tamen alij parum obseruarunt, eo Saturnaliorum tempore, ut si Amicus doctus esset, libellum aliquem ueterem, uel si quem ipse scripssisset, amico mittere, quē protinus legeret, qui acciperet, quòd si recusasset, pœna erat. Quā rem perspicuè in eo, qui *κρονοςδωρ* inscribitur, Lucianus est executus, quo loco & reliqua Saturnaliorū instituta, quæ autoris mira est iucunditas, persecutus est. De Cæsio uerò, cuius meminit, ut audiuiſtis, Catullus, mentio est in rhetoricis

toricis ad Herennium, licet eo loci quidam Cælium, pro Cæsiū reponant. Scripsit hic libros duos, ex quorum priore hoc carmen affertur,

*Has res ad te scriptas Luci misimus Heli.*

Sunt tamen apud Catullum, qui non Cæsios eo loci, sed Sextios legāt. Nam de Sextio idē Catullus, ut de inepto scriptore meminit, idem & alibi manifestius, dum ad fundū scribit Tyburtē, in quo curatus mala tussi, quā Sextij conuiua contraxerat.

*Nec deprecor, inquit, iam si nefaria scripta*

*Sextij recepo, quin grauedinem & tussim,*

*Non mi, sed ipsi Sextio frater frigus,*

*Qui tunc uocat me, cum malum legit librum.*

De Sextio & Cicero alicubi. Sūt &, qui apud Fabiū cum de Cornelio Celso agit, Sextios, inquit, imitatus, de hoc intelligant, quod mihi parum probatur. Nam de Sextio patre & filio intelligit, qui philosophi cū essent, multa scripserunt, de quibus agit Annaeus Seneca, & de Sextio in primis patre, qui Stoicorū dogmata secutus, ea literis mandauit, unde & sententias Seneca mutuatur. Floruit hic Iulij Cæsaris ætate, honorum & magistratuum contemptor, nam illi Diuo Iulio dante latum clauum, non recepit, ut est apud Senecam. Sextium præterea animalibus abstinuisse, ut Pythagorā, accepimus, sed non eadem ratione, qua Pythagoras in Symbolis

præcipit, qua dere differuimus in Symbolis,  
 quæ non multo antè tibi Pice dedimus. Hic  
 idem Sexorius, consummato die, cum se ad no-  
 cturnam quietem reciperet, suum quasi in-  
 terrogare consuevit animū, quod hodie ma-  
 lum tuū sanasti, cui uitio obstitisti, qua par-  
 te melior factus es? Verum de hoc satis, &  
 propterea ad Meuium & Bauuiū redeo, qui,  
 ut Catulli uerbis utar,

*Infaceto infacetiores rure fuerunt.*

Meuium, quod putidior esset, olentem appel-  
 lat Horatius, ea ode, qua illius nauigatio-  
 nem iambicis est infectatus. Triuiialis uerò  
 poëta & Barbarus, Alanus, Anticlaudianus  
 ita cum primo libro subsannat.

—Priami, inquit, fortunas intonat illie

*Mæuius, in cælis audens os ponere mutum,*

*Gesta ducis Macedum tenebrosi carminis umbra*

*Pingere dum tentat, in primo limine fessus*

*Hæret, & ignauam queritur torpescere Musam.*

Quamq̃ alium poëtam satyrice significari ab  
 Anticlaudio eo loci putauerim, qui Gual-  
 therius dictus est, cuius equidem librum de  
 Alexandri Magni gestis uidi, Putabam, in-  
 quit Piso, te dicturū, legi. Non fuit, inquam,  
 operæ precium, sed quid tum, si legissem? Om-  
 nino scopulis pridē mea est illisa nauis, uos  
 eos, ut dixi antea, cauate, Acroceraunijs pe-  
 riculosiores. Hoc eius tantum, quod memi-  
 ni, principium uobis poëmatis recitabo,

*Gesta*



*Gesta ducis Macedum totum digesta per orbem,  
Quam largè dispersit opes, quo milite Porrum  
Vicerit, & reliqua. Talem uerò Meuij  
mortem apud grammaticos quosdam uete-  
res comperi. Aiunt enim, cum Meuius Athe-  
nas urbem petulantissimo carmine laceras-  
set, ab Atheniensibus est in uincula cōiectus,  
& misera inedia mori coactus, digna utique  
maledico pœna. Vnde illud Ouidij in Ibide  
exponitur,*

*Vt ue parum stabili qui carmine læsit Athenas,*

*Inuisus pereas, deficiente cibo. De Bauio ue-  
ro ex Eusebio Hieronymus, M. Bauius poë-  
ta, quē Vergilius in Bucolicis notat, in Cap-  
padocia moritur, Olympiade LXXXVI su-  
pra centesimam. Vergilianus Menalca ita in  
Palæmone eos irridet,*

*Qui Bauū, inquit, nō odit, amet tua carmina Meui.  
Præter hos & Vergilium odio est infecurus  
Paro, qui in Bucolicis duas æglogas, sed in-  
fussissimè, derisisse his uersibus dicitur.*

*Tityre, si toga calda tibi est, quo tegmine fagi?*

*Dic mihi Damœta, cuium pecus, an ne Latinum?*

*Non, uerum Aegonis, nostri sic rure loquuntur.*

*Fuit & alter Paro, hoc ipso longè antiquior,  
qui ut Aristoteles & Themistius scribūt, phi-  
losophus fuit Pythagoricus, tempusq; stul-  
tum & indocile uocabat, quod tempore ip-  
sius iniuria homini obliuio & delirium con-  
tingat. Et Carbilius etiam Pictor odio Ver-*

gilium est insecutus, & aduersus eius Aeneida librum, cui titulus erat Aeneidomastix, perscripsit. Fuit & Bathyllus per ea tempora, poëta mediocris, qui ut alienis cornicula pennis, ita ipse Vergilij uersibus illustrari uolebat. Nam cum Vergilius uersus clàm Augusti ualuis affixisset, non nominato autore, diuq; quæssisset Augustus, cuius nam essent, nec inueniretur, cæteris tacentibus, eos sibi Bathyllus ascripsit, quãobrem donatus honoratusq; à Cæsare fuit. Quod uidens Vergilius, iisdem ualuis affixit quater hoc hemistichion,

*Sic uos, non uobis, quærente Augusto, ut cõpleretur, id cum pleriq; frustra conati essent, Vergilius præposito hoc Monosticho, sic subiunxit,*

*Hos ego uersiculos feci, tulit alter honores.*

Cæteri uersus quia uobis notissimi, non est, cur recitem. Quare iam potius ad eos poëtas, qui picti erant in tabula, redeo, qua parte erat C. Cornificius, qui ob peruersam, ut ait Donatus, naturam, Vergiliũ ferre nõ poterat. Iuuenis enim tum etiam, ut puto, Vergilius indies proficiebat, assiduè igitur illum mordebat Cornificius, qualis scilicet Theon ille, poëta Græcus, qui ob mordacitatẽ & maledicentiam in prouerbiũ celsit, in mordacem & maledicum. Quin & pleriq; dentem Theoninum dictum uolunt ab Horatio, pro  
mor-

mordace, nec defunt, qui Ausonium Gallum putent maledicum poëtam quendam, uocasse hac causa Theonem. Carpente ergo quotidie Vergilium Cornificio, & oblatrante, amicus quidam Vergilio Cornificij maledicta detulit. Tum, quã putas, inquit Vergilius, huiusce maleuolentiæ causam? Nunquid enim ego Cornificium offendi, quin potius ipsum amo. An non illius sententiæ Hesiodi meministi, qua architectum ait architecto inuidere, & poëtam poëta. De malis, inquit, Græcus ille intellexit, boni etenim eruditiores amant. Sed magna cum mea laude & gloria, respondet, uindictã in manu habeo, maiore enim cura & studio uirtutibus intendã, atq; quo ego elegantior fiam, eo ille uehementius inuidia rumpetur. Et hac equidem, puto, de causa leuem ipsum Cornificiũ in libro de Tristibus uocat Ouidius. Et de illo conqueritur Catullus, quod mœrenti sibi ob surreptam puellam nihil solatij attulerit, uobis notum est epigramma. De Cornificio uerò sic in libro Temporũ Eusebius, Cornificius, inquit, poëta à militibus destitutus interiit, quos ille sæpe fugientes, galeatos lepores appellarat. Huic Cornificia soror fuit, cuius insignia suo tempore epigrãmata extitisse scribit Hieronymus. Pleraque Marci Ciceronis epistolæ leguntur ad Cornificium, ex quibus eum doctissimum fuisse faciliè cognoscimus,

*Plotius Crispinus.*

nescio tamen, an tempora eundē esse patiantur, nam is rhetoricos libros scripsit, quos perperam quidam ad Herennium esse putauerunt. Post Cornificium erat Plotius Crispinus in tabula, qui poeta & philosophus fuit, & sectam Stoicam professus, eam tamen nimia loquacitate contaminavit adeo, ut inde Aretalogi cognomen inuenerit. Placita Stoicorum Plotius uersibus complexus est. Garulus fuit & lippus, id quod Horatius suo carmine ostendit,

*Iam satis est, ne me Crispini scriinia Lippi*

*Compilasse putes.*

*Id mihi certè parum*

*Plotius Tucce.*

compertum est, an hic idem sit is, qui L. Plotius dictus est, de quo M. Tullius ait, quod poeta fuit Marii temporibus, amatusque ab ipso eximie, quod illius ingenio putabat ea, quæ gesserat, posse celebrari. Fuit & Plotius Tucce, amicus, & inter hæredes Vergilii, & una cum Varro Aeneidos emendator, hunc sæpe cum bonis Horatius nominat. Hunc quidem, pro Tucce, Cornutus Persii uetus interpret uocatū Tucetam ait his uerbis, cum de Tucetis ageret Galliæ Cisalpinæ. Hinc, inquit, Plotius Vergilii amicus, in eadem regione est nominatus Tuceta, deinde, ut ego reor, Tucce. Fuit & L. Plotius rhetor, cuius meminit Cicero, & Suetonius eius uitam scriptam reliquit. Post

*Fannius.*

Plotium erat Fannius, non is Fannius antiquior, Lælii gener, qui historias scripsit, sed  
alius

alius poëta, qui nō multū Vergilij & Horati  
gratē antecessit. De quo uariē quidē legimus,  
quidam enim illum cedrina capsā donatum  
aiunt, & imagine, quod poëta esset, alij quod  
cum garrulus esset, & malus poëta, à Senatu  
tamen in auctoritatem susceptus. Sunt, qui il-  
lum quadratam satyram scripsisse uelint, &  
cum locupletissimus esset, sine filijs, captato  
res & hæredipetæ pleriq; eius carmina miris  
laudibus extollebant, eaq; in bibliothecas re-  
ferebant, atq; exinde etiam statuas & imagi-  
nes ponebant, ut scilicet ab eo hæredes scri-  
berentur. Alij poëtam quidem fuisse prodi-  
derunt, cui cum senatus imaginem decreuis-  
set, eam ille neglexit, uerum postea cum mo-  
reretur, rogasse fertur, ut imago cum capsu-  
lis incenderetur. Variē omnino de hoc Fan-  
nio à scriptoribus proditum est, quicunq; is  
fuerit, pro garrulo & inepto ab Horatio in  
Sermonibus his uerbis nominatur,

—Beatus Fannius, ultro delatis capsis et imagine.

Item alibi, —Aut quod ineptus

Fannius, Hermogenis lædat conuiuia Tigelli?

Ab his erat T. Valgius, qui à Tibullo ita lau-  
datur, ut ad Messallam scribens,

—Aeterno, dicat, propior non alter Homero.

Eundem & Horatius ualde probat, amiceq;  
de Mystis pueri morte consolatur, meminit  
item & Seneca. Valgij hæc sunt carmina, ut  
est apud Seruium,

T. Valgius.

*Sed nos ante casam tepidi mulgaria lactis,*

*Et sinum uini cessamus fundere Baccho.*

*Item apud Isidorum,*

*Hic mea me longo succedens prora remulco,*

*Lætantem gratis sistit in hospitij.*

**Vagellius.** Fuisse & Vagellium poëtam legimus, qui Senecæ amicus fuit, & carmina, ut puto, Lyrica condidit. Seneca libro sexto Naturalium quæstionū, Egregiè, inquit, Vagellius meus in illo inclyto carmine, si credendum est, inquit, mihi, cælo cecidisse uelim. Quo tamen ego loco libentius Lyrico, quam inclyto legerim. Fuit & M. Vigellius orator, L. Crassii amicus, qui cum Panætio philosopho uixit, atque idcirco Stoicorum placita præcipuè secutus, ut docet Marcus Tullius. Sed hi nullo in poëtarum numero fuere. Inter huius

**Varius.** ordinis poëtas & Varium Epicum poëtam, Vergilio antiquiorem legi, qui inter cætera librum de Morte scripsit, cuius uersus pleurosque legi, dignos eos quidem, ut uobis recitem, quando illos quoque Vergilius est imitatus, ut Macrobius obseruat. Ut illud,

*Vendidit hic Latium populis, agrosq; Quiritum*

*Eripuit, fixit leges precio, atque refixit.*

*Et item alibi,*

*Incubat & Tyrijs, atq; ex solido bibit auro.*

*Illa uerò comparatio,*

*Ceu canis umbrosam lustrans Gortynia uallem,*

*Si ueteris*

*Si ueteris potuit ceruæ comprehendere lustra,  
 Sæuit in absentem, & circum uestigia lustrans,  
 Aethera per nitidum, tenues sectatur odores.  
 Non annes illam medijs, non ardua tardant  
 Perdita, nec seræ meminit decedere nocti.*

**Tum in eodem libro de Morte,**

*Quem non ille finit, lentæ moderator habenæ,  
 Quà uelit, ire, sed angusto prius ore coercens,  
 Insultare docet campis, fingitq; morando.*

**Videte dicendi genus epicum, quàm surgit,  
 & quod ait de eo Horatius,**

*—Forte epos acer, Vt nemo, Varius dicit.*

**Quidam hunc eundem existimant, qui & tra-  
 gœdias scripsit, & elegias, ut notat Porphy-  
 rion, & qui non tam Horatio, quàm Vergi-  
 lio amicus fuit. Eius Heroicum celebrat ad  
 M. Agrippam idem Horatius,**

*Scriberis Vario fortis, & hostium Victor,  
 Mæonij carminis alite.*

**Idem innuit in Bucolicis Maro, cum dicit,  
 se nondum Vario digna dicere. Celebratur  
 eius fabula Thyestes, quam Fabius Quinti-  
 lianus, & simul Cornelius Tacitus cuilibet  
 Græcorum comparari posse existimant, ean-  
 dem Aelius Donatus, & Seruius, grāmatici à  
 Vergilio scriptā existimari à plerisq; tradunt.  
 Cum enim Varius uxorem haberet apprimè  
 literatam, cum qua solebat Vergilius consue-  
 tudinem habere, ei à se conditam Vergilius  
 hanc dedisse fertur tragœdiam, & uxor**

marito, pòst maritus pro sua recitasse. Quā rem & per allegoriam Vergilium intellexisse in Bucolicis, ex Cōmentarijs quidam tradidere, cum cecinit,

*Quem mea carminibus meruisset fistula caprum.*

Quidam non Vergilij, sed Calsij, Thyestem ipsam fabulam fuisse scribunt, ut paulò mox dicam. Meminit & Varij Ovidius in Ponto, quæ cum dixissem, & alia dicturus essem, Pifso uerba suscepit, Simulatq; de Vario, inquit, sermo incidit, cur non eam nobis in præsentia controuersiam soluis, quā inter doctos esse uideo de Vario & Varro, quidam enim duos, quidam unum esse uoluerūt. Cui ego,

*An ego par fuerim tantam componere litem?*

Quæ iugi tamen lectione didici, nō uobis referre grauabor. Duo igitur eodem tempore Varri nomine fuisse comperio, quorum qui prior fuit, Quintilius Varrus dictus est, quē Variū quidā, quorū, quod nobis amici sunt, nominibus parco, perperam uocauerūt, decepti, ut opinor, quod Varriana, nō Varrana clades apud scriptores legat. Qua clade Varrus ipse ductor in Germania periit, & qua Augustus est adeò mēte cōmotus, ut interdū foribus caput illideret, uociferans, ut ait Suetonius, Quintili Varre legiones redde. Hūc ipsum celebrat Vergilius vi. ægloga, & Horatius, & apertè M. Manlius hoc carmine,

*Cum fera ductorem rapuit Germania Varrum.*

Quidam



Quidam hunc Vergilij cognatum fuisse putauerunt, ut ait Seruius, illiusq; interitum de fieri sub Daphnidis persona, quod mihi parum constat. Vir sanè eruditus, nunc demū, post Seruium id etiam scriptis suis comprobare uisus est, non planè perpendens funebre id carmen haud in finem usque Varro conuenire, sed utcunque, nos concludamus, quod cœpimus. Quintilium hunc Varrum Cremonensem Eusebius in Chronico, & Horatij interpretes, Acron & Porphyrius, in poetica faciunt, & equestri ordinis ciuem, quidam & simplici R scribere uoluerunt, ducti antiquorum quorundam codicum uetustate, sed hi faciliè Fabio Victorino Rhettore conuincuntur. Et hucusque de Quintilio. Nunc de altero, hoc est, de Lucio Varro, poeta & grammatico dicamus, qui cum Plotio Tucca, Augusti mandato, post Vergilij mortem, Aeneida emendauit, idemq; est inter hæredes à Vergilio scriptus, ut ab Aelio Donato in Vergilij uita proditum est. Sunt tamen, qui perperam eundem cum Quintilio existimarunt, fuisse quoque per hæc tempora Alphenum Varrum, cuius idem Donatus meminit, & Catullus & Horatius. Quo loco Acron & Porphyrius tradunt, Alphenū Varrum & ipsum Cremonensem fuisse, domiq; sutrinam exercuisse, inde cum Romam profectus esset, Seruio Sulpitio

*Lucius Varrus.*

adhæsisse, iurisconsultum factum, & consularem dignitatem adeptum, tandem cum decessisset, publico funere elatum fuisse. De Vario uerò iam suprà diximus, nam qui eundem & unum Varrum & Varium faciūt, tam eos uidere puto, quàm noctua in solis lumine. Scrupulū iam, inquit Piso, absoluiſti, in quē multi hæctenus offenderunt. Sed perge, reliquam Tabulę partē nobis enarra. Tunc ego, Inter huius, inquā, partis poētas fuerat Aemilius Macer, qui patriā Veronam habuit, sed diu Romæ uersatus est. Scripsit libros de auiſibus, de serpentibus, de herbis. Testatur id Ouidius, qui Macri consuetudinem & amicitia coluit, his uersibus, in libro de Tristib.

*Aemilius Macer.*

*Sæpe suas uolucres legit mibi grandior æuo,*

*Quæq; nocet serpens, quæ iuuat herba, Macer.*

In his uerò Nicandrum poētā imitatus est, ut scribit Fabius. Iliacus cognominatus est ab eodem Ouidio, quod quæ belli Troiani ab Homero relicta sunt gesta, descripsit. Idē Ouidius ad eum in Ponto,

*Tu canis, æterno quicquid restabat Homero,*

*Ne careant summa Troica bella manu.*

Idem ad eundem in Amoribus,

*Carmen ad iratum dum tu perducis Achillem,*

*Primaq; iuratis induis arma uiris,*

*Nos, Macer, ignauæ Veneris cessamus in umbra.*

Citatur et in Theogonia à Nonio Marcello.

In Asia uerò finem uitę accepit, nonagesima  
supra

supra centesimā Olympiadem, ut in temporibus ex Eusebio colligit, quo tempore Augustus C. et L. Agrippas, nepotes adoptauit. Macrum quidem futuro oratori legendum putat Fabius, sed parum conferre, quod scilicet humilis stilus sit, de natura scribenti. Litterator quidam apud Suetoniū hunc Pompeium Macrum existimat, super ea uerba, Quos omnes libellos uetuit Augustus publicari in epistola, quam breuem admodum ac simplicem ad Pompeium Macrum scripsit. Porro nec uos corruptores quidam & plagiarij decipiant, qui de herbis opusculū, carmine quidem concinnatum, sed rude & Barbarum, huius Macri nomine in uulgus dederunt, nam præterquam, quod in illo improprius est Latini sermonis usus, nec æqua uersus structura. In eo quoque C. Plinius citatur, obliti scilicet illi fuerant, quod Macer ipse à Plinio in hac re adducitur, qui uno plus minus seculo post Macrum floruit, ut facile ex temporum ratione colligitur. Sed hac de re iam satis. Quàm te libenter, inquit Piso, audimus, uel totū hunc diem in isto sermone cōsumere uelim. Nam cum multis alijs ego, de isto Macri subditicio & adulterino libro, in tenebris uersatus sum, quod citatum illum uidebam à plerisque rei medicæ Scriptoribus, etiam in eum cōmentarijs editis. Sed quando ego uos, inquam, hæc ipsa uideo libenter

Cassius Se-  
uerus .

benter audire, si aliqua fortè deinceps similia occurrerint, dicere non grauabor, quapropter iam ad alios me conuerto. Erat post hos Cassius Seuerus Parmensis, haud poëta ignobilis, de quo ad Albiū Tibullū Horatius,

*Scribere, quod Crassi Parmensis opuscula uincat.*

Quo loco Porphyrio & Acron, Cassij illū & Bruti partes secutum tradunt, & tribunū militū factum, cum uerò hi deuicti fuissent, ipse sese Athenas contulit. Quò cum Quintilius Varius ab Augusto missus esset, ut eum interficeret, & illum studentem offendisset, nihilominus interemit, & librorum eius scrinium abstulit, unde, aiunt, multi crediderūt, Thyestem Varij fabulam, Cassij Parmensis fuisse. Huius quidem epistolas Plinius & Suetonius citant. Valerius uerò Maximus Cassij mortem aliter recitat, ubi de somnijs agit. Apud Actium, inquit, M. Antonij fractis opibus, Cassius Parmensis, qui partes eius secutus fuerat, Athenas confugit, ubi concubia nocte, cum sollicitudinibus & curis, mentesopita, in lectulo iaceret, existimauit ad se uenire hominem ingentis magnitudinis, coloris nigri, squallidum barba, & capillo demisso, interrogatus, Quisnam esset, respondisse, Cacodæmona. Perterritus deinde tam tetra uisu, & nomine horrendo, seruos inclamauit, sciscitatusq; est, si quem talis habitus, aut intrantem cubiculum aut exeuntem uidissent,

dissent, quibus affirmantibus neminem illuc accessisse, iterū quieti & somno se dedisse, atq; eadem animo eius obuersata est species. Itaq; fugato somno, lumen intro ferri iussit, puerosq; à se discedere uetuit. Inter hāc noctem & supplicium capitis, quo eum Cæsar affecit, paruulum admodum tempus accessit. Hæc quidem Valerius. Sedenim præter elegias, epigrammata & tragœdias, epistolas quoq; Calsius Parmensis scripsit, quas & citatas inuenietis à Plinio & Suetonio. Et Calsij meminit Appianus Alexandrinus. Hunc ipsum Hetruscum cognominatum ait Porphyrio, & per sua tēpora eius fabulā Thyesten extitisse. Fuere nonnulli, qui hunc eundem cum Calsio Seuero, Oratore & poeta, ut puto, falsò existimarūt. De quo & Fabius sæpe meminit, & Tacitus, qui illum ait libidine quadam uiros fœminasq; illustres procacibus scriptis diffamasse, quare inductus Augustus cognitionem de famosis libellis tractauit. Atque ea causa fortassis illum Flaccus in epodo ignauum canem nuncupat, quod scilicet poeta esset maledicus, ut notat Acron. Plus uirium, quàm sanguinis habuisse in orationibus hunc ipsum scribit Cornelius, idem Tacitus ita, ut nec pugnare uideretur, sed rixari, de hoc in dialogo plura scribit. Fabius uerò in x. in Calsio Seuero ingenij plurimum, & acerbiter miram, ac sum

mam urbanitatem fuisse ait, sed plus stomacho, quàm consilio dabat. Sed his longè plura de Cassio Seuero in præfatione tertij libri Declamationum prodidit Seneca, qui omnes eius uirtutes collegit, summisque illū laudibus extulit, hūc tamē ait in declamationibus multo infra se fuisse, uerbaque insuper affert, quibus ea de re ipse se Cassius excusat. Hunc præterea nūquam sine cōmentario dixisse, idem scribit Seneca. Extat apud Macrobiū in hunc Augusti iocus, Cum, inquit, multi accusante Cassio Seuero, absoluerentur, & architectus fori Augusti expectationē operis diu traheret, ita iocatus est Augustus, Vellem, ut Cassius meū forū accusasset, quasi dicat, iam absolutū esset. Scribit Plinius lib. xxxvi. Naturalis hist. Memoria, inquit, non illa fœdiore, cuius ueneno, Aspernati reo Cassius Seuerus accusator obijciebat, interiisse cxxx conuiuas, qua de re & Suetonius pluribus agit in Augusto. Illud hoc loco non planè discutio, an hic sit Seuerus ille, ad quem libro primo de Ponto Ouidij elegia legitur. Cuius hoc initium,

*A tibi dilecto missam Nasone salutem*

*Accipe, pars animæ magna, Seuere, meæ.*

De altero porrò Seuero, qui regale carmen scripsit, inter scenicos poëtas agemus. Per hæc uero tempora, uel paulò suprā, ni fallor, fuit

**Hemitheon.** Hemitheon, poëta Sybarita ille, qui libellos mollis-

mollissimos & lasciuiissimos composuit, de quibus cum aliorū exemplo se Augusto excusaret, ita cecinit Ouidius,

*Nec qui composuit, nuper Sybaritida fugit.*

Planus meminit Lucianus, & ante illū Philon Hebręus. Item Martialis de libris Musęi,

*Qui certant, inquit, Sybariticis libellis.*

Domitius uerò Calderinus Sybariticorū librorū Sybarim quempiā poētā autorē, siue aliquo autore putauit, quem ideo in sua cēturia reprehendit Politianus. Per hæc quoque tēpora floruisse crediderim M. Manliū, qui & C. Manlius ab aliquibus dictus esse uidetur, ab alijs uerò M. Mallius, uel Manilius poēta, astrologiæ scriptor, de quo nō, nisi ex ipsius carmine, satis firma habeo argumēta.

M. Manlius.

C. Manlius.

M. Mallius.

M. Manilius.

Sunt, qui extare dicant nomismata, quorum unū se habuisse ait Laurentius Miniātensis; qui in ipsum autorē cōmentaria reliquit, idē & Stephanus Dulcinus scribit, Alterū quoque nomisma simile se uidisse uir doctus ac probus, atq; mihi longa iunctus amicitia, Nicolaus Trapolinus dicere est solitus, in quibus nomismatibus ipsius effigies, habitu peregrino, cū sphaera astronomica conspiciť, cū huiusmodi inscriptione, C. Manlij, quo argumēto alienigenā illū & peregrinū facillē existimare possumus. Sunt, qui Antiochenū ex Plinij uerbis faciant, ut minus illis credendum sit, qui Romæ illum ex illustri familia natum

arbitrantur. Ego potius in Manliam familiā adoptatum crediderim, quā natum, si coniecturæ standum. Plinius quidem lib. xxxv. Manlium astrologiæ, ut ait, conditorem celebrat, & eum quidem Romā uectū eadem nau cum Plotio, & Taberio Erote grāmatico. Idem quoq; Plinius lib. xxxvi. Manlium Mathematicū ait, cum de Augusti obelisco, quī in campo Martio ad deprehendendas solis umbras, dierū noctiumq; magnitudines positus erat. Ex ipsius igitur Manlij principio, Augusto principe floreante fuisse colligimus. Nolunt quippe aliū intelligi eruditi, nisi Augustum, his uersibus,

*Nunc mihi tu Cæsar, patriæ princepsq; paterq;*

*Qui regis augustis parentem legibus orbem,*

*Concessuq; patris mundum Deus ipse mereris.*

Item in fine quarti, cum de ui animi loquit,

*Ne dubites homini diuinos credere insus,*

*Iam facit ipse deos, mittitq; ad sydera numen*

*Maius, & Augusto crescit sub principe cælum.*

Mortuus uerò uidetur Manlius Augusto adhuc uiuente, nam cum de Tiberio meminit, qui Rhodum nauigauit,

— *Hospitium, ait, relictum principis orbem,* illuc enim uitæ inuidiæ causa profectus erat Tiberius, ut scribit Suetonius. Imperfectū quoque opus suū reliquisse Manliū, sunt, qui putent, cum de septē Planetis nō nihil meminerit, & de his mox planè nō est executus. Latuit



tuit uerò hoc ipsum C. Manlij opus per multa secula, primus enim Poggius cum alijs libris, ut scitis, in Italiam attulit, Martini v. Põtificis maximi tẽpore. Antonius uerò Panormita, uir, ut ea tempora tulere, in primis doctus, in Cassinensi bibliotheca cum alterũ reperisset uetustum, causa fuit, ut castigatius & perfectius nonnihil illud haberemus, ut idem scribit Laurẽtius, qui & cõmentaria in illud edidit, quiq; de hoc poëta multa uel cõmentus est ipse, uel inani certè ductus coniectura scripsit, cum eorũ temporũ scriptores eius ne minimã quidem mẽtionem fecerint, præter unum Plinium, si modò Manlius, cuius ipse meminit, is est poëta, quem nos nunc dicimus. Id, quod ea ratione factum facile crediderim, ut non eius meminerint, quod cum mathematicus & peregrinus esset, & in quinatè, si non barbarè, plerunque loqueretur, in apertum opus suum non dedit, ueritus non satis se probatum iri, cum nec eiusmodi materia satis ornamenta capiat, & ut ipse cecinit,

*Ornari res ipsa negat, contenta doceri.*

Vt cunq; eius lectiõ haud nobis multifacienda, nõ enim poëta, nisi in paucis, nedum bis uates, ut ipse de se cecinit. Secutus Manlius dicitur Dorotheum Sidonium, fideralis scientiæ poëtam, id quod & nostri Scriptores asserunt. Iulius Firmicus Maternus libro se

cundo, tametsi in aliquibus exemplaribus Dorochius perperam scriptum inueniatur, meminit & Pontanus. Scripsit autem apotelesmata uersibus disertissimis, ut ait idē Firmicus, quem certē Pontanus nostris diebus uidetur, si non in ipsa astrorū peritia, in carminis maiestate post se reliquisse. Sed nimis iam de Manlio. Alter etiā fuit Chrestus Manlius, qui de deorum hymnis scripsit. Fuit & per hæc tempora, quo floruit Manlius, Ponticus haud ignobilis poëta, qui heroico carmine Thebana bella complexus est, quod planē his uersibus Propertius significat.

Chrestus  
Manlius.  
Ponticus.

*Cum tibi Cadmeæ dicantur, Pontice, Thebæ,*

*Armaq; fraternæ tristia militiæ.*

Ponticum etiam non parum amasse Ouidiū cognoscimus, uel illo maximē,

*Ponticus heroo, Battus quoq; clarus iambis,*

*Dulcia conuictus membra fuere mei.*

Vna & altera ad Ponticū extat Propertij elegia, quarū priore quidē illū Homero cōfert.

*Atq; ita sim felix, inquit, primo cōtendis Homero.*

Altera uerò eum amore captum lenia carmina scribere inuitat,

*Quid tibi nunc misero prodest graue dicere carmen,*

*Aut Amphioneæ mœnia flere lyræ?*

*Plus in amore ualet Mīnnermi uersus Homero.*

*Carmina mansuetus lenia querit amor.*

Lynceus. Lynceum quoq; poëtam, & Socraticū philosophum insectatur idem poëta Propertius, quod

quod suam tentasset Cynthiam, eamq; parū æquus deperiret.

*Tu mihi uel ferro pectus, uel perde ueneno,*

*A domina tantum te modo tolle mea.*

*Te socium uitæ, te corporis esse licebit,*

*Te dominum admitto rebus amice meis,*

*Leſte te ſolum, leſto te deprecor uno.*

*Riualem poſſum non ego ferre Iouem.*

Totam uerò ad hūc ipſum Lynceum elegiā, cum uobis ocium fuerit, ex ipſo uolumine legetis, tota enim arguta & pulchra eſt, & tota de hominis ingenio atq; natura conſcripta. Tres dein poëtarū imagines in tabula ſpectabantur, qui & ſtudio, & mutua ſe quadam beneuolentia inuicem complecti uidebantur. Hi quidē, Tibullus, Propertius, & Ouidius. Tum puer Picus, neſcio qua, maiore attētionē, ubi hos tres nominaſſem, ad me audiendum ſe accingere uiſus eſt, id ego conſpiciatū, quod ei rem gratam me facere uidebam, ſic incepi. Fuit, inquam, Albius Tibullus, ut ſcitis, eques Romanus, elegiarum poëta nobiliſſimus, qui, ut ſummatim eius uobis uirā recenſeam, Romæ natus eſt, A. Hircio, & L. Panſa c o s s. qui annus & Ouidio natalis fuit, ut eodem uerſiculo uterq; teſtatus eſt,

*Cum cecidit ſato conſul uterq; pari.*

Quin & eodē etiā die, ut quidā opinati ſunt, ambo nati, hoc eſt, quinquatrijs Mineruæ, intra calēd. Aprileis. Iuuenis admodū Tibullus

*Albius Tibullus.*

cū Messala Coruino nauigauit, ad usq; Phæ-  
acas, populos Corcyraos, qua nauigatione,  
aduersa ualitudine afflictus, penè perijt, qđ  
sua ipse elegia testatus est. Deliam Tibullus  
in primis puellam amauit, quæ ut Apuleius  
ait, proprio nomine Plania dicebatur. Non  
unius tamen amore contentus, & Nemefin,  
quam Glyceren, sunt, qui uelint ab Horatio  
appellatam, amauit, item Hæram, & Sulpi-  
tiam, & pusiones, Marathum & Tityum, &  
Sulpitiæ Cerinthum. Sedenim Tibullo in ele-  
gis unanimi ferè scriptorum cōsensu palma  
defertur. Elegiarum hic libros quatuor cō-  
posuit, in quibus Fabio uidetur tersus atque  
elegans, cui & plures astipulantur. Scripsit  
& heroicum carmē ad Messalam, in quo di-  
uersum ab elego Genium habere putat, om-  
nino non eundem præstat utrobiq;. Extant  
duo Horatij poëmata ad Albinū Tibullum,  
quorum altero, illum de parum fidelis puel-  
læ amore tristem solatur, altero uerò, iudicē  
eum & censorem suorum carminum facit,  
multaq; laude prosequitur, quodq; planè di-  
uitijs uti sciat, cum ipse tamen se ad pauper-  
tatem & inopiam redactum conqueratur.  
Vobis, haud opus est, ut in præsentia uersus  
recitem, quibus id ipse comprobatur, cum ip-  
sius ambo studiosi sitis. Excessit uerò Tibul-  
lus uita adhuc penè iuuenis, cuius mortē im-  
maturam, ut scitis, defleuit Ouidius, Fuit &  
alter

alter Tibullus, qui inter comicos numeratus est, cuius fabulam Helenā citat Fulgentius. Ex qua hæc sunt uerba,

*Tū ne amare audes, edentule & capularis Senex?*

Ethæc quidem de Tibullo. Sextus uerò Aurelius Propertius Vmber, ex Meuania oppido fuisse dicitur, uel potius ex Afsisia uel Efsisia, utrunq; enim memini me legere in Græcis & Latinis scriptoribus, quam ciuitatem Axim uel Afsim potius ipse poëta appellat, qua dere nōnihil Fl. Blondus, aliq; uiri docti. Eius poëtæ uersus uobis ex quarto libro recitabo, ut planè rempercipiatis. Quo loco uitam, patriam, fortunamq; suam sub Hori mathematici persona recenset.

*Vmbria te, notis antiqua peratibus, edit.*

*Mentior, an patriæ tangitur ora tuæ?*

*Qua nebulosa cauo rorat Meuania campo,*

*Et sacer æstiuus intepet humber aquis,*

*Scandentisq; Afsis consurgit uertice murus,*

*Murus ab ingenio notior ille tuo.*

Videris, ut planè Afsim patriam suam faciat, & Sacrum hymbrem, amnem sic adhuc ab incolis, paucis immutatis literis, uocitatum nominet. Et idem paulo supra Afsim Scandentes arces appellat, cum canit,

*Scandentes si quis cernet de uallibus arces,*

*Ingenio muros æstimet ille meo.*

Nisi si quis audaciuscule eo uersu, scandentem Afsim legere maluerit. Nunc reliqua at-

tendite, quæ Horus uaticinatur.

*Ossaq; legisti, non illa ætate legenda,*

*Patris, & in tenues cogeris ipse lares.*

*Nam tua cum multa uersarent rura iuuenti,*

*Abstulit excultas pertica tristis opes.*

Ecce, ut patrem amisisse fatetur, & ex diuisione, quæ facta est, agrorum ueteranis militibus, sub Augusto prædijs spoliatum, quo modo & Vergilium, aliosq; legimus. Quippe, ut sciatis, Pertica hoc loco non hastam, nec sub hastationem. significat, ut docti quidam hoc loco opinati sunt, sed lineam, quæ postica etiam dicebatur, in agris diuidundis & metandis. Perticam uerò primus eam Seruius Sulpitius appellauit, ut Festus scribit, eodem nomine & Vergilius in Diris est usus, si modò Vergilij poëma illud est, ut diximus.

*Pertica, qua nostros metata est impia agellos,*

*Qua nostri fines olim, cinis omnia fiant.*

Sed & alibi quoq; idem Propertius se agros amisisse ostendit, cum ait,

*Aspice me, cui parua domus fortuna relicta est.*

Post hæc subdit Horus,

*Mox ubi bulla rudi dimissa est aurea collo*

*Matris, & ante deos libera sumpta toga.*

Matris ait, nō patris, nam ea toga antelares fumebatur. Ergo ante deos matris, in materis enim ædibus uiuebat, iam amissis paternis, ut dictum est,

*Tum tibi pauca suo de carmine dicat Apollo,*

Et

*Et uetat infano uerba tonare foro.*

*At tu finge elegos, fallax opus: hæc tua castra,*

*Scribat ut exemplo cætera turba tuo.*

& reliqua, quæ idem Horus profecutus est. Hostiam uerò puellam ardentissimè amauit, quam ipse, dissimulato nomine, Cynthiam, ut ait Lucius Apuleius, nuncupauit, & ea cōtentus uixit. Callimachū in primis, poëtā Cyrenæū, & Coum Philetam dicēdi forma imitatus est. Quin & se ipse alicubi Romanum Callimachū appellat, ut & Vergiliū, Mantuanum Homerū dicimus. Quatuor elegiarum libros, cultos & eruditos reliquit. Sed hæc nota etiam semitarijs grāmaticis, nō est, cur in præsentia uobis recitem. Fuit in familia Propertij, ex eodemq; municipio, Paulus Passienus, qui ut Plinius scribit, absolutissimè elegos cōposuit, mox ad lyricos conuersus, nō mediocrē inde laudem etiam promeruit, meminuit & Gellius. Fuit & alter Passienus, inter Rhetores & declamatores celebratus, de quo Fabius, Seneca & Eusebius meminere. Huius arborem Morum C. Plinius describit, quidam hunc poëtæ patrem putauere, id mihi est parum compertum. Inuenio & alterū fuisse Propertij nomine poëtā, ut puto, comicū, cuius uersus hosce Placiades in libro ad Chalcidium attulit,

*Catilla geris uadimonia*

*Publicum prostibulum.*

*Paulus Passienus.*

Pub. Ovidius  
Naso.

Atque hæcenus de Propertio. P. uerò Ovidius Naso patriam habuit Sulmonem, tertiam Pelignorum ciuitatē. Nam, ut ex Plinio colligimus, Peligni in Corfinienses, in Superequanos & Sulmonēses distincti sunt, ut illud facilius ex ipsius poetæ elegiis percipiat.

*Me pars, Sulmo tenet, Peligni tertia ruris,*

*Parua, sed irriguis ora salubris aquis.*

Ex ordine equestri fuit, ut idem pluribus locis ostendit. Ingenio fuit, ut mihi quidem uidetur, parato faciliq; sed qui nimium sibi aliquando indulgeret. De cuius uita quædam tantum libabo, quæ non iniucunda uobis futura abitror. Fuit itaque Ovidius cum omni uita atq; uictu excultus atq; expolitus, tum tenui & uesco corpore, neruisq; compacto, qualis scilicet est Petrus Bembo, uir unus omnium elegantissimus. Id quod uel ex eius ipsius Ouidij carmine discere potestis, ait enim,

*Pondere, non neruis corpora nostra carent.*

Item alibi.

*Aptaq; subducto pondere membra dedit.*

Suo pte naturæ instituto puer ad poëticam ferebatur, uerum parentis monitionibus oratoriam facultati operam dare compulsus est, in qua, si Seneca credimus, egregie profecit, forensesq; causas, & centum uiralia iudicia exerceuit, mox uita defuncto patre, totum se mansuetioribus Musis restituit, foro relicto. Fratrem uno anno natu maiorem habuit, forensi eloquen-



eloquentiæ deditum, qui xx annum agens diem obiit. Filias duas ipse habuit, sunt, qui alteram priuignam dicant, altera certè aberat, cum ipse relegatus est. Tres uerò subinde duxit uxores, duas quidem, facto diuortio, repudiavit, tertiam uerò, quam singulari charitate ac dilectione persecutus est, ad mortem usq; retinuit. Hanc, ut puto, perperam Perillam uocitaram quidam existimant, nam si Perilla uxor fuisset, id profecto in ijs, quæ ad uxore multræ scribuntur, elegijs aliquibi significasset. Fuit autem Perilla, ut ipsemet ostendit poëta, puella ualdè docta, atque in primis poëtria, ad quam extrat poëtræ ipsius nobilis elegia. Romæ uerò Ouidius secundum Capitolium habitauit, ut ipsemet testatur. Hortos habuit prope uiam Flaminiam qua Cassi iuncta fuit. Mortuus est in exilio, ut notat Eusebius, centesima nonagesimanona Olympiade, sepultusq; est iuxta Tomos. Et ut Pontanus è Georgio Trapezontio, nec semel se audiuisse scribit in eo, qui est de Magnificencia ad Attilium, Collata è publico pecunia, à Tomitanis ciuibus, tymbo, id est, monumēto ante oppidi portam, in loco maximè celebri, magnificè structo, ijs scilicet pluris facientibus peregrini poëtæ ingenij nobilitatem, quam Imp. Romani proscriptionem. Exilij uerò ipsius uariè causa traditur, tametsi ipse non se exulem, sed relegatum ait,

ait, eam ipse certè triplicem innuit, qua de re multi multa, illam ipse prætulit, qua & cæteras, ut opinor, prætexit Augustus, quod suo scilicet carmine de amandi arte Romanam corrupisset iuventutē. Ego omnes quadam ex parte ueras fuisse puto, eam tamē potissimū, quā & Sidonius Apollinaris de Corinna suis uersib. attigit, quod uidelicet, eo ficto nomine, Iuliā his uersibus significaret.

*Nec te, inquit, carmina per libidinosā*

*Notum Naso tener, Tomosq; missum,*

*Quondam Cæsareæ nimis puellæ,*

*Ficto carmine, subditum Corinnæ.*

Quam opinionem cum alij, tum suo carmine in Nutritia Politianus sequutus est. Tradunt quidam, quòd cum filia Augustum parum honeste iacentem uidisset, quod & illo ipsius poetæ uersiculo significari uolunt,

*Cur aliquid uidi, cur conscia lumina feci?*

Nam & de C. Caligula Suetonius ita tradit, Caius Agrippæ se nepotem neq; credi neque dici, ob ignobilitatem eius uolebat, succensere, si qui uel oratione uel carmine imaginibus eum Cæsarum insererent. Prædicabat autem matrem suam ex incesto, quod Augustus cum Iulia filia admisisset, pro creatā. Hæc Suetonius. Sunt, qui rem hanc in puerum ineptius referant, sed in re huiusmodi coniectura potius, quàm certa aliqua ratione ducuntur. Sunt &, qui de Mecænate nihil non suspi-

suspicientur, quem quod nunquam nominauit, nescio quid, de Iulia confingunt. Hæc ego cum dixissem, ad me conuersus Piso, Attende, inquit, quæso Lili, quæ ex communi amico his diebus audiui, is enim se domi habere affirmabat quæpiam Cæcilij Minutiani Apuleij fragmēta, in quibus de Ouidio poeta hæc ferè inerant perscripta. Eum scilicet calendis Ianuarij, qua die T. quoque Liuius decesserit, anno sui exilij septimo, hominem esse desisse, structumq; illi tymbon à Barbaris, ante suarum ædium ianuam. Idem Minutianus ait, item, quem Ibin simulato nomine appellarat, Coruinū fuisse, qui exulantis poetæ uxorem sollicitasset, relegationis causam fuisse, quod Augusti incestum uidisset. Atq; hæc quidem ille, ex ijs Minutiani Fragmentis. Tunc ego, Istiusce, Piso, rei fides esto penes autorem adhuc mihi incognitū, & amicum tuum, & simul ad puerum conuersus, ea, Pice, inquam, quæ nobis modò Piso retulit, parum comperta, non tamen indigna scitu. Verum quādo illa ipsa nobis impertiuit, uolo ego quoq; iudicium referre, quod aliquando de tribus his poetis, cum unā mecū & alijs nonnullis Iulius Sadolerus esset, fecit Luceus Ripa, paucis antè diebus, quā ē uita decederet. Affirmabat Senex ille bonus omnino palmā se Tibullo dare inter elegos, quod cultus sit & nitidus in primis, quod in

sententijs mollis & iucundus, in elocutione facilis & candidus, nonnulla tamen se in eo offendere dicebat, quæ lectorem morentur, hæc tum ille. Sedenim ego nō inficias ierim, ita pleraq; in Tibullo uideri, ut senex Ripa dicebat, ijs qui in mendosa exemplaria impegerint, sed postquam per uetustum codicem nactus sum amici opera, & emendatū satis, id ego totum pernego. Nam quæ tum difficilia uidebantur & duriora, ea partim fragmenta sunt & fenestræ, partim tralaticia & suppositicia adeò, ut aliqua etiam sint interiectæ ferè elegiæ. Codicē uobis aliàs ostendam, nūc ad reliqua. Propertiū bonus senex aiebat Tibullō eruditiorē sibi uideri, & perinde ut obscuriorē, fabulis historijsq; refertum, incitatū magis, & in mouendis affectibus crebriorem, itaq; plerunq; insurgere, ut torosior ac robustior esse uideatur, quàm ut pularibus & mollioribus cōueniat elegiæ blanditijs, Ouidiū uerò ferri quadam ingenij uolubilitate & imperu, non illi tamen quicquā, nisi frena defuisse, & limæ studium, atq; idcirco de illo rectè dictum, illum plus satis lasciuire. Sed audite, quæso, Annæum Senecam, si planè nosse uultis Ouidio non ingenium defuisse, sed uolūtatem & animū. Declamabat, inquit, rarò Naso controuersias, sed non nisi ethicas, libentius dicebat suasorias, molesta illi erat omnis argumentatio, uerbis minime

nimè licenter usus, nisi in carminibus, in quibus non ignorauit uitia sua, sed amauit. Manifestum potest esse, quod rogatus aliquando ab amicis suis, ut tolleretur tres uersus, inuicem petijt, ut ipse tres exciperet, in quibus nihil illis liceret. Aequa lex uisa est, scripserunt illi, quos tolli uellent, & Ouidius, quos tres exciperet. De utrisq; codicillis ijdem uersus erant, in quibus primū fuisse narrabat Albionianus rhetor, qui inter arbitros fuit,

*Semibouemq; uirum, semiuirumq; bouem,*

*Sed gelidum Borean, egelidumq; Notum.*

Ex quo apparet summi ingenij uiro iudiciū non defuisse, ad compescendam suorum carminum licentiam, sed animū. Aiebat interim decentiorem faciem esse, in qua natus aliquis fuisset. Et hæc quidem Seneca, qui & partem declamationis eius soluta oratione attulit, in ea cōtrouersia, cuius hoc est argumentum, uir & uxor iurauerunt, ut si quid alteri obtigisset, alter moreretur. Vir peregrè profectus, misit nuncium ad uxorem, qui diceret, decessisse uirum, uxor se præcipitauit, recreata iubetur à Patre relinquere uirum, nō uult, abdicat. Hanc certè controuersiam, ait Seneca, ante Arellium Fuscum, magistrum suum, declamauit Ouidius, ut mihi uidebatur longè ingeniosius, excepto eo, quod sine certo ordine per iocos discurrebat. Reliqua mitto, quoniā nō ita ad rem, & uos in ea cōtro-

uerſia, cum ocium erit, ea apud Senecã legeris. Extrat & Cęſtij, eius ętatis uiri doctiſſimi, de Ouidio testimoniũ. Cum enim Alſius Flauus in declamatione quapiam hanc ſententiam dixiſſet,

*Ipſe ſui & alimentum erat & damnum,*  
Alſius obiurgauit, Apparet, inquit, te poętas ſtudioſe legere. Iſte ſenſus eſt eius, qui hoc ſeculum amatorijs nō artibus tantum, ſed ſententijs impleuit. Ouidius enim in libris Metamorphoſeon dixit,

*Ipſe ſuos artus lacero diuellere morſu*

*Cępit, & infelix minuendo corpus alebat.*

Hęc ille. Quę uerò ingenioſiſſimi huius poętę opera ſuperſint, ſcitis, ſunt enim hęc, ut breuiter colligam. Elegię amorum, uel de ſine titulo, de quibus ſunt grammaticorũ cōtrouerſię, epiſtolę, quarũ nōnullę tanta arte & elegantiā conſcriptę ſunt, ut in eo genere abſolutius quidam nihil fieri poſſe exiſtiment. Tres libri de arte, duo de remedio amoris, de Triftibus quinę, de Ponto quatuor, in Ibin, de Nuce, ad Liuiam conſolatio, ſex Faſtorum, & pręclariffimũ, ut ait Laćtantiuſ, Metamorphoſeon opus. Quę uerò perierint temporum iniuria, hęc ſunt, ſex Faſtorũ ultimi, Medę tragędia, quę Fabio & Tacito, alijsq; cōmendata plurimũ, hęc hoc tempore inuenta dicitur, ſed falſo, ut puto. Scripſit & alteram tragędiã ex Vergilio, de qua  
ſic Ter

fic Tertullianus Septimius quodam suo libello. Denique, inquit, Ouidius etiam Medeam tragoediam ex Vergilio plenissimè expressit, quo loco agit de his, qui ex alijs autoribus. centones & noua opera concinnarunt. Reliquit item Ouidius inchoatum opusculum de piscibus, ex quo multos Plinius enumerat, quod tamen Actius Sincerus, poeta clarissimus, & alioqui certus homo, se inuenisse fatetur, & se mihi ostensurum aliquando spondit. Periere & Ouidij epigrammata, quæ tum Prisciano grammatico, tum Martiano & Martiali citantur, item Phænomenon libellus, ut uobis aliàs, ex Lactantij & Probi sententia dixi, item liber, quem in malos poetæ dederat, ut ex Fabio colligimus, & si noster amicus grammaticus constanter hoc perneget, uerbique Fabij transferat ad illud Priapeiorum epigramma,

*Quid frustra quereris colone mecum.*

Quod factum putat contra Macri poetæ tetrastichon, parum lepidum. Verum hac de re satis, ne temporis usura abutamur. Perierunt & uaticinia, quæ uno libro complexus erat, item triumphus Augusti Cæsaris, & de gestis imperatoris lingua Getica, bellum Acticum<sup>1</sup>, quod ad Tiberium Cæsarem libris duobus inchoauerat. Atque ut hæc quidem, quantum in præsentia recordor, perditæ, ita quæ subiungam, suppositicia &

adulterina, falsoq; Ouidio ascripta. De uetula, in quo de magnis siderum coniunctionibus, & de Christiana lege miranda leguntur, item de Pulice, de Philomela, de medicamine faciei. Qua de re licet in arte se scripsisse asseueret, id tamen, quod in manibus habetur, poemata illegitimū & tralaticium ab aliquibus doctis uiris putatur. Et hæc quidem uobiscū, suum aliàs cuiq; iudicium, nam à plerisque & hæc ipsa, ut legitima citata & interpretata cōperi. Attentē uerò hæc puer Picus & Piso audiebant, cum ego, Sed de his iam satis, nunc ad reliquos poetas descendam. Inter quos

*Theodorus  
Græcus.*

Græcus quidam erat Theodorus, qui ad reginam Cleopatram uaria ac diuersa poemata scripsit, inter quæ librū Metamorphoseon, quem si cōiectari licet, aliqua ex parte æmulatus est Ouidius, ut ex Cinyræ & Myrrhæ fabula, ac item Phoci, ex Plutarcho collegi. Sed præter Ouidium & Theodorum, Callisthenes, & Parthenius poeta Nicæus Metamorphoseon libros, ut alibi diximus, scripserunt, quos ut operis inscriptione & titulo, sic & materia secutus est Ouidius. Post Ouidiū uerò Græcè Metamorphoseon opus scripsit etiam Larandæus Nestor, de quo suo loco agemus. Sed ab his uaria est Apuleiana metamorphosis. Leguntur huius, ut puto, Theo-

*Theodorus  
Colophonius.* dori Græca quædam epigrammata. Alius fuit poeta Theodorus Colophonius, quæ ait Iulius



lius Pollux poëma composuisse, quod in horis, hoc est, quatuor anni partibus Græci cantare soliti fuerunt. Eiusdem poëtæ & Trochilias, poëmatis id nomen, celebrat Plutarchus. Laërtius uerò in secundo, ubi de successoribus Aristippi Cyrençi, & xx Theodori nomine colligit, cū Theodoro, qui *ἄλλος* cognominatus est, & eorum xv epigrammatū poëtam, xvi de poëtis scripsisse, & xx trægædiarum scriptorem ait. Erat & Boëthus Tarsensis, qui ut scribit Strabo, M. Antonij beneficio, cui de habita apud Philippos uictoria carmen scripserat, patriam tandiu rexit, donec Athenodorus Sandonis, qui à uico Cananita cognominatus fuit, Cæsaris præceptor, senex in patriam rediit, & discipuli benignitate priorem reipublicæ Tarsensis statum correxit, actis in exilium malis ciuibus. Fuisse autem dicitur Boëthus prompto & facili ingenio, non tamen ipse satis bonus, sed qui oblata materia, extemporali quadā facultate ac uena multos potius effunderet uersus, quàm componeret. Is cum ab Antonio gymnasio, quod magnificum apud Tarsenses erat, præpositus fuisset, & eius expensis, à suis ciuibus deprehensus fuit, quod cum reliqua, tum etiam oleū surriperet, apud Antonium accusatus, eius iram, hæc & alia allegans, deuitauit, quod sicut Homerus Achillem, Agamemnona & Vlysem decāraffet, ita

*Boëthus.*

& ego te, inquit, quare iniquū est, me apud te de huiusmodi agi calumnijs. Boëthi sermonem excipiens accusator, sed Homerus, inquit, Agamemnonis oleū nec Achillis furripuit, quod tu cum feceris, pœnas dabis. Boëthus tamē & obsequijs & alijs Antonij iram effugit. Hunc ipsum eum esse plerique existimant, cuius extant apud Græcos epigrammata, ut quæ sunt in Cilicem histriōem, Pyladem, cum Bacchi personam elegantissimē egisset. Fuit uerō Pylades histrio, qui de saltationum generibus Græcē scripsit, ut Athenæus & Suidas referunt, eademq; uixit ætate, quā Boëthus, ut ex Seneca, Suetonio, Macrobio, Dione & Eusebio didicimus. Fuit

*Bæotus.* & Bæotus, parœdiarum poëta egregius, ut Polemon scripsit. Post hos ingens sequebatur turba, neque enim ulla ætate fuit, ut sic dicam, uberior poëtarum prouentus, quorum tamen omniū nomina memoria me satis cōplecti posse diffido. Eorū qui succurrent, tantum recitabo, ut eius Sabini, qui epistolis Ouidianis rescripsit, quarū etiā aliquæ legunt, quæ à nōnullis tamen parū probant. Scripsit, præter epistolas, Sabinus opus, quod Træzenia nuncupauit, ut apud eundem Ouidiū & Petrarcham legimus, quidam licet pro Træzenia Troiana legant. Alij Ouidianum carmen ex antiquis codicibus emendant, quod est in elegijs de Ponto,

Quiq;

*Quiq; suam Trisenen, imperfectumq; Dierum  
Deferuit celeri morte Sabinus opus.*

Trisenen enim, puellę nomen fuisse cōiectan-  
tur, quam Sabinus amarit. Reliquit uerò im-  
perfectum opus dierum, hoc est, ut quidam  
interpretantur, Fastos & Annales, uel Dies,  
quales scripsit Hesiodus. Quæ hoc loco ab  
alijs de Sabini morte dicuntur, uerbis poëtæ  
parum congruunt. Quidam hūc ipsum Clo-  
dium Sabinum esse existimant, cuius sales &  
urbanitates cōmendat Seneca. Erat, inquit,  
Sabinus homo urbanissimus, ac si quid illi  
defuit in eloquētia, urbanitate & salibus pen-  
sauit. Erat & Caius Rabirius, quem magni  
oris fuisse canit Ouidius, quòd scilicet Epi-  
cus, & grandiloquus esset poëta. Seneca uerò  
de Rabirio, Egrediē, inquit, mihi uidetur An-  
tonius apud Rabirium poëtam exclamare,  
cum fortunam suam ad alios transeuntē ui-  
deret, nihilq; aliud sibi relictū, præter ius mor-  
tis, hoc habui, quodcūq; dedi. Fabius Quin-  
tilianus cognitione non indignum putauit.  
Scripsit uerò præter heroicos, & epigramma-  
ta & satyras, ut ad Chalcidium Fulgentius  
ostendit, qui ex ijs hoc carmen adducit,

*Absternium merulenta fugit Methymnia nomen.*

Vbi in Absternio secus posita est syllaba, q̄ ab  
alijs poëtis. Aliqui Rabirium hunc, Satyri-  
cum, alterum ab alio faciunt, & Rubrium  
uocāt. Erat cum his & Pedonis Albinouani

*Caius Ra-  
birius.*

*Pedo Albi-  
nouanus.*

imago, cuius, si uacet, oratori non indignam fuisse lectionē putauit Fabius, reponit eum quidem inter poëtas heroicos. Eius meminit & Seneca, à quo & eius quædam afferuntur carmina, atque ea in primis, quæ sunt de Germanici nauigatione, quæq; magno spiritu dicta fatetur, uos cū libuerit, apud ipsum Senecam ipsa legetis, alibi uerò idem fabulatorem fuisse ait elegantissimū, meminit huius & Martialis. Extat Ouidij elegia ad hūc ipsum Albinouanū, ex qua colligimus eum Thesei gesta scripsisse, præter epigrammata. Sublimem uerò & altiloquū Pedonem fuisse ostendit idem Ouidius, qui propterea & alicubi Sidereum eum appellauit. Sunt, qui putent hunc eundem Albinouanum fuisse, ad quem extat Horatij Flacci epistola, quod ut ego non refello, temporum ratione, ita non comprobo, nominis & poëticæ differentia. Ille enim clarus Albinouanus, hīc Albinouanus Pedito. Hic poëta cognoscitur, ille ex Horatij carmine parū uidetur. Et cum his poë-

*Camerinus.* tis fuerat Camerinus, qui poëma composuit ab Hectore tracto, hoc est, ibi est carmen suū exorsus, ubi desit Homerus, quod & Macrū fecisse ostendimus, & Quintum Calabrum,

*Charus.* ut suo loco dicemus. Erat & Charus, qui de Hercule, ut Pisander & Panyasis, & alij, opus composuit, id quod non semel apud Ouidiū legimus, Extat ad hunc ipsum Charum epistola

stola Ouidij, ex Pōto missa, ex qua, præter ea, quæ diximus, & illum nepotum Cæsaris magistrum & institutorem fuisse apertè colligimus. Et in hac turba fuerat Numæ poëtae imago, qui Ouidij testimonio subtilis fuit, tametsi Ouidij carmen malè à grāmaticis perpensum uidemus, Numam enim existimant in eo Ouidij carmine intelligi pro opere cōposito de Numa, secundo Romanorū rege. Carmen ipsum hoc est,

Numa.

*Et cum subtili priscus uterq; Numa.*

Ex quo & illud notamus, duos item fuisse Prisci nomine, qui poëtae fuere. Fuit & per hæc tempora Gratius poëta, quem Cynegetica composuisse innuit poëta Ouidius, in ultimo de Ponto, quo loco meras nugas confingit interpretes. Sed quòd Cynegetica Gratius scripserit, Actius Sanazarus mihi alijsq; pluribus asseruit, & ostendit, cum Neapoli, animi gratia ex Vrbe profecti, essemus, se em ex Heduatorum finibus, atq; è Turonibus detulisse opusculum de piscibus Ouidij, & Cynegetica Gratiij, & Nemefiani, id quod etiam suo scripto testatus est Pontanus quadā sua epistola ad ipsum Actium, idem & P. Summonitius. Carmen Ouidij hoc est,

Gratius.

*Aptaq; uenanti Gratius arma daret.*

Quod sumptū uidetur ex ipsius Gratiij poemate, ita enim ille canit,

*Carmine & arma dabo, & uenandi persequar arteis.*

Fuit uerò, ut idē ipse innuit, ex regione Phaliscorum, ubi agit de retibus conficiendis, & quæ lina apta sint,

*At contra, inquit, nostris imbellia lina Phaliscis.*

**Tuticanus.** Erat & Tuticanus, poëta Ouidio æqualis, & amicus à primis usq; pueritiæ annis, mutuoq; sibi operam dabant in emēdandis carminibus. Cum uerò alia, tum Phæacida ex Homero uertisse dicitur, quod & illo uersiculo innuit Ouidius,

*Et qui Mæonidem Phæacida uertit.*

Quod alibi, cū inquit, manifestius ostendit,

*Dignum Mæonijs Phæacida condere chartis,*

*Cum te Picrides perdocuere decem.*

Ad hunc ipsum leguntur duæ Ouidij epistolæ, in quarū altera syllaba se abusum fuisse queritur. Quæ res satis monere posset nostros poëtas, qui in proprijs nominibus tam sæpe syllabis abutunt, cū de se ita canat Ouidius,

*His ego si uitij ausim corrumpere nomen,*

*Ridear, & meritò pectus habere neger.*

**Iulius Montanus.**

Mox erat Iulius Montanus, qui elegis simul & hexametris ualuit, meminuit eius Ouidius & Seneca. Tacitus uerò Cornelius, libro xiiij alterum Iulium Montanum, ordinis senatorij uirū fuisse scribit, sed qui nōdum honorē capessisset, cū noctu fortē cum Nerone congressus esset, uimq; tentantis acriter repulisset, deinde agnitū orauisset misericordiam, quasi exprobasset, mori adactus est. Prior uerò Ti-

rò Tiberio Cæsari gratus fuisse perhibetur, de quo attendite Senecæ uerba ex epistolis. Recitabat, inquit, Montanus Iulius carmē, celebris poëta, & amicitia Tiberij notus, & frigore, in quo diei ortus & occasus, libētissimē inferebat. Itaq; cū indignaretur quidā illū tota die recitasse, & negaret accedendū ad recitatiōes eius, Nacta Pinarius ait, nunq̃ liberalius possum agere, paratus sum illū audire ab ortu ad occasum, cū hos uersus recitasset,

*Incipit ardentes Phæbus producere flammæ,*

*Spargere se rubicunda dies. Iam tristis hirundo*

*Argutus redit usa, cibos immittere nidis*

*Incipit, & molli partitos ore ministrat.*

Varrus eques Romanus, uicini Comes, cōnarum bonarum affectator, quas linguæ improbitate merebatur, exclamauit, incipit Buta dormire. Fuerat uerò Acilius Buta, ut paulò antè dixerat idem Seneca, uir prætorius, qui ad cæreos & faces uiuendo, hoc est, *luxuriōse*, sic enim lucifugam appellabat Pedito, ingens patrimonium cōsumpserat, cui paupertatem suam fasso, Tiberius respondit, Serò experrectus es. Deinde, cum subinde recitasset,

*Iam sua pastores stabulis armenta locarunt.*

*Iam dare sopitis nox pigra silentia terris* Incipit,

Idem Varrus inquit, Quid dicit? Iam nox est, ibo, & Butam salutabo. Hactenus ex Seneca. Sed quoniam Senecæ codex parum

emendatus est, sunt ex uulgatis, in quibus ea prima uerba sic habent, Recitabat Montanus illius carmen, quæ si legitima sit lectio, carmina ipsa non Montani, sed Acilij Butæ fuisse fatendum est, id quod etiã ex Varri uerbis subsequenteribus quadã tenus elicitur. Sed iam ad reliqua. Scribit in Vergilij uita Donatus, ex Senecæ sententia, Iulium Montanũ dicere solitum, inuolaturũ se Vergilio quædã, si uocem posset & os, ac hypocrisin. Comem uerò hunc ipsum, in quarto controuersiarũ, & egregium poëtam fuisse idem ait Annæus Seneca. Curtium præterea Montanum legimus, de quo in hunc propè modum Cornelius Tacitus. Num Montanum, inquit, detestanda carmina factitantem, eludere impune sinerent? Item paulò pòst, Indignũ, ait, Montanum probè uiuentem, extorrem agi, quia famosi carminis protulerit ingenium, sed & alibi meminit idem Tacitus. Plinius quoque epistolam de Pallantis liberti monumẽto, ad eundem Montanũ scribit. Videndum tamen est, ne confundentur, quoniã multi fuere per ea tempora hoc Mōtani nomine, Iulius, Vortienus, Hispo, Traulus, Alpinus, Curtius & Attacinus. Fuit item in hac poëtarum turba

*Curtius Montanus.*

*Largus.*

Largus, qui ita appellatus uideri potest, qđ uberiore scribendi genere uteretur,  
*Gallica qui Phrygium, ut cecinit Ouidius, duxit in arua senem, hoc est, ut interpretatur Petr-*



trarcha, Antenora, qui ex Troia ueniens, apud Euganeos, Patauium condidit. Reponuntur & in hoc genere Thuscus & Marius, quorum Thuscus Phyllida amicā, uel ut alij putant, opus de Phyllide Thracia cōposuit, Marius uerò ad omne carminis genus prōptissimus fuisse dicitur. Fuit & per hæc eadē tempora Marius Rhetor, qui an hic idē fuerit, haud faciliē dixerim. Sed certē omnes ferē horum temporū poētæ, ut alibi quoq; diximus, uel causas egerunt, uel fictas declamarunt. Fuit item Antonius Ruffus in hac poëtarum classe, qui aliena potius opera in Latinum uertit, quā suū aliquid scripserit, Homerum enim & Pindarū in Latinos cōuertit, & si Acroni stamus, & fabulas nonnullas docuit. Erat & Proculus, qui Callimachum æmulatus, elegos scripsit. Alterū Proculum Vectium legimus, cuius sit mentio in epistolis Plinij, & Martialis epigrammatis. Erat et Fontanus, qui Naiadas à Satyris amatas cecinit, ut Ouidius innuit. Fuit & C. Cotta, poëta & orator egregius, paterno & materno genere nobilis, nam mater ex Messalarū familia nata est. Ad Cottam scribit epistolas Ouidius ex Ponto, eumq; alicubi,

*Pieridum lumen, præsidiumq; fori uocat.*

Fuerunt ex familia Cottarum & alij nonnulli, illustres ingenio & doctrina, de quibus & Cicero, & alij. C. Lutorius Priscus, eques Ro

*Thuscus.*

*Marius.*

*Marius*

*Rhetor.*

*Antonius*

*Rufus.*

*Proculus.*

*Fontanus.*

*C. Cotta.*

*C. Lutorius*

*Priscus.*

manus, per tempora Tiberij Cæsaris, in poëtica non mediocriter eruditus habitus, ut est apud Dionem. Hic scripsit epitaphiū in Germanici funere, qua ex re multa pecunia donatus est. Idem accusatus, quod in Drusi cōmendationem, in eius morbo, opus condidisset, ob eam causam à Senatu condemnatus, periit. Quare senatus à Tiberio incusatus, & decretum factum, ut à Senatu condemnati nō, nisi à decimo die, necarentur. Hæc equidem Dion, Cornelius tamen Tacitus in iij, nō C. Lutorium, sed Clutorium, nisi scriptura mētiatur, uocat. Qui etiā illud scribit, S. C. factum, ne decreta patrum ante diem ad ærariū deferrentur, idq; uitę spacium damna-  
tis prorogātū. Per hæc Tiberij tempora multi in poëtica insignes periere, inter quos hi.

*Aelius Saturninus.* Aelius Saturninus, quod in Tiberium uersus cōposuerat, ab eo in senatū adductus, ubi cōdemnatus, è Capitolij rupe deiectus est, auctor Dion libro lvij. M. quoq; Æmylius Scaurus, quem Mamercū uocat Tacitus, Romanus, nobili familia natus, orandis causis insignis, sed uita probrosus, in tragædijs scribendis celebratus. Hūc sibi necē cōsciscere Tiberius cōpulit, qđ tragædiā Atreū docuisset, in qua, ut Euripides, adhortabatur quempiā, ut regis insaniā æquo animo ferret, id in se dictum ratus Tiberius, Me tu quidem, inquit, Atreū, ego te Aiacem efficiā. Legitote plura apud

*Aelius Saturninus.*

*Æmylius Scaurus.*

apud Dionē, à quo nō ualde diuerſa Cornelius Tacitus, Suetonius uerò poëtæ nomē nō aſcribit. Sex. etiā Paconianus in carcere ſtrāgulatus eſt, ob carmina illic factitata in principem. At C. Cominius eques Romanus ſeruatus eſt, cū tamē probroſum carmē in Tiberiū cōpoſuiſſet, nā conuictū Tiberius eius fratri Senatori, V. C. conceſſit, ut in iiij Tacitus ſcriptū reliquit. Sed his miſſis, reliquos de tabulis afferamus. Fuit & in hoc poëtarū agmine Sylo, qui patrē Ambronem Sylonē, Portij Latronis diſcipulū, habuit, cuius Seneca perunq; meminit, & eius hos uerſus adducit,

Sex. Paco-  
nianus.

C. Cominius.

Sylo.

*Ite, agite ô Danaï, magnum Pæana canentes.*

*Ite triumphantes, belli mora, concidit Hector.*

Pantomimis Sylonem & fabulas dediſſe legimus. Alterū Sylonem literatorē Catullus ad Caluū perſtringit, tametſi eo loci aliqui Syl-la legere malint, ſed certè expreſſe alio epigrāmate Sylonem mordet.

*Aut ſodes mihi redde decem ſeſtertia Sylo,*

*Deinde eſto quamuis ſæuus & indomitus.*

Sed & alium Sylonē grammaticū Catonis & Scipionis tēpore fuiſſe, teſtis eſt Plutarchus. Et Fenestellā poëtā facit Eusebius, ſeu potius Hieronym⁹ in Chronico, cū notiſſimū illud ſit, eū hitorias & annales ſcripſiſſe. Hieronymi uerba hæc ſunt, Fenestella hitoriarū ſcriptor & carminū, ſeptuagenarius morit, ſepeli-  
turq; Cumis. Videte tamē, an rectius annaliū

Fenestella.

sit legendum, loco carminum, qui annus, si Plinio credimus, nouissimus fuit Tiberij, tametsi malè apud Eusebium c c Olympiade legatur, & vi Tiberij anno. Tum libenter, inquit Piso, te in Fenestellæ mentionem incidisse audio, nuper enim eius quosdam libellos de Romanorū magistratibus, sacerdotumq; ordinibus & ipse legi, & ab alijs citatos reperi. Quid ais, inquam, Piso. An eos Fenestellæ legitimos libellos esse existimas, qui circumferuntur, & ijs fidem habes, qui id etiā scriptis suis testati sunt? Sunt enim suppositi cū & illegitimi, nec tanto autore digni, tum quod in ijs Plinius & Gellius in testimoniū afferuntur, quorū alter etiam plus seculo posterior fuit, alter non multo post, tum maxime, quod à semidocto uiro compositi fuere, neq; in ijs ubiq; sermonis Latini proprietates inuenitur. Sanè sunt apud me manu scripti, quibus talis est inscriptio, Andreæ Domini- ci Flocci Florentini, ad Brandem Cardinalē Placentinū, de Romanis magistratibus, atq; in ijs ipsis est præfatio, quæ in publicatis literarum typis exemplaribus nō reperitur. De quo libro & Flavius Blondus in Hetruria, Andreas, inquit, Floccus Secretarius apostolicus, canonicusq; Florētinus, uir optimus, eloquentia, & edito de magistratibus opere, &c. Sed puto hac de re me tibi satis fecisse, & proinde ad institutum tabulæ sermonem re-  
uertar.

uerramur, in cuius hac parte fuit Cornelius Seuerus, qui & poëta fuit, & declamator egregius. A M. Tullij etenim grate ad Traianū, ferè poëtæ omnes uel causas aliquas egerūt, uel fictas, ut modò dicebam, declamarūt, ut de P. Vergilio, Ouidio, Syllio, Lucano, Iuuenale, alijs legimus. Scripsit uerò Cornelius Seuerus bellum Siculum, quod imperfectum reliquit, importuna morte interceptus, si em̃ ut ait Fabius, perficere potuisset, merito sibi secundum locū uendicasset. Dicit insuper de Aetna mōte carmē cōposuisse, unde factū, ut poëma, qđ de Aetna Vergilio ascribit, Seueronōnulli potius attribuāt. Citant & à Seneca in libris Controuerfiarū Seueri uersus, int̃r quos eos probat, quib. M. Ciceronis necē deplorauit, eosq; uobis hoc loco recitabo, ea ratione, qđ apud Senecā parū castigatē legunt.

Cornelius  
Seuerus.

*Oraq; magnanimū spirantia penē uirorum*

*In rostris iacere suis, sed enim abstulit omnes,*

*Tanquam sola foret rapti Ciceronis imago.*

*Tunc redeunt animis ingentia consulis acta,*

*lucratq; manus, deprensāq; fœdera noxæ,*

*Patritiumq; nefas, etiam tum & pœna Cethegi.*

*Deiectusq; redit uotis Catilina nefandis.*

*Quid fauor, aut cœtus, pleni quid honoribus anni*

*Profuerunt, sacris & uita quid artibus acta?*

*Abstulit una dies æui decus. Istaq; luctu*

*Conticuit Latice tristis facundia linguae,*

*Vnica sollicitis quondam tutela salusq;*

K k

Egregium semper patriæ caput. Ille senatus  
 Vindex, ille fori, legum, ritusq; togæq;.  
 Publica uox sæuis æternum obmutuit armis.  
 Informes uultus, sparsaq; cruore nefando  
 Caniciem, sacrasq; manus, operumq; ministras  
 Tantorum, pedibus ciuis proiecta superbis  
 Proculcauit ouans, nec lubrica fata, deosq;  
 Reflexit. Nullo luet hoc Antonius æuo.  
 Hæc nec in Aemathio mitis uictoria Persæ,  
 Nec tu dire Syphax, non fecit in hoste Philippo,  
 Inq; triumphato ludibria cuncta Iugurtha.  
 Affuerat, nostraq; cadens ferus Hannibal ira,  
 Membra tamen Stygias tulit inuiolata sub umbras.

Hos quidem affert Seneca, Cornutus uero grammaticus, seu Probus, ut quidam malūt, in Persium, hoc Seueri carmen adducit,

Pinea frondosi dum murmurat Apennini.

Sextilius  
 Hena:

Post Seuerum, erat Sextilius Hena, qui Hispanus genere fuit, patria Cordubensis, atque ideo municipem suum Seneca uocat secunda in suasoria. Hic & de Ciceronis morte uersus, ut Seuerus, scripsit, quos cum in domo Messalæ Coruini recitaturus esset, Polionem Asinium, ut interesset, aduocauit, cumque in principio hunc uersum sine assensu recitaret,

Deflendus Cicero est, Latiaq; silentia linguae,  
 Tum Polio Asinius grauius cōmotus, Messalæ ait, uideris tu Messala, quid tibi liberū sit in domo tua, ego istum nō sum auditurus, cui uideor

uideor mutus, & simul confurgens abscefsit, nec recitationi interesse uoluit. Fuit uerò Sextilius, ut idem Seneca scribit, poëta ingenio fus magis, quàm eruditus, inæqualis, & penè quibusdā locis talis, qualis esse Cicero Cordubenses poëtas ait, pingue quiddam sonantes atq; peregrinum. Inter hos poëtas fuit & Quintus Rhemmius Palæmon Vicentinus, qui, ut Suetonius in eo, qui de grāmaticis, libello scribit, mulieris uerna, primò textrinū, deinde herilem filium dum comitat in scholas, literas didicit, postea manumissus in tantum profecit, ut Romæ publicè doceret, ac principem locum diu inter grammaticos tenuerit. Mira fuit Palæmonis & rerum memoria, & sermonis facilitas, nam & poëmata ex tempore faciebat, & ex uarijs nec uulgari-  
bus metris scripsit. Hinc, puto, illud est Mar-  
tialis,

*Quintus Rhem-  
mius Palæmon.*

*Scribat carmina circulis Palæmon.*

Fuit uerò arrogantissimus ita, ut M. Varro-  
nem, Porcum appellaret, secumq; natas lite-  
ras iactabat, secumq; interituras. Nomen  
quoq; suum à Vergilio in Bucolicis prædiui-  
narum uolebat, cum cecinit,

— *Venit ecce Palæmon.* Tanquam ipse futu-  
rus esset, poëtarū omniū, poëmatūq; cēsor &  
iudex. Eundē dicere solitū accepimus, latro-  
nes sibi pepercisse Acti, nominis sui celebrita-  
te. Inquinatissimis uero moribus illū fuisse,

constans est opinio adeò, ut Tiberius & Claudius principes dicere solerēt, nihil minus cōuenire Palæmoni, q̃ puerorū disciplinā. Vsq; adeò uerò in mulieres libidinib. flagrauit, ut ad oris quoq; infamiā notatus sit. Vnde cum quendā in turba oscularet, isq; refugiens deuitare nō posset, Vis tu, inquit, magister, quoties festinantē aliquē uides, abligurire? Luxuriæ quoq; ita indulgit, ut sæpius in die lauaretur, nec sufficeret sumptibus, quanq̃ ex schola quadragena sextertia annua caperet, ac nō multò minus ex re familiari, cuius diligentissimus erat, & officinas promercaliū uestium exerceret, & agros adeò coleret, ut uitem manu eius institutā satis cōstet ccc lxxv uasa edidisse. Et illud p̃fectò mirū est, qd à Plinio scribit de uinea, in Nomentano ab ipso empta, ab Acilio Stheneleo dc nummūm, decimi lapidis ab Vrbe diuerticulo, quæ intra octauum annū, cccc nummūm emptori addicta est, pendente uindemia, quā uineā postea ab eo emit Seneca. Plura scribit Plinius, & Hermolaus. De Palæmone etiā Eusebius in Temporib. Palæmon, inquit, Vicentinus, insignis grāmaticus Romæ habet, Olympia de ccvii. Qui quondā interrogatus, quid inter stillā, & guttā interesset, Gutta, inquit, stat, stilla cadit. Mox idem subiungit M. Antonium Liberalē, Latinū rhetorē, grauissimas inimicitias cū Palæmone exercuisse. Sunt ex  
litera-



literatis, qui carmē, de ponderibus qđ legiť,  
huic ascribant, qđ perperam fieri ipse cōten-  
derim, nam Rhemmio Fannio potius attri-  
buendū, qđ alibi dicemus. Atq; de Palēmone  
hucusq;. Post quē erat Euodus Gręcus, & uer-  
sificator nō illaudatus, qui per Neronis tem-  
pora claruit, fuit uerō Rhodius, & in poēticę  
facultate egregius admirādusq;. Nec ab hoc  
rēpore multū absuit Admetus poēta, qui ut  
in Demonactis uita scribit Lucianus, obscu-  
ri nominis fuit. Et cum Demonacti aliquan-  
do dixisset, se unius uersus epigrāma, hoc est,  
monostichō scripsisse, qđ testamēto cauisset,  
ut sepulchro affigeret, qđ tale est, si mihi Grę-  
ca meis uerbis referenti fidem habetis,

*Euodus.*

*Admetus.*

*Terracape Admeti spoliū, nam iam deus ipse est,*  
Ridens respondit Demonactes, Bonum est  
hoc, ô Admete, monostichon, sed uoluissē  
ipsum pridem sepulchro inscriptum esse, in-  
nuens tacitē, illius se mortē optare. Erat item  
in hac parte Canius Gaditanus poēta. Mar-  
tialis in primo,

*Canius Ga-  
ditanus.*

*Gaudet iocosę Canio suo Gades.*

Fuit hic facundię lenis ac iucundę, quem fa-  
cilē risu delectari solitum legimus. Puellam  
uerō Theophilam miro est amore profecu-  
tus, quam non ineruditam fuisse innuit his  
uersibus Valerius Martialis,

*Hęc est illa, tibi promissa Theophila, Cani,  
Cuius Cecropia pectora uoce madent.*

In Epigrammatis, uersu postremo, illam Sapphoni ita comparat,

*Castior hæc, & non doctior illa fuit.*

Sed de Canio in epistola Valerij cuiuspiã ad Ruffinũ, quæ inter opera Hieronymi refert, illud in primis tradit, quod multarũ gauderet amorib. puellarũ, atq; idcirco à Liuiio historiographo, uiro graui, iucundè reprehendebatur. Valerij uerba, quod multa sunt, consultò prætereo. Sed Canium Iulium, ut puto, alterũ, ad Serenũ Annæus Seneca memorat, hominẽ maximè constantem, & grauẽ philosophum, quem, quod diu cum Caio altercatus esset, & nescio quæ, illi uerba dixisset, mori est ab eo iussus. Cum uerò ad necẽ uocaretur, latrunculis ludebat, tum numeratis calculis, Sodali, uide, inquit, ne post mortem meam mentiaris te uicisse, & simul Centurioni annuens, testis, inquit, eris, uno me antecedere. Aliaq; multa ab eodem grauiter & intrepide dicta Seneca subiungit, quæ & hominis grauitatẽ arguũt, & cõstantiã. Erat uerò & hac tabulæ parte Aulus Persius Flaccus, poëta satyricus, qui à plerisq; perperã, ut puto, Lunẽsis dicit, neq; em̃ illa ipsius carmina, quod aliqui existimant, hoc mihi probant,

*Aulus Persius  
Flaccus.*

— *Mibi nunc Ligus ora*

*Intepet, hybernatq; meum mare, quã latus ingens*

*Dant scopuli, & multa littus se ualde receptat,*

*Lunai portum, est operæ, cognoscite ciues.*

*Illuc*

Illuc enim, ut paulò post uidet, secesserat, ut Cæsius Bassus, ad quẽ scribit, in Sabinos. Hieronymus uerò ex uerbis Eusebii in Chronicis manifestè Volaterranũ facit, Ducẽtesima, inquit, & tertia Olympiade, Persius Flaccus Volaterris natus est, anno post Christi natiuitatem trigesimo septimo, & Tiberij principis circiter xxi. Patrem Flaccum habuit, & matrem Fuluiam, ut grãmatici ueteres tradunt. In grãmatica & rhetorica Rhemmio Palæmoni, & Verginio Flauio operã dedit, mox Cornuto philosopho Stoico, & tragico poëtæ adhæsit, id quod Persius ipse palàm ostendit, cum ait,

*Me tibi suppositi, tencros tu suscipis annos*

*Socratico, Cornute, sinu.*

Sedenim postq̃ in Cornuti mentionẽ incidimus, uos monitos uelim, hũc nō Cornutũ eum esse, qui grãmaticus in Persij satyras cõmentaria perscripsit, hic enim, de quo Persius Philosophus, à Nerone in exiliũ missus perijt, ut obseruat Eusebius. Dion quoq; in Historijs id de Cornuto notatu dignum prodit, quod in insulã à Nerone sit eiectus, quod cũ libros scribere multos noller, ut qui à paucis legerent. Et quodam illi dicente, Atqui, quẽ tu laudas, & imitaris, Chrysippus multò plures cõposuit, respondit, Vriq; sed illi, ait, utiles uitæ mortaliũ sunt, id innuens uidelicet, si scriberet ipse, omnia ad Neronis libidinem se scribere

oportere. Isto uerò Cornutus grammaticus longè posterior fuit, qui & in Vergilium cōmentaria condidit, quod & Seruius & Macrobius testantur. Sunt, qui hunc ipsum Cornutū, Probū potius nuncupēt, inter quos Hermolaus Barbarus, aliq̃ nōnulli, cuius et in Iuuenalē scholia nonnulla legunt, tamen si hac de re, quę in ancipiti uersat nō ausim ego quicq̃ temerè affirmare. Illud equidē uobis dixerim, lōgè antiquiorē fuisse Probū grammaticum Acrone, Horatiano interprete, quē in his ipse cōmentarijs citatū reperi. Fuisse tamen & alios Cornuti nomine lego, ut is, qui de deorum natura Grēcè scripsit, quem & ab aliquibus Phornutū & Pharnutum appellari uidimus. Item M. Cornutus, qui Satyras scripsit, & cuius autoritate Fulgentius nixus est, cum de uocabulo Titiuillitio agit, quod filum putridum de tela cadens significat. Sed ut ad Persium iam redeam, iuuenis admodū Persius ex humanis excessit, quippe si Eusebio credimus, undetrigesimo uitæ suæ anno mortuus est, si Cornuto, trigesimo, idq̃ ei cōtigit stomachi uitio, quo grauitè laborauit. Peruenit igitur ad undecimum seu duodecimum Neronis annum, quem ab ipso Persio taxatū uolunt, sub Midæ regis nomine, item tumidis & inflatis illis uersibus.

*Torua Mimalloneis inflarunt cornua bombis,*  
& reliquis. Quod nonnulli, alioqui tamen  
uiri

uiri docti, negant, id enim Nerone uiuente, propter summam illius impotentiam Persius, haud quaquam aiunt, fecisset. Fuit uerò Persius, ut Cornutus scribit, moribus lenissimus, ac uirginali ferè quadam uerecundia, formaq; modesta ac pulchra. Cum esset adhuc prætextatus, librum composuit, & paucos uxori Thraseæ, & in Arriam matrè uersus, quæ se ante uirum occiderat, quos ut aboleret, autor fuit Cornutus, eius magister. Editum librum cum diriperet, maximam omnibus admirationem attulit. Satyras sex reliquit, quo solo libro, ut ait Fabius, multum ueræ laudis meruit. Vnde & Martialis,

*Sæpius in libro memoratur Persius uno.*

Qui liber & si obscuritate & reconditis sensibus est plerunq; refertus, nihilominus bonis est connumerandus autoribus. Sunt inter eruditos, qui hunc Persij librum imperfectum existiment, id quod ego nec uobis affirmo, nec refello. Credibile quidem, si diutius uixisset, longè plura illum scripturū, nouam afferente indies Vrbe taxandi materiã. Demptos insuper ex libro uersus aliquos, ex commentarijs comperi, librumq; ipsum nō à Persio, sed à Cæcio Basso editum. Fuit & alter Persius, poëta Græcus, de quo est Eubuli Artarnitis dicteriū de Phocaitis, pecuniæ id nomen & populi, cuius rei Callisthenes & Polux meminere, Fuit & Persius ille apud Ro-

*Annæus Lu-  
canus.*

manos, qui doctissimi cognomē meruit, de quo Lucillius, & M. Cicero, aliq̃. Persiū Flac-  
cū sicut amavit Annæus Lucanus, ita ei pro-  
ximus erat in tabula, nam & cōdiscipuli fue-  
re. Fuit uerò Cordubensis, ex Annæa familia,  
ut scitis, in qua pleriq̃ insignes doctrina uiri  
nati, ut Gallio, Seneca, Mela, aliq̃. Cōstat autē  
Lucanū appellatū ab auo materno, Acilio Lu-  
cano Cordubensi, oratore. Fuit em̃ Cordubę  
nobilis Aciliorū familia, ex qua & Acilius Bu-  
ta, cuius antē meminimus. Patrē Lucanus ha-  
buit M. Annēū Melā, equitē Romanū, matrē  
Aciliā. Cordubę natus, tertio Non. Nouēb.  
C. Cæsare Germanico iterū & Lucio Cæsa-  
nio primò c o s s . infans Romā delatus, & e-  
ducatus est. Fama est, infantis cunas apes cir-  
cūuolasse, osq̃ eius insedisſe, mox adolescēs  
sub clarissimis præceptorib. Palæmone, Vergi-  
nio, Cornuto institutus, gręcē & latinē decla-  
mauit. Neroni charus, quæstor adhuc iuue-  
nis factus, cū collegis gladiatorii munus edi-  
dit. Inde secūdo populi fauore in sacerdotiū  
ascitus, ināuguratusq̃ est, cū Pollā Argētariā,  
uxorē duxisset, & ipsam literarū studijs erudi-  
tam, & mulierē egregiā, ut Papinius, Martia-  
lis & Sidonius testant̃. Quin & marito scri-  
benti astitisse legimus, tresq̃ priores Pharsa-  
liæ libros unā cum marito emendasse dicit̃.  
Atq̃ hætenus quidē Lucanus tempora ha-  
buit secunda, quæ uerò illi deinceps, parum proſpe-

prospera succedere, nam cupiditate ostentandi ingenij actus, in Neronis odium incidit. Quippe pentaterico, seu quinquēnali certamine acto, cū Nero per Cliniū Ruffum Nio ben se pronūciaturū indixisset, Lucanus Orpheia ex tēpore recitauit, coronaq; est à iudicibus donatus. Qua utiq; re inimicū sibi imperatorē fecit, eiq; interdictum est foro, theatro & poētica, id quod Lucanus iuuenili animi calore æstimans, ultionem sperans, Pisonianæ cōiurationi infaustæ adhæsit, uindictamq; expetens ipse, in mortē irruit. Nam, ut inquit Cor. Tacitus, detecta cōiuratione, Lucanus crimen passus, Aciliam quoq; matrē inter conscios nominauit, promissa impunitate. Sed Nero, post mortē multorū, Lucanicædem imperauit. Impetrato autē mortis arbitrio libero, codicillos ad patrem corrigendos quibusdam uersibus exarauit, ut in antiquis cōmentarijs legi. Epulatusq; largiter, brachia ad secandas uenas præbuit medico, & profluente sanguine, ubi frigescere pedes manusq; paulatim ab extremis discedere spiritum, feruidus adhuc, & compos mentis intellexit, recordatus à se carmen cōpositum, quo uulneratum militem per eiusmodi mortis imaginē obijisse tradiderat, uersus ipsos retulit, quæ illi suprema uox fuit. Sunt autem hi uersus, ut doctis uideo placere,

*Scinditur auulsus, nec sicut uulnere, sanguis,*

Emicuit lentus, ruptis cadit undiq; uenis,  
 Discursusq; animæ diuersa in membra meantis,  
 Interceptus aquis, nullius uita perempti  
 Est tanta dimissa uia. Alij non hos esse,  
 sed illos fuisse malunt,

Sanguis erant lachrymæ, quæcunq; foramina nouit  
 Humor, ab his largus manat cruor,

& reliqua. Perijt autem pridie calend. Maij,  
 Attico Vestino & Nerua Syllano coss. æta-  
 tis annum agens xxvii. Melæ uerò patri fi-  
 lij bona Nero concessit, ut ex Eusebio Hiero-  
 nymus tradit. Meminit & Lucani Dion hi-  
 storicus, in Nerone, tamen si exemplaria eo lo-  
 ci Græca, non Lucanū, sed Lucianum scriptū  
 habeant. His à me summatim de Lucani uita  
 dictis, Piso excepit, Quamuis, inquit, seipse  
 suo carmine Lucanus prodat, & de se idem  
 quadam præfatione, ætatē & initia sua cum  
 Vergilio comparans, dixerit,

—Et quantum mihi restat Ad culicem?

Nihilominus cum adeò & à Statio & Mar-  
 tiale laudetur, ut etiam Vergilio ipsi, si dis pla-  
 cet, & Homero cōferat, facere nō possū, quin  
 eius lectionis ipse sim maximè studiosus.  
 Quem excipiens Picus puer, Et ego, inquit,  
 uideor medios inter furentes milites uersa-  
 ri, cum illius carmen lego. Quibus ego, De  
 Lucano, inquam, sic statuatis, uelim, ut eum  
 non modò cum Vergilio nō cōferatis, ut Sta-  
 tius fecit & Martialis, sed eum neq; secundū  
 neq;



neq; tertium dicatis. Vel si dixeritis,

—*Longo proximus interuallo.* Cum neq; in quadrigis eum secundum numeremus, aut tertium, qui uix è carceribus exierit, cum palam iam primus acceperit, ita nec in poëtis, qui tantum absit à primo, uix ut in eodẽ curriculo esse uideatur. Sunt tamen quædam in Lucano, quæ qui sine Vergilij comparatione spectauit, satis magna dicat, quæ si cū iudicio atq; delectu legant, nō indigna sint imitatiōe, id tamē caute & diligenter, ne uitia specie uirtutis irrepant. Si quid uerò Pice & tu Piso mihi tribuistis, uos nō modò nō nimium studiosos eius lectionis uelim, sed uos etiā ita gloriari cupio, id quod amicū meum, uirum doctissimū, aliquādo gloriantē audiui, qui Musis cœlestibus gratias agebat, quod nunquā totum Lucani carmē semel perlegisset. Nisi enim temerariū sit, qđ nihil tamē mihi, uobiscum præcipue, esse potest, illud ausim de Lucano affirmare, quod M. Tullius de Cordubensibus suorum temporum poëtis, qui eos, nescio quid, pingue & peregrinū sonare putabat. Quare Lucanum quidā, sanè ingeniosus, indomito similem equo esse dicebat, qui in medio prato, aut campi spacio cursitet, & acriter quidē & animose saliat, sed incōcinne & incōposite. Alij illum expedito quidē militi similem dicunt, qui amentatas quasdā uelut hastas iaciat, potenti ac ualido inter-

dum brachio, sed parum plerumque cōsideratē ac prudenter. Nam tametsi ipsum ardentem cōcitatūque, ac sententijs clarissimū scribat Fabius, oratoribus tamen, quā poētis magis ascribit, quod & Martialis & Seruius sentiunt. Sed nimis hac de re, iam illius, quæ scripsit, opera attendite. Iuuenis admodū Saturnalia & Catacosmon edidit, dein Sylvas, incendiū Urbis, Medeam tragædiam, hypomnemata prosa oratione, in Octauium Sagittā orationes, epistolas ex Campania, item epigrammata, quorū quædam lasciu iuscula fuisse, ad Pollam, illius uxorē, innuit Valerius Marialis. Scripsit item Lucanus Iliaconita, quæ à Placido Lactantio citantur, ut eo,

*Haud aliter raptum transuerso limite cœli*

*Flammatum Phaëthonta poli.*

Item ut antè meminimus, Orphea, ex quo illud est, cū strepitus factus esset, Eurydice ad inferos iterum redeunte, quia

— *Gaudet à luce relictam*

*Eurydicen, iterum sperantes Orphea Manes.*

*Andromachus Pater,*

Haftenus quidem de Lucano. Fuit & Neronis tempore Andromachus Cretensis pater, quem Seniorē uocat Galenus, quod cognominem filium habuerit. Inter medicos illustres ambo habiti, sed hoc amplius pater, quod & poëta fuit egregius, id quod uel poëma elegiacum ipsius declarat, de Theriaca inscriptum Neroni, à me nō semel lectum. Tanti ue-

ti uerò fit eius carmen, ut non modò à cæteris medicis, sed in primis à Galeno, ut id & in eo, quem ad Pisonem de Theriaca conscripfit, totum recitauerit, & iterum in primo de Antidotis, totidem uersibus. Fuit & Petricus, qui de re medica scripsit uersus, quos Plinius libro xxij. Naturalis histor. memorat, cum de caucali agi, Illinitur, inquit, & contra uenena marinorū, sicuti Petricus in carmine suo significat. Suberat imago Syllij Italici, sic, ut quidam arbitrantur, appellati ab Italica, Hispaniæ ciuitate, ex qua oriundum illum fuisse tradunt, quod parum mihi fit uerisimile, cum nullus eius, ut Hispani, scriptor meminerit. Ab Italica igitur potius, Pelignorum metropoli, cognominatus est, natusq; Romæ creditur, & nutritus. Primus ætatis suæ temporibus eloquentiæ operam dedit, dein poëticæ, in qua maiore cura carmina composuisse dicitur, quàm ingenio, oratoriæ enim facultati magis, quàm poëticæ natura ipsa ferebatur. Et meo quidem iudicio, eius idcirco carmina talia sunt, ut sint cognoscenda quidem, sed non ad imitationem, ea licet perpetuò uictura Martialis uaticinetur, quem in Syllij laudes omnino procliuiorē fuisse uidemus. Vt uerò non sine infamiæ nota fuit, quod spōte quosdam sub Nerone accusasse creditur, ita commendatione dignus, quod Vergiliū ante omnes

*Petricus.**Syllius Italicus.*

coluisse dicitur, cuius etiam natalem religio  
 fuis, quàm suum celebrabat, & Neapoli ma-  
 xime, ubi monumentum eius adire, ut tem-  
 plum solebat. Coluit & Ciceronem, ipsiusq;  
 Ciceronis Manes. Agros etiam utriusque in  
 summo cultu habuisse, Ciceronisq; Acade-  
 miam instaurasse perhibetur. Plinius illū ait  
 plures subinde uillas emisse, adamatisq; no-  
 uis, priores neglexisse, delectatūq; libris, sta-  
 tuis & imaginibus. Declamauit uerò iuue-  
 nis adhuc, & causas egit. Iudicia centumui-  
 ralia exercuit, proconsulatum Asiæ gloriose  
 administrauit. Ter Consul fuit, in cuius pri-  
 mo consulatu Nero periit, ut Tacitus notat  
 & Plinius. Inedia, uitæ tædio periit, quod cla-  
 uo insanabili torqueretur. Ad supremū usq;  
 diem beatus & felix, nisi quod minorem è li-  
 beris duobus amisit. Qua de re legitur con-  
 solatio Martialis, libro nono,

*Festinata sui gemeret cum fata Seueri*

*Syllius, Ausonio non semel ore potens, &c.*

Sed maiorem, ut ait Plinius, florentem atque  
 etiam consularem reliquit. Inter cætera, Pu-  
 nicum bellum secundum septem & decem li-  
 bris scripsit, qui nunc passim leguntur. Sed  
 nolim, inquit Piso, in recensenda Syllij uita  
 plus temporis conteramus, cum eam, ut pro-  
 bè nosti in tertio Epistolarum uolumine C.  
 Plinius ad Caninium Ruffum describat, &  
 grāmatici nonnulli, Illud uerò libentius ego  
 & Picus

& Picus scire uelimus, quo nam modo eius ipsum, quod ais, Punicū bellum repertū sit, quod per tot secula delituerat. Tunc ego, Dicam, inquam, quę ab alijs ipse cōperi, tametsi Marullus nō sanē grandem linguę Latinę iacturā factum iri existimabat, si perpetuū delitisset, dicam, inquam, ut accepi. Eo tempore, quo Christianorū procerum conuentus, quod cōcilium nostri, Gręci *σύνδοκον* uocant, in Germania habebatur, tum ferunt, in quam ibi turri fuisse repertum, literis admodum obsoletis & peruetustis, & cum eo unā cariosos quosdā aliorū scriptorū libros. Primus uerō Domitius Calderinus illud & emendauit, & interpretatus est, quod si Fr. Petrarchę ætate in luce fuisset, nō is certē Aphricam, tantā prouinciā aggressus esset, sed hac de re satis. Iam me ad Antistij Soriani imaginem conuertam, qui poëta fuit minimē obfcurus. Is in Neronem P. Mario & L. Asinio coss. probrosa carmina composuit, uulgauitq; celebri cōuiuio, cum apud Hostorium Scapulam epulare, quare mox à Pæto Thrasea ægre defensus fuit, eo acerrimē increpito, postea tamen à Suetonio Paulino & L. Telsino, qui post Pisonianam coniurationem consules creati sunt, exilio, ut scribit Cornelius Tacitus, damnatus fuit. Versuto & callido ingenio fuisse Sorianū ex historijs facile colligimus. Nam cum Neronem faciles indi

*Antistius  
Sorianus.*

cibus aures & delatoribus præstare intelligeret, ut exilio se liberaret, Parmenis Chaldæi Genethliaci amicitiam iniit, ratus euenturū, quod mox successit, ut ipso Parmene Romanorum ciuium literas interciperet, quæ ad illum dabantur, de futurarum rerum euentu. Vnde cum Antæi literas interceptisset, Parmenis etiam libellos clām furatus est, quibus dies genitalis eius, & euentura secretis Parmenis occultabantur, atq; Hostorij etiā Scapulæ. Quæ ubi cōsiderasset, Neroni scripsit, se habere, quæ saluti eius conducere, si breuem exilij ueniā impetrasset, quam rem facile Nero concessit, eumq; per liburnicas aduehi præcepit, eiusq; uerbis fidem habens, Antæum & Hostorium perdidit. Pauca admodum amplius de Sossiano legimus. Post quem erat Saleius Bassus, qui in pangendis heroicis per hæc tempora clauit, amatus uerò in primis à Vespasiano, atque ab eo quinquaginta sestertijs donatus, & præterea positus inter illustria monumēta, quia & illum Cornelius Tacitus in historijs egregiū poëtam, & præclarissimū uatem nuncupat, alia insuper multa idē Cornelius in eo, qui est de oratoribus dialogo. Meminit item Fabius Quintilianus, qui eius quidem uehemēs & poëticiū ingeniū celebrat, sed quod tamē nec senectute esset maturū. Post Bassum sequebatur P. Papinius Statius, cuius de patria inter gram-

*Saleius Bassus.*

*P. Papinius  
Statius.*

grammaticos controuerſia fuit, uſq; ad Domitij tempora, Domitij, inquam, de re literaria bene meriti, qui ſi non ſibi & memoriæ tantum indulſiſſet, multa certè obtreſcatores in eius ſcriptis fruſtra, quæ reprehenderent, perquiſſent. Sed de Domitio aliàs, inquit Piſo, nunc de Statio, qui ab aliquibus Tolofanus, ab alijs ex Sellis, Epiri oppido, ab alijs Neapolitanus dicitur. Tunc ego, Poſtquam me prouocas, & Picus attentè & libenter hæc audire uidetur, cauſam uobis exponā, cur Statio diuerſa ſtatuatur patria. Atq; ut rem clarius percipiatis, patris & filij uitas uobis paucis recitabo, quas cum alijs, tum Pomponius Lætus, & literarum & anti quitatis, ut ſcitis, bene peritus, pridem Gaſparr̃i Blondi filio conſcripſit, quibusdam à me pro tempore additis. Sic agas, inquit Picus, & ſimul obticuit. Publius igitur, inquam ego, Papinius Starius pater, Græca & Latina lingua eruditus, ad nouiſſimum uſque diem profeſſus eſt, ſummo honore apud Domitianum habitus, à quo etiam eſt auro donatus & corona, digno principe erga præceptorem munere. Primus genus ſuum, propter inopiam & egeſtatem oblitteratum, celebritate nominis celebre fecit, adeoque claruit, ut, quod Homero, ei contigerit, duæ enim urbes, Sellæ Epirotarum, & Neapolis Campanorum, de eius natali ſolo

certarunt. Singularis profectò contentio, ex qua intelligi facile potest, quanto in pretio tum literæ fuerūt. Qui uerò Tolosanum existimarūt, inter quos Danthes fuit, poëta Hetruscorum uernaculus, decepti sunt alterius Statij rhetoris patria, cuius meminit Eusebius. Ex Agellina uxore, quam unicam habuit, & ei superstes fuit, P. Papinium Statiū genuit, cuius pueritiā ac iuuentutē literis fouit, copia, uarietateq; rerum referfit, & omne eius studium, quoad uixit, uiuit, operaq; castigauit. Annum agens sexagesimūquintum, inexpergescibilis somni morbo, quem lethargum uocamus, periit, cuius mortē Epicedio filius profecutus est. Multa & prosa & carmine scripsit, si filio credimus, sed eorū nihil ad nos peruenit. Papinius uerò filius, iuuenis adhuc, Claudiam Claudij Apollinaris filiā, quæ Tibicini nupta fuerat, & ex eo filiam genuerat, amoris impatiens, duxit uxorem, cui tanta, ut ait Pomponius, modestia & castitas, amorisq; obseruantia mariti, x x annis nō fraudarit. Deceptū hoc loco crediderim Pomponium, & eum secutum Maturantiū, nec enim à marito Claudia tandiu absuit. Erroris, opinor, causam præstitit, quod parum consideratè Statij carmen ad Claudiā ipsam examinarūt. Filiū cum ex Claudia uxore nullum haberet, infantē sibi Statius adoptauit, quem præmatura extinctū morte carmine defle-



defleuit. Vergēs uerò ad senium Neapolim, cōmunem ambobus patriā, Claudiā carmine reuocauit, ambigitur, quis superstes fuerit. Albano certamine, Domitianus Cēsar eadem, qua patrem, qui præsens erat, filium corona, ac item agro Albano donauit, bisq; auro insigniuit, splendidoq; ac magnifico, cum senatoribus equitibusq; Romanis, cōuiuius suscepit, id quod carmine poëta, quod Eucharisticon inscripsit, testatus est. Quo fit, ut fabulæ potius, quàm historiæ simile putem, quod ab aliquibus proditū est, Statium præ acuto stilo à Domitiano confossum. Super sunt uerò ad hæc usq; tempora hæc Statij opera, Thebais, ut ipsemet cecinit,

—*Multa cruciata lima.* atq; idcirco durior & inconcinnior alicubi quibusdam uidetur, quam Iunij Maximi, uiri eloquentissimi iudicio monituq; publicauit. Antimachum argumentum tantum imiratus, nam phrasi ille rumidus & laxus, hic durus & arctior. Item Achilleis imperfecta, in qua longè plus doctis quibusdam, quàm in Thebaide præstare uidetur. Non defuere etiam, qui Achilleida ipsam perfectam fuisse existimarint, sed reliquum, quod deest, deperditum, ut etiam diutius Syluæ fuerunt, alij, quod habemus, integrum esse, utriq; magno, ut puto, acti errore, & manifestis pridem argumētis explosi. Proditum est, cum Achilleida esset descripturus,

Crispinum Vectij Bolani filium, clarum militia iuuenem, sibi proposuisse. Vtranq; uerò Imperatori Domitiano dicauit. Extant & quinque Syluarū libri, ex quibus & uehemens in eo poëmaticis genere illius, & penè extemporale ingenium, & subitum calorem, ut ipse ait, percipere possitis. De quibus quidem Papini Syluis sic Apollinaris in hendecasyllabo, ad Felicem,

*At cum fortè pedum minore rhythmō*

*Pingit gemmea prata Sylularum.*

Ex iisdem, inquam, Syluis & amicos & fortunam, & reliquam ipsius poëtæ uitam facile cognoscetis. Scripsisse præterea tragœdiā à nōnullis existimatur, idq; Iuuenalis innuere uidetur, ut mox dicam. Non multū adeo Statium à suorum temporum Scriptoribus amatum ea ratione colligo, quod ab ijs eius nullam ferè mentionem factam uideo, præterquam ab Iuuenale, qui & illum perstringere potius Satyricè uidetur, quàm laudare, ita enim canit in septima.

*Curritur ad uocem iucundam, & carmen amicæ*

*Thebaidos, lætam fecit cum Statius urbem,*

*Promisitq; diem, tanta dulcedine captos*

*Afficit ille animos, tantaq; libidine uulgi*

*Auditur, sed cum fregit subsellia uersu,*

*Esurit, intactam Paridi nisi uendat Agauem.*

Nec illud in præsentia uobis reticuerim, qd est ab Aligero Danthe, suo carmine proditum,

tum, Statium uidelicet Papinium religioni Christianæ addictum fuisse, Christianisq; tum laborantibus, ob metum occultè, pro uirili opem tulisse, nescilicet supplicijs cruciatibusq; quibus tum passim afficiebātur, agitaretur ipse. In hanc autem pietatem & religionē inclinasse idem poëta innuit, ob eos Vergilij uersus ex Sibylla,

*Iam redit & Virgo, redeunt Saturnia regna,*

& reliqua. Sed an Danthes deceptus sit, ut in eiusdem etiā patria, nō uobis faciliè dixerim, nam & recētiore alios nōnullos scriptores in eodem fuisse errore inuenio. Legitur & epitaphium Statiij à Pomponio, ut fertur, conditum, quod referre haud preciū operæ uideatur. Post Statiū D. Iunius Iuuenalis sequebatur, qui in taxandis moribus, nostrorū patrū memoria, primum locum habere putabatur adeò, ut is tum doctior existimaret, qui plures eius uersus memoriter recitaret. Ego, si quicquam mihi credendū putatis, nō eo usq; Iuuenalem legendū censeo, nisi quousq; casta & Romana lectione planè simus imbuti, atq; hoc eo uobiscum libentius, quo à magistris uideo minus obseruari.

—Bonis adeò, ut ait poëta, à teneris assuescere, multum est.

Fuit uerò, de quo agimus, Iuuenalis Aquinas, ex oppido, quod secundum Augusti descriptionem, primæ regionis est Italiæ,

ut ait Plinius, uel D. Thomæ municipis doctrina & sanctitate nunc celebre. Iuuenalis quidem, libertini cuiusdam locupletis, incertum, fuerit alumnus, an filius. Ad mediam ferè ætatem declamauit, ut ait Probus, animi magis gratia, quàm quod scholæ se aut foro præpararet. Verum cum postea se Satyris scribendis cōtulisset, & multos, per malas & sordidas artes, ad honorum & opum culmina euectos perstringeret, inter quos Pantomimum Paridē, uenit in suspicionē, quod tempora figuratē notaret tunc, per honorem militiæ. Quanquā octogenarius Vrbe summo-tus est, missusq; ad præfecturā cohortis, tendentis in extremam Aegypti partem, id uerò Cæsari supplicij genus placuit, ut leui atq; ioculari delicto par esset. Credibile est, illum eas in Aegypto Satyras scripsisse, quæ sunt, altera ad Volusium Bithynicum, de portentis Aegypti, altera ad Gallum, de militiæ incōmodis. Intra breuissimū uerò tempus, ibi angore & tædio periit, ut idem Probus tradit. Sedenim & Suidas ad hunc fermè modū de Iuuenale. Fuit, inquit, poëta Latinus Iuuenalis, qui Domitiani Imperatoris temporibus floruit, à quo Prasinæ factionis saltator Paris amabatur, quare à Senatu & ab Iuuenale salibus quibusdā obiurgabatur, ex quo factū est, ut Iuuenalis in Pentapolin, Libyæ urbem, relegatus sit. Paris uerò ab Imperato  
re ad

read Antiochiam missus, ubi & domum ac balnea extra urbem construxit. Hæc Suidas. Sed de Iuuenale, ad Felicem scribens, his hendecasyllabis meminit Sidonius Apollinaris, cum de P. Ouidij exilio prius locutus esset.

*Nec qui consimili deinde casu,  
Ad vulgi tenuem strepentis auram,  
Irati fuit histrionis exul.*

Hoc loco illud obseruatione dignum uideatur, quod Suidas ait, Parin Antiochiæ uitam finisse, cum ipsius Paridis epitaphium à Martiale compositum, eum nō Antiochiæ, sed in uia Flaminia sepultum ostendit. Sic enim in undecimo libro,

*Quisquis Flaminiam teris uiator,  
Noli nobile præterire marmor.  
Vrbis deliciæ, salesq; Nili,  
Ars & gratia, lusus & uoluptas,  
Romani decus & dolor theatri,  
Atq; omnes Veneres, Cupidinesq;  
Hoc sunt condita, quo Paris, sepulchro.*

Verum enim uero nescio, an melius sit, duos fuisse hoc nomine existimare, alterū quidem, qui Neronis tempore uixerit, & ab eodem, ut scribit Suetonius, occisus, quasi grauis aduersarius. De altero quoq; idem Suetonius tradit Domitiam uxorem, ipsius histrionis amore captam, atq; ideo ab eo repudiatam. Cornelius uerò Tacitus sestertia decē à Domitia Neronis repetita esse ait, quæ ipsi Pari

di pro libertate dedisset. Hæc & alia ab ipsis copiosius in historijs tradunt. Quare si unus sit Paris histrio, & Pantomimus, quo modo historiæ cōueniant, haud faciliè dispicio. Sed nos iam reliquū uitæ Iuuenalis, cuius supremum uitæ tempus ad Nerug usq; principatū aliqui proferūt scriptores, qui & Frontonē & Fabiū Quintilianū, eius magistros fuisse tradunt, & Valeriū Martialē amicū. Quibus de rebus certi nihil habeo, qđ uobis afferā, nisi cōiecturas, quas interpretes afferūt, quorum aliqui eius Satyras in quinq; libros diuidunt, aliq negāt. Cætera uerò mittamus, satis sit hæc uobis indice mōstrasse, nam ad Arūtiū Stellę effigiē, iam tēpus est, ut me cōuertam. Fuit autem Stella Patauinus, elegiarū poëta, quē ante Domitiū pleriq; omnes Neapolitanum putauere, perperā Statiq; uersus interpretantes. Tanti uerò ab ipso Statio Stellā factū uideo, ut ei primū Syluarū librum miserit, eiusq; & Violantillæ nuptias longo carmine profecutus sit. Hæc est illa Violantilla, quam Martialis Hyanthida, Græca dictione, & Stella ipse, à suo nomine, Asterida nuncupauit. Scripsit uerò Stella carmē de suæ puellæ colūba, ut Catullus de Lesbix passere, ut reor, qđ Martialis hendecasyllabo suo, si dis placet, uult Catulliano passere tanto elegātius esse, quanto passere maior est columba. Idē alibi,

*Aruntius  
Stella.*

*Vel Stellæ cantata meo, quam fleuit Hyanthes,*

*Cuius in Elyſio nigra columbia uolat.*

ſcripſit præterea uictoriam Domitiani contra Sarmatas. Stellæ huius meminit & Apollinæ in hendecaſyllabis. Cum Stella erat C. Valerius Flaccus Setinus, qui & ipſe, ut Stella, Patauinus fuit, ut ex his Martialis uerſibus colligimus,

C. Valerius  
Flaccus.

*Cenſetur Apona Lixio ſuo tellus,*

*Stellæq; nec Flaccò minus.* Item illo,

*O mihi curarum præcium non uile mearum,*

*Flacce, Antenorei ſpes & alumne laris.*

Alij Setinum faciunt, à Setia, Campaniæ urbe, ea ducti coniectura, quod in antiquis codicibus Setinus cognominetur, quo fit, ut ab aliquibus diuerſus Setinus Flaccus, à Patauino putetur, alij Romanū & quidem ex nobili & perueſta familia putauerunt. Sed omnes hos uana potius coniectura, quàm certa aliqua autoritate ductos uideo. Sūt &, qui Decemuirum Sibyllinum putent eum fuiſſe, ducti illis eius uerſibus.

*Phæbe mone, ſi Cumææ mihi conſcia uatis,*

*Stat caſta cortina domo.*

Vos uideritis,

quid credatis. Sed hæc, quæ traduntur ab alijs, uobis, ut audiui, expono, nō tanquam credulus illis. Hic eſt, inquam, Valerius Flaccus, cuius Argonauticōn opus extat, Veſpaſiano patri inſcriptū, ut facilè ex eius carminis principio colligit. Opus, inquā, quantū per iuuenē præſtari potuit, cultum, eruditū,

& Varium, sed in quo plus est uirium, quàm uirtutis, ut in eo animos, & audaciam quandam iuuenilem facilè offendatis. Quod cū, ut creditur, opus sit imperfectum, atq; in primis ex Apollonio tralatum, amicus noster à Flacco relicta, ex Apollonio ipso supplere nifus est, dignum scilicet patellæ operculū. Certè non parum amissum esse ex Valerij Flacci immatura morte, scribit Fabius. Sed nō erit præter precium operæ, si uobis hoc loco cōmemorem, quos hætenus compererim Argonautica scripsisse, nec, ut puto, uobis erit ingratum. Quod cum ambo sibi gratum fore annuissent, Primus, inquā ego, Orpheus, ut aliàs diximus, Argonautica scripsisse dicitur, nō Thracius, sed Italus Crotoniata, deinde Epimenides Gnosius, post eū Cleon, Curieus poëta, à quo, ut Græci obseruant, Apollonius omnia ferè trāstulit, tum Herodorus, post Herodorum Apollonius Rhodius, post Apollonium Dionysius Milesius, tum demū Latini duo, Atacinus Varro & Valerius Flaccus. Hæc adeo Græcis & Latinis poëtis grata fuit Aurei uelleris fabula, de quo & tragœdiæ innumerabiles, ut suo loco dicetur, quare iam ad alia. Post Flaccum duo expressi erant in tabula lasciuiissimi poëtæ, quorum prior quidem Sabellus, qui, ut Hemitheon, uaria cōcubituum genera carmine complexus est, usq; adeo uerò impudicè, ut ipsi quoque

*Sabellus.*



que Martiali in ea re nauseam & stomachū  
fecerit, id quod uel eo uersiculo innuit,

*Tanti non erat esse te disertum.*

Vixit autem Domitiani & Neruæ tempori-  
bus. Alter fuit Musæus, non Græcus, sed La- *Musæus*  
tinus, qui eodem tempore eadē scripsit, quæ *Latinus.*  
Sabellus. De quo idem sic Martialis ad Ruf-  
fum Instantium,

*Musæi pathicissimos libellos,*

*Qui certant Sybariticis libellis,*

*Et tinctas sale pruriente chartas,*

*Instanti lege Ruffe. Sed puella*

*Sit tecum tua, ne Thalasionem*

*Indicas manibus libidinosis,*

*Et fias sine fœmina maritus.*

Erat post hos imago Voconij Victoris, quæ *Voconius*  
miro est prosecutus amore Hadrianus Cæ- *Victor.*  
sar adeo, ut eius tumulum, ut Apuleius scri-  
bit, suis uersib. ueneratus sit, ita enim scripsit.

*Lasciuus uersu, mente pudicus eras.*

Fuit uerò Voconius, ut Plinius ad Priscum,  
libro epistolarum secūdo scribit, Romanus,  
cuius pater, in equestri gradu clarus, clarior  
uitricus, mater è primis citerioris Hispaniæ,  
summa familiaritate C. Plinio coniunctus  
adeo, ut illum cõtubernalem sibi & in Vrbe,  
& in secessu fuisse scribat. Mira eius fuit in  
sermone, mira etiā in ore & uultu suauitas.  
Ad hæc ingenio fuit excelso, subtili, facili, dul-  
ci, erudito in causis agendis, in pāgendis ue-

ro carminibus talis, ut Musas ipsas Latine loqui credi possit, ut ait Plinius. Ius ei trium liberorum concessit Imperator. Iuuenis Thestylum puerum amauit sic, ut ipsum Martialis exoret, ut tantisper à Voconij latere abscedat, donec suos Voconius uersus emendet. Inquit,

*Sic etiam positis formosus amere capillis,*

*Et placeat uati nulla puella tuo.*

*Apollinaris.* Post Voconium fuit effigies eius Apollinaris, qui Domitiani & Neruæ temporibus floruit, quem adeò coluit Valerius Martialis, ut de eo ad librum loquens scribat,

*Si uis auribus Atticis probari,*

*Exhortor, moneoq; te Libelle,*

*Vt docto placeas Apollinari,*

*Nil exactius eruditiusq; est,*

*Sed nec candidius benigniusq;.*

Et alibi ad choriambicum Scazona ait,

*Apollinarem conueri meum Scazon.*

Fuere & alij, tam Græci quàm Latini, Apollinaris nomine, quos cōmodè suis locis refere-

*Codrus.* mus. Tum Codri imago uidebatur. Fuit uerò Codrus suorum temporū poëta pauperimus adeò, ut à semidoctis eius nomen in prouerbum exierit, Codro pauperior, & ut Græcis, Iro uel Pausone egentior. Mulierẽ illum Proculam habuisse ostendit Iuuenalis, qui & eius egestatem in tercia Satyra executus est, Quo loco uult ostendere, si inopes calami-

calamitate ulla circumueniantur, à nullo adiuuantur, fin diuites, statim adfunt innumera-  
rabiles, qui subueniant. Codri meminit & Martialis, cum alibi tum hoc disticho,

*Plus credit nemo, quàm tota Codrus in urbe,*

*Cum fit tam pauper, quomodo cæcus amat?*

Post hunc erat Lucius, poëta Hispanus, qui Horatium Flaccum imitatus est, Domitiano Cæsare. Quæ ætas magnam poëtarū copiam effudit, & magnum, ut ait Plinius, prouentum attulit, sed in his succus ille, & sanguis incorruptus antiquorum inesse defierat, & naturalis ille, & non fucatus nitor euauuerat, peregrinam quandam ferè omnes & aduenticiam dicendi & scribendi facultatem amplexati. In hoc poëtarū genere duo fratres erant, Turnus & Memor, ex Arunca ciuitate, quorum alter Satyricus fuit poëta, Turnus scilicet, de quo ita ferè Probus Grammaticus in his, quæ extant, dimidiatis in Iuuenalem cōmentarijs. Turnus, inquit, libertini generis, ad honores ambitione prouectus est, potens fuit in Vespasianorum, Tiri & Domitiani aula, eiusdem meminit & alibi. Martialis uerò eius nobiles uocat libellos, cum ait,

*—Proximūq; Turni nobilibus leget libellis.*

Alio uerò loco,

*Contulit ad Satyras ingentia pectora Turnus,*

*Cur non ad Memoris carmina? Frater erat.*

Lucius.

Turnus.

Memor.

Eiusdem meminit & Rutilius in Itinerario,  
*Huius uulnificis, satyra ludente, Camænis*

*Nec Turnus potior nec Iuuenalis erit.*

Alter autē frater Memor, tragicus poëta fuit,  
 quod planē ostendit Placiades Fulgentius,  
 cum eius carmen ex fabula, quæ Hercules in  
 scribebatur, affert,

*Ferte suppetias optumi comites.*

Idem Probus, idem & Valerius Martialis, cū  
 de Memorīs ipsius effigie hæc canit,

*Clarus fronde Iouis, Romani fama cothurni,*

*Spirat Apellæa redditus arte Memor.*

Tametsi eo loco Domitius noster, non tragi-  
 cum, sed heroicum poëtam Memorem fuisse  
 existimat. Meminit & utriusq; Sidonius A-  
 pollinaris. Eodē fermē tempore, & alij simul  
 duo fratres fuere, qui eadem, qua Turnus &  
 Memor ratione, heroico alter, elego alter ab-  
 stinuere. Quorū M. Vnicus Martiali fuit con-  
 sanguinitate coniunctus, elegis tantum usus  
 est, qua de re etiam nunc extat epigramma,

*Vnice, cognato iunctum mihi sanguine nomen,*

*Quiq; geris studijs corda propinqua meis,*

*Carmina cum facias, soli cedentia fratri,*

*Pectore non minor es, sed pietate prior.*

*Lesbia cum tenero te posset amare Catullo,*

*Te post Nasonem blanda Corinna sequi,*

*Nec deerunt Zephyri, si te dare uela iuuaret,*

*Sed tu littus amas, hoc quoq; fratris habes.*

*Cosconius.* Fuit & eadem ætate Cosconius poëta, qui qd  
 nihil

nihil, nisi castū & pudicū cecinit, à Martiali eridetur, atq; ideo eius carmina pueris tantū & uirginibus legenda censebat. Fuit & per hæc tēpora Ligurinus, qui in suis recitandis carminibus ambitiosus, & molestus erat, cum aliàs & probus uir esset & innocens. Hinc de eo illud legitur,

*Vis, quantum facias mali, uidere?*

*Vir, iustus, probus, innocens timeris.*

*Ligurinus.*

Exrant & hac de re epigrammata Martialis. Alterius uerò Ligurini, longè posterioris, opus legitur, quod de rebus gestis eius Federici Imp: inscribitur, qui Ahenobarbus, id est, Barbarus dictus est. Opus quidē tale, quale illa ferre potuit ætas, canorum & uolubile, sed inconcinnū & circumfluens, & quod saporem scribentis & scripti refert uernaculū. Fuit & eadē ætate, qua prior Ligurinus, Lustricus Brutianus, qui Callimachio dicendi filo delectatus, ipsum Latinè poëtam est imitatus, tam Plinio quàm Martiali cognitus. Egit quoq; causas, scēq; à Montano Atticino accusatū, apud Cæsarem, ita defendit, ut Atticinus ipse à Cæsare in insulam relegaretur. Fuit & Decianus Emeritensis, ex Hispania poëta & philosophus. Fuit & Decius poëta, Lucilli, uiri Consularis filius, poëta Satyricus, cuius laudes his uersibus Claud. Rutilius in Itinerario est executus. Cum enim ageret de præfectis Hetruriæ,

*Ligurinus  
alter.*

*Lustricus Brutianus.*

*Decianus.  
Decius.*

Qualis, ait, nunc Decius, Lucilli nobile pignus,  
 Per Corythi populos, arua beata regit.  
 Nec mirum, magni si redditus indole nati  
 Felix, tam simili posteritate, pater.  
 Huius uulnificis, Satyra ludente, Camœnis  
 Nec Turnus potior nec Iuuenalis erit.  
 Instituit ueterem censoria lima pudorem,  
 Dumq; malos carpit, præcipit esse bonos,

Votienus.  
 Valerius Li-  
 cinianus.

Et quæ sequuntur. Fuit uerò non per hæc tempora, sed longè postea, hoc est, Theodosij & filiorum ætate, ut coniicio, sed per Domitiani & Neruæ tempora. Fuit Votienus Narbonensis, & cum Votieno Licinianus Valerius, de quo idem Martialis. Hunc esse crediderim, cuius nō multò antè epitaphiū antiquum repertū est, ut accepi, ante portā Latinā. *M VSA HOSPITIS LICINIANI VIX. ANN. XXXV.* Me uerò latet, an hic idem sit Valerius Licinianus, qui Prætorius Romæ, inter eloquentissimos causarū autores habitus est, uerū mox eò infelicitatis decidit, propter Cornelie Vestaliū maximè incestum, ut relegatus in Sicilia profiteretur, & exul rhetor fieret de senatore. Quare ipsum dolenter & grauiter quadam præfatione dixisse scribit Plinius,

Quos tibi fortuna ludos facis? Facis enim ex professoribus senatores, ex senatoribus professores. Quam sententiam æmulatus Iuuenalis cecinit,

Si for-

si fortuna uolet, fies de Rhetore Consul,

Si uolet hæc eadem, fies de Consule Rhetor.

Hic Piso, Quin potius, inquit, à Iuuenale Licinianus sententiã est mutuatus. Cui ego, Ut uelis, inquã, putes, nihil impedio, eadẽ enim fermẽ ætate, fuit cum Iuuenale cõiunctus Licinianus, ut ex eodẽ Plinio & Martiale colligimus. Fuit & per hæc tẽpora Sulpitia, ex nobilissima Sulpitiorũ familia, quæ nitida admodũ & casta poëmata scripsit. Virũ habuit Calenũ, cũ quo annos xv amãtissimẽ & cõiunctissimẽ uixit. Mariti & uxoris meminit Sidonius Apollinaris, sic inquires,

Sulpitia.

Non quod Sulpitiæ iocos Thaliæ

Scripsit blandiloquos suo Caleno.

Extat &

elegans Martialis epigrãma, maximũ pudicitiae, & poëticae huius Sulpitiæ testimoniũ,

Omnes Sulpitiam legant puellæ,

Vni quæ cupiunt uiro placere.

Omnes Sulpitiam legant mariti,

Vni qui cupiunt placere nuptæ.

Non hæc Colchidos asserit furorem,

Diri prandia nec refert Thyestæ,

Scyllam, Byblida nec fuisse credit.

Sed castos docet & pios amores,

Lusus, delicias facetiasq̃.

Cuius carmina qui bene æstimarit,

Nullam dixerit esse sanctiorem.

Tales Aegeriæ iocos fuisse,

Vdo crediderim Numæ sub antro.

Hac condiscipula, uel hac magistra  
 Effes doctior & pudica Sappho.  
 Sed tecum pariter simulq; uisam,  
 Durus Sulpitiam Phaon amaret  
 Frustra. Namq; ea nec Tonantis uxor,  
 Non Bacchi, nec Apollinis puella,  
 Erepto sibi uiucret Caleno.

• Extat & poëma hexametris uersibus conscri-  
 ptum, de Domitiani Cæsaris temporibus,  
 quod huic ipsi Sulpitiæ ascriptū est, tametsi  
 alicubi inemendatum adeò, ut dubitari pos-  
 sit. Fuit eadem ferè ætate, Traiani uidelicet  
 Serapion. & Neruæ, Serapion poëta Græcus, Athenien-  
 sis, ualde Plutarcho amicus, cuius & aliquā-  
 do meminit, illumq; loquētem inducit in eo,  
 qui inscribit, *περί μὲν χρεῶν ἑμμετράων τὴν πύλιναν*.  
 Vbi inter multa, quæ toto libro passim de ip-  
 so Serapione traduntur, tum illud maxime  
 obseruatione dignum, philosophiam ipsam  
 fuisse primū uersibus descriptā, ab Orphea  
 uidelicet, Hesiodo, Parmenide, Xenophane,  
 Empedocle, Thalete, post desitum rursus ab  
 hoc ipso Serapione genus id scribendi reuo-  
 catum. Fuerūt & Serapionis nomine alij plu-  
 res, sed non poëtæ, inter quos medici duo ce-  
 lebres, unus Pictor, & duo Christiana pieta-  
 te insignes. Alter quidem discipulorū nume-  
 ro, alter uerò, in testimonium religionis, ui-  
 tam & ipsum sanguinem despondit. Vixit &  
 Rufus. hac ætate Traiani Rufus Ephesius, medicus  
 illustris,



illustris, qui præter alia, quæ multa in facultate medica conscripsit, quæ & à Suida colligunt, & à Galeno frequenter, Oribasio, Paulo & Aërio, alijsq; citantur, etiã carmine quædam condidit, cuius ego uersus elegantissimos legi. Claud. quidem Galenus eum quinquelibris, uersu hexametro, de herbis egisse ait, sexto de simplicium medicamentorũ facultatibus uolumine. Floruit per hæc tempora T. Annianus, qui inter cetera Fescenninos uersus scripsisse dicitur, de quo genere carminis, si meministis, primo sermone nonnulla diximus. Ab Ausonio Gallo mentio est facta Anniani. Fuit uerò poëta comis & perurbanus, A. Gellio amicus, de quo & sic libro xx noctium Atticarũ. Annianus, inquit, poëta in fundo suo, quem in agro Phalisco possidebat, agitare erat solitus uindemiã hilare atq; amœniter, ad eos dies me & quosdam familiares uocauit. Hæc ille. Citatur & à grammaticis. Fuit & Ananius, Græcus poëta iambographus, de quo Athenæus, cum alibi tum in tertio dipnosophistôn, ubi de fici generibus agit. Meminit item Isaacius in Lycophronẽ, ubi de iambographis poëtis differit. Claruit & eadẽ, qua Annianus ætate, Iulius Paulus, qui multa beneuolentia & cõsuetudine Gellium profecutus est. Prædiolum hic in agro Vaticano possedit, quò cum Gellium tum alios uiros doctos plerunq; inuitabat, ibi tum

*Annianus.*

*Ananius.*

honestæ literarum colloquia habebantur, ut Gellius libro xix scriptum reliquit. Dehinc *Oppianus*. Oppiani effigies spectabatur, qui Corycius poëta fuit, ut Suidas ait, sic ab urbe Ciliciæ nuncupatus, & propterea Cilix ab Eusebio in Temporibus, & ab Hieronymo dicitur, alij Anazarbeum fuisse malunt. Est uerò Anazarbus, quæ & Anazarba à Stephano dicitur, Ciliciæ ciuitas, quæ & Cæsaraugusta, Dioscoridis & Asclepiadis, medicorum illustrium patria, quidam & Cyndam & Diocæsaream appellauerunt, sed Plinius noster omnino diuersa Cyinda, sic enim neutro genere, in plurium numero & Strabo quoque protulit, ab Anazarbo existimat. Historiam uerò de Anazarbo, parum ueritati, ut uideatur, consonam Suidas confinxit. Neruam enim, Romanorum Imperatorem ait, cum terræmotu urbs Diocæsarea esset disiecta, illic Anazarbum quempiam, Senatorem misisse, qui urbem, cum prius Cyinda & Diocæsarea dicta fuisset, instauratam, à suo nomine Anazarbum uocauit, cum tamen & Plinius ante Neruam Anazarbenos nominet, & Dioscorides miles, sub M. Antonio & Cleopatra, Anazarbeus & fuerit, & nuncupatus sit. Sed de Anazarbo præter propositum iam satis, nunc ad munus pensumque meum, hoc est, ad poëtam ipsum, me reuoco. Oppianus igitur patrē habuit Agefilaū, inter

ter Anazarbenos optimatē, matrē uerò Zeno dotam. Poëta & grāmaticus fuit, M. Antoni Imperatoris & Seueri tēporibus floruit. Libros quinque Halieuticōn scripsit, Cynegeticōn libros quatuor, Ixeuticōn libros duos, in quibus, quę ad piscatoriā, uenationē & aucupiū pertinēt, cōplexus est. Proditū est, ipse Oppiani patrē Agesilaū, cum plurimū opibus & auctoritate ualeret, sese philosophię tradidisse, filiumque ijs artibus, quę liberales & Cyclicę dicuntur, erudiuisse. Cum autem ijs studijs inuoluti essent pater & filius, Seuerus Imp. apud Anazarbum diuertit, cui obuiam omnes urbis primores prodire, id quod Agesilaus, ut homo philosophiæ deditus, facere neglexit, quare iratus Cæsar patrem ac filium, in maris Adriatici insulam, quę Melita dicitur, relegauit. Est uerò Melita, prope Siciliam, ad Austrum sita insula. Vnde qui in delicijs habent, Melitenses canes dicunt, & linę uestes, Melitenses, à lini specie, de quibus & Cicero in Verrinis, & Diodorus Siculus. Cum ergo ibi exularet Oppianus, de piscibus opus, quod extat, conscripsisse tradit. In quo opere obseruatū est ab Hieronymo, in eius Ezecielis cōmentarijs, centū quinquaginta tria esse genera pisciū, id licet ego minus, cum nec semel eius poëma legerim, animaduernerim. Mortuo autē Seuero, Antonio eius filio Oppianus carmē suū dedicauit,

à quo propter carminis suauitatē & elegantiam, ab exilio unà cū patre est liberatus. Reuersus uero in patriam, infelix pestilentia perijt, ubi à suis ciuibus sepulchrum & statuam promeruit, Græco epigrammate, in hanc sententiā. Quod raptus à fati iuuidis esset poëta, qui si diutius uixisset, nullus ei inter mortales par glōria futurus erat, annos enim triginta natus, è uita excessit. Extant & alia in eum Græca epigrammata. Scribit Sozomenius in epistola ad Iuniorem Theodosium, quod Antonius Seuerus ea erga Oppianum usus est liberalitate, ut pro singulo eius operis uersu, eum aureo uno donauerit, qđ imperatoriæ largitatis & liberalitatis omnibus miraculū fuit, ut adhuc ipsius Oppiani carmina à plurimis aurea sint appellata. Hæc quidem Sozomenius, sed enim aliq̃ ad uigesies millies nummū, hoc est, ut Græci dicunt, myriadas duas, omnes summam peruenisse ferunt. Hic puer Picus, Præclarū, inquit, munus, nihil ergo mirandum, si ab Octauia denis sestertijs Vergilius donatus est, uel ut aliq̃ dicunt, graui ære, cum illos uersus recitasset,

— Tu Marcellus eris. Nihil mirum, inquit Piso, & simul ad me conuersus, qui paulum interquieram, Perge, ait, Lili, recondita ista, nec uulgaria nobis expone. Imò, inquit ego, sunt eruditis protrita, quæ uos interiora & exquisita putatis, sed num uultis, postq̃  
iam

iam satis de Oppiano diximus, eos uobis auctores cōmemorem, quos reperi de piscibus scripsisse. Et ualde, inquit Piso. Tunc ego, Primus, inquam, quod sciam, Callimachus fuit poëta Cyrenęus, secundus Cicilius, Argiuis poëta, qui & ipse Halieutica composuit. Tertius, Numenius Heracleota, Arcas, quartus, Possidonius Corinthius. Quintus, Ouidius poëta Latinus, Sulmonensis, sextus, Oppianus Cilix. Septimus, Olympius Nemeſianus, octauus, Seleucus Emisenus. Et hi quidem uersu. Soluta uerò oratione, Seleucus Tarsensis, Leonides Byzantius, Agathocles Athracius, Theophrastus Lesbius, & Damastratus historicus. Qui libris uiginti Halieutica scripsisse dicitur, & in ijs de diuinatione egit, quæ per aquam fit, quam Græci hydromantiam uocant. Demū & M. Antonius Cæsar & philosophus de piscibus nonnihil scripsit, cuius etiam quędam extant adhuc. Sunt &, qui hodie hanc rem meditantur, & antiquis recentia nomina cōferūt, ut Iouius, M. Asſarius, Gyllius, alij. Ex his, inquit Piso, facile colligimus, quàm harum rerum fueris aliquando curiosus. Sic est, ut ais, inquam, Piso, sed eruditam istam orationem, nō elegantem faciunt. Vnam malim ego, uel exiguam epistolam uel Bembi uel Sadoleti scripsisse, quàm uel totam huius diei diſtinctionē. Tetuarum, ut uideo, inquit Piso, opum pudet, pi-

getq̃. Nobis saltem uel hanc thesauri partē impertiri non nolis, quī te adeo amamus, & libenter audimus, reliquasq̃ tabulæ imagines explica. Sic, ut uultis, agam. Erat & Marcelli poëtæ imago, qui Sidites fuit. Est enim Sida, Pamphylia urbs haud ignobilis. Floruit uerò M. Antonij tēporibus, libros duos & quadraginta carmine hexametro composuit, in quibus cum de alijs tum multa de Lycano. Meminit & Marcelli Suidas, & D. Hieronymus, qui contra Iouinianū scribens, ita ait, Legat, qui uelit, Aristotelem & Theophrastum prosa, Marcellum Siditen & nostrum Flauium, hexametris uersibus differentes. Sed uiderint, qui Hieronymū corrigere studuerunt, an Fannium rectius legerint. Ex eodem de uiris illustribus, Ego uos tantū moneo in tātis tenebris, in quibus & Lyncei caligant, ne quid uos prætereat, quod succurrat. Verum de Rhemmio Fannio paulò post agemus. Post Marcellum erat Iulianus, Iuliano, philosopho Chaldæo, patre natus, qui eodem principe M. Antonio Pio, sacra respōsa per uersus edidit, & ut Græci dicūt, Theurgica, atq̃ alia eiusmodi sciētia arcana. Ferūt, cum Romani magna siti afficerent, nimioq̃ æstu terra hiulca scinderetur, Iulianū repente nubes obscuras congregasse, tonitrusq̃ ac fulgura sua sapientia & arte conuocasse, unde est largus terris hyber immisus. Hoc ta  
men

men miraculum, sunt, qui tradant Arnuphin Aegyptium philosophum effecisse. Post Iulianum Nestor sequebatur, Nestorem Pisan-  
 der filius, quorum pater Seuero principe clauit, filius uerò tum maximè, cum Alexāder Mammeæ Romanorū imperiū obtinuit. La-  
 randæi hi fuere. Est autem Laranda, Lycaonia ciuitas, Lycaoniæ, inquā, quæ Lyciæ & Isauriæ pars est. Qua causā factū est, ut à quibusdam modo Lycaoni, modo Lycij nominati sint. Nestor quidem Iliada conscripsit, opus, ut sic dicam, mōstrosū, deerant enim in eo literæ, &, ut Græci dicunt, ἀσολέωρον, quo modo & Tryphiodorus scripsit Odysseam. In primo enim utiq; Α non reperitur, & similiter per totam rhapsodiam, atq; ita deinceps. In unaquaq; reliquit hic idem Nestor, ut Menander Rhetor prodit, auium & plantarum naturā literis perscriptam. Varro quoque, nō ille antiquus Marcus, sed longè posterior, ut puto, apud Constantinū Cæsarem in xij de Re rustica ita fermè de hoc Nestore. Remediorū, inquit, species paulò antè, cum sapientissimi Nestoris Alexicepon, id est, auxiliarem hortum, elegiacis uersibus compositum, interpretarer, absolutius conscripsi. Cætera idem paulò idem subiungit, At uerò Nestor, ait, in Alexicepo suo brassicam, Lycurgi lachrymā esse dicit. Cum enim Bacchus eum reueritus, inquit, mare subiisset,

Nestor.

Pisander.

Lycurgus uerò uite iunctus lachrymā emi-  
 fisset, ex lachryma brassicam enatam esse di-  
 cit, & ob id contrarietatem inter se uitem &  
 brassicam habere. Et quidem hæc ille. Scri-  
 psit item Nestor Metamorphoseon librum,  
 citatur & eiusdem quoq; Alexandrias à Ste-  
 phano. At Pisander huius filius uariā histo-  
 riam carmine complexus est, libris sex dige-  
 stam, quam ἱερωνικὴ θεογαμία, hoc est, deorum  
 heroumque nuptias inscripsit. cōposuit & alia  
 soluta oratione. Porro hac tabulæ parte erat  
 Soterichus, Soterichi poëtæ effigies, quem Oasitem pa-  
 tria fuisse scribit Stephanus. Est autem Oasis  
 urbs Libyæ, quæ & Hyasis dicta est. Vnde  
 Oasitæ ciues Plinio & Ptolemæo. Auasis quo-  
 que, Aegypti ciuitas, Oasis appellata est, ut  
 idem autor est Stephanus. Sedenim qui Sui-  
 dam exscripserunt, Soterichum Asitem, pro  
 Oasitem reposuerunt, sed hæc scriptoris, nō  
 autoris inscitia. Floruit uerò Soterichus Dio-  
 cletiani Cæsaris tempore, cuius etiam laudes  
 perscripsisse dicitur, & præter eas Dionysia-  
 ca cōposuit, quæ & Bassarica, libris quatuor.  
 Item scripsit Panthiam Babyloniam, & A-  
 riadnem, & Apolloniæ Tyanei uitam, Pytho-  
 na, & Alexandriaca, quo libro Thebarum di-  
 reptionem, ab Alexandro factam, cōplexus  
 est, aliæque nonnulla. Sed quoniam de Alexan-  
 dro meminimus, succurrit & poëta Clemēs,  
 Apuleiæ familiaris, qui omnē ipsius Alexan-  
 dri hi-

Soterichus,

Clemens,



dri historiam pulcherrimo carmine illustrauit, id quod Apuleius pluribus in Floridis attestatus est. Fuerunt & alij plures Soterichi, inter quos ille, si coniectari licet, faber & artifex, cuius opera rudia & incondita fuerunt, ut fermè illius opera in prouerbium transierint, ut Soterichi lecti, quorum è Seneca Gellius libro & ipse secundo meminit, his uerbis. Quidam sunt, inquit, tam magni sensus, Q. Ennij, ut licet scripti sint inter hircosos, possunt tamè inter unguentatos placere. Et cum reprehendisset uersus de Cethego, Qui huiusmodi, inquit, uersus amant, liceat & sibi & eosdè admirari & Soterichi lectos. Dignus sanè Seneca uideat lectiōe ac studio adolescentiū, qui honorem coloremq; ueteris orationis, Soterichi lectis cōpararit, quasi minimæ scilicet gratiæ, & relictis iam contemptisq;. Et hæc tum Senecæ tum Gellij uerba. Fuit hinc etiam, ut puto, Lembus Soterichus, fragilis scilicet & rimosus, ut ex Antipatri Thessali epigrammate collegimus, in nostro de nauigijs. Celebratur à Sexto Emperico alter Soterichus antiquior, qui silurorum nidore, χαλκῷ, id est, bile agitabatur. Celebrat item alius à Plutarcho, quem & loqui nonnunquam in suis dialogis introduxit. Fuit et inter poëtarum imagines Quinti Calabri, Græci poëtæ imago, qui libros quatuordecim scripsit eorum, quæ in libello Troiano ab

*Quintus  
Calaber.*

Homero relicta sunt, quæ τὸ ἑμὲρ παραλαβόμε  
 ra inscribunt, quæ & his nostris diebus legū-  
 tur. Cœpit autē Quintus ab Hectore tracto,  
 ut Macer apud Latinos. Huius Quinti uel  
 Cointi, sic enim Græci, ab Isaacio grammati-  
 co mentio fit, in expositione Lycophronis.

**Idæus.** Fuit & Idæi Rhodij imago, qui patrē Lissum  
 habuit, poëta ipse egregius & ingeniosus,  
 uersum hic uersui componens, poësim dupli-  
 cavit Homericam. Alia item multa edidit, &  
 de patria præcipuè Rhodo, ad tria fermè car-

**Rhemmius** minū milia. Fuit & per hæc tempora Rhem-  
**Fannius.** mius Fannius grāmaticus, & poëta Latinus,  
 qui perperam, ut uideſ, Fanius uel Fauinus  
 à nōnullis dictus, ab alijs Palæmon cognomi-  
 natus est, qui alter ab hoc, & eo etiā longè an-  
 tiquior, ut suprà meminimus. Hic quidē Ar-  
 nobij discipulus fuit, ut scribit Hieronymus,  
 & Cōstantini Augusti primi tēpore, de medi-  
 cinalibus librū, eleganti carmine, ad Lactan-  
 tiam Firmianū misit. Extant quædam huius  
 de ponderib. & mensuris carmina, quæ huic  
 ipsi Fannio à doctis plerisq; meritò ascribun-  
 tur, tametsi quidā ineptē Prisciano. Nec de-  
 sunt, qui huic eidem Dionysij Punici de or-  
 bis situ Latinam interpretationē, quæ uulgò  
 Prisciani Cæsariensis nomine circumfertur,  
 attribuant. Sed ignoscant mihi Prisciani ma-  
 nes, si cum nō poëtam ego fuisse credo. Hac  
**Porphyrus.** eadem Constantini ætate Porphyrus, poëta  
 qui-

dam Latinus fuisse perhibet, qui uarijs de rebus poemata scripsit, inter quæ librum Constantino ipsi Cæsari dedit, quo munere, ipsum relegatum ab exilio reuocauit, ut est ab Hieronymo & Beda in Chronicis obseruatū. Meminit huius & Fulgentius, qui eius epigrammata citat, ex quibus hic est uersiculus,

*Nudus, egens ueneris naufragus in tabula.*

Citat item Rhabanus in mirabilium carminum prologo, eum enim ait, punctis quibusdam uersus notare solitum, & propterea illius se exemplo uersus facturum pollicetur. Sed de Rhabano inter Christianos agemus. Porphyrium quoque illum Tyrium, inter philosophos tanti nominis, qui ea tantū ratione damnandus maximè, quod acerrimè contra Christianorū pietatem & scripsit, & se hostem præbuit, & poetam fuisse & carmina scripsisse didicimus. Nam cum de connubio sacro, diuino quodam numine afflatus, poema composuisset, in quo de arcanis quibusdam mysticisq; rebus tractauerat, & illud Plotinus Diuinus philosophus audiuiisset, ad Porphyrium conuersus, Ostendisti, inquit, te Porphyri, simul & poetam summum esse & Philosophum, & sacerdotem. Sed multa, quæ Porphyrius scripsit, Græci prodiderunt, quæ nostri non sunt instituti. Et eius uitam Eunapius Phryx historicus est executus, & ipse de se non parum multa,

dum Plotini uitā describit. Non multò pòst, hoc est, eodem fermè tempore, hoc est, Iulia-  
*Milesius.* no imperāte, Milesius ex Ionica Smyrna cla-  
 ruit, ab eodem Eunapio celebratus. Hūc Mi-  
 lesiū in primis Anatolius, uir illustris & præ-  
 potens admirabatur, eumq; Musam uocare  
 consuevit. Fuit enim Milesius, uir suapte na-  
 tura optimus, & ei uitæ deditus, quæ hono-  
 res paruipēdit, nec utiq; ambitiosa est, & stu-  
 dijs tantum uacat, & sacris. Nuptias hic etiā  
 est aspernatus, complexus uerò est poësim &  
 carmina, omne genus, & quæ poëseos Chari-  
 tes uocantur. Huius meminit nec semel Eu-  
 napius, à quo & Ionicus Sardenfis medicus  
 describitur, sed & poëta non incelebris. Fuit  
*Arrianus.* & Arrianus poëta Græcus, quē legimus me-  
 taphrasin, hoc est, interpretationem tralatio-  
 nem ue ex Vergilij Georgica fecisse, item de  
 Alexandro Macedone XXXIII Rhapsodias  
 scripsisse, quod opus Alexandriada uocauit,  
 item alia nonnulla ad Attalum, regem Per-  
 gamenum. De altero uerò Arriano alibi. De  
 Epiceteri autē sectatore, & de historico haud  
 nobis loquendum, tamen si historicū istum,  
 qui Alexandri historiam reliquit, nonnulli  
 eundem fuisse uolunt, quod carmine scilicet  
 & soluto sermone Alexandrū scripserit. Quo-  
 modo & Vergilium quidam tradidere Aenci-  
 da soluta oratione scripsisse, & carmine. Fuit  
*Eudæmon.* & Eudæmon inter poëtas connumeratus;  
 qui

qui & si orationes non inelegantes scripsit, artemq; grāmaticam, nec non rectè scribendi rationem, poëmata tamen etiā multa composuit, quæ longo tempore in precio fuere. Floruit eo, quo sophista Libanius, tempore, patria illi fuit Pelusiū in Aegypto. Ab his nō longè aberant Latinorū duorum imagines, Petronij scilicet, & Tiberiani. Quorum Petronius, Arbiter dictus est, & Mafsiliensis à plerisq; existimatus, hic Satyricū opus uariū, & ut sic dicam, miscellum composuit. Cuius licet fragmenta ad nos tantum peruenerint, eademq; parum castigata, multæ tamen eruditionis hominem fuisse facile cognoscimus, nam in taxandis moribus cum acrem, tum festiuium maximè, & iocis seria miscentem uidemus. Quo tempore uixerit, quòd uenit institutum uitæ sectatus fuerit, haud sanè compertum, in declamationibus tamen uersatum, ex ijs, quæ extant, elicimus. In Quintiliani quidem enarrationibus, literatores quidam eum ante Quintilianum floruisse suspicantur. Sed Placidus Lactantius illum uult Statio posteriorem, ut à quo uersus sumpserit, & suis inseruerit, ut illum,

*Primus in orbe deos fecit timor.*

Petronij certè uersus in testimoniū à grāmaticis ueteribus afferunt, Terentiano, Seruio, Fulgentio, alijs. Non parū, mea quidē sententia, hi à ueritate absunt, qui hunc ipsum Pe-

*Petronius.*

*Tiberianus.*

tronium eum esse non modò putarunt, sed literarũ etiã monumētis mandarũt, qui Bononiensium sanctissimus fuerit Antistes, cuius præclara pietatis monumenta in re Christiana nostris in annalib. tradunt. Tali sunt ignorantia, ut sic dicam, sipario, recentes nostri scriptores obtekti, ut pro sanctissimo & integerrimo, impium & nefarium deorũ cultorẽ aliquando nominent. Tunc in me nõ nihil incandescentem intuens Piso, Quid est, inquit, quod Christianos recentes ais scriptores decipi, & sæpius allucinari. Sic est per Deũ, inquam, Piso, sed hic nõ est locus, nec tempus ista dicendi. Nam si quæ ego eius, qua sum, mediocritatis homo, perperam ab eis relata & prodita obseruauì, commemorare uelim, longior sim, ex quo enim ad quæstionũ inuolucra, & locos inexplicabiles animũ flexerũt, in tam obscuras rerũ omniũ tenebras, sponte & uolentes ipsi irruisse uidentur, ut omne penè lumẽ interdum amiserint. Nam ut mitam exiccatum & inuolutum dicendi genus, tum eorũ mira est inconcinnitas, nullus eis orationis illuminatæ uestitus, omnis est cæcata & obscura cognitio. Si qui tamen eorũ hanc partem, ut sunt impudentes aliqui, attentare uoluerunt, bone Deus, quales nebulones, circumforaneos ue Aretalogos uos audire puteris? At ne, quod me nõ facturum dicebã, facere uidear, eò, unde digressus est, sermo

sermo reuertat. Nobis uero, inquit Piso, per iucūda erat ista à proposita oratione digressio, uiden, ut mecū Picus attentè audit. Aliàs, inquā, hac de re plura, nūc institutū ordinē se quamur. Nō aliū, q̃ Petroniū Arbitrū significari putarim illis Apollinarishē decasyllabis,

— *Et Massiliensium per hortos*

*Sacri stipitis Arbiter colonum,*

*Hellepontiaco parem Priapo.*

Scriptis etenim Petronius lasciue admodum & impudicè, ut ex ipsis fragmentis facile cognoscimus. Sed & de Massiliensib. eum scripsisse, testis est Seruius Maurus. Quin & eum Macrobius ait, fictis casibus, amatorū argumenta, fabulasq; scriptitasse. Tiberianū uerò poētā per tempora Constantini floruisse, testis est Hieronymus in Chronicis. Scribit Seruius hunc epistolā induxisse, uento allatā ab Antipodibus, quæ talē haberet inscriptionē, Superi inferis salutē. Qua, inquit, occasione tractat reciproū, quod de Antipodibus fertur. Citatur hoc ipsius inter cætera carmen,

*Aurum, quo precio reserantur limina Ditis.*

Fulgētius quoq; cum in Mythologico tum alibi, eiusdē uersus affert. Prometheū hic scripsisse dicitur, quo libro deos ait sua singula homini tribuisse. Hactenus quidē de Petronio & Tiberiano. A quibus nō longè aberat Quinti Sereni imago, qui poēta de medicinæ facultate, & morborum remedijs carmen

*Quintus*

*Srenus.*

*Serenus Sam-  
monicus.*

quod in manibus habet, scripsit, humili qui-  
dem dicendi filo conscriptū, ut materia exi-  
gebat, non tamen abijciendum. Quædam li-  
cet in eo offenderis, quæ syncerius castiusq̃  
exprimi potuissent, quorum aliqua exempla  
rium depravationi, nō autori sunt ascriben-  
da. Quidam hunc eundem esse cum Sereno  
Sammonico existimant, cuius apud Spartia-  
num est mentio, qui eum scribit in cœna à  
Carucalla occisum. Huius & Lampridius in  
Alexandro Mammeæ meminit, ipsum enim  
ait nonnunquam orationes & poëtas legis-  
se, in quæ Serenum Sammonicū, quem ipse  
& nouerat, & dilexerat. Eiusdem etiam li-  
bros familiarissimos habuisse Antoniū Ge-  
ram legimus. Quin & Gordiani duo, pater  
& filius ipsum eundem Sammonicum sum-  
mo amore ac beneuolentia prosecuti, eiusq̃  
libros. Legitote Iulium Capitolinum. Sed &  
Macrobius in Saturnalib. lib. iij. Sammonia-  
ci meminit, eiusq̃ libros citat. At an idem sit  
Q. Serenus & Sāmonicus Serenus, ut id sen-  
tiētes falli decipiēq̃ existimo, ita nihil habeo,  
quo id ipse comprobem, præter antiquorum  
codicū inscriptiones. Fuit uerò hoc ipso Se-  
reno alter, ut puto, antiquior, A. Serenus, qui  
uaria ac diuersa carmina perscripsit, cuius  
est admodum frequens à Scriptoribus facta  
mentio, Terentiano, Diomede, Marcello,  
Hieronymo. Sed & Fortunatianus, & Mar-  
tianus

*A. Serenus.*



tianus Capella Sereni hoc carmen esse affirmant, ex continuatis breuibus syllabis,

*Perit axipedis animula leporis.*

Lyricum uerò poëtam hunc ipsum fuisse manifestè ostendit Seruius, in Vergiliana Aeneide, ait enim Serenū ipsum adinstar, pro instar usurpasse. Tum duæ simul erant imagines, Calphurnij scilicet & Nemefiani, quorum prior, Iulius Titus Calphurnius dictus est, & in insula Siciliae natus, unde illi cognomen Siculus. Bucolica hic scripsit, quæ extat, & à multis leguntur, probanturq;. Ego certè in eo facilitatem, & sermonis uolubilitatē, sed parum interdum nerui & concinnitatis offendi. Fuit quidem, cum ego eas omneis septem æglogas auidissimè legerem, nam & me puero, magni quidam professores, ut tūc erant tempora, eas etiam publicè prælegebant. Floruit, si coniecturæ meæ standum putatis, Charo principe, & filiis Charino & Numeriano Cæsaribus. Ad quam coniecturam ea ratione inducor, quod is Nemefianus, ad quem æglogas misit Calphurnius, is fuit, quī cū Imperator Numerianus in poëtica facultate certasse historici obseruat. Treuelliū quoque Pollio, in Bonosi uita, Calphurnij epistolam recitat, quæ de Charī Cæsaris morte conscripta est, quam ad præfectum Urbis ille dederat, quo fit, ut hi tota uia aberrent, qui Augusti Cæsaris ætate eum.

*Iulius Titus Calphurnius Siculus.*

*Aurelius Olympius Nemefianus.*

uixisse opinati sunt. Quo minus errant, qui eum Diocletiano Cæsare floruisse uolūt, post enim Numerianū Dioclerianus regnauit, ut palàm ex annalibus colligimus. Inopem uerò se ipse suo carmine fuisse ostendit, ut planè cum eius æglogam quartam legetis, inuenietis. Fratrem se natu minorem habuisse inuit, sub Amyntæ persona. Cætera autem, quæ de Calphurnij uita quidam comminiscuntur, tam floccifacio, ut nec digna existimem, quæ uobis recitem. Calphurnium tamen & alium comicum poëtam fuisse legimus, ex fabula, quæ Phronesis inscripta fuit. Hoc Fulgentius citat carmen,

*Vbi tu Nasiternatus aquam petas.*

Quo loco docet ad Chalcidiū, Nasiternam uasis genus esse. Alter uerò, quem diximus, Aurelius fuit Olympius Nemesianus, cui, quē modò diximus, Calphurnius suas misit æglogas. Tantę autē hic Nemesianus fuit autoritatis, ut cum eo Numerianus Imperator, doctissimus in poëtica facultate, certauerit, id quod uobis planius, cum Imperatorū imagines recensebo, ostendam. Fuit uerò ex Africa Carthaginensis Nemesianus, qui præter æglogas, quę passim legunt cum Calphurnianis, & Cynegetica & Halieutica, & Nautica scripsit, ut Vopiscus literarū monumentis mandauit. Hic omnibus etiā poëticis coronis illustratus emicuit. Attulit annis superiorib.

ex Gallijs, Actius Sanazarus huius Nemefiani Cynegeticorum fragmenta quædam, quæ ille mihi, cum Neapoli essem, ostendit, in quibus fragmentis his uersibus Nemefianus de Charino & Numeriano fratribus, Charri Imperatoris filijs, nō inuenustè meminit.

*Mox uestros meliore lyra memorare triumphos*

*Accingar, diui fortissima pignora Chari.*

*Atq; canam nostrum, geminis sub finibus orbis,*

*Littus, & edomitas fraterno numine gentes,*

*Quæ Rhenum Tigrinq; bibunt, Ararisq; remotum*

*Principium, Niliq; bibunt ab origine fontem.*

*Nec taceam, primum, quæ nupcr bella sub Arcto,*

*Felici, Charine, manu confeceris, ipso*

*Penè prior genitore Deo, utq; intima frater*

*Persidos, & ueteres Babylonis ceperit arces,*

*Vltus Romulci uiolata cacumina regni.*

*Imbellemq; fugam referam, clausasq; pharetras*

*Parthorum, laxosq; arcus, & spicula nulla,*

Et cætera, non illepida. Post hos erat Rufus Festus Auienus, qui & in antiquis codicibus Abidnus dicitur, & in Seruij etiam commentarijs. Hic ab aliquibus Hispanus est existimatus, ego certè nihil habeo, quo uobis id affirmare possim. Hic Dionysij Punici de situ orbis uersus ex Græcis Latinos fecit, item Aratea Phænomena, quod utrumque opus extat carmine hexametro expressum. Et præter hæc de oris maritimis librum edidit, carmine trimetro iambico,

*Rufus Festus*

*Abienus.*

*Abidnus.*

ad Probum, uirum cōsularem, ad quem etiā Cl. Claudianus scripsit. Quo argumento du-  
cor, ut Auienū Claudiani, hoc est, Theodosij  
Imp. & filiorū temporibus floruisse credam,  
id quod & faciliē Hieronymi uerbis astrue-  
re possumus, qui quodam suarum epistola-  
rum loco, nuper illum scripsisse dicit, aliq̃ Dio-  
cletiani Cæsaris, non satis firmo, ut mihi qui-  
dem uidetur, argumento, aliq̃ utrunq̃ incon-  
fessum, parū uē compertum esse uolunt. Ser-  
uius grāmaticus Auienū ait Vergilianas fa-  
bulas, & Liuiū iambicis uersibus descripsisse.  
Sunt, qui hunc ipsum Auienū esse putēt, quē  
Aurelius Macrobius in Saturnalib. cœnis lo-  
quentem induxit. Vt cūq̃, tolerabilis est pœ-  
ta, & dignus, saltem ob rerum cognitionē, ut  
aliquando legatur. Sed ne quid à me deside-  
reris, extat & libellus ad Theodosium Impe-  
ratorē huius, ut putatur, Auieni, nisi nos fal-  
lat inscriptio, in quo plerosque Aesopi apo-  
logos elego carmine complexus est, qui an  
legitimus sit, non multum esse precium ope-  
re, ut disquiramus, existimo. Cuius, quisquis  
ille fuit, hæc uerba sunt ex præfatione, Hu-  
ius, inquit, materiæ ducem nobis esse Aeso-  
pum noueris, qui responso Delphici Apolli-  
nis monitus, ridicula orsus est, ut legenda fir-  
maret. Verum has pro exemplo fabulas &  
Socrates diuinis operibus indidit, & pœma-  
ti suo Flaccus optauit, quod in se, sub ioco-  
rum

rum cōmuniū specie, uitæ argumenta contineant, quas Græcis iambis Babrius repetens, in duo uolumina coartauit, Phædrus etiam partem aliquā quinq; in libellos resoluit. De his ergo, usque ad xlii in unum redactas fabulas edidi, quas rudi Latinitate compositas elegis sum explicare conatus. Hæc ille totidē uerbis, & simul de Auieno satis. Post quē sequebat̃ Cl. Claudiani imago, qui & ipse Theodosij, & filiorum Arcadij & Honorij temporibus floruit. Patria ei fuit Alexandria Aegyptia, id quod & Suidæ & aliorū testimonio facildē cognoscimus, idem & suis ipse carminibus comprobatur, ut cum cecinit,

Cl. Claudianus

— *Et nostro cognite Nilo.* Quidam tamen insulse eum Hispanū, aliij Florentinū existimauere. Fran. Petrarcha, & Landinus, nulla, ut reor, autoritate nixi, ut in eiusmodi re opus erat, Florentinū Claudianū arbitrant̃, fuisse patre natū mercatore, qui ob Italię bella, quę tum forte erant, in Aegyptum secessit, quo in loco ducta uxore, Claudianū filium genuit. Quibus & Politianus amore, ut puto, regionis, his uersibus assentitur,

*Aut Pelusiaci missum de plebe Canobi,*

*Pulchra suum quem nunc Florentia iactat alumnum,*

*Gaudentem Stygio dominam iunxisse marito.*

Idem & Florentinorum olim Scriba, P. Colutius,

*Aegyptio genitum noua me Florentia ciuem*

N n 5

*Legibus agnouit, magnis iam digna poetis,  
 Infernos raptus Cereris, pugnasq; deorum,  
 Cæsareas laudes, nec non Stiliconis honores,  
 Et reliqua. Et ex Aegypto illum scribit his  
 uersiculis Sidonius Apollinaris,  
 Non Pelusiaco satus Canopo,  
 Qui ferrugineos toros mariti,  
 Et Musa canit inferos superna.*

Florentino, uiro clarissimo & insigni, in literarum omne genus gratissimus fuit. Cuius quidē Florentini apud Græcos quædā in Rustica legunt, quæ ab Herone & Constantino afferunt, eius & inter legū scriptores nō rara mētio. Ad hunc eundē Florentinū & Claudiani extat elegia, cuius est hoc principium,

*Ocia sopitis ageret cum cantibus Orpheus,  
 Neglectumq; diu deposuisset opus.* Nō multis ab hinc annis, Romæ, in ruinis uetustū mar mor repertū fuit, qd statuæ Claudiani suppositum fuisse, Pōponius Lærus, aliq; uiri antiquitatis periti credidere, cum huiusmodi inscriptioni, CL. CLAUDIANO V.C. Cl. Claudiano V.C. Tribuno & Notario. Inter cæteras ingentis artes, prægloriosissimo poetarū licet ad memoriā sempiternā carmina ab eodem scripta sufficiant, attamē testimoniij gratia, ob iudicij sui fidem, DD. NN. Archadius & Honorius, felicissimi ac doctissimi Imperatores, senatu petente, statuam in foro Diui Traiani erigi collocariq; iusserunt.

*ἐν τῇ βεργιλίῳ νόον καὶ μῦθον ὁμῶς,  
κλαυδιανὸν ῥώμην καὶ βασιλεῖς ἔθετον.*

Cognoscite, quanto in precio fuerit Claudia-  
nus, cum in eo uno & Vergilij mentē & Ho-  
meri Musam fuisse testentur doctissimi Im-  
peratores. Huius quidem statuæ & epigram-  
matis meminit ipse idem Claudianus, in qua  
dam præfatione, cum inquit,

*Sed prior effigiem tribuit successus athenam,*

*Οὐδ' ἄν πατριεὺς nostra dicauit honos.*

*Annuit his princeps, titulum poscente senatu,*

Et reliqua. Christophorus Landinus Clau-  
dianum Christianæ pietati addictū affirmat  
fuisse, illum enim scribit, primo quidem tem-  
pore dijs gentium initiatū, uerum mox mu-  
tata in melius sententia, Christianū factum.  
Ob illud uidelicet, ut reor, ipsius epigramma  
ad Christum Deum,

*Christe potens rerum, redeuntis conditor æui,*

*Vox summi sensusq; Dei, quem fudit ab alta*

*Mente pater, &c.*

Idem & alij nonnulli  
asserunt, qui & alia Claudiani poemata ad  
Christum asserunt, ut illud,

*Proles uera Dei, cunctisq; antiquior annis,*

*Nunc genitus, qui semper eras.*

Et item alia,  
quæ paulò antè sunt in Germania publicata.  
Sedenim qui eadem fermè Claudiani ætate  
claruerunt, Aurel. Augustinus & P. Orosius  
id ex toto falsum esse docent. Ab illo enim in  
v. de ciui, Dei, Claudianus à Christi nomine

alienus dicitur, ab hoc in historijs paganus, ut eius uerbis utar, & quidem peruicacissimus, cum quibus & hac in re Paulus Diaconus cōuenit. Quibus usq; adeò maior est fides habenda, q̃ Landino, & nostræ tempestatis ceteris, ut illa etiam ego carmina uel alterius Claudiani putem, uel potius in Christianissimi Imperatoris gratiam cōposita. Nam & Trebonianus, si Suidæ stamus, à Christi religioe alienus, ex Iustiniani Imperatoris sententia in Pādectis, de Christo & Trinitate admiranda scripsit. Cōposuit uerò multa Claudianus, quæ in manib. habent, inter quæ & nōnulla Græca, ut Gigantomachiam, ex qua & Græcos uersus legimus, ut hi sunt, quos Arsenius in suis apophthegmatis adducit, qđ argumentum & Latine tractauit, uel potius inchoauit. Extat & Claudiani Græcorū epigrammatum uolumen, de Crystallo uersus, qua dere eiusdem & Latini leguntur. Extat item poëma de Aetna monte, quod an ipsius legitimum sit, nec probare nec refellere auisim, ex antiquissimo certè & castigato codice, qui Francisci Petrarchæ fuisse creditur, illud ego ipse exscripsi. Hæc cum dixissem, ratus de Claudiano haud me plura dicturum, sic Piso ait, Istius ego poëtæ à primis usque annis studiosus fui, eius enim mihi carmen non sonorum modò & elegans, sed & floridum semper uisum est. Idem dicere uelle uidebatur



debatur puer Picus, cum ego, Nec equidem puer ego unquam Claudiani uersus cōtempfi, sed cum minimè numeros & liniamenta uariet, idemq; sit ubiq; ab aliquibus eo nomine in ordinem redigitur. At si cui fortè illius numeri satis placent, placeant, eius certè flacciscit inuentio. Nam cum primo animi impetu, ut uidemus, pulchrè materiā apparet, & animosius feratur, mox tanq̃ uentus hominem deficit, nec principijs satis postrema respōdent. Omnino tamen, ut Piso dicebas, est poëta canorus, uolubilis & ualde dulcis, sed certè parum idoneus, dignusq; ut tanto opere illum imitari studeatis. Sunt quidem in eo, si cum delectu decerpant, flores, qui mirū dictū est, q̃ uobis prodesse possint. Sed de his satis, ne uiribus maiora tractemus. Fuit & alter Claudianus Mamercus Viennensis, ex Gallia, quē miris laudibus effert Sidonius Apollinaris, eum enim excelluisse ait cum in omni poëtica, rū etiā in philosophia & theologia. De quo haud mihi in præsentia sunt uobis plura dicenda, cum, si Sidonij epistolarum librū quartū legeritis, tertiam inuenietis totam in laudes ipsius Claudiani esse cōpositam, undecimam uerò in eius iam defuncti cōmendationē, eiusq; epitaphium. Eiusdem præterea Gennadius in libro illustrium uirorum meminit. Legi ego huius Claudiani librum de statu animæ, in quo multa bo-

*Claudianus  
Mamercus.*

næ frugis documenta, ac doctrinæ reconditæ reperi. Sunt & qui ea, quæ de Christo carmina leguntur, non prioris Claudiani, sed huius posterioris esse affirmant, ea in primis ratione persuasi, quod & uarius sit stilus, & quod ille, ut diximus, à Christiana pietate fuerit alienus, doctiorum tamen esto hæc censura. Et hucusque de utroque Claudiano. Post quos

*Pamprepius.* Pamprepius erat, poeta Græcus, ex Aegypto, Panopolitanus, alij ex Thebis Aegyptijs oriundum autumant. Zenone Cæsare imperante floruit, apud quem etiã autoritate ualuisse legimus. Suo pre uerò naturæ instituto aptus fuit ad omne doctrinæ genus, unde cum ex Aegypto Athenas migrasset, ibi cõmuni omniũ cõsensu publicus iuuentutis magister cõstitutus est. Hic quidẽ à Proclo, tum summo philosopho, philosophiã, reliquasque bonas artes edidicit, uerũ cum inimicitias cum Theagene quodã, tũ tẽporis optimate Athenis, immodicè exerceret, inde, hominẽ exosus, Byzantiũ profectus est, ubi Cæsaris amicitia facile adeptus, plurima uersibus perscripsit, in quibus summa apud Græcos fuit cõmendatione celebratus. Sed præter uersus, & Isaurica soluta oratione, aliaque nõnnulla literarũ monumẽtis mãdauit, ut est à Græcis scriptoribus proditũ, à quibus Pamprepiĩ ipsius uita copiose describitur. Fuit & hac tabulæ parte Christodori poetæ imago, qui Panisci filius,

*Christodorus.*

lius, ex Copto, Aegyptia ciuitate duxit originem, tamen si Planudes in Græcorū epigrammatū scholijs Thebanū putauit, sed alter, mea quidem sententia, Thebanus fuit, qui inter Christianos poëtas est relatus, perperāq; Coptitū pro Coptitio idē Planudes uocat. Videtur autē Coptitius à Copto ciuitate uocari. Anastasij uerò Cæsaris tēpore & uixit, & plurima scripsit, inter quę Isaurica libris sex, quibus eius halosin, hoc est, si Latine licet dicere, captiuitatē, carmine heroico cōplexus est, quæ ab ipso Anastasio facta fuerat. Scripsit item urbis Cōstantinopolitanæ instituta, & cętera, libris xij, & Thessalonicā, libris xxv. et Naclen, quæ prope Heliopolin, Aegypti est ciuitas, in qua ea fuerūt, quæ nunc Aphaca, nunc Alphaca Suidas appellat. Scripsit & patriā Miletū Ioniæ, & patriā Tralliū, & Aphrodisiades, adhæc & *ἱστορίαι*, hoc est, narrationem seu explicationē statuarū, quæ in gymnasio publico, qđ Zeusippi dicit, & aurigarū epigrammata, quæ Byzantiij in Hippodromo posita fuerāt. Quę omnia ferē in quinto Græcorū epigrammatū uolumine adhuc collecta legunt, quidam existimāt ea esse, quæ Priscianus grāmaticus Cæsariensis à se lecta ait, in xerolopho Byzātij. Est uerò Zerolophon, ut quidā putant, colūna, in qua sint Cochlides Dianæ dicatę, alij tumulū exponūt, ex cōgestis lapidib, factū, addūt alij aridū & ficcū, ob

uidelicet nominis interpretationem . Sunt, qui locum dicant à Seuero cōditum quidem antea, ubi sacra multa fecerit, inibiq; oracula reddita, & uirgo aliquando sacrificata. Suidas his plura, sed implicitè. Prisciani, quæ citauimus, uerba hæc sunt, quæ tum in primo de octo partibus orationis, tum libro sexto leguntur. Ostendunt, inquit, epigrammata uetustissima, quæ & literis uetustissimis scripta, in multis tripodibus legi, & maximè in tripode Apollinis, qui est Constantinopoli, in loco quem Xerolophon uocant. Socrates in historia, quæ ab Epiphanio traducta est, libro xi Tripartitæ, Faciebat, inquit, collectas contra Sisinnium, suum episcopum, in loco ciuitatis, qui *ξερόλοφος* appellatur, in Arcadij foro. Iustinianus quoq; Imperator, libro Institutionum quarto, titulo de publicis iudicijs, Quod nos, inquit, telum appellamus, illi *τύλον* appellāt, admonent, ait, nos epigrammata in xerolopho scripta, & si in uulgatis exemplaribus aliter legitur. Andreas Alcīatus, nostræ ætatis Iurisconsultorū eruditissimus, hoc loco legendū existimat, Quod nos telum appellamus, illi *βέλ* appellant. Quod rectè procedit, sed loco xerolophi Xenophō substituit, quod in titulo De uerborum significationib. Caius ita legat, unde Imperator seu uerius Tribonianus ea uerba in Institutionibus desumpsit, At quid hoc loco facit illa di-

la dictio, epigrammata: an est ociose posita: quod ipse minimè reor. Porro ne quid uos la teat, quis nihil hoc ad rem, uerbum est apud Græcos, cum sine lauacro unguntur, *ἐκράλοι- φῆν*, quo Aeschines usus est, Didymus & Nicander exponunt, aliq̃. Hæc ego uobiscum de xerolopho, nunc ad Christodorū redeo, qui & alia, præter ea quæ suprà dicta sunt, non parum multa scripsit, quorum & quædam extant, nisi mentitur inscriptio. Fuit & alter huius nominis poëta Thebanus, à nobis inter Christianos referendus. Erat & hac parte tabulæ Coluthus Lycopolites, ex ea & ipse Aegypti regione quæ Thebæa dicta est. Epicus uerò poëta fuit, & eadem fermè ætate claruit qua Christodorus. Scripsit autē Calydoniaca, quæ dicta sunt, libris sex, & Persica, & laudationes: item opusculum quod superioribus annis apud Hydruntem à Bessarione Nicæo antistite repertum audiuius in quadam peruetusta D. Nicolai æde, cum antea ad ea usq̃ tēpora delituisset, illiusq̃ nulla habereſ notitia. Eo uerò libro Coluthus agit de Helenæ raptu, Peleiq̃ & Thetidis nuptiis, fabulam exorsus à Paridis iudicio. Post hunc fuit Callistus, qui, ut Socrates in historiis scriptum reliquit, sub Iuliano Cæsare meruit, interq̃ eius familiares fuit, & ipsius Iuliani historias heroicis uersib. est executus. Fuit et Theodosius Tripolites, ut puto, ex Afri

Coluthus.

Callistus.

Theodosius.

*Marianus.*

*Martianus Felix Capella.*

ca, qui carmen composuit quod Ver inscripsit, item alia pleraque. Hos sequebatur Marianus Syrus, qui Romanus cognomine dictus est. Metaphrases plurimas conscripsit senario iambico, Theocriti uidelicet, Apolloni, Callimachi, Arati, Nicandri, aliorum. Neque ab his procul aberat Martianus Felix Capella, qui etsi Carthaginensis fuit, latinè tamē multa scripsit, sed nouo quodam & affectato scribendi genere, quo plerique in terra Africa usi sunt, ut Apuleius, Tertullianus, & Fulgentius. Carmina hic multa composuit, suis & libris inseruit. Eius uerò Philologiæ & Mercurij nuptiæ non aliud mihi esse uidentur, quàm figmentum quoddam poeticum, quod cum soluta oratione, tum pedibus astrictum conscriptum sit. Parum ab alijs scriptoribus antiquis Martianus, quod sciam, celebratur, nisi in eo qui de disciplina ecclesiasticorum inscribitur, qui à quibusdam Seuerino Boetio attribuit. Putabam, inquit Piso, te hunc ipsum Martianum laudaturum esse, cum te eius tantopere studiosum aliquando nouerim, & idcirco ut eius imaginem recenses expectabam. Fateor equidem, inquam ego, quod ais Piso: sed nunc demum cognosco quantis in tenebris uersarer. Nam tamen multa uariaque in eo sit & exotica eruditio, nihilominus non est pueris ediscendus. Neque enim tenera ætas eruditioni, ut mea fert opinio, sed linguæ proprietati,

rati, & elegantiae studere debet, & naturam imitari, quae nos quidem prius uerba formare, dein cum annis sapientiam assequi docet. Nimis impudenter, ne fatuè dicam, hi faciunt doctores, qui prius huiusmodi autores pueris ediscendos proponunt, ut mox si lumen & elegantiae splendor eis affulgeat, ea dediscere cogantur quae tanto studio, tantisque uigilijs percepere: idque plerumque frustra tentatur. Difficillimè enim abusus macula eluit, quae mollioris sit ætatis tempore contracta: meque propterea adolescentiae meae pudet, pigetque. Mitte quæso, inquit Piso, ista queri, dabimus nos certè operam, ne nos frustra monuisse uidearis: nostra enim potius, quam tua causa, nunc nobis ista dixisti, quare iam reliquum exequere. Tunc ego: Martianus Capella, inquam, de quo agebamus, patrem habuit nomine Felicem, è Martis curia, unde fuit Martino filio cognomen inditum: dignitatem proconsularem gessit, id quod ultimo uoluminum suorum epigrammate Martianus ipse significat. Atque hæc quidem de illo satis, reliqua nostro illi amico & ciui referenda relinquamus, qui in eius Mercurij & Philologiae nuptias commentaria scribere conatus est. Fuit & alter Capella eo longè antiquior, elegorum carminum poeta, cuius Ouidius de Ponto hoc uersiculo meminit:

*Capella alter.*

*Clauderet imparibus uerba Capella modis.*

Hanc tabulæ extremam partem ultimi claudabant Fran. Petrarca & Ioan. Boccacius, ambo poëtæ, ambo Hetrusci, hic ex oppido Certaldo, propter Arni ripam in colle sito, ille ciuis Florentinus, Ancisæ tamē natus. Qui ambo, præter ea quæ multa soluta oratione uterq; cōposuit, nonnulla quoq; carmine latino scripsere, in quibus nō multò præstat alter alteri. In his licet, quod temporū tamen uitio adscribendum putarim, iudiciū minus sit & limæ, multū tamen poëtici spiritus habere uidentur. Præter eclogas & epistolas, Africam quoq; opus heroicū Petrarca conscripsit, quo in opere uanus de se uates fuisse uideri potest, neq; enim id laudis eo poëmate est assecutus, quod de se ipse uaticinatus fuerat. In eo tamen, quod temporum fuit inuidia, ut iam dixi, si quædam nimis oscitanter & frigide dicta mutentur, & redundans superfluensq; oratio cohibeat, atq; omnino aliqua arte limet, in aliquo poterit poëtarū numero haberi. At Deus bone, quæ illi lingua patria & uernacula uterq; scripsere, hic scilicet rhythmis, lyricas cantiones & epigrammata, ille soluto sermone, & cum primis facetas & iocosas decem dierū narrationes (sic enim illum græcè *Δεκαήμερον* librum inscripsit) qualis est utriusq; lepos, quæ gratia: nihil fieri potest, omniū bonorū iudicio, candidius, suauius, elegantius. Ex utriusq; certè scriptis illa  
ip̄sa



ipsa germana Hettruria redolere uidei. Hæc uos uerò maximè cupio, etiam moneo, feriatos pro talis & tesleris, pro omni alea, identidem ac sæpius legere: multum enim ingenio conferent, quandò ex ijs ferè non minus laudis & gloriæ, quàm ex Latinis, noster Bembus & Thebaldeus, aliq; permulti assequuti sunt. Sed iam satis. Hæc cum dixissem, Piso, Et quidem satis, ait: nam & iam solis ardor inclinatur, & nonnihil, ut uideo, tu fessus es dicendo: quare iam tempus est ut in oppidū reuertamur, propè enim hora est qua te cum principe esse oportet, Cæsaresq; & reges, ac Christianos poëtas in sequentem diem transferemus.

DIALOGI QVARTI DE LATI  
NIS POETIS FINIS.

Oo 3

LILII GREG. GYRALDI FER  
RARIENSIS DE HISTORIA POE  
tarum dialogus quintus, ad uirum doctiss. Ioan.  
Sinapium Germanum, philosophum & medicū  
illustrissimæ Reginæ ac Principis Fer  
rariæ, dominæ Renatæ.



Oeticam facultatem, diuinam quidem  
iure appellatā, unam inter alias præ  
stantissimā nobilissimāq; esse, mul  
tis iampridem argumentis est patefa  
ctum, eruditissime SINAPI: alia enim  
mores, alia uitæ instituta, alia huma  
na, alia diuina, una hæc omnia cōplectitur. Suos reliquæ  
cultores & professores, nō ex omni hominū genere habue  
runt, sed priuatos quosdam: at poëtica ex omnibus eminē  
tes ac præcipuos aliquos semper habuit, nobiles, ignobi  
les, mares, fæminas, Græcos, Latinos, barbaros, & om  
nis conditionis homines, id quod facillè ex nostris his ser  
monibus quiuīs cognoscere poterit. Nunc plerosq; ex regi  
bus & Cæsaribus ostendemus ita in hac facultate excel  
luisse, ut nō minorem sibi gloriam ex hac quàm ex re mili  
tari, ac orbis terrarū imperio & dominatu compararint.  
Ad hæc præterea uide quæso, quàm poëtica sit omni lau  
de dignissima. Nostri illi proceres, à quibus Christianum  
nomen propagatū est, hanc ipsam à primordio neglexisse  
& penè despectam habuisse uideri possunt, uno duntaxat  
Paulo excepto, qui ab ea uersus nōnullos, suppressis tamē  
poëtarū nominibus, aduocauit, quod nō parū multa à poë  
tis, de falsis gentiū deis cōficta uidebāt: idcoq; Christianæ  
pietati, quæ in Dei unius trini numinis religione & cultu  
cōsistit, minus aptam idoneāq; putabant. Verū ubi aliquo  
temporis

temporis processu in ea diuina mysteria, & manifestas de uero Deo sententias exquisitius nonnulli ex nostris explicatas animaduenterunt, non ab Hebræis modò, sed & gentiũ Theologis, qui primi poëtæ extiterunt, ad hanc poëtica ita animũ induxerunt, ut inter nostros ipsos Christianos nõ parum multi inuenti sint superiorũ temporum curriculis, & nostris his etiam diebus longè plures uideamus qui hanc facultatẽ ita excolant, ut antiquis penè gentiũ poëtis conferri possint. Quare cum eam tabularũ nostrarũ partem, quã Cæsares & reges nonnulli, simul & Christianorũ poëtæ patefuerunt, literarũ monumentis pro uirili mea mandauerim, eandem tuo nomini suauißime Sinapi dicare constitui, ut hoc saltem quantulocunq; munere apud omnes utcunq; testatũ facerem, me nec beneuolentiæ, qua me à Manardi nostri interitu penè incognitũ prosecutus es, inmemorem, nec beneficiorũ ingratum esse. Dialogum hunc igitur nostrũ attende, si tantulum moræ datur à grauioribus tuis studijs, in quibus apprimè flores, philosophiæ & medicæ facultatis. Quid enim hæc nostratia humanitatis studia dicam, in quibus in puerili tua sic ætate profecisti, ut adhuc adolescens, ea & græcè & latinè publicè apud uestrates sis professus. Sed tu, qui tuus est pudor ingemius, & tuis es dotibus ingenij amplissimè notus, nostro nõ indiges, nec appetis præcomio celebrari. Dialogũ, inquam, attende, in quo non eruditionem, minusq; elegantiam, sed historiam simplicem & fidelem cognosces. Vale, & quo me soles amore proseguere. Ferrariæ, Idibus Iunij, natali meo die, LXIII. anni cluinaſterici, millesimo uerò D. XLI, à Christi natiuitate.

# DE POETARVM

## HISTORIA DIALO=

### GVS QVINTVS.



VM tres ipsi postridie eius diei, quàm alijs diebus, serius conuenissemus, quòd ego Pico patri operā nauaram, primus puer Picus sic cœpit: Si uobis, inquit, utrisq; placet, locum hesternum mutemus, atq; hic prope labentem canalis riuum deambulemus. Ita sanè, inquā ego, si ita comiti uidetur: nam cum decurrentis aquæ lapsu, tum leni quoq; aura recreabimur: sex enim hic, aut ad summū septem confectis spatijs, omnē hanc, puto, partem absoluemus. Sic agas, inquit Pico, scenicosq; poëtas ac lyricos, reliquosq; ad sequentium dierum potius sermones differamus. Tunc ego, Rectè mones: nam tametsi Platonem uidemus & M. Tullium, diuinos illos quidem uiros, omnem utrunq; suam de legibus orationē perorasse uno æstiuo die, nō ea ego sum facultate ut id præstare possim, meq; cum ijs aliqua ex parte cōferre. Quare hanc tantum partem quæ de Cæsaribus & Christianis poëtis est, uno huius diei reliquo qd restat tempore, sermone conficiā. quod cum utrique placuisset, ita deambulando exorsus sum. Erat quidam, inquā, quasi deductus in tabula trames, in quo augustæ quadā & regiæ

giæ imagines erant, inter quas C. Iulij Cæsaris prima uidebat̃. Nam tametsi multi & reges & principes uiri in hac facultate enitere, quos sparsim his dialogis retulimus, nō tamen hi fuerant hac parte depicti. quin Plutarchus quoq; Artuasdem ait Armeniorū regem tragœdias, orationes & historias scripsisse, quæ ad ipsius Plutarchi tempora extabant: id quod & Appianus Alexandrinus in eo, qui Parthicus inscribitur, affirmat, sed Artabaxen identidem nominat, quod an liberiorum erratū sit, an duo, non unus, fuerint, uel duobus his nominibus rex unus uocaretur, non satis mihi liquet. Cornelius quoque Sylla, qui Felix dictus est, ut est ab historico Nicolao proditum, comœdias satyricas lingua latina cōposuit, idem scribit Athenæus. Mimis uerò & huiusmodi ridiculis poëmati bus usque adeo delectatus, ut eorum autoribus ex publico arua & opes multis sit elargitus. Idem & Plutarchus innuit in eius uita, qui & illum uersus cōposuisse ait, cum Athenas obsideret. Illud certè de eo proditum est, non indignum ut uobis referam hoc loco, eum scilicet cum malus quispiam poëta epigramma longiusculis uersibus suarum laudum obtulisset, statim iussisse prēmium dari, ea conditione, ne quid postea de se scriberet: quod argumentū est, illum calluisse poëticā. Nam quòd literas sciuerit, & præter uersus,

*Artuasdes.*

*Cornelius Sylla*

rerum à se gestarū historias scripserit, aliāq;  
 permulta, iam pridem est à grammaticis, cæ-  
 terisq; scriptoribus annotatum, declara-  
 tumque illud quod à Cæsare in Syllam di-  
 ctum ferunt, eum nescisse literas. Sed his mis-  
 sis, pergo de Cæsare, & reddo quæ cœpe-  
 ram. Erat uerò Cæsar ita in tabula pictus, ut  
 reuocatos à uertice capillos habere uideretur,  
 laurea superimposita. Fuisse autem poë-  
 tam Cæsarem facile nobis persuasum erit, si  
 quæ de eo à scriptoribus traduntur, atten-  
 derimus. Suetonius poëma ipsius celebrat;  
 quod erat Iter inscriptum, item & Oedipi  
 tragœdiam. Necnon Herculis laudes ab eo-  
 dem compositas tradit, quas nihilominus  
 publicari uetuit Augustus, ut quæ ab ado-  
 lescentulo essent composita. Scribit tamen  
 Tacitus Cæsarē & alia carmina cōposuisse,  
 quæ in bibliothecis reposita fuerunt. Plutar-  
 chus quoq; ipsum, cū captus esset à piratis,  
 ait orationes & carmina cōponere solitum,  
 quæ cum piratis legeret, & parum laudarēt,  
 eos uocabat homines sine sensu, ac barba-  
 ros, dignosq; cruce, quos & paulò pòst libe-  
 ratus cruci suffigi mandauit. Scribit Plinius  
 xix, natur. hist. olus syluestre esse trium folio-  
 rum, diui Iulij carminibus, præcipuè iocis mi-  
 litaribus celebratum: alternis quippe uersibus  
 exprobrauere lapsana se uixisse apud  
 Dyrrhachium, præmiorum parsimoniā ca-  
 uillan

uillantes. Verum lapsa nā ne hæc fuerit, quam ipse in cōmentarijs radicis genus ait quod chara appellatur, quodq; lacte admixtum, panis similitudinem & usum præstabat, non satis scio. meminit & Plutarchus & Suetonius. Exstant ad hunc diem apud Donatum grammaticum hi de Terentio uersus, ex quibus faciliè cognoscere potestis, quantum in ea facultate ualuerit:

*Tu quoq; tam summisso dimidiate Menander*

*Poneris, & merito puri sermonis amator.*

*Lenibus atq; utinam scriptis adiuncta foret uis*

*Comica, ut æquato uirtus polleret honore*

*Cum Græcis, neq; in hac despectus parte iaceres.*

*Maceror, hoc unum & doleo tibi deesse Terenti.*

Atque hæctenus quidem de Caij Cæsaris uersibus: nam de ipsius eloquentia, & dicendi facultate, cum ex ipsius commentarijs, tum Marci Tullij testimonio notius est, ut nihil clarius. C. quoq; Iulium Cæsarem, Lucij filium, oratorem illum præstantissimū, quem Marcus Cicero in secundo de Oratore, de ridiculis differentem inducit, poëtam fuisse legimus, cuius rei cum alij sint testes, tum locupletissimi sunt Cicero in Bruto, qui tragædiarū ipsius lenitatem cōmemorat, & nostra ætate Hermolaus Barbarus. Fuit uerò hic Cæsar, Q. Catuli ex Pōpilia matre frater, qui ciuili bello inter Syllam & Mariū absumptus est. Sed institutū sequamur. C. Cæsarem

*C. Iulius Cæsar*

*Lucij filius.*

*Octavius Augustus.* sequebat̃ Octavius Augustus, qui, licet Tranquillus dicat quòd summatim poëticam attigerit, & planè poëmatum non imperitū fuisse, librum tamē hexametris uersibus editum reliquit, cuius argumentū & titulus, Sicilia. Epigrammatū quoq; libellum, quem balnei ferè tempore meditabatur, ex quo illud est, quod parum pudicum, dum se excusat, Valerius Martialis attulit, quod præfata uenia, & uestrūm utriusq; auriū reuerentia, hic, ut Socrates olim, obteſto capite recitabo:

*Quòd futuit Glaphyran Antonius, hanc mihi pœnam  
Fulvia constituit, se quoq; uti futuam.*

*Fulviam ego ut futuam, quid si me Manius oret?*

*Pædicem, faciam? non puto, si sapiam.*

*Aut futue, aut pugnemus, ait. Quid quòd mihi uita  
Charior est ipsa mentula? signa canant.*

Videris in re obscœna lepōrem, candorem? Tragœdiā uerò, quam magno impetu exorsus fuerat, nō succedente stylo, aboleuit: quærentibusq; amicis, uel, ut scribit Macrobius, Lucio tragœdiarum scriptore, respondisse ferunt, Aiace suum in spongiā incubuisse. Achillis etiam fabulam ab Augusto compositam Græci quidam tradidere. Delectabatur uerò ueteri Comœdia, quam & publicis spectaculis sæpe exhibuit. Circunferuntur eius nomine uersus, quibus Vergilianam Aeneida cremari uetuit,

*Ergo ne supremis potuit etc.*

*Quos uersus*



sus etsi graues alioqui autores in Vergilij uita probare uidentur, nihilo minus acri iudicio uir Ant. Theb. non eius ætatis uersus esse asseuerabat, utcunque Augusto ascribuntur. Fescenninos item Augusti uersus in Polliōnem celebrat Macrobius, de quibus interrogatus Pollio cur nō responderet, Non facile, inquit, est in eum scribere, qui possit proscribere. Horatius quoq; studiosum poëtices Augustum fuisse ostendit, ad ipsum in epistolis scribens. Elogium Drusi Neronis tumulo Augustus, uersibus à se compositis exculpi mandauit, ut est apud Tranquillum. Recitantes quoque Augustus benigne & patienter audiuit, nec tantum carmina & historias, sed & orationes & dialogos: componi tamen aliquid de se, nisi & serio & à præstantissimis, offendebar. Sed de Augusto iam plus satis. Post Augustum Tiberius Cæsar eius priuignus, adoptatus in filium, in tabula fuit, qui ut Tranquillus scribit, artes liberales utriusq; generis studiosissimè coluit. In oratione latinā secutus est Coruinum Messalam, quem senem adolescens obseruauerat, sed affectatione & morositate nimia obscurabat stylū, ut aliquanto ex tempore quàm à cura præstantior haberetur. Composuit & carmen lyricum, cuius est titulus, Conquæstio de Iulij Cæsaris morte. Fecit & græca poëmata, imitatus Euphorionem & Arrianum & Parthe

*Tiberius  
Cæsar.*

*Germanicus  
Cæsar.*

nium, quibus poëtis admodum delectatus, scripta eorū & imagines publicis bibliothecis inter ueteres & præcipuos autores dedicauit, & ob hoc pleriq; eruditorum certatim ad eum multa de ijs ediderūt, maximè tamen curauit notitiam historiæ fabularis. Atq; hætenus quidem Suetonius. Plinius quoq; in secundo natural. hist. Tiberij Cæsaris carmē celebrat quod in stellam, quæ græcè Acontia dicta est, uisam quinto illius consulatu, perscripsit. Tiberium sequebat Germanicus Cæsar, Drusi filius, qui à Tiberio adoptatus, eiusdem (ut putatur) iussu, ueneno è medio sublatus in Syria à Pisone fuit, ætatis suæ anno quarto & trigesimo. Veneni signa, ut ait Trāquillus, præter liuores, qui toto corpore erant, & spumas, quæ per os fluebant, eius quoq; inter cineres cor incorruptum repperitum est, cuius ea natura existimatur, ut ueneno tinctum nō cremetur. Fuit uerò Germanicus cum domi tum foris excellentis ingenij & uirtutis, cuius quando uita à Suetonio & à Corn. Tacito describitur, missis ceteris, ego ea tantū quæ uel ad eius eloquentiā uel poëticā pertinent, attingam. Omnes, inquit Trāquillus, Germanico corporis animiq; uirtutes, & quantas nemini cuiquā cōtigisse satis cōstat, formā & fortitudinē egregiā, ingenium in utroq; eloquentiæ doctrinæq; genere præcellens, beneuolentiā singulārē, conciliandāq;

liandæq; hominū gratiæ, ac promerendi amoris mirū & efficax studiū. Orauit causas etiā triumphalis, atq; inter cetera studiorum monumenta reliquit & comœdias græcas. Extant & in græcis epigrammatū uoluminibus, quos legi, ipsius nōnulli uersus in Themistoclem. Doctis ferè omnib. persuasum uideo, elegans illud epigrāma, quod numeris omnibus est absolutū, de puero Thrace, huius esse Germanici, quod dignissimum est ut hic & ubiq; recitetur. Hoc autem ipsum est:

*Thrax puer astricto glacie dum ludit in Hebro,*

*Frigore concretas pondere rupit aquas:*

*Dumq; imæ partes rapido traherentur ab amne,*

*Abscidit heu tenerum lubrica testa caput.*

*Orba quod inuentum mater dum conderet urna,*

*Hoc peperit flammis, cætera dixit, aquis.*

Extat & in manibus habetur eiusdem Cæsaris Germanici Aratea interpretatio, quam et diuus Hieronymus post Ciceronianā agnouit. Celebrat Plinius Germanici carmen, qđ in Cæsaris Augusti equū cōposuit. Ouidius uerò poëta ubiq; Germanicū poëtā facit, summisq; laudib. effert, ut in Fastorū libris, quos eidem dicauit: tamen si grāmatici quidam malint Tiberio Cæsari dicatos. At uos uidete q̄ bene Germanico conueniant, cum sic canit:

*Quæ sit enim culti facundia sensimus oris,*

*Ciuica pro trepidis cum tulit arma reis.*

*Scimus & ad nostras cum se tulit impetus artes,*

*Ingenij currant flumina quanta tui.*

Sed id manifestius ad Suillium, cui nupta fuerat ipsius Ouidij priuigna, quam omnem elegiam ne uos, quæso, legere pigeat, in ea enim de hoc ipso Germanico ita inuenietis.

*Si quid adhuc igitur uiui, Germanice, nostro*

*Restat in ingenio, seruiet omne tibi.*

*Non potes officium uatis contemnere uates,*

*Iudicio precium res habet ista tuo.*

*Quod nisi te nomen tantum ad maiora uocasset,*

*Gloria Pieridum summa futurus eras.*

*Sed dare materiam nobis, quàm carmina matris,*

*Nec tamen ex toto deferere illa potes.*

*Nam modò bella geris, numeris modò uerba coërces,*

*Quodq; alijs opus est, hoc tibi lusus erit.*

Hæc cum de Germanico dixissem, Video, inquit Piso, & docti plerique mecum, Fabium Quintilianum istius etiam Germanici, quod dicere uideris oblitus, mentionē facere, ubi de ingeniorum æstimatione agit. Cui statim ego: Non oblitus, inquam, sed in eo erratum esse ostendam, cū de Domitiano Cæsare paulò pòst agemus. Succedebat uerò in tabulis

Claudius Nero. Nam tamen si Claudius Cæsar, ut Dion & Suetonius scribunt, liberalibus disciplinis à prima ætate non mediocrē operam dederit, ac sæpe experimenta cuiusq; etiam & græcè & latinè publicarit, multaq; perscripserit, ac in primis, hortante Liuiο, historias, & Sulpitio etiam adiuuante: item de  
alca

Claudius Nero

alea librum, & Ciceronis defensionē aduersus Afiniū Galli libros, & comœdiam græcā Neapolitano certamine docuerit, multumq; pro tribunali etiam heroicis fit uersibus locutus: nouas etiam, ut idem Suetonius & Tacitus, & cum his grammatici tradunt, literarum formas addiderit, uulgaueritq;, comper tum habens græcam literaturam non simul cœptā absolutamq;, quæ quidem literæ eo pereunte perierunt: non tamen ideo in poëtarum numero fuit, nec poëtę nomine dignus. At Nero egregiè poëticæ facultati operā dedit, & in ea est ambitiose uersatus: hanc uerò, ut reliquas uirtutes, ut scitis, fœdissimis ac teterrimis uitijs inquinauit, omniū enim hominū profligatissimis moribus fuit. Cornelius quidem Tacitus Neronem parum in poëtica ualuisse in suis historijs prodidit: cui, si coniectari licet, contradicit Tranquillus, qui illum quadam naturæ propensione ad poëticam ferri, & sine labore carmina scribere tradidit: idq; eo argumento astruit, quòd pugillares libellosq; illius manu perscriptos uiderit, in quibus multa & delera & superin ducta erant, ut planè à cogitante, atq; ut ille ait, à generante exarata uiderentur. Celebrat idem eius carmen in Mithridatem. Scripsit item Troica, quæ & urbis incendio expressit. Multa quoq; à Dione in historijs, de Neronis uersibus traduntur, & præcipuè quæ poë

mata Troica dicta sunt: quædam & à grammaticis Seruio & Cornuto. Sed & Philostratus Neronis hymnos & tragædias cõmemorat: quibus de rebus omnibus id facillè colligimus quod in Lucani morte recitauimus, laudis poëticæ auidissimū Neronē fuisse, præsertim in principatus exordio: nam & illum recitasse carmina non domi modò, sed & in theatro quoq; scribit Suetonius, tãta omniū lætitia, ut ob recitationē supplicatio decreta sit, atq; pars carminū aureis literis Ioui Capitolino dicata. Adhuc leguntur quædam, ut creditur, Neronis carmina, quæ apud scriptores passim reperiuntur, ut illud:

*Colla Cithæriacæ fulgent redimita columbæ.* Qui dam & Neronis illa existimāt quæ sunt apud Persiū, *Torua Mimalloneis* &c. Verū de hoc immanissimo, ut cum Paulo dicā, leone, iam plus satis, qui nō poëtica, diuina facultate dignus, sed immani ut feritate noscat. Post Neronem duo Flauij Vespasiani filij fuerāt, alter humani generis delitiæ, Titus, alter flagitiū, Domitianus: utrūq; enim poëtā fuisse literarum monumentis cõstat. De Tito ita Suetonius: Memoria, inquit, Titi singularis, docilitas ad omnes ferè tum belli tum pacis artes, armorū & equitandi peritissimus, latine græcæq; lingue, uel orando uel in fingendis poematib. prõptus & facilis, sed nec musicæ quidem rudis, ut qui cantaret, psalleret, iucundè, scien-

Titus.  
Domitianus.

scienter. Entropius quoq; & Suidas cum de ipso Tito agunt, Poëmata, inquit, & tragœdias græca uoce egit. Sed & audiendus est Isidorus, qui propè ad uerbum de Tito ita scribit: Regnauit Titus annos duos: hic in utraque lingua usque adeo facundus, ut causas latine ageret, poëmata & tragœdias græcè componeret. Fuit & idè adeò bellicosus, ut in expugnatione Hierosolymorū, sub patre militans, duodecim propugnatores, duodecim sagittarū ictibus confoderet. Porro in imperio tantæ bonitatis fuit, ut nullū omnino puniret, sed cōuictos aduersum se cōiuratione dimitteret, atq; in eadē familiaritate, qua antè habuerat, retineret. Huius etiā inter cetera illud celebre dictū fuit, Perdidisse diē qua boni nihil fecisset. De Domitiano uerò Fabius Quintilianus, qua parte poëtarū iudiciū facit, ipso adhuc Domitiano uiuente, à quo sororis filiorum institutioni præfectus fuerat, quæ mox dicā, scripsit, atq; propterea nescio quo pacto adulari potius, q̃ uera dicere uideri potest, ad quam rem quoq; propensior Hispana solet esse natio. De Domitiano igitur hæc Quintilianus: Hos, inquit, nominauimus, quia Germanicū Augustum ab institutis studijs deflexit cura terrarum, parumq; deis uisum est, esse eum maximū poëtarum. Quid tamē ijs ipsis eius operib. in quæ donatus imperio iuuenis successerat, sublimius,

doctius, omnibus deniq; numeris præstantius: quis enim caneret bella melius, quàm qui sic gerit? quem præsidentes studijs deæ propius audirent: cui magis suas artes aperiret familiare numen Mineruæ? Dicent hæc plenius futura secula, nunc enim cæterarum fulgore uirtutū laus ista perstringitur. Nos tamen sacra literarum colentes feras Cæsar, si non tacitum hoc præterimus, & Vergiliano certè uersu testamur,

*Inter uiltrices hederam tibi serpere lauros.*

Atq; hæc quidem de Domitiano Fabius. An nescis, tunc inquit Piso, à doctis plerisq; uiris ista Quintiliani uerba nō de Domitiano afferri solere, sed de Germanico, ut paulò antè dicebamus? Quin, inquam, Piso istuc ipsum scio: at hi quicunq; illi sunt, tota, ut dicitur, uia aberrant. Nam ut alia omittam, quis nō uidet ad Domitianū uiuentem, non ad Germanicum, uno iam ferè seculo extinctum, ea scribi? Tum, quis Mineruam ignorat à Domitiano præcipuè cultam, seq; eius deæ filiū appellari uoluisse, id quod & poëtæ & historici prodiderunt? Quod autem poëticæ Domitianus operam dederit, testis in primis est Martialis multis in locis, & Valerius Flaccus, qui illum & patris & fratris gesta canere ait: ita enim Flaccus ad Vespasianum patrem, libro primo Argonauticōn:

*— Versam proles tua pandat Idumen,*

*Nanq;*



*Nanq; potest Solymo nigrantem pulucre fratrem,  
Spargentemq; faces, & in omni turre furentem.*

*Illa tibi cultusq; deum, delubraq; genti Instituet.*

& reliqua. Appellatus uerò Domitianus Germanicus fuit, quoniã cum patre in Germanica fuisse expeditione dicitur, uel quòd Batauos Germaniæ populos cum Antonio & Mutiano, ut Tacitus scribit, in ditionē redegit: qua de re & Syllius,

*At tu transcendens Germanice facta tuorum*

*Iam puer auricomis performidate Batauo.*

Et Martialis:

*Nobilis domito tribuit Germania Rheno,*

*Et puer hoc dignus nomine Cæsar eras.*

Idem alibi ait. Domitianū tamē Tacitus scribit poëticā simulasse, nō amasse. Cum enim, inquit, inuidiam sibi concitasset, quòd absente patre & fratre imperij munia subiret, eludiq; à senioribus iuuentā suam cerneret, studium literarū & carminum amorem simulabat, quò uelaret animū, & fratris æmulationi subduceret. Quibus uerbis manifestè cognoscimus, non ex animo, sed simulatione quadam, se literis & poëticæ dedisse, quod mox imperio potitus palàm fecit, id quod et Suetonius subinnuit. Connumeratus quoq; est inter poëtas Nerua Cæsar Imperator, qd

*Nerua Cæsar.*

*Diuus Adrianus.*

nomine uocaretur. Fuit uerò & diui Adriani imago inter poëtas posita, cuius nomen non modò latini quidam, sed Græci quoque nonnulli cum afflatu notant, cum melius ac frequentius sine scribatur, si ab Adriæ ciuitatis nomine deducatur. In antiquitatum elogijs utrunq; comperi. Fuisse uerò Adrianus ab usq; adolescentia græcarum literarū adeò studiosus traditur, ut uulgò Græculus appellaretur, ut Aurelius Viçtor & Spartianus prodidere. mox rerum summam & imperiū adeptus, in Græcia est diutissimè uersatus, id quod ante Aurelium & Spartianū multis in locis ostendit Pausanias. Sed Adriani uitam Dion & Spartianus copiose, & græcus sine autore liber, apud quos uos ea legetis: nunc ego tantum poëticam, & quæ ad tabulas attingunt, uobiscum attingam. Fuit uerò Adrianus in pangendis uersibus uersatus, sæpeq; non modò cum philosophis alijsq; scriptoribus certauit, sed & carminibus faciēdis cum poëtis: &, ut ait Sextus Aurelius, Atheniensium studia moresq; auxit, non poëtico tantum sermone, sed & cæteris disciplinis. Nam ad laceffendum pariter & respondendum, ferijs, ioco, maledictis, acerrimus fuit, & proptinus carmē carmini referre, ut prorsus meditatum dictum aduersus omnia crederes. ut quum aliquando poëta quidam dicacior Florus nomine, illum inter Scythas & Bri-

& Britannos uersantem uideret, in eum ita  
lufit :

Ego nolo Cæſar eſſe,  
Ambulare per Britannos,  
Scythicas pati pruinās. Ille urbanè Flo

ro ſic ſtatim reſpondit:

Ego nolo Florus eſſe,  
Ambulare per tabernas,  
Latitare per popinas,  
Calices pati rotundos.

Vel culices, ut eruditi aliqui apud Spartia-  
num legūt, id obſcœnè interpretantes. Extrat  
uerò Flori huius poëtæ uel alterius mentio  
apud græcum Polianum, inter græca epi-  
grammata. Illud quidem quod de Adriano  
legitur, nescio, inquam, maiore cum riſu an  
ſtomacho uobis nunc referam, quòd eoſ-  
que eſt inſano amore proſecutus Antinoũ;  
puerum Bithynum ex urbe Cithynide, quæ  
& Claudiopolis dicta eſt, ut illi mortuo pro  
tumulo & ſepulchro urbem, pro exequiis  
ſacra & diuinos honores inſtituerit, eum-  
que in deorum numerum retulerit, & ſtel-  
lam dixerit ſe in cœlo uidiſſe, quæ eſſet ipſius  
Antinoi, Dionæam (puto) Cæſaris ſtellam  
æmulatus. Eiſdem inſuper oraculum cele-  
bre ſtatuit, in quo Adrianus ipſe uates, pro  
Deo, à ſe compoſitis carminibus reſpon-  
ſa dare ſolitus erat : quam rem ut uaniſſi-  
mè & leuiſſimè factam Chriſtiani ſcriptores

Tatianus, Origenes, Eusebius, Prudentius, alijq; cauillis meritò insectati sunt. Composuit item Adrianus uaria poëmata, ut Dion scribit. Est à Spartiano traditum; multa eum amatoria carmina cōdidisse de suis dilectis, quos honestiore uocabulo catamitos uocabat. L. quoque Apuleius de illo ita in apologijs: Diuus, inquit, Adrianus cum Voconij amici sui poëtæ tumulum uersibus ornaret, ita scripsit:

*Lascius uersu, mente pudicus eras.* quod nunquam ita dixisset, si forent lepidiora carmina argumentū impudicitiae habenda. Multa præterea, inquit Apuleius, ipsius diui Adriani id genus me legere memini. Haftenus ferè Apuleius. Composuit præterea Adrianus & alia, quæ amicis dabat publicanda suis nominibus: unde & Phlegontis libros Adriani fuisse multi credidere. *Κατὰ τράϊανῶ* quoq; seu, ut in peruulgatis Spartiani codicibus legitur, Catacrianos, id quod & aliquibus placere uideo, uel ut aliquādo credidit Hermolaus, Catachlyanos, à tenebris scilicet, libros obscurissimos, Antimachum imitatus reliquit. Fuit cum ego legendum putarem apud Spartianum, *κατὰ ἀδριανῶ*, quòd uidelicet ipse de se græcè scripsisset, ut modò dicebam: hoc uerò tēpore super hac re nihil planè statuo. Sunt tamen qui non Antimachum, sed Callimachum apud Spartianum legant, quòd ob  
fcuris

scuris carminibus Apollonium Rhodium sit infectatus Callimachus, ut superioribus sermonibus retulimus : & non catacricianos, sed catacriticos legunt, quasi dicas condemnatorios libros, *παρὰ τὸ κατακρίνω*. quæ si uobis castigatio arrideat, eam Alciato Iuriconsulto & uiro docto acceptam referatis. At uerò Antimachum poetam tanti fecit Adrianus, ut eum Homero anteponeret, quod Dion & Suidas tradunt. Adeo quoque antiquitatis studiosus, si non potius superstitiosus fuit, ut ineptè Ennium Vergilio, Catonem Ciceroni, Cæcilium Sallustio preferendos censeret. Sed & illi uitio iure datur quod de abolendo Homero cogitaret, ac pro eo, ut Dion scribit, Antimachum inducere ut in scholis prælegeretur. Extant eius græca carmina in quendam semiaridum, si modò rectè *ὑμίστρον* interpretamur, qui ab ipso Adriano uictum petebat. carmen est in primo epigrammatōn. Fertur & uersiculus quē Pompeij sepulturæ apposuisse dicitur, quam & magnificentius extruxisse Spartianus prodidit, cum peragrata Arabia Pelusium peruenisset. Versus est huius sententiæ:

*Ossa uiri magni, tenui quàm clausa sepulchro.*

Legitur & græcè apud Dionem, & in primo epigrammatōn. Alij sunt eius uersus, si recordeor, apud Pausaniam. Equum habuit Adrianus cui Borysthenes nomen fuit, ut scribit

Dion, quo in uenatione plurimū utebatur, cui mortuo sepulchrū & columnā erexit, & epigrāma inscripsit. quocirca, inquit Dion, minus mirum est si Plotinam, cuius potissimum opera imperium adeptus fuerat, mortuam ornauerit, & plurimum coluerit, nouemq; dies in eius funere, pullis uestibus indutus, fuerit, hoc est, nouendiale sacrum fecerit : nam & illi templum quoque erexit, hymnosq; in eam composuit. Ipse uerò Adrianus cum moreretur hos uersiculos fecisse dicitur:

*Animula uagula, blandula,*

*Hospes, comesq; corporis, quæ nunc*

*Abibis in loca? pallidula*

*Rigida, nudula, nec, ut soles, Dabis iocos.*

Tales etiā nec multò meliores græcos fecit. Reliquit autē, ut Suidas ait, uaria poëmata. Atque hactenus quidem de Adriani poëtica. Nunc de L. Ceionio Cōmodo, qui Aelius Verus Cæsar dictus est, agamus, quē Eutropius & Aurelius Viçtor L. Annium nomina re uidentur. Fuit uerò Ceionius ab Adriano adoptatus, sed per immaturū obitum ad imperium peruenire nō potuit, literis omnifariam eruditus, eloquentia & carmine facilis. Hūc Spartianus ait in lecto semper habuisse Ouidij & Apicij libros amorū. Idem Martialem, epigrammatū poētā, suū Vergiliū appellabat, quod et si iniquū uidet̃ fuisse iudiciū, eius

**L. Ceionius Cō  
modus.**

eius tamen declarat poëtices & argutiarū studium, & propterea dignus ut inter poëtas cōnumeret. Dignus & Marcus Antoninus, Pius cognomento, philosophus, cuius licet uersus nō legerim, tantæ tamen eruditionis & doctrinæ fuit, ut meritò cum his laudandus sit. Eius certè librum græcè scriptum legi, cuius titulus, *μαίρις ἀντωνίνου ἐκ τῶν καὶ αὐτὸν*, ex quo uariam & multiplicem illius sapientiam facilè colligere possumus. fuit hic unus inter Cæsares omnes æquissimus ac optimus. Expressum illud certè in eo est quod à philosophis quæri solet, cur ex optimis parentibus pessimi plerunq; filij nascant. Nam quò M. Antonius melior & iustior, eò filius Cōmodus immanior & sceleratior. Sed utriusq; uita cum à latinis scriptoribus tum græcis est copiose descripta, & præcipuè Herodiano Capitolino & Lampridio. Fuit & L. Verus Antoninus, L. Veri, de quo paulò antè diximus, filius in poëtarū numero, qui, ut Sextus Aurelius scribit, carminū, & maxime tragicorum, studiosus fuit. Optimos hic magistros habuit, Scaurū grammaticū latinum, Scauri filiū, cuius quædam in grāmatica ferunt: & Valeriū Harpocratiōnē græcū rhetorē, cuius lexicon legit in decem græcorum rhetores, ex quo nonnulla in his exponendis imaginibus decerpfi. Harpocratiōnem Capitolinus celebrat & Suidas, eius

*Marcus Antoninus Pius.*

*L. Verus Antoninus.*

tamen nominis & alios legimus. Versus uerò L. Verus Cæsar in pueritia primùm fecit, mox se orationibus tradidit, meliorq; orator factus est quàm poëta, imò ut uerius fertur, peior poëta quàm rhetor. multos tamen ille secum disertos & eruditos habuit, à quibus & adiutus fuisse dicitur in ijs quæ scribebat. Regnauit cū M. Antonino philosopho annis xi. Apud Altinum apoplexia periit, quem morbum nimis uoluptatibus contraxisse constans fuit opinio. eius uitam copiose describit Capitolinus & Herodianus. Potest & inter hos Cæsares P. Aelius Pertinax annumerari, qui inter bonos potius, quàm malos principes à scriptoribus refertur. Humili hic loco natus, patre libertino, natione Ligus. Literis & calculo puer operam dedit, in græcis in primis eruditus. Sulpitium Apollinarem, hominem illius ætatis doctissimū, cuius Gellius & Capitolinus meminere, audiuit: post quem grammaticā Pertinax professus, doctorq; ut Sext. Aurelius ait, literarū fuit, atq; exinde per diuersa officia, diuersos magistratus, uariamq; fortunam ad imperiū tandem assumptus est. quo modo ad Pontificatum Romanū Nicolaus Quintus, & ipse Ligus ascendit, bonorū & literatorum fautor. In quo cum esset fastigio Pertinax constitutus, poëtis tamen interdum operam dabat, ut cum eius fatum imminebat, quo die,

ut

P. Aelius Pertinax.



ut scribit Capitolinus ad Athenæum, quam parauerat processionem ut poëtam audiret, ob præfagiū distulit. De eo etiam fertur, cum sine amicis cœnaret, uxorem tantum adhibebat & Valerianū, qui cum eo docuerat, ut fabulas literatas haberet, ut Capitolinus scribit, à quo est omnis eius uita perscripta, & item ab Herodiano. Septimius quoq; Seuerus Imperator quamuis Africanus genere, literarum tamē studijs iam ab ipsa pueritia & græcè & latinè apprimè imbutus, in quibus, ut Spartianus ait, eruditissimus fuisse traditur. Athenas quoq; studiorū & sacrorū causa iuuenis profectus est, cum philosophiæ esset & dicendi studio ac doctrinæ cupidus: tametsi Aurelius Victor latinis tantum literis sufficienter instructum scribit, & Punica eloquentia promptiorē. crudelior uerò fuisse dicitur. Vitam ipse suam tum publicā tum priuatam perscripsit, quæ nunc non extat. eandem Spartianus & Herodianus copiose persecuti sunt. Sunt & qui poëtam inter Cæsares reponāt Opilium Macrinū, quod cum in Africa exularet, sub uirtutis ac literarum prætextu, studijs operam nō mediocrem impenderit, & uersus ac epigrammata multa cōposuerit, secumq; unā semper in cōuiuijs uiros doctissimos esse uoluerit, cum quibus de liberalibus studijs differens, necessario abstineret. Cum uerò in eum græca quædam car

*Septimius Seuerus.*

*Opilius Macrinus.*

mina edita fuissent, ijs ipse ita iambicis carminibus respondisse fertur, ut ea iucundissima & optima ab omnibus haberentur: quæ quidem iambica dolet amissa Capitolinus tunc, cum Macrinus ipse & filius Diadumenus tumultu facto occisi sunt. Leguntur adhuc & eius quædam carmina, quæ quoniam parum castigata sunt, minusque placent, ideo uobis hoc loco non recito. Recte, inquit Piso, facis, nam eius uitâ omnem & græcè & latinè copiose descriptâ, cum libuerit legere poterimus. Sic est, inquam: sicuti & Clodij Albini, qui & ipse doctus fuit & eruditus: nam puer græcis & latinis operam dedit, artis militaris peritissimus, ut Marci Antonini & Commodi testantur epistolæ: agri uerò colendi ita studiosus, ut Georgica scripserit. Oblatum Albinus à Commodo Cæsaris nomen respuit, quod cum sub Seuerio sponte in Gallia sumpsisset, Lugduni occisus est. Composuit præter Georgica Albinus fabulas Milesias, quarum fama non ignobilis fuit. Id ei obiecit in calumniam Seuerus, ad Senatum scribens his uerbis: Maior, inquit, fuit dolor, quod Albinum pro literato laudandum plerique duxistis, cum ille nanijs quibusdam anilibus occupatus, inter Milesias Punicas Apuleij sui, & ludrica literaria cōsenesceret. Quæ uerò fabulæ Milesiæ fuerint, quas & orationes, hoc est, λόγους μιλησιακούς in Amoribus Lu-

Lucianus uocat, plerique docuere, quos inter Politianus & Beroaldus. Hoc genere Milesiacôn apud Græcos scripsit Aristides, cuius libri inuenti ferunt à Parthis inter Crassorum spolia, ut Plutarchus & Appianus tradunt. Illud mirum uideri potest, quòd Beroaldus scribit Aristidem poëtam fuisse, cum nusquam id lectû sit: nam quos uersus affert Ouidij, ita in antiquis & castigatis leguntur:

*Iunxit Aristides Milesia crimina secum,*

*Pulsus Aristides nec tamen urbe sua.*

Plinius id infra ostendit idem poëta:

*Vertit, inquit, Aristiden Sisenna, nec offuit illi,*

*Historiæ turpes inseruisse iocos.*

Utcunq; ego Aristiden in poëtarû numerû nō retuli. Fuit & alter Aristides, Adrianeus orator, cuius orationes extant, illo longè Aristide posterior. Sed nos potius ad nostrum institutû reuertamur, & Alexandrû Cæsarē, Mammææ filiû, poëta fuisse accepimus, & eloquentē, sed græca magis quàm latina lingua. Hic, ut Lampridius autor est, uersu non inuenustus fuit, bonorûq; principû uitas uersibus scripsit, modulatè cantauit & egregiè, sed nunquam alio conscio, nisi pueris suis testibus. Iyra quoq; & tibia, alijsq; instrumētis musicis cecinit. Platonis præcipuè libros legere solitus fuit: si uerò latina, non alia magis quàm de Officijs Ciceronis legebat, id quod & te Pice facere uelim: hæc enim

*Alexander.*

uolumina non modò in manibus habenda  
 quotidie, sed ediscenda etiam. Legebat item  
 de repub. nōnunquam & orationes & poē-  
 tas, in quibus Serenum Sammoniacum, quem  
 ipse nouerat & dilexerat, cuius Sereni alibi  
 uitam retulimus. Et Horatium ac Athenæū  
 quoq; frequenter accedebat, ut uel poētas re-  
 citantes audiret, uel oratores. Delectabatur  
 & in mensa literatis fabulis. Cum eum ali-  
 quando eorum temporū poēta hoc epigrā-  
 mate perstrinxisset:

*Pulchrum quòd uidēs esse nostrum regem,  
 Quem Syrum sua detulit propago,  
 Venatus facit, & lepus comesus,  
 Ex quo continuum capit lepōrem.*      respondit-  
 se dicitur græcis uersibus in hanc sententiā:  
*Pulchrum quòd putas esse uestrum regem  
 Vulgari miserande de fabella,  
 Si uerum putas esse, non irascor,  
 Tantum tu comedas uelim lepusculos,  
 Ut fias, animi malis repulsis,  
 Pulcher, neu inuideas liuore mentis.*

Appellare item Alexander est solitus Vergi-  
 lium poētarum Platonem, cui cum reliquis  
 poētis latinis operā dabat quotidie. Sed uo-  
 bis in promptu est & græcè & latinè totam  
 Alexandri historiam perlegere, atq; ideo de  
 Toxotius. eo iam satis. Sunt & qui Toxotium poētā  
 faciant, qui ex Antoninorū familia senator  
 fuit, & iuuenis post præturā periit. Toxotio  
 Iunia

Iunia Fadilla proneptis Antonini nupsit. Celebrabantur huius Toxotij poëmata, quo tempore suam Capitolinus scripsit historiã: nunc sunt deperdita. Fuerunt & duo Gordiani poëtæ, pater & filius, qui ab exercitu in Africa Imperatores creati, ab eodem post tertiumdecimũ mensẽ alter occisus, alter Carthagini laqueo uitã finiuit, ambo utiq; poëtæ. Nam Gordianus pater cũ adhuc esset adolescens, poëmata plurima scripsit, quę multo post eius mortem extitere, & quidem cuncta quę ex Gręcis Cicero traduxit, adeo ut eã Ciceroni nimis antiqua uiderentur. Condidit præterea, quemadmodum Vergilius Aeneidos, Statius Achilleidos, & multri Iliados, ipse uerò Antoniniados, hoc est, de Antonino Pio uersibus disertissimis libros triginta, uitã, bella, publicẽ priuatimq; gesta: atq; hæc quidem omnia cum adhuc iuuenis esset. Moribus itẽ fuit ornatissimus, ita ut nihil ei possit obijci, semper cum Platone, cum Aristotele, cum Tullio, Vergilio, cæterisq; ueteribus agens. Aliũ certẽ quàm merebatur exitum tulit. At Gordianus filius & ipse utroq; genere multa composuit, quę alĩ quãdiu ab affinibus cognatisq; suis frequenter solita accepimus, mediocri illo scribendi genere composita, ut neq; sublimia, neq; tenuia uiderentur, & ut ait Capitolinus, quę hominis esse apparerent ingeniosi, sed luxu

*Balbinus.* riantis, & suum deferentis ingenium. Hactenus quidē de Gordianis. Post quos erat Balbinus, qui à Senatu cū Puppiano, qui ab ali- quibus Maximus appellatur, & Gordiano iuniore Cæsares creati sunt. Fuit quidē Balbinus nobilissimus, bisq; consul, multarum etiam prouinciarū rector: nam Asiam, Africam, Galatiam, Bithyniā, Pontum, Thracias & Gallias administravit. Fuit & exercituū imperator, sed omnino minor in militarib. quàm rebus ciuilibus. tāta uerò bonitate & pudore, tanta morū sanctimonia fuit, ut ingentem sibi & populorum & exercituū charitatem atq; amorem cōpararet. Originem ipse se ducere à Cornelio Balbo Theophane dicere solebat, qui à Cn. Pompeio ciuitate donari meruerat, cum in sua quoq; esset patria nobilissimus, idemq; historiæ scriptor, & quem M. Tullius sua oratione defendit. Scripsit uerò Balbinus multa poëmata, quæ suo tempore multo in precio fuerūt. Multa apud historicos legūtur, quæ ad ipsius Balbini laudem pertinent, quæ ego nunc breui-  
*Galienus.* tatis causa missa faciam. Post Balbinū Galienus fuit, seu, ut isti malunt, Galenus, id quod in medici nomine recipimus: in Cæsare autem non solum in antiquis exemplaribus, sed etiam in marmoribus, GALLIENVM identidem inuenimus. Imperator hic fuit, quod negari non potest, cum oratione  
& poë-

& poëmate, tum omnibus ingenuis artibus clarus. Gallieni est illud epithalamij carmen, quod inter centum poëtas præcipuū habitum fuit. Nam cum fratrum suorum filios iungeret, omnesq; poëta Græci epithalamia dixissent, idq; per dies plurimos, ille cum nubentium manus teneret, ita cecinisse fertur:

*Ite, ait, o pueri, pariter sudate medullis*

*Omnibus inter uos, non murmura uestra columbæ,*

*Brachia non hederæ, non uincant oscula conchæ.*

Longum esset eius uersus orationesq; connectere, quibus suo tempore tam inter poëtas, quàm inter oratores emicuit. In reliquis uerò luxui & gulæ deditus, quibus inglorius despectusq; omnibus uacans, patrē Valerianū à Persarum rege captum, ignobili seruitute cōsenescere permisit. Nam quādiu uixit, Sapores rex, eo incuruato pro scabbello, pedem eius ceruicibus imponēs, equū ascendere solitus erat. Gallieni igitur uitijis, atq; hac ignominia factum est, ut ipsius uirtutes alioqui claræ, offuscatæ sint & oblectæ. Verū hæc ex multis de Gallieno, quem in tabulis Numerianus Cæsar sequebatur,

*Numerianus  
Cæsar.*

qui, ut est memoria proditū, poëta fuit optimus, & Chari Imperatoris filius, egregijs moribus præditus, eloquētiāq; mirabili: declamationū uerò magis stylo quàm Tulliano, Versu quoq; ita excelluit, ut sui tempo-

ris poëtas omnes uinceret: nam & cū Olympio Nemesiano contendit, de quo antè locuti sumus: & Aurelium Apollinarem iam-  
 borum scriptorem, qui patris eius gesta in li-  
 teras retulit, uelut solis radio obtexit. Nu-  
 merianus cum aliquando ad Senatum ora-  
 tionem misisset, tantum eloquentiæ in ea po-  
 fuisse fertur, ut illi statua à Senatu, quasi rhe-  
 tori, in Vlpia bibliotheca decerneretur, in  
 qua ita scriptum erat: Numeriano Cæsari,  
 oratori temporibus suis potentissimo. Nu-  
 meriani tamen nomen & decus obtexit e-  
 ius in Christianos immanis crudelitas, qua  
 cum alijs Chrysanthus, insignis tum pieta-  
 te tum doctrina, supplicijs atrocissimè ne-  
 catus est. Fuit & Flavius Constantius

*Constantius.* Constantius non parum celebratur: nam  
 præter eloquentiam, & componendis car-  
 minibus quoq; aptus fuit, cuius omnem hi-  
 storiam Ammianus Marcellinus, & nostris  
 tēporibus Pomponius Lætus executi sunt.

*Valētinianus.* Fuerunt etiam & poëtæ & Cæsares, Valen-  
*Gratianus.* tinianus & Gratianus Imperatores. Valen-  
 tiniani quidem celebrat Ausonius Cento-  
 nem, in nuptijs elegātissimè conditum: atq;  
 ait ab eodem sibi imperatū, ut in eadem ma-  
 teria



teria alterū faceret. Gratianus uerò, ut Sex. Aurelius & Paulus Diaconus scribunt, literis haud mediocriter institutus, carmen facere, ornatè loqui, explicare controuersias rhetorum more. Fuit uerò Gratianus Ausonii Galli discipulus, qui adeò in magistrum gratus fuit, ut de eo illud græcū meritò dici possit, ἀντιστλαργῆρ. Ausonium enim consulem declarauit: unde extat illa, qua ei gratias agit, oratio, quam mihi puero & cōdiscipulis plurimū eius ætatis doctores cōmendabant: nunc quid de ea dicam, aliud nihil habeo, nisi quòd in ea crebræ quidem sententiæ, sed eloquentia Gallicana, nec ea in qua Julius Florus, ut scribit Fabius, princeps fuit, sed longè posterior, hoc est, ut nunc nostri hi Ciceroniani dicunt, corruptior. Sed hæc nos in præsentia nō quærimus. Hic ipse Gratianus seniore Theodosiū Imperiū sibi collegam fecit, mox à Maximo tyranno est per uim occisus. Fuit & in huius tabulæ parte imago Eudociæ, quam alij Eudochiam, alij Eudoxiam uocant. Sed certè apud Græcos nunc Eudociæ frequētius, nunc Eudoxiæ nomine nuncupata est, nec unius huius tantum, sed diuersorū aliorum temporum aliæ, si quis legere uoluerit Græcorū Imperatorum uitas, quæ incerto autore, magno uolumine habentur, uel quæ à Nicephoro historiographo scriptæ traduntur. Hæc, in-

*Eudocia.*

quã, Eudocia Theodosij iunioris uxor fuit, supra modũ carminũ & poëtices studiosa, Leontij sophistæ Atheniësis filia, quæ, ut Socrates ait in historia, plurima scripsit poëma ta uersu heroico: à patre uerò Leontio apprime fertur liberalibus disciplinis erudita. Sunt qui hanc ipsam existiment Centonem confecisse ex Homero de CHRISTO domino, quæ græcè *ἐμπροκίντρα* dicuntur. alij Probam prodidere, ut cum de Proba agemus, uobis planius ostendam. Fuit quidem Eudocia, antequàm Theodosio nuberet, à Christi pietate aliena, nomine proprio Athenais uocitata: sed cum Theodosio placuisset, eam prius uxorem accipere noluit, quàm & moribus Christianis esset imbuta, & lustralibus aquis abluta: id quod ei utrũq; tum Atticus Magnus, Constantinopoleos antistes præstitit, proq; Athenai Eudociã nominari uoluit, quòd scilicet optimè regi placuisset: ita enim *ἡ δονία* interpretatur. Porro Eudocia est aliquandiu Hierosolymæ diuersata, cum fortè, nescio qua causâ, ab Imperatore recessisset, uel potius, ut Socrates in duodecimo, & Nicephorus in primo tradunt, cum ab Imperatore marito illuc missa fuisset, ut sacros hymnos & donaria religionis ac pietatis causa eò deferret, & ut subdit Socrates, hoc enim & ipsa uotũ habuerat, si filiam nuptam uidisset. Nam fuit illi filia eodem nomine

mine Eudocia, uel ut alij scribūt, Eudoxia, quam Valentinianus posterior, cōsobrinus, Occidentis Imperator uxorē duxit. His igitur nuptijs peractis Eudocia Hierosolymā petijt, & tam ibi sacras eđes, quā inter eundem & redeundum aliubi cōstitutas, & honorauit, & muneribus multis honestauit, ut in Tripartitæ libro ultimo legimus. Sed & Theodosius eius maritus, præter pietatem & religionem erga Deum summam, disciplinarum literarumq; apprimè fuit eruditus, ut ijdem scribunt historici. Monet me hoc loco Eudoxiæ nomen, &, qua piè afficior, erga D. Ioannem Chrysoſtomū singularis pietas, ut uobis hoc dicam: Arcadij Imperatoris Theodosij istius parētis fuisse uxorem & ipsam Eudoxiam nuncupatā, quam iniquissimam perpeſsus est semel & iterum uir sanctissimus & eloquētissimus Ioānes ipse Chrysoſtomus: eius enim reginæ opera ac fraude exilium bis paſſus est, quo secundo cum reuocatus rediret, æstu, ob solis ardorem, & languore decessit. Historia est copiose à Palladio descripta, itemq; in Tripartita, & à Suida, alijsq;. Sed iam tempus ut narrationem nostram continuemus. Inter Augustos & Cæsares non multò plures memini fuisse, etsi à Musis non abhorrentes complures extitisse comperimus. Nam ex quo diuisum declinare cœpit Imperiū, ut cæteræ bo

**Leo Philo-  
sophus.**

næ artes, ita & bonæ simul literæ pessum iue-  
re. Fuit quidem nō incelebris Leo ille, qui  
Basiliij filius, Philosophus cognominatus  
est, qui circiter annum DCCCLXXXVII. à  
uerbo Dei corporato, Byzantij & Orientis  
annis xxv. imperium tenuit, cuius filius

**Constantinus  
Ducas.**

Constantinus Ducas fuit, qui & de Christia-  
na religione probè sensit, & optimis artibus  
& disciplinis operam nauiter impendit. Hu-  
ius Constantini liber ille celebratus est, quē  
moriens Romano filio reliquit, in quo sum-  
mam totius Imperij, sociorum fœdera, ho-  
stium uires quæ & quantæ essent, aliâq; om-  
nia ad Imperium spectantia complexus est:  
quem librum hodie Venetorum respublica  
in sua peculiari bibliotheca diligētissimè cu-  
stodiri facit. Huius quoq; Constantini tem-  
pore, uir cum in omni liberalium artium sci-  
entia, sed & peregrinarum, floruit M. Psel-

**Psellus.**

lus, cuius innumerabiles penè libri curioso-  
rum & studiosorum manibus teruntur. Ad  
hunc certè Constantinū Pselli de uictus ra-  
tione, hoc est, de diætâ, & de auro conficien-  
do, hoc est, chrysopœia, libri extāt, quos qui-  
dam non sanè indoctus Constantino Ma-  
gno datos, perperam etiam scripto credidit:  
ut commentaria mittam, quæ in Zoroastris  
Chaldaica symbola leguntur, & canones a-  
stronomicos, & cætera. Videndum quidem,  
& sanè considerandū, an huius Constantini

**Impe-**

Imperatoris libri uiginti sint de tota re rustica, qui hodie leguntur, ex diuersis ac uarijs scriptoribus cōcinnati: cuius argumēti & ordinis xx. alij legūtur sub Heronis philosophi nomine. Fuit & huius Constantini Ducæ filius, & M. Pselli discipulus, Michaël Ducas Imperator Constantinopolitanus, qui à fame & penuria, quæ in exordio eius principatus Constantinopolitanā urbem inuaserat, Parapinaceus cognominatus fuit. Hic quidem Michaël cætera ignauus ac seccors, nisi quod bonis artib. sub Psello profecit, atq; in primis in factitadis uersibus, qua in re græca illum Imperatorū cōmendat historia. Ad hunc, ut reor, Michaëlem extat Si meonis Antiocheni medici de facultate cibariorū libellus, quem me propediem spero in lucem daturum: uideo enim illum esse rarissimū, nonnulliusq; utilitatis studiosis fore. Verum hæctenus de Cæsaribus & Imperatoribus, cæterisq; dictum sit, tametsi longè plures doctrina insignes extiterē: at qui in poëtica facultate nobiliores, hi, uel paulò plures fuerunt. Quæ ubi dixissem, paulumq; quiescerem, ut me ad cætera dicenda compararem, sic inquit Piso, idem penè innuente Pico: Reliquam tabulæ istius partem ut nobis expedias, non minore attētionē ex te audire auemus, quàm superiorem, teq; perinde moramur. Atq; ego nō diu cunctatus, sic

*Michaël  
Ducas.*

eos attentus intuens, Restat, inquam, si tabularum ordinem sequi uolumus, ut poetarum uobis imagines recenseam, qui spreto deorum inanum cultu, & superstitione uana, uni se Christianæ religioni, & ueræ pietati addixerunt, & de ea carmina composuerunt. Nam & hos, quisquis is, qui tabulas posuit, ideo in eis notari uoluit, ne scilicet uideret suæ religionis pios uates minus curasse, quàm gentium. Nos uerò, Piso inquit, Lili libenter abs te istam quoque tabulæ partem audiemus, tum quòd Christiani isti sunt poetæ, tum quòd te istorum studiorum semper fuisse intelligo, ut & nos in hanc uiam ducas. Tunc ego: Antequàm hanc partem uobis exponere aggrediar, libet altius paulò repetere, quæ hac de re obseruauì. Poetas, qui seruatis Christianorū regulis, ante Constantini Magni tempora uersus scripserunt, nō facile multos est inuenire: tametsi ait Philon Hebræus, qui Christianis proceribus, id est, apostolis ætate proximus fuit, ut qui sub Caio & Claudio floruit, in libro de uita cōtemplatiua, hoc est, *περὶ θεωρητικῆς βίης*, Therapeutas, (sic enim ille Dei famulos uocat) Christianos solitariam uitam degentes, qui cum alibi, tum præcipuè non longè ab Alexandria, in multa morū sanctimonia & austeritate cœlibem uitam agebant, solitos canere hymnos, & sacra carmina cōponere.

Atque

Atq; ut clarius quod dixi ostēdam, eius Philonis uerba recitabo: Ita, inquit, Christiani ipsi non modò exactius intelligūt hymnos, & antiquorum laudes, uerum & ipsi nouos in Deum componunt, ac eos in omni uersuū genere, & modulatione decenti, insuper & suauī harmoniæ cōcentu canunt. Atq; hæc quidem ad uerbū ferè Philon. Eadem fermè & ab Eusebio traduntur. Dionysius uerò Areopagita ille magnus, Hierotheum, *Hierotheus.* quem suum ait fuisse magistrū, amatorios hymnos cōposuisse scribit, ex quibus & ipse quædam nonnūquam excerpit. Quin & de ipso Hierotheo librum edidit, cuius hæc fuit inscriptio, *περὶ τῶ μακαρίῳ ἱεροθεῖ*, id quod in commentarijs græcis obseruauī: licet qui in Dionysii scholia scripsere, parum hæc atq; alia multa nouisse uideātur. Melitonē quoq; *Melito.* Asianum, quidam Christianū poētā credidere, quod apud D. Hieronymū & Sophronium legerūt, eum *ἠκλογῶν*, id est, eclogarū libros sex inter cæteros reliquisse: licet in plerisq; exemplaribus pro eclogarū, elegiarū perperā legatur. Fuit uerò Melito Sardinorum pontifex, cuius & Eusebius in historia meminit, qui & ipse eum eclogas, nō elegias, scripsisse prōdidit. Quod & Rufinus Aquileiensis fatetur, quippe qui in Eusebii translatione excerp̃ta testimonia Latine uertit, sacrorum uidelicet uoluminū: *ἠκλογῶν*

*Methodius.*

enim electum excerptū ue sermonem significat. Floruit Melito sub M. Antonino Vero, cui & pro Christianis librū obtulit. Nec defuere qui Methodiū antea Olympi Lycie seu Patarae, mox Tyri pontificē, poētā existimarint, quod apud eundem Hieronymū legissent, Methodium contra Porphyriū ad decem millia uersū scripsisse: parum, ut uidetur, id obseruantes, quod uersus non modo apud Latinos, sed apud Græcos etiam, & de soluta oratione rectē dicitur. Et ne diutius uos in re præcipuē manifesta morer, illud Fabij Quintiliani, de Ciceronis Bruto agentis, uobis sit in præsentia satis attulisse: Quippe, inquit, in Bruto Cicero tot millibus uersuum de Romanis tantū loquitur. Et si non satis est uobis id Quintiliani, legitote & Pædianū Asconium, qui frequentissimē eodem modo utitur. Vsurpatur & eodem sensu uersiculus à M. Tullio in epistolis ad Brutum: Tribus ne uersiculis, inquit, his temporibus Brutus ad me? Sed quare uersus sic dicant, repetitote, si libet, quæ primo dialogo ex Isidoro, lib. vi. retulimus. Ex quibus & illud elicere possumus, duobus uidelicet modis uertere stylum dici: altero quidem, quo Isidorus modo, cū scilicet scribendo à sinistra, dextram uersus stylum deducebant, deinde conuertebant stylum ipsum ad dextrā uersus, unde & uersus sunt appellati: altero



altero, eo modo, quo Cicero in quarta Ver-  
rinarum, & Horatius, aliq̃: qua de re Poli-  
tianus, & Petrus Crinitus, & Cælius Rho-  
diginus. Sed iam nos ad institutum redea-  
mus. Post multa autem quæ composuit Me-  
thodius, illustri quadam & cōposita oratio-  
ne sub Decio & Valeriano martyrij coronā  
adeptus est. Sed enim uerò uersus scripsit Cę-  
cilius Cyprianus Afer, pontifex Carthagi-  
nensis, qui eodē Valeriano Imperatore pro  
Christo neci traditus est, cuius opera soluta  
oratione omnibus nota, nec cōmendatione  
indigent. At uersus, quia parum cogniti uo-  
bis, tantum indicare uolui. Sunt uerò, quos  
ego legi, sexagintanouem heroici, de sanctæ  
Crucis ligno, & ut Greci frequētius dicunt,  
*ἱεροποῖς*: quos si semel legatis, iterum & sæpe  
legetis: inter quos hi sunt, quibus crucem  
ipsam ita describit:

*Cyprianus.*

*Arboris hæc species imo de stipite surgit,*

*Et mox in geminos extendit brachia ramos.*

*Sicut plena graues antennæ carbasa tendunt,*

*Vel cum disiunctis iuga sunt ad aratra iuuentis.*

Sed iam his omissis, qui non fuerant in ta-  
bulis, ad eos qui erant, me conuertam. Inter  
quos in prima parte Iuuenicus erat, sacer-  
dos Hispanus, nobili genere natus, Constā-  
tini Magni tēporibus, quod ipse in sui ope-  
ris calce testatum reliquit. Ita enim cecinit:

*Iuuenicus.*

*Hæc mihi pax, Christi tribuit, pax hæc mihi sæcli,*

*Quam fouet indulgens terræ regnator aperta  
Constantinus, adest qui gratia digna merenti,  
Qui solus regum sacri sibi nominis horret  
Imponi pondus, quo iustis dignior actis,  
Aeternam capiat diuina in secula uitam.*

**Lactantius.** Scripsit autem Iuuenius, quæ in manus habemus, quatuor Euangelia hexametris uersibus, penè, ut ait Hieronymus, ad uerbum transferens. Composuit & alia nonnulla eodem metro, ad sacramentorum ordinem pertinentia, quæ nunc sunt deperdita. De Iuuenico cum in chronico Eusebii, tum in uiris illustribus meminit Hieronymus. Eodè quo Iuuenius tempore fuit & Lactantius Firmianus, unus eloquentiæ Ciceronianæ inter Christianos præcipuus æmulator, qui præter ea quæ multa soluta oratione scripsit, & quæ passim in manibus habentur, uersus quoque composuit de Christi seruatoris cruciatu & nece, item de eiusdem ab inferis excitatione, item de Phœnice, quæ adhuc etiã leguntur. Scripsit item itinerarium uersu hexametro, quod græco nomine *ἰστορικὸν* appellauit, cuius materia fuit digressus ex Africa usque Nicomediã Bithyniæ. Postquam, inquit Piso, in Lactantij mentionem incidimus, agè, si libet, dic quid sentias de cõmentarijs in Papinij Stati Thebaidem, nunquid istius Lactantij esse arbitraris? Huius neutiquam ego, inquam Piso, nam in ijs cõmentarijs

taris ex Seruio grāmatico penè ad uerbum  
multa decerpuntur, qui post Firmianū plus  
seculo fuit. Donatū quoq; grāmaticum Hie  
ronymi magistrū Lactantius præcessit, qui  
quidem Donatus & Seruium præcessit æta  
te, ad hæc in ijs cōmentarijs Boëtius & Se  
dulus citātur longè Lactantio posteriores.  
præterea hic L. Cælius Lactantius Firmia  
nus, ille Placidus Lactantius appellatur, id  
quod ex ipsius libro quinto didici: tametsi li  
teratores quidam eum Placidum Lutatium  
nominēt. Eiusdem in fabulas Metamorpho  
seon Ouidij cōmentarium legimus, atq; hæ  
c tenus hac de re uobis. Satis, inquit Piso, no  
bis fecisti. Tunc ego: Cœpta sequar. Marius  
Victorinus per ea tēpora floruit, quo Con  
stantius Constātini filius Romani Imperij  
habenas est moderatus, Afer quidem, & ut  
pleriq; existimant Carthaginensis. qui uerò  
Mafsiliensem faciunt, ualde falluntur, & fal  
lunt legentes. Romæ Victorinus, ut Hiero  
nymus prodit, rhetoricam docuit, ubi & sta  
tuam meruit in foro Traiani, quo in loco &  
plerisq; alijs positas legimus. Victorino ope  
ram dedisse in rhetorica Hieronymū accepi  
mus, & iuuenem ipsum fuisse gentiliū deo  
rum cultorem, quos demū maturiore ætate  
abiurauit, ut Hieronymus & Augustinus  
prodiderunt, quorū hic in libro Confessio  
num, de eodē illud cōmemorat: quòd cum

*Victorinus.*

aliquādo Victorinus cum Simpliciano uiro sanctissimo colloqueretur, seque Christianū assereret, & id se minus credere Simplicianus respondisset, quoniā cum cæteris Christianis illum in sacris ædibus concionibus interesse non conspiceret: tum uiro sancto per iocum Victorinus respōdit: An, inquit, Simpliciane pater, putas parietes Christianum hominē facere: Tandem uerò cum Victorinus ad tēpla deuenisset, & ei uelut homini uerecundo, occultè symboli liber oblatu fuisset, ut legeret: ille pulpitū, quem umbonem & ambonē ecclesiastici uocāt, ascendit, & publicè clara & alta uoce symbolum pronūciauit: qua ex re cunctis palām innotuit illum Christianū esse. Sedenim præter rhetoricam & dialecticam, quas disciplinas in primis excoluit (nam & in utraq; doctissimè scripsit) in poëtica etiam illum floruisse uidemus: nam & uersu heroico septem Maccabæorū fratrum acerbam cum matre necem sub Antiocho rege descripsit: quod nō multò antè poëma legi, parum licet castigatum: præter enim fenestras, quæ in eo patētes pleræque existunt, uacillātes quoque syllabas & pedes offendimus. Leguntur & hymni quidā eius nomine editi de sanctissima trinitate. Extant & eius in poëtica cōmentarij exquisitæ frugis, si integri & non mutili à studiosis haberētur, Sunt præterea in manus eiusdem

dem cōmentarij in duos M. Tullij de inuentione libellos. Sunt & quæ ex Porphyrij Isagoge in Latinum transtulit. Multa de Victorino Seuerinus Boëtius, deq; eodem sic Hieronymus, & ex Hieronymo græcè Sophronius: Victorinus natione Afer, Romæ sub Constantio principe rhetoricā docuit, & in extrema senectute Christi se tradēs fides, scripsit aduersus Arrium libros more dialectico ualde obscuros, qui ab eruditis tantūmodo intelliguntur: & cōmentarios in Apostolum. Hæc quidem illi. Ad hunc diem ego illius quatuor in Arrium libros legi. Summa uerò illum senectute Romæ diem obiisse legimus: sepultū uerò in pago Vestienti. Fuit & per hæc tēpora inter celebres poëtas magnis uitæ integritate, quàm carmine cognitus Hilarius Pictauiensīū pontifex, qui tum doctrina tum sanctitate insignis fuit, compluresq; animo inuictō à falsis Christianis persecutiones pertulit: nam & eorum fraude in Phrygiā est relegatus, mox cum apud Constantinopolim librum pro se, ut scribit Hieronymus, Constantio Imperatori porrexisset, in Gallias est redire iussus. Sed quoniam hæc & eiusmodi alia multò plura à Rufino in historia traduntur, & in sanctorum diuorumq; uitis passim habentur, ea ipse mitto: quæ autē ad poëticam pertinere uideo, tantum ego uobis afferam, idq; in primis inter

*Hilarius.*

hymnos plerosq; quos quotidie nostra canit ecclesia, ab hoc primū Hilario fuisse conscriptos. Reliquit item mysteriorū librum, aliaq; contra Arrianos, qui & ipsum contumelijs penē innumerabilibus affecerunt. Soluta uerò oratione longē plura reliquit, quorum & pleraq; hodie leguntur, quæ ab Hieronymo in primis cōnumerantur, in eo qui est de uiris illustribus: eadem græcē repetuntur à Sophronio. Duos insuper alios apud Græcos Hilarios fuisse comperi, alterum ex Syria Antiochenū, alterū Phrygium, sed qui nihil ad nostros poëtas attineant: hic enim uates & futurorū præscijs, Iouiniani Cæsaris Imp. tempore: ille uerò doctus, sed uitæ uariæ, qui Procli tempore uixit, & priore uitæ instituto misso, ad Procli dogmata deflexit. Pōst erat, inquam, in tabula Apollinaris Syrus, uir græca lingua impensē doctus, qui, ut Sozomenus autor est, heroico carmine Hebræorum antiquitatem scripsit ad Homeri imitationē, usq; ad tempora regis Saulis, pro literarū numero uigintiquatuor uoluminibus. Imitatus etiam Menandrum comœdias, Euripidem tragœdias, & Pindarū lyricos perscripsisse traditur. Sed & in encyclicis disciplinis pleraq; illum composuisse proditū est, adeoq; in illis probatus, ut cum omni antiquitate potuerit certasse uideri: et ut idem ait Sozomenus, nisi temporū fuisset inuidia,

*Apollinaris.*

inuidia,ijs omnibus quos supra cōmemora-  
uimus, par uideri quiuerit. Huius tamen,  
quod sciam, uersus haudquaquā supersunt,  
ea (ut opinor) causa, quòd Laodicea Syriae  
cum esset pōtifex, in Pauli Samosatei lapsus  
est hāresim, uel nouā potius inuexit, eorum  
qui ab eo Apollinaristae dicti sunt: corpus  
enim, non animam, à CHRISTO susceptum  
fuisse tradebat: sed cum rationibus urgere-  
tur, ut ait Ruffinus, sententiae nonnihil im-  
mutauit: qua de re in libro de hāresiarchis  
plura scribuntur. Meminit de Apollinari Phi-  
lostorgius Arrianus & Suidas, à quo & duo  
eiu nominis traduntur, pater huius uideli-  
cet Alexādrinus, qui cum in Laodiceam ex  
Alexandria migrasset, ibi uxorem duxit, ex  
qua hunc filium genuit. Vixit uerò Apolli-  
naris à temporibus Constātini usq; ad senio-  
ris Theodosij tempora. Sed cum Philostor-  
gius in sua historia tres hos simul nominet,  
quòd eodem uixerint tempore, Gregorium  
Nazianzenum, Magnum Basilium, & hunc  
ipsum Apollinarem: quibus & ego libenter  
quartum addo, Gregoriū Emissenū Magni  
Basilij fratrem, cuius & praeclara leguntur  
opuscula, eosq; simul ille compareret: ideo &  
mihi uisum est, admonito etiā tabulae pictu-  
ra, uobis Gregoriū ipsum cōmemorare, &  
quidem breuiter, quòd eius uita à D. Hiero-  
nymo, qui illius etiam se discipulū fuisse fa-

*Gregorius.*

retur, & à Ruffino etiã copiosius descripta est, & item à Suida, & græcis in eum cōmentarijs. Fuit uerò Gregorius tantæ excellētiæ & autoritatis, ut Theologi nomen sit affecutus: & quod de Pythagora discipuli dicere soliti erant, αὐτὸς ἔφα, id est, ipse dixit, idem de Gregorio passim iactaretur: isq; alienus à recta religione putaretur, qui contra Gregorium auderet de fide loqui. Patri successit Gregorius, in Nazianzo breui Cappadocię oppido pontifex. Basilio uerò usus est familiarissimè. Perplura scripsit soluta oratione, Polemonem dicendi stylo secutus, non Polemium, ut perperam in latinis codicibus legitur: id quod & ex græca ipsius uita colligimus, in qua ita legitur: Polemonis Laodiceı characterē secutus est, qui Smyrnæ docuit, & cuius uitam Philostratus exequitur. Sed hæc nos in præsentia mittimus, eaq; tātummodo commemoramus, quæ carmine scripsisse traditur: triginta enim millia uersuū, hoc est, myriadas tres, Græci prodidere. Præter uerò eius carmina, quę paulò antè typis publicata sunt, extat etiã tragœdia, quā ad Euripidis imitationē fecit, de Christi domini cruciatu & supplicijs: quo argumento & Stephanum quendam audio alteram scripsisse, quæ tamen ad manus meas etiam diligentissimè perquisitæ, non peruenerunt. Præterea multa Gregorij carmina uidi, quæ nō  
dum



dum uulgata sunt. Deceſſit ſenex Gregorius Theodoſio imperante. Sequebatur in tabula Damafus, urbis Romæ pontifex maximus, qui (ut Hieronymus & Suidas aiunt) elegans habuit ingeniũ in cõponendis uerſibus: multaq; uolumina heroico carmine cõpoſuit: diuorũ Petri & Pauli menſam ac altare, quod ille Platoniã uocabat, uerſibus ornauit: ſed & multorũ martyrũ ſepulchra, quæ ille Conchylia uocitare ſolitus erat. Cir cũferuntur eius nomine pleraq; in Pſalteriũ carmina, item in diuũ Paulum apoſtolũ alia quæpiam, quæ parum mihi probãtur, cum adeo ipſe in poëtica laudetur. Fuit uerò Hi ſpanus natione, nec ignobili genere natus. Illum poſt Theodoſij obitũ uiuiſſe, in hiſto ria ſcribit Socrates. Alij octogenarium qui dem deceſſiſſe, ſed adhuc uiuẽte Theodoſio, id quod Suidas & Hieronymus ſcribũt. De cuius uita in præſentia nõ adeo plura, quan do & ab alijs, & ijs præcipuè, qui Pontificũ Romanorũ uitas collegere, copioſè perſcri bitur. Fuit ex eadem Hiſpania Latrono-  
nus, quem Sophronius Matronianũ nomi nat: ſic & in caſtigatis Hieronymi codici bus: tametſi hiſtoriarũ ſacrarũ ſcriptor, La trocinianũ ipſe nuncupet. Fuit & ipſe Chri ſtianus poëta, qui etiã antiquioribus poëtis ſuo tempore in pangẽdis uerſibus conferen dus erat. Sed tamen, quod ipſe ſciam, nulla

Damaſus.

Latrononus,  
ſiue Latro-  
cinianus.

eius hoc tempore extant carmina, quæ diuī Hieronymi ætate legebantur. Maximo tyranno, factione Hylatiī & Ithaciī, Treueris cæsus est, cum Priscilliano, Felicissimo, & Iuliano, & Euchrotia eiusdem factionis, ut ijdem sancti doctores scribunt. Fuit & per hæc tēpora Attilius Seuerus, uel (ut alijs placet) Cæcilius Seuerus, qui ab illo Seuerō originem duxit, ad quem Lactantius epistolarum libros duos dedit. Composuit uerò Seuerus *ἑδοκίμοις*, in quo totius uitæ suæ rationem explicuit. erat autem opus illud confectum cum soluta oratione, tum metro heroico, quod *ἡρώδης*, siue *ῥαῖον* uocauit, ut Sophronius scribit. Floruit sub Valentiniano principe. Duo post hos sequebātur Ambrosiī, alter Alexandriæ, alter Mediolani pontifex: quorum hic hymnos, qui & ab eo Ambrosiani uocati sunt, & quorum adhuc pars magna Deo immortalī in sacris officijs quotidie canuntur. Citantur & aliī à Beda in poëtica, & in Pontificiī Iuris uoluminibus commēdantur, unā cum hymnis Hilariī, de quo iam egimus in eo capite, quod est de hymnis canēdis. Scribit quoq; D. Augustinus in libro Confessionum, quod cum Ambrosius ab Imperatrice Arriana perfidia damnata, persecutionē pateretur, & intra ecclesiā cum plebe catholica infidijs urgeretur, instituit hymnos & psalmos secunda

dum morem Orientaliū decantari, ne populus mororis tædio contabesceret: quod ad omnes fuit postmodum deriuatū. Ille uerò, id est, Alexādrinus Ambrosius, Didymi Cæci auditor fuit, atq; aduersus Apollinarem, de quo suprà iam diximus, multorū uersuū uolumen scripsit, aliaq; multa soluto sermone. Sed hic mihi nō uidetur inter poëtas esse repositus. Fuerat & Pontij Paulini imago Burdegalensis, seu (ut alij putant) ex Hebromago, utraq; Gallica urbe, qui Ausonij Galli discipulus fuit: tametsi quidam insulse nepotem uolunt, quòd eum Ausonius non semel filium uocat, & eum Paulinus ipse patrem: id enim (ut scitis) præceptorū mōs est, ut iuniores discipulos filios appellent, & discipuli doctores parentes: nam præceptores chari uoluere parētis esse loco. Paulini utiq; uersus extant, quos aliquando legi: uerū ille lōgè mihi, quàm carminis lepōre, insignior uitæ integritate ac sanctimonia fuisse uidetur: si modò is hic est, qui se diui Martini gestis admirādis sanctiori uitæ tradidit, & de quo in eiusdem diui Martini uita, hæc uerba scribit Seuerus Sulpitius, ad quæ eius extant epistolæ. Paulinus uerò, inquit, uir magni postmodum futurus exempli, &c. magni, inquam, cum sanctitate tum doctrina: ut illius seculares dignitates mittam, cum illum cōsulem fuisse dicat Ausonius, antequā

Pontius  
Paulinus.

consul ipse fuisset, ut liquido ex his ad eum  
 Ausonij uersibus elicimus:

*Quāquā, ait, & fastorū titulo prior, & tua Romæ  
 Præcedit nostrum sella curulis ebur. Idem:*

*Paulinum Ausoniumq; uiros, quos sacra Quirini  
 Purpura, & auratus trabæ uelauit amictus.*

Ambrosio et Augustino, factus Christianus,  
 usus: à quibus Barcinonem missus sacris est  
 initiatus. Proditum est, illum post conuer-  
 sionem gentiles poëtas non modò non le-  
 gisse, sed ne nominare solitū: quod mihi mi-  
 rum, ipse certè de se ita canit:

*Quid abdicatas in meam curam pater  
 Redire Musas præcipis?*

*Negant camænis, nec patent Apollini  
 Dicata Christo pectora.*

**Paulinus Nolanus.** De Paulino quidem Nolano pōtifice, illud  
 in dialogis, & Paulus Aquileiensis diaco-  
 nus, quòd pro uiduæ captiuo filio se capti-  
 uum exposuit, & pro hortulano in Africa  
 seruiuit (si modò hac in re tempora conue-  
 niant.) Dubitatur etiam an hic sit, ad quem  
 scribit Hieronymus cum eam epistolā, quæ  
 est in fronte Testamenti ueteris, tum alterā,  
 qua & stylum eius, & Theodosij panegyri-  
 cum laudat. Eius etiam Augustinus memi-  
 nit in libris de ciuitate Dei, qui illū ait, cum  
 à Barbaris diriperetur Nola, in corde suo  
 Deum his uerbis precatum: Domine, ne ex-  
 crucier

crucier propter aurū & argētum, ubi enim  
 sint omnia mea tu scis. Gēnadius uerò Pau-  
 linum ait multa breui uersu scripsisse, inter  
 quæ Hymnorū librum, ex quo quædam in  
 Bedæ poëtica citata uidimus. Scripsit item  
 epitaphiū consolatoriū ad Celsū, insuper  
 & epistolas ad Seuerum. Certè nunc extant  
 eius pleraq; typis excusa opuscula: extat &  
 soluta oratione ab hoc ad D. Augustinū san-  
 cti Ambrosij uita cōposita. Alter ab hoc No-  
 lano pōtifice Pontius Paulinus fuisse à non  
 nullis existimatur, qui, ut scribit Ausonius,  
 libellos treis de regibus ex Tranquillo Sue-  
 tonio in Epitomen coëgit: sed qui sanius se-  
 sentire putant, unum & eūdem esse uolunt,  
 id quod argumentis probare nituntur, quæ  
 breuitatis causa nūc ego prætereo. Illud cer-  
 tē non silebo, quòd si Nolanus hic est anti-  
 stes, ad summā eum peruenisse senectutē cre-  
 dendū, cum ab Ausonio & Martino ad Leo-  
 nis usq; pontificis tempora, amplius quā  
 quinq; & sexaginta intersint anni, cum Pau-  
 linum Gennadius dicat Valentiniano Impe-  
 ratore floruisse. Fuere per hæc fermè tempo-  
 ra & aliq; Paulini, sed hi nihil ad rem nostrā:  
 inter quos Paulinus Antiochenus, qui, ut  
 Rufinus ait in historia, in catholicorū sem-  
 per societate permanerat, atq; perinde mul-  
 tis affectus contumelijs. Erat & in hoc poë-  
 tarū numero Aurelius Prudēsius. Clemens

*Aurelius Prudē-  
 tius Clemens.*

uir consularis, quem & Pudentem uocat Be-  
da, Hispanus quidem natione, ut qui modò  
se Tarraconensem, modò Cæsaraugustanū  
faciat. Palatinus uerò miles dicitur à Gen-  
nadio, id quod & ipse his uerbis innuit: Tan-  
dem militis gradu Euectū pietas principis  
extulit, Assumptū propius stare iubens or-  
dine proximo. Dolet ipse alicubi se iuuetu-  
rem uitis infectam fœdasse, & in toga cau-  
sas iniquas egisse, mox tamen cōmutata ui-  
ta bonis ius reddidisse, urbes rexisse, & reli-  
gioni addictus plurima poëmata uario car-  
minum genere composuisse, quæ extant, &  
adhuc leguntur: quale est illud apud Græcos  
ingens uolumen, incerti licet auctoris. Perie-  
runt ex eius operibus cōmentaria in hexa-  
hemeron, quæ ille Græcorū more scripserat  
de mundi fabrica, usque ad primi parentis  
præuaricationē. Vixit Theodosij senioris ac  
filiorum temporibus: eius Alcimus Auitus,  
& Sidonius, Isidorusq; meminere. Hæc sint  
à me uobis breuiter dicta de Prudentio, cu-  
ius uitam Gennadius & Aldus pluribus col-  
legerunt: sed & ipsemet in præfatione καὶ ἑ-  
μὴν, de se multa. Fuisse uerò hominē mul-  
tæ quidem eruditionis ac uariæ, uerū in elo-  
quentia ac linguæ castitate uel parum ua-  
luisse, uel potius neglexisse, desiderio uideli-  
cet pietatis ac fidei: quod ipse innuit cum ali-  
bi, tum in hymno octodecim martyrū Cæ-  
saraugu-

faraugustanorū. Fuisse & alterū L. Prudentium poētā inueni, qui tredecim annos natus Romæ in certamine sacro Iouis Capitolini, omnium iudicum consensu inter Latinos poētas coronatus est, statuq; ut sibi poneret, meruit. Legitur adhuc inter antiqua elogia huius rei inscriptio: L. Valerio, L. F. Prudentio. Hic cum esset ann. XIII. Romæ certamine sacro, lustro sexto, claritate ingenij coronatus est inter poētas latinos omnibus sententijs iudicum. huic plebs uniuersa municipum Histoniensium ære collato statum decreuit, curat R. P. Est uerò Histonium, Frentanorum, id est, Brutiorum oppidum. Fuit & Probæ Falconiæ matronæ Romanæ imago, quæ Adelphi Romani uiri proconsularis uxor fuit. hanc uerò floruisse quidam existimant Honorij ac Theodosij iunioris temporibus: quin & Eudociæ Theodosij uxori Centonem suū misisse, qui, ut scitis, miro est artificio concinnatus: ex Vergilianis enim uersibus omnē Christi seruatoris uitam explicauit. Sunt qui idem ex Homero eam factitasse putēt, cum id supra Eudociā perfecisse docuerimus. Extat certē uterq; Cento, à me summa cum admiratione perlectus, quos & D. Hieronymus ad Paulinum se legisse affirmat. quibus Hieronymi uerbis elicere possumus, ante Probam etiam & Eudociam ab alijs huiusmodi poē

*Proba Falconia.*

mata fuisse conscripta: quod tamen & in primo sermone diximus. Sedenim extitere nōnulli, qui perperā asserere ausi sunt, Probam Antonini Pij temporibus uixisse. Sed quæ de Centone & Latini & Græci tradidere, primo sermone uobis explicui. Fuit & poëta

**Licentius.** Licentius Hipponensis, qui Aurelio Augustino usus est familiariter, id quod planè colligitur cum ex ipso Licentio, tum ex ipsius Augustini dialogis, quos ille de Academicis inscripsit, in quibus cum eum poëtam celebrem, tum etiam eius de Pyramo & Thisbe amatorios uersus commemorat. Meminit eiusdem & in epistolis: eiusdem quoq; Paulinus & Possidonius meminere. Hymnos uerò scripsit, & epistolas, aliaq; poëmata, ex quibus cum quidem in poëtica ualuisse, nō tamen præstitisse, planè conspeximus. Tum paulùm cum cōticuissemus, meq; nonnihil collegissem: Est, inquam, Panopolis ciuitas Aegypti, in qua Dei ipsius Panis simulachrum fuisse traditur, uirile membrum erectum habens ad septem usq; digitos: eius urbis ciues Panopolitæ, & Panopolitani dicuntur. Ex hac igitur ciuitate duo poëtæ

**Nonnus.** Christiani fuere, quorum prior Nonnus, alter Cyrus dictus est. Scripsit uerò Nonnus uirginis theologi, id est, Ioannis Euangeliiũ heroico carmine, quod & extrat & legimus. Fuit & alter Nonnus ex eadẽ Panopoli, qui  
Gigan-



Gigantomachiã scripsit: item Dionysiacôn libros duodequingenta, ut sunt Homerirhapsodiæ, opus fabulis & historijs refer-  
tum, cuius & Agathias meminit in histo-  
rijs. de eo quoq; hoc distichon Græcū legi-  
t:

ΝόννⓄ ἐγὼ πάντος ᾧ ἐμὴ πόλις ἐμφαιρίθει,

εἷχε φοινύεντι γονὰς ἤμικα γιγάντων.

Non desunt tamen qui non duos hoc nomi-  
ne, sed unum eundem esse uelint. **Cyrus.** au-  
tem iocundissimus scriptor fuit, qui ob in-  
genij sui monumēta, ad amplissimos hono-  
res ac dignitates est euectus: præfectus enim  
prætorij Theodosij iunioris fuit, multarūq;  
urbium præses, atq; à Consulibus inter pa-  
tritios annumeratus: ab Eudocia uerò ip-  
sius Cæsaris uxore amatus, quæ ut paulò an-  
tè uobis retuli, uersuum ac carminū studio-  
sa fuit, & à Græcis idcirco φιλοπῆς nuncupa-  
ta, ipsumq; Cyrum euexit. At cum ipsa à re-  
gibus descuiisset, uel potius religionis causa  
ad Orientis partes Hierosolymamq; diuer-  
tisset, Cyrus ipse insidias passus, mox in Co-  
tyaco Phrygiæ urbe pōtifex creatus, ad Leo-  
nis usque Cæsaris tempora uixit. Fuit &  
**Cælius Sedulius** poëta Christianus, quem **Cælius Se-**  
nonnulli Scotum fuisse existimant, **dulius.** Sco-  
rumq; præsulis aliquo tempore discipulum:  
moxq; diuersas orbis partes studi gratia  
adiisse, tum demum, autore Sigeberto, pon-  
tifex creatus. Floruit anno à uerbo corpo-

rato ccccxxx. Scripsit uerò uersu heroico opus, quod Mirabiliū aliqui uocant, ipse Paschale appellasse uisus est, quod Pontificum Romanorū decretis insigni laude commendatur. Citatur à Beda in poëtica, & in commentarijs à Placido Lactantio. Scripsit præterea ad Christum hymnum carmine dimetro iambico, cuius acrostichides totum continēt alphabetum: item elegiam, omnia quæ legunt. alij addunt & carmen ad Theodosium Imperatorem, cuius initium est,

*Romulidum ductor clari, &c.*

Citatur & à nonnullis carmen Sedulij, quo se ille Scotigenā uocat: quæ certè Aldum latuere, qui nullo alio argumēto ducitur quæ ætate floruerit, nisi quòd ad Macedoniū sacerdotem scribit, qui Hieronymi ætate floruerit. Scripsisse & alia pleraq; dicitur, quæ quoniā mihi uidere non contigit, non commemoro. Nonnihil & in Christiana poëtica Alcimum Auitum præstitisse uidemus, qui Viennensiū pontifex fuisse creditur: cuius perperam nonnulli Eusebium in Chronico meminisse uoluerūt, cū Eusebio ipse & Hieronymo posterior fuerit. Alcimus enim ipse in libro de uirginitate ad sororem, Prudentij mentionē facit, qui & ipse, ut ostendimus, posterior fuit. Carmen Alcinoi, quod id comprobamus, hoc est:

*Describens mentis uarias cum corpore pugnās*

*Prudenti*

*Alcimus  
Auitus.*

*Prudenti quondam cecinit Prudentius ore.*

At uerò Alcimus ille, de quo cum Delphidio Eusebius meminit, multū ante Prudentium fuit. Est & Delphidij mētio apud Hieronymum in epistola ad Edybiā, item in prologo quęstionum, & apud Sidonium: est & apud Ammianū Marcellinū lib. xVIII. quo loco pro Delphidio Celphidius perperam legit. Scripsit uerò Alcimus Auitus pleraque cum uersu, tum soluta oratione. Item poemata hæc ad manus meas peruenere: de origine mundi, de originis peccato, de Dei sententia, de diluuiō, de maris rubri transitu: item de uirginitate ad Fuscinā sororem, quam alicubi ipse Phrosynam uocasse uidetur: Graia, inquit, si uoce uocetur,

*Significat propriā sumpto de nomine mentem.*

Floruit hic Zenone & Anastasio imperantibus, anno circiter quingentesimo à Christi natiuitate. De Auito quidem in nostris annalibus, ubi diuorum memoria censetur, ita legitur: Viennæ beati Auiti episcopi & confessoris, cuius fide & industria admirabilisq; doctrina ab infestatione Arrianæ hæreseos Galliæ defensę sunt. Meminit præterea, quantum recorder, huius Alcimi Sidonius ad Lupum scribens libro octauo epistolarum: meminit & Fortunatus. Eodem Anastasio imperante Genasius Romanū pontificatum gerebat, Africanus natione, uir docti i-

*Genasius.*

na & uite integritate insignis, qui in re Christiana & ipse uersus inter alia scripsit, in primis hymnos, quorum adhuc aliquos in caerimonijs & sacris ritibus habemus. Cætera quæ ad uitam eius multa leguntur, in actis Pontificum Romanorum leguntur. Inter

*Isaacus.* poëtas Christianos aliqui Isaacum reponunt, qui magnæ urbis Antiochiæ sacerdos fuit, à quo ipsius urbis direptio, elego uersu est deplorata, & meritò quidem: nam & hanc tertio insignem sub Imperio Romano fuisse Iosephus est autor, eamq; primam quoq; Petrus apostolatus sui sede honestarat. Scripsit & alia pleraque Syria lingua, Leone Cæsare & Maiorano regnantibus, ut Gennadius ait: etsi alij quidam sub iuniore Theodosio eum claruisse uolunt. Quo eodẽ Leonis tẽpore

*Prosper.* in Italia Prosper clauit, qui ex Hispania originem duxit, uel (ut rectius alij tradunt) ex Aquitania: qui cum chlamydati Romam miles uenisset, à Leone Pont. Max. benignè susceptus, & ad aliam militiam longè feliciorẽ trãslatus est, Leonisq; ipsius scriba fuisse creditur. quin Gennadius, epistolas Leonis, ait, aduersus Eutychẽ, quæ adhuc legunt, ab ipso Prospero dictatas esse, sunt qui credant. certè ab ipso Leone non multò post Regij Lepidi Pontifex est institutus, ubi cū doctrina, tum sanctitate floruit. Longior uobis uideri possim, si omnem eius uitam percurrere uelim, quam

quam non contēnendo stylo Flaminius pater complexus est: ut missam faciam quæ in ecclesia legitur, & quā breuiter Gennadius in suo de uiris illustribus attigit. Poëticam eius nunc ego tantum attingam, in qua (ut ea ferebant tempora) excelluit. Scripsit uerò de prouidentia Dei librum unum: *ὑπὲρ ἀχαριστῶν*, id est, de ingratis, alterum, heroico carmine. Scripsit & Epigrāmata ex D. Augustini sententijs, omnia quæ legūtur. Item libellum alterum elego uersu de diuersis causis: odas insuper & hymnos, quorū aliquos citat Beda. Hoc ipse, ad uxorem anacreontium, nō utiq; illepidum fertur, quod & colobon uocatur, quia mutilum est:

Agē, inquit, iam precor mearum  
Comes irremota rerum,  
Trepidam breuemq; uitam  
Domino Deo dicemus.  
Celeri uides rotatu  
Rapidus dies meare,  
Fragilisq; membra mundi  
Minui, perire, labi,  
Fugit omne quod tenemus,  
Neque fluxa habent recursum,  
Cupidas uagasq; mentes,  
Specie trahunt inani.  
Vbi nunc imago rerum?  
Vbi sunt opes potentum,  
Quibus occupare captas

*Animas fuit uoluntas? &c.*

Scripsit & Prosper alia pleraque soluta oratione, quorū magna pars extat, & ipse nonnulla legi. In diuorū quoq; numero suis meritis relatus est, & Regij Lepidi maximè cultus. Fuit & in hoc numero Petrus Edisse-

*Petrus Edissenus.*

nus sacerdos, qui psalmos carmine in morem Ephrem diaconi composuisse dicitur. Declamator insuper diuinæ legis fuit, multaq; eius generis scripta reliquit, ut est à Genadio proditum, & ab his qui diuorū Christianorum uitas literarū monumentis mandauerunt. Alterum Petrum per hæc tempora Gallum, ut puto, plerisq; in locis com-

*Petrus Gallus.*

mendat Apollinaris Sidonius, qui utraq; niteret faciēdia, sed eius (quod sciam) nihil hodie legitur. Fuit & eodem tempore Victorius Gallus, cuius carmina summo studio Apollinarem, post illius mortem desiderasse uidemus, ut ex eius epistola planè cognoscimus: quam quia breuis, nec illepida, ut uideatur, uobis recitabo.

*Victorius.*

Sidonius sacerdoti Iustino & suis s. d.  
Victorius patruus uester, uir ut egregius, sic undecunq; doctissimus, cum cætera potenter, tum potentissimè condidit uersus. Mihi quoq; semper à paruo cura fuit Musarum. nunc uos patruo uenitis hæredes, quàm iure tam merito. Illicet ego poëtæ proximus fio professione, uos semine: ergo iustissimū est, ut

est, ut defuncto quisq; nostrum succedat ut iungitur: ideoq; uos patrimonia tenete, date carmina. Valere.

Multa quoq; à Sophronio per hæc tempora scripta audimus, quæ sunt nostra hæc ætate parum nota, præterquam epigrammata quædam græca, nec ea quidem satis pia, nec religioni Christianæ consentanea. Fuit uero Sophronius Hierosolymæ antistes, hoc est, ut nunc dicimus, patriarcha. Hieronymus quidem alterum, ut reor, Sophronium laudat, qui de Serapidis dei Alexandrinorum euerfione, librum copiosè & doctè composuit: quam rem & Ruffinus in historia executus est. Celebrat quidem Hephæstion in enchiridio Sophronij uersus, præcipuè cum de anacreōtj agitur. ita enim ait: Est & quando hic uersus à choriambo incipit, & ionicum à minori habet, propter ultimam indifferentem, ut D. Sophronio & antiquioribus uidetur: ut hoc,

*Χριστιανῶν μανάρων ἐλθὲτε πᾶσι.* hoc est,  
Christianum pueri currite diuim.

Atque ita quidem ex tribus quadrisyllabis. At si ex bisyllabis, sex habet: in prima sede trochæum, in secunda iambum, in tertia pyrrhichiū, in quarta spondeum, in quinta rursus pyrrhichiū, in sexta trochæum uel spondeum, quia ultima indifferens est. Atque hæc tenus Hephæstionis uerba, Extat & huius

**Naonachius.**

an alterius, me fugit, Sophronij liber de uiris illustribus, à Hieronymo ex Latina in Græcam linguā cōuersus: uerū quoniam hæc parum ad institutum nostrum, ad alios transeo. Hac quoq; parte Naumachium poëtam fuisse meminisse uideor, cuius uersus græcos nonnullos apud Arsenium legimus de mulierum ornāmētis, quorum hoc est principium:

Κἀνὰ κακοὶ φέρουσι γυναῖκας ὕβρις μέλοι. hoc est,

*Verba bonos uitiant mulierum turpia mores.*

Erasmus quidē uir, ut scitis, eruditissimus, de Naumachio ita quodam suorum prouerbiorū loco: Extrat, inquit, Naumachij Christiani, ut suspicor, poëtæ carmen, quo primū hortatur ad uirginitatem, matrimoniū appellans secūdarium cursum. Tres idem eius uersus citat, quos ita ille latinè reddidit:

*Quod si te uulgaris amor uitæ tenet, addam,*

*Hoc quod uti didici, quo pacto cursus, ut aunt,*

*Hic alter tibi sit peragendus, mente sagaci.*

**Fulgentius.**  
**Sidonius Apol-**  
**linaris.**

Erant post hos duo, Fulgentius & Sidonius Apollinaris, quibus patria & domestica barbaries, nō eum præstare nitorem permisit, quo eorum fuerat eruditio. Eodem ferè tempore, uel non longè dirempto, floruerunt, & ambos in diuorum numero & catalogo relatos inuenio: quorum prioris, ipso anni exordio, hoc est, caleñ. Ianuarij, memoria recolitur: posterioris, hoc est, Sidonij, nono caleñ.



caleñ. Septembris. Fulgentius igitur Placides Teleptæ natus est, patre Fulgentio, matre Martiana, ex nobili senatorum Carthaginensiũ genere. Eum mater latinis & græcis literis apprimè erudiri curauit: adultus uerò causarum procurator est factus. Cæterum chronographi Fulgentiũ claruisse notant Anastasij secundi Romani Pont. tempore, quo Zenon, & mox Anastasius Cæsares imperarunt, anno Christianæ salutis cccc. circiter lxxx. usq; ad quingentesimum. Fulgentius ergo cum Teleptanus esset, Rhuspensium Pontifex electus est. Atqui, inquit Piso, hi aberrant igitur, qui non Teleptanum, sed Rhuspensem faciunt. Et maxime, inquam, id quod ex historijs manifestissime colligitur, ex quibus omnem eius uitam, & quæ, & quanta cõposuerit, cum uacauerit, facile legere poteritis: quæ enim in Grammaticorum cõmentarijs, & ecclesiasticis scriptoribus leguntur, minus uera esse liquidò perspicietis. Hic utiq; in exiliũ missus est in Sardinia, unà cum centũ alijs & uiginti episcopis Africæ, à Trasymundo Vuandalorum rege. Fulgētij uerò paucos libros uidi, in quibus de Christiana religione bene sentit: sed duriusculus in primis, & affectatior stylo est, adeò ut in scriptis suis spinas, & uerborum asperitates, si non aculeos potius, pro uerbis inseruisse uideatur: & in pri

*Sidonius Apollinaris.*

mis in Mythologico : nam alia quidem piè,  
& Christianè scripta, non tam horrida sunt.  
Hic & expositionem Vergilianā perscripsit  
secundum philosophos, phisicos, & mora-  
les. Jam de C. Sollio Sidonio Apollinari  
agamus, qui eo tempore quo Theodoricus  
apud Gothos regnavit, floruit : cuius regis  
& staturam, & corporis filum, sua quadam  
epistola nō illepidè descripsit : uiderat enim  
ante Theodoricum, Anthemij, Ricimeris, &  
Maiorani uirorum illustrium tempora, in  
quos & Sidonij ipsius extant carmina. eorū  
& meminit Paulus Diaconus, & Palmerius  
in Chronicis. Sed qui Gallorum regum hi-  
storias scribit, Childerici tempore Sidoniū  
uixisse tradit: Nec silentio (inquit in eius re-  
gis uita) prætereundus est Sidonius, qui sa-  
cerdos Aruernorū ex senatore factus, cum  
gravi fame Burgundi laborarent, quatuor  
egenorū millia suis opibus paut. Tum, Me-  
mini me, inquit Piso, legere Sidonium Cas-  
siodori ætate floruisse, in ijs, qui in eum adi-  
ti sunt cōmentarijs. Ita est, inquam: Cassio-  
dorus enim ab epistolis & à secretis Theodo-  
rici regis fuit : id quod cum ex alijs, tum in  
primis ex eius uariarum libris liquidò da-  
tur intelligi. Sed uidete quā parum uide-  
rit, qui eos confecit cōmentarios, cum in ijs  
scribitur, quòd Cassiodorus ab Hieronymo  
laudatur, cum planè contrariū sit: nam Cas-  
siodorus

fiódorus Hieronymum in suis scriptis celebrat, atq; in primis in Psalterij cōmentarijs, & uno plus etiam seculo post Hieronymū uixit. Sed nec illud in iisdem æquo est animo ferendum, Sidonium scilicet à Firmico laudatū: quando Firmicus Constantini Cæsaris temporibus uixerit, ut facilè ex ipsius lectione notum est: citaturq; ipse Firmicus à Sidonio in ea, quæ Pontio Leontio epistola scribitur: In fronte eius uillæ, quæ Burgus uocitata est. Nec illud sine risu in eisdem legi, Sidonium à Gennadio Saluianum appellari: quo quid absurdius? Fuit enim Saluianus is, cuius Gennadius meminit, Mafsiliensis sacerdos, qui & multa scripsit, & eorum adhuc quædam leguntur. Sed quid ego hæc colligo? sunt in ijs sexcenta huiusmodi. Quibus autē magistris sit usus Sidonius, ipse indicat: Eritium enim poëtam cōmemorat, cuius etiam Musas uenerabiles appellat. Nam quòd aliqui Flauium Nicetiū, celebrem per ea tempora grammaticū, Sidonij magistrū tradunt, à ueritate deuiant: hunc certè ipse Sidonius suum uocat sodalem, & ita laudat: Flauius, inquit, Nicetius uir ortu clarissimus, priuilegio spectabilis, merito illustris, & hominum patriæ nostræ prudentia peritiaq; iuxta maximus. & paulò post eiusdem celebrat habitā orationem. Fuit ergo Sidonius Aruernus patria ex Gallijs: patrem ha-

buit Apollinarem, qui præfectus prætorio Gallicanis, ut idem ipse Sidonius ait, tribunalibus præsedet: tametsi alij Gelliani filium putent. Quid uerò hæc cōsectamur? totam eius uitā ex ipsius lectione colligeris. Illud certè hoc loco non præteribo, statuiam illum Romæ meruisse in foro Traiani, duplicemq; coronā: id utrunq; ipse ostendit in sapphico ad Firminum, & eo epigrāmate quod est ad Priscum Valerianum, in quo sunt hi uersus:

*Vlpia quòd rutilat porticus ære meo,*

*Vel quòd adhuc populo simul & plaudente senatu,*

*Ad nostrum reboat concaua Roma sophos.*

Quæ autem Sidonij scripta extent, nec ego recensebo, nec uos ad ea legenda satis impellam: in utroq; enim dicēdi genere Gallicum nescio quid & barbarum redolere uidetur; tametsi carmine præstat magis: & nisi Græcæ linguæ inscitia, à recta plerunq; numerorum lege declinare fecisset, poterat inter mediocres poëtas annumerari: ut iure fuerit eorum temporū, quæ iam linguæ sordibus erant inquinatæ. Fuere per hæc eadē tempora & poëtæ alij, quorum quia ab ipso & ab alijs facta est mentio, tantum uobis nomina cōmemorabo: Quintianus, Paulinus, Ampelius, Leo, Petrus, Messala, Anthedius, Eritius, Lampridius, Consentius, Secundinus, alij, ne uos nudis nominibus fastidiam.

*Arator.* Post fuit Arator diaconus, ut nunc loquimur

mur, Cardinalis, qui hexametris uersibus Acta quæ Apostolorū, uel historiam uocamus Apostolicā, duobus uoluminibus conscripsit, & Vigilio pōtifici maximo obtulit, & prius Floriano Abbati, ut planē ex ipsius elegijs percipimus. Hoc certē traditur, cum primū Arator Vigilio Pontifici librum obtulit ad octauum idus Aprilis, in magna sacerdotum & ministrorū corona pontificem fuisse, partemq; libri ab Aratore recitatam: sed labente hora, liber à Pontifice Surgentio primicerio notariorum scholæ traditus, ut in scrinio collocaretur. Sed mox instātibus sedulò apud Pontificē plerisq; uiris doctis, publicē recitari præcepit in templo, quod in Exquilijis est ad sancti Petri uincula: quaterq; ab eodem Aratore recitatus proditur, incredibili audientium studio & attētionē. Vixit Arator anno à Christi natiuitate DLX sub Iustiniano Cæsare, quod & Paulus Diaconus cum in Romanis, tum Longobardicis historijs testatū reliquit. Idem & Palmerius in chronico, quorum mihi potior autoritas, quàm Aldi, qui XLIII supra quingentesimum, ex quo piam glossemate illum clauisse prodidit: nisi fortasse hoc scripsisse tempore, illo decessisse intelligamus. Videtur & magis in hoc decipi Platina, ut qui historiā scriptorum ecclesiasticorū complexus est.

Sed huius ætatis alios asseramus, quos

*Boëtius.* inter Boëtius Anitius Manlius Seuerinus; Romanus patritius & exconsul, qui à nostris plerisque in martyrum catalogo ascribitur. Hic cum Symmacho & ipso patritio, Boëthii ( ut plerique omnes tradunt ) socero, à Theodorico Gothorum rege primum Ticinum relegari, deinde necati sunt, quòd in libertatē populum Romanū dicerentur uelle uindicare. Fuit Boëtius ( ut scitis ) in omni disciplina egregiè doctus, quod uobis liquet ex eius monumentis constare potest: sed quod ad præsentem materiā attinet, in pangendis uersibus mira usus est facilitate. De illo plura colligere superuacaneum, quādo eius uolumina nota sunt omnibus. Eius certè ingenium ad eas artes, quæ supra literas sunt, mirū in modum celebratur ab eius occisore Theodorico rege, imò à Cassiodoro quadam ad ipsum Boëthium epistola, satis illa quidem longa, in qua inter cetera illa est non ignobilis suspiratio: O artis, inquit, inæstimabilis uirtus, quæ dum se dicit ludere, naturæ præualet secreta uulgare. Et paulò post: Et si fas est dicere, in quibusdā etiam nititur naturam uelle superare: hoc enim fecisse Dædalum uolare, hoc ferreum Cupidinem in Dianæ templo sine aliqua illigatione pendere: hoc hodie facit muta cātare, insensata uiuere, immobilia moueri. Et paulò etiam suprā idem dixerat: Tuq̃ artis ingenio  
metalla

metalla mugiunt, Diomedes in ære grauius buccinatur, æneus anguis insibilat, aues simulatæ, & quæ uocem propriâ nesciunt habere, dulcedinem cantilenæ probâtur emit-tere. parua, inquit, de illo referimus, cui cœlum imitari fas est. Atq; hæc quidem ille de Boëtio, & longè plura, quæ cum libuerit, potestas est uobis legēdi. Filios uerò duos Boëtius & ipsos cōsulares habuit, quos, ut idem ipse scribit, è domo prouehi sub frequentia patrū, sub plebis alacritate uidit, & cum eisdem in curia sellas curules insidentibus, ipse regiæ laudis orator ingenij sui gloriam facundiaq; meruit: in circo enim duorum medius consulum, circūfusæ multitudinis expectationē, triumphali largitione satiauit.

Celebratur & Boëtij uxor Helpis, à nostris, non probitate modo, sed & literarū disciplina, in primisq; poëtices. Extant certè hymni in Apostolos, non uulgari dicēdi stylo: Aurea luce. & Felix per omnes. quos eius esse à nostris constanter asseritur. Et quidem hodie legitur in eius ( ut fertur ) sepulchro carmen, quod eius seculi uidetur: sed quod mihi uidere contigit, non sine mendis est: hoc eius est principium,

*Helpis uxor  
Boëtij.*

*Helpis dicta fui, Siculæ regionis alumna,*

*Quam procul à patria coniugis egit amor,*

*Quo sine mœsta dies, nox anxia, flebilis hora.*

& quæ sequuntur. Hactenus de Boëtio.

**Faufus.** Fuit & per hæc eadem tempora Fauſtus Gallus homo doctiſſimus, & ut quidã tradunt Epifcopus, ad quem ſunt Apollinaria epiftole. Patria hic Vaſſates fuiſſe dicitur, uel (ut alij ſcribunt) Lugdunenſis: ſed ibi cer- tẽ diu uerſatus, id quod ex Apollinaris epi- ſtola, & Euodij, facile percipimus. Sunt qui hunc Pelagiano errore infectum dixerunt, ego nihil certi uobis aſſero. Damnatur qui- dem à Pelagio in Pontificalibus decretis, mox tamen dicitur recantaſſe à Fulgentio emonitus. Sed in hoc parum mihi tempora cõgruere uidentur, quare altius trutina ſus- pendenda. De Fauſto certẽ poëta hos uer- ſus legimus:

*In ueterum morem pangit noua carmina Fauſtus,*

*Et per membra ſuum diſſecat arte melos,*

*Doctus ad incudem uerba inſabricata referre,*

*Quosq; facit uerſus, terq; quaterq; probat.*

**Fauſtus Bene-  
dictinus.**

Fuerunt & alij Fauſti non ab his tempo- ribus ualde diſtantes, inter quos is qui diui Benedicti conſectaneus, & in Gallijs, & in cõnobio Caſſinenſi multa cum laude uerſa- tus eſt. Fuit & ſenator Fauſtus, qui ut Pau- lus Diaconus ſcribit, in Symmacho Pontifi- ce Romano deligendo multas fecit turbas. At hæc ab inſtituto aliena. Porro poëta fuit in tabulis Venantius Honorius Fortu- natus, qui & ipſe Chriſtianẽ permulta ſcrip- ſit, eo ſcilicet dicendi filo, quo ea tempora ferebant.

**Venantius Ho-  
norius Fortu-  
natus.**



ferebant. Italus hic fuit, & Rhauennæ institutus: uerùm cum oculorum lippitudine ac dolore laboraret, diuī Martini uirtute liberatus, libros quatuor carmine composuit, quibus Martini miracula cōplexus est. Dein in Gallias profectus, tandem Pictauiorū pontifex declaratus, multa eodē metro conscripsit: inter quæ Excidium Thuringorum regni, Hymnos, Hodæporicum uitæ suæ ad Iustinum iuniorem Imperatorem, & ad Sophiam Augustam: item de gubernando regno ad Sigibertū Gallorum regem. Carmina diuersa ad amicos. Citantur & alia huius præterea carmina nonnunquā à scriptoribus ecclesiæ, ut à Beda illud:

*Lilia, narcissus, uiolæ, rosa, nardus, amomum,*

*Oblestant animos gramina nulla meos.*

Floruit uerò sub Iustino iuniore, anno à Christi aduentu DLXX. & in diuorum numero cōnumeratus est. Fuit & Marcus ex monachis, diuī Benedicti discipulus, qui heroico carmine diuī præceptoris uitam elegantissimè condidit, ut scilicet illa ferebant tempora. Floruit Heraclio imperāte. Fuit & Ioannes Damascenus Magnus, theologus græcus, qui cognominatus est Mansur, quem Latinorū & barbarorū pleriq; Ioannem Mesue esse putauerunt, qui de facultate medica Arabicè perscripsit, quæ nunc quidam tanti faciunt. Nam tamen si Damasci re-

*Marcus monachus.*

*Ioannes Damascenus.*

gis filius à plerisq; traditur, nō idem tamen, nec eadem ætate: in quem errorem impegit Platina, qui & eum putauit Odoacris Gothorum regis ætate uixisse, cum potius per ea tēpora in precio fuerit, quibus summus Pontifex erat Gregorius III. & Imperator Leo Cæsar. Sunt quidem qui theologū Damascenū Theodosij senioris tempore uixisse tradant: quare ex doctioribus pleriq; Damascenos duos constituunt: à quorum sententia nec Picus pater tuus Ioan. Frācisus alienus esse uidetur, si modò rectè recordor quæ mihi olim ille dixit de miraculo Traiani Cæsaris. Sunt & qui eum Theodosij tertij tempore faciant, qui post Anastasium regnauit: inter quos ille est qui eius uitam copiosè descripsit, cuius piget fabulas hic uobis referre. Hic uerò tertius Theodosius annum plus minus regnauit, à Leone de Imperio deiectus: pōst in cœnobio sacerdos factus, priuata quiete contentus fuit. Extat certè apud Græcos ipsius Damasceni uita, ab Io. patriarcha Hierosolymitano conscripta: ex qua liquidò eum cognoscimus ipsius Leonis tempore uixisse, qui Christi & sanctorū imagines tollere fategit: à quo & miraculum illud narratur de manus ipsius abscissione: sed nō eo quo nostrī modo referunt. Sed nostrum nos potius sequamur institutum. Ioannes igitur Damascenus, de quo agimus,

uir

ait fuit (ut Suidas ait) præstantissimus, & eorum qui in disciplinis per ea tempora illustres fuerunt, nulli secundus. Scripsit hic non parum multa, cum in omni philosophia, tum etiam in re sacra Parallelos: & segmenta comparationes uel quodam delectu contexuit, quas nostri Sententias uocant. Eustathius quoque in commentariis in Dionysium Afrum, Susannæ ait drama à Damasceno compositum. Scripsit præterea regulas Canticorum, cum iambicis, tum prosa etiam oratione.

Cum eo unà floruit Cosmas Hierosolymitanus, qui à Græcis *ἁγιοπλότης* cognominatus est poëta: cuius & festum diem celebrant suauis quodam cantico decimaquarta Octobris: Episcopumque ipsum Maiuma fuisse tradunt, id est, *μαῖσμα*. Sed & *μαῖσμα* celebritas & urbs quæ fuerit, uide Suidam. celebritatis quoque mentio in Codice. Vir autem fuit Cosmas ingeniosissimus, totus quandam spirans concinnam musicam. Extant igitur musici canones Ioannis & Cosmæ tales, ut nec cōparationem iam cōperint, nec quoad uitam hominum fuerit (ut Græci scribunt) sint habituri: qui & hodie apud Græcos ipsos leguntur, non sine legentium admiratione. Sunt & eiusmodi Marci Hydruntini Episcopi, in magno die Domini, & Theophanis in Virginis matris salutatione. Cum his nunc uobis Græcos quos-

**Christodorus.** dam cōmemorabo, inter quos primus Christodorus Thebæus ex Aegypto. prius quidem hic ἱερογινὰ scripsit, quod opus ad aucupium pertinet: mox Christianæ religioni addictus, miracula quæ diui Christi martyres gessere Cosmas & Damianus ἀναργύροι: sic enim passim à Græcis scriptoribus nuncupantur, quòd sine mercede ægrotis opem ferant: id quod nostrorum temporum medici minus faciunt, quinimò non nisi prius mercede redempti ægris consulunt, uel eos inuisunt. Fuit & alter Christodorus ex Copto Aegypti, de quo alibi egimus. Fuit

**Ignatius.** & poëta Ignatius, uel (ut alij legunt) Egnarius, magnæ urbis Constantini diaconus & ædituus: sic enim hoc loco latine dixerim, quod græcè scribitur σκηνοφύλαξ, id est, uasorum custos. Fuit uerò Ignatius metropoli Nicæ urbis primùm grammaticus, qui diuorum Patriarcharū Tarasij & Nicephori uitas uersu edidit, & epistolas funebres & elegias. Iambos etiam in Thomam Ancarten, hoc est, tyrannū, qui in principem coniurauerat: ea uerò inscribuntur τὰ κατὰ Θουμᾶν. Scripsit & alia, inter quæ extat carmen anacreontium, quod non multò antè legi in peruetusto codice, cuius mihi copia facta est à Manardo nostro. Id uerò carmen in Anastasium Appionis patrem scriptum fuerat: & cum eodem erant Leontis Diaconi  
anacreon-

anacreontia tetrasticha, quæ in Halos Tauroromiotanæ ciuitatis condita erant, quorū tale fuit principium:

ἀπὸ τετρίγων λιγυρῶν ἀπ' ἀνδόνων τε μέσσης,

ἀγέδῃ μέλῳ συνάψας, λύρα μὲν ὄξως δονήσω.

Et in hoc poëtarum ordine fuit Georgius diaconus, magnæ (ut ait Suidas) ecclesiæ eiusq; archiui præpositus, hoc est, ut Græci dicunt, chartophylax, cognomento Pisides dictus. Hexahemeron iambico carmine tribus uersuum millibus conscripsit: & ad Heraclium regem, bellum Persarum. Scripsit item soluta oratione Abarica, & encomion in Anastasium, qui pro Christiana pietate occisus est. Theanus quoq; poëta fuit

Georgius diaconus.

Theanus.

Christianus, cuius grande uolumen legitur hexametro uersu compositum, de ijs quæ ad Christianam religionem maximè pertinent. Fuit etiam Aegidius Græcus, qui cum medicus & philosophus esset, ueram sinceramq; & medicinā & philosophiam sectatus, diui Benedicti sectam professus est, multaq; scripta posteritati reliquit. Vixit Tiberio secundo Cæsare imperante, anno septingentesimo. Atq; hætenus quantum ex hac tabulæ parte memoria complecti potui, de græcis latinisq; poëtis. Quæ ego cum dixissem, sic ingressus est Piso: Expectabamus, inquit, ego & Picus, ut nobis ex tabula Archithrenios, Anticlaudianos, Romu-

Aegidius.

los, huiusmodi alios cōplures narrares, hos quando nōnulli & legunt, & in testimoniū uocant potius quā bonos: ac tum sibi aliquid esse arbitrātur, cum plures eorum uersus in mediū attulerint. Verissimè, inquam ego, ais ô Piso: nihil enim hi ad linguæ nitorem castimoniamq̃, sed ad eruditionem & historiam nonnihil aliquādo faciunt. Quare tu Pice, tanquā scopulos hos effuge: candorem enim & linguæ castitatem inficiunt, magisq̃ nos inquinatè & barbarè loqui doceant: eorumq̃ ideo uobis nonnullos recensabo, ut caueatis potius quā sectemini. Atque in primis à Beda & Paulo Diacono, tum Alcuino & Rhabano incipiam, quòd

**Beda.** hi eodem tempore floruerunt. Beda quidem horū senior, ut qui magister & doctor Alcuini fuerit. Sed quæ & quanta Beda scripserit, haud uobis commemoro: satis est id uobis significare, eum non ἀμύσσιον fuisse, quippe qui & artem metricam scripserit, & librum hymnorum diuerso metro, & epigrammata uersu heroico. Scripsit etiam uitam diui Eudberti antistitis, quem alij Albertum uocant, hexametris uersibus. Multa quidem de eo afferuntur, quæ monachis mittenda sunt, qui & in eo usq̃ ad ineptias certant, cur Venerabilis uocetur. Fertur & eius uita conscripta cum alibi, tum in diuorum Catalogo. Floruit Beda circa annum

DCCXXXII. Fuit & Paulus Diaconus hi-  
 storicus & poëta, qui Varnefridus Lāgobar-  
 dus ab aliquibus nominatus est. Hic primū  
 Aquileiæ diaconus, mox ob egregios mores  
 & doctrinā, Desiderio Langobardorū regi  
 charissimus, & apud eū ab epistolis & secre-  
 tis fuit. Quare cū à Carolo Magno Deside-  
 rius uictus esset, captus Paulus in Gallias est  
 deductus, ubi & aliquādiu fuit: sed cū clām  
 fauere Desiderij rebus deprehēsus esset, in in-  
 sulas Diomedæas relegatus, ad Arachin Desi-  
 derij generū profugit, ubi ab Adelberga Ara-  
 chis uxore rogatus, duos Eutropij historiæ  
 libros adiecit: sed postea cū Arachis fato ces-  
 sisset, monachus Casinēsis effectus est. Mul-  
 ta perscripsit, inter quæ carmine diui patris  
 Benedicti uitam contexuit, & Hymnorum  
 librum uario ac diuerso metro. Soluta uerò  
 sermone longè plura, quæ connumerare pa-  
 rum nostræ conuenit descriptioni tabulæ.  
 Vixit Charolo Magno regnante, anno salu-  
 tis DCCCLXXX. Alcuinus uerò Charoli  
 Magni magister & amicus fuit, qui & ipse  
 nonnihil in poëtica promouit: at in cæteris  
 disciplinis abundè laudatur. Certè in Gallo-  
 rum annalibus, inter cætera, quòd autor fue-  
 rit ut Parisiensis schola erigeretur: quæ quo-  
 niam res non est indigna scitu, uobis eam ex  
 ijs referam. Delatos esse in Galliam ex Sco-  
 tia aiunt, Claudium, Ioannem, Rhabanum

Paulus Dia-  
 conus.

Alcuinus.

& Alcuinum, omnes olim Bedæ discipulos, qui se nequicquam aliud præter bonas artes & sapientiam è patria exportasse profiterentur, uenalemq; eam se habere. Res ad Charololum defertur, iussu eius uocantur. Iidem profitentur liberè, gratis etiam se edocturos, si modò eis locus & uita præstetur. Intellexit rex ingenuas eorum mentes animumq; esse, eos apud se retinuit: atq; ita (ut fertur) ex ijs Parisiense gymnasium initium sumpsit. Tum uerò non multò post Ioannes Tincinum missus: Claudius, cui nomen De mens, Parisijs manere iussus ad iuuenes bonis artibus instituendos. & hic quidem Claudius Britannus, & Alcuini collega fuit. Alio uerò Rhabanus Maurus, cognominatus Fuldenfis, sextus Moguntinorum Pontifex, à quo multa extant composita uolumina: inter quæ illud quod ab eo est tanto labore curaq; cōfectum, ut per carmina literas atq; imagines, ac uarias rerum figuras explicuerit: quo ego libro nihil laboriosius, ingeniosius etiam dixerim, si non ambitiosius fuisset, affirmauerim. Scribit Platina Rhabanum Gregorio quarto Pontifice Romano uixisse, cum omnium Sanctorum celebritas esset instituta: conditumq; ea de re à Rhabano sermonem, quem nunc etiam legimus. Huius Rhabani discipulus fuisse traditur Strabus, qui inter theologos eius temporis con-

**Rhabanus**  
**Maurus.**

nume



numeratur, & quidē insignes, ut qui interpretationem Bibliorū condiderit, quæ Ordinaria glossa passim nuncupatur. Hic ut magister, etiam poëta fuit, sed stylo faciliore, minusq; duro. Extat quod ego legerim opusculum eius, Hortulus inscriptus, carmine hexametro: quod si antiquis non collatum legatis, non usqueadeo asper nemini: numeris enim fluit canoris. In hac classe uersificator est Ioannes Nantuillensis Britannicus, Anglicus dictus, qui Archithrenium carmen suum, propter materiam nuncupauit. eius quidem carmina turgida & sonora, sed incōdita & barbara: nihil omnino ea non legisse uos pigeat. Est & Anticlaudianus, contra Claudiani Ruffinum liber, ab Alano compositus, qui ob multijugam, quam in eo admirabantur Germani, disciplinarum cognitionem, Vniuersalis doctor est cognominatus. Scripsit hic & de planctu naturæ: & eruditionem quidem præ se fert ubique, sed stylum habet inconditum, & inquinatè loquitur. Fuit hic Germanus ex Insulis, præfuitq; aliquandiu Lutetiæ, per tempora Adulphi, & mox Alberti Imperatorū, annum circiter mccc. Penè infinita conscripsit. In hoc genere reponendus & Hildephonsus Toletanorum Pontifex, qui & uitæ integritate & doctrina insignis fuit. monumenta reliquit multa, tum carmine,

*Ioan. Nantuillensis.*

*Alanus.*

*Hildephonsus.*

gè antiquiorem, cuius tum mihi elegiacum carmen mira facilitate conscriptum uisum fuit, nec ideo aspernabile penitus: quem poëta citatū etiam reperi in peruerere Britanica historia. Posset & inter hos poëtas reponi Romulus ille, qui ad Tybertinum filium librum scripsit, quem ab imitatione apologorum Aesopi illius Phrygis, fabulas Aesopi nuncupauit: non, ut aliqui rati sunt, transtulit. Mirum uobis dicam, quā anxie Parmenses quidam, nō Romulum huius libelli autorem asserant, sed suū quendam Salonem municipem, qui poëta dum Athenis studeret, è Græco fabulas has nostris moribus (ut aiunt) aprando, carmine composuerit. Sed certè hoc ipso uel Romulo uel Salone, me puero nullus liber æquè triuialibus magistris terebatur, post Alexādri ineptias.

*Romulus.*

Posset & cum his numerari is, qui libellum de gemmis & lapidibus composuit, qui à Vincentio & Alberto, alijsq; huiuscemodi autoribus Liliarij, uel Lapidarij, interdum etiam Euacis nomine citatur: cuius quidem uel autor uel confector existimatur Marbodæus Gallus. Sed utcunque, præter facilitatem nihil ille satis castum habet: nam elocutionem nec puram, nec syllabas præcipuè græcas probè satis enunciat: uiderint hi an rectè sentiam, qui libellum manibus terunt. Me uerò præterit, an hic idem sit Marbo-

*Marbodæus  
Gallus.*

dæus Gallus ille, qui præsul fuit Rhedenen-  
fis, quiq; Thebæorum uitam uno libro car-  
mine complexus est, aliaq; in Canticis Solo-  
monis. Vixit hic tempore Henrici tertij, an-  
no à natiuitate Christi millesimo quinquage-  
fimo. Fuit & Gallus Milo, qui Charo-  
li, Calui nuncupati, tempestate floruit: atq;  
ad eum ipsum, quæ de sobrietate carmina  
scripsit, misit. Condidit & sancti Amandij  
uitam, cuius cœnobij ipse antistes fuit, an-  
no à Christi natiuitate DCCCLXXX.

Gallus Milo.

Hugubaldus.

Quo etiam tempore Hugubaldus floruit,  
cuius inter cætera, poëma illud ab aliqui-  
bus legitur, quod de laude Caluorum inscri-  
bitur, ad Charolum ipsum Caluum, quod  
opus à cappacismo exorsus est:

*Carmina clarisonæ Calui cantate camœnæ.*

Gualtherius.

Extat & opus ingens Gualtherij, de Ale-  
xandri Magni uita: item eiusdem poëtica.

Guntherus

Germanus.

Extat & Lygurini de Henrico Aenobar-  
bo, hoc est, Barbarussa. Extat & Gun-  
theri Germani opus duodecim libris dige-  
stum, carmine heroico, quibus Federici Cæ-  
saris gesta continentur: quos si legere uaceret,  
interdum ad leuādos æstus, quosdam quasi  
Lucani poëtæ spiritus sub cælo Scythico spi-  
rare uideatis, tumentes scilicet & inflatos.  
Scripsit præterea hic uitam diui Cyriaci eo-  
dem penè carmine, circa annos Christi MC.

Theodoricus.

Quo eodem tempore Theodoricus Leo-  
diensis,

diensis, quorundam & ipse Diuorum uitas carmine complexus est. Nec multò longè ab his apud Saxonas, id quod mihi miraculo proximum uidetur, floruit Rhosoita monialis, ut nunc dicimus, Othone uidelicet primo & altero Cæsaribus & Imperatoribus, quæ non modò latinè, sed & græcè sciuit. Scripsit hæc Panegyricum de Othonum gestis: item comœdias sex, laudes Virginis matris elego uersu, quo etiam diui Dionysij uitam, & alia. Hanc eo tempore floruisse quidam prodiderunt, quo Ioanna Britanica simulato sexu uirili summum pontificatum iniisse dicta est. Fuit & Hildegardis Moguntina, non tam poëtica & doctrina uirgo celebranda, quàm pietate & religione: cœlesti enim afflatu ab ipsa usque pueritia prædita fuisse dicitur, adeò ut inde omnia didicisse quæ scripsit, in nonnullorum monumentis proditum sit. Eugenius quidem terrius Romanus Pontifex in concilio Treuerensi, in quo & diuus Bernardus aderat, cum publicè Hildegardis opuscula recitata fuissent, approbauit. Floruit anno à Christi natali MCLXXXVIII. Sed nunquid præteream Petrum de Riga Remensem: qui omne Testamentum uetus & nouum, quod ipse Auroram inscripsit, carmine complexus est. Nunquid & Guidum, uel Vidum, si minus latinæ linguæ regula

*Rhosoita monialis.*

*Hildegardis.*

*Petrus de Riga.*

*Guidus, uel Vidus.*

paritur, ut Guidum dicamus, indictum mit-  
tam? qui sacerdos cum esset, postea & præ-  
sul creatus est. Poëta hic fuit dictionis facil-  
limæ: scripsit enim ad Clementem quintum  
Pontificem maximum carmine, super uetus  
& nouum Testamentum, quam Bibliæ mar-  
garitam nuncupauit. Sunt & alij plerique  
huiusmodi scriptores, qui uersus eius gene-  
ris scripserunt, ut Theodulphus pontifex Au-  
relianensis, qui cum in suspicionem Ludo-  
uici regis uenisset, in uincula coniectus est:  
ubi cum aliquandiu fuisset, in die quem Pal-  
marum ex re appellamus, illac transeun-  
te Ludouico, carmen quod composuerat,  
concinuit:

*Gloria, laus & honor tibi sit rex Christe redemptor,  
& cætera. quo carmine delectatus rex, eum  
statim in integrum restituit. Scripsit hic idem  
hymnorum librum, aliaque nonnulla. Fuerunt  
uerò eius generis uersuum scriptores & alij  
plerique, ut Gamphredus, qui poëticam nouam  
condidit: ite Paphilus, cuius elegi de amore,  
me puero à plerisque legebatur. ut Sigebertus  
Gallus, qui multa carmine perscripsit, quæ  
enumerare haud uacat. Adhæsit hic Henri-  
co, contra Gregorium septimum Pontificem  
maximum. Fuit & Conradus Mogun-  
tinus, qui suis temporibus, hoc est, Charoli  
septimi, permulta cecinit. Fuit & Petrus  
monachus Germanus Rosenheimensis, qui*  
ad

*Theodulphus.*

*Gamphredus.*

*Pamphilus.*

*Sigebertus.*

*Conradus Mo-  
guntinus.*

*Petrus mo-  
nachus.*

ad Brandam sacre Romanæ ecclesiæ Cardinalem scripsit. Et carmina non parum multa, theologus insignis Ioannes Gerson, quæ *Ioan. Gerson.* in eius opusculis leguntur. Claruerunt duo hi, quo tempore Concilium Constantiense celebratum est, hoc est, MCCCXX. à natiuitate Christi anno. Fuerunt & poëtae, sed quo tempore, parum mihi compertum, Facetus, Floretus, Antigammaratus.

Sed nunquid uobis mittam Florentinum Danthem Aligerium, quod uernacula *Danthes Aligerius.* Hetruscorum lingua carmen suum condidit? neutiquam, eoq; minus, quod eum ex Ferrariensi nostra familia originem traxisse, testis eorum temporum interpres Benuenutus Imolensis. Scitis enim non minus eum poëtam à quibusdam existimatum, eo sermonis genere, quam uel Lucretium, uel quem alium eius generis. In eo quidem eruditionem, & multarum rerum cognitionem offendetis, & in primis eius theologiæ, quæ Parisiensibus attribuitur. In eo falsis & mordacitatis ad fastidium interdum usque. Certè in eo poëticam dispositionem maioremq; diligentiam plerosque desiderare uideo, eiusq; linguæ nitorem: quos Ioannes Stephanus eremita, & amicus charissimus, & municeps noster, qua est eruditione, & quo à teneris erga Danthem fuit studio, mirabiliter solitus est refellere, Sed nunc quæ ad

eius uitam pertinent, præteribo, uel quòd iam omnibus nota, uel quòd iam serum die imminet. Scripsit uerò præter cantica Comediæ & alia Danthes, inter quæ Sympotium, & Parisino (quod aiunt) stylo quædam. Fuere ex eadem familia & alij, in quibus unus Veronæ natus, Danthis & ipse nomine, qui (ut audiui) quintus ab illo est, & latina & uernacula lingua, non sine laude uersus scribit. • Cæterum, ne quid uobis hodie prætermittam eorum quæ mihi in mentem ueniunt poëtices, uidi qui latinum Danthem fecerat carmine hexametro, ex Oliuetanis uidelicet sodalibus Pistoriensem quendam eorum temporum: quem librum (pro summe optime Deus, quanta custodia asseruatum in Oliuetano cornubio) ipsi non sine ambitione mihi, tanquam rem sacram aliquam ostenderant.

Sed iam plus satis de hoc poëtarum genere: nam qui per nostra tempora, uel paulò suprà scripsere, in his tabulis nō fuerant: proprius tamen his locus quidam, nudus omni imagine, relictus esse uidebatur. Verum quoniam iam diei serum instat, & ego non nihil fessus, eoq; magis hac poëtarum turba, nedum face, ad Scenicos crastinum conferemus.

Cumq; hæc dixissemus, abiuius.



LILII GREGORII CYRALDI DIA-  
LOGI QVINTI DE POE-  
TARVM HISTORIA  
FINIS.







